

士
不
唱
所
形

周
豐
彙
丙
主

嘉
慶
必
寅

嘉慶戊寅

周禮鄭氏注

士礼居刊行

周禮卷第一

天官冢宰第一

周禮

鄭氏注



惟王建國

建立也周公居攝而作六典之職謂之周禮營邑於土中七年致政

成王

以此禮授之使居雒邑治天下司徒職

曰

日至之景尺有五寸謂之地中天地之所

合也

四時之所交也風雨之所會也陰陽

之所

和也然則百物阜安乃建王國焉辨

方正位

辨別也鄭司農云別四方正君臣之位君南面臣北面之屬玄謂考工匠

人建

國水地以縣置槷以縣視以景爲規識

日出

之景與日入之景晝參諸日中之景夜

考之

極星以正朝夕是別四方召誥曰越三

日戊

申大保朝至于雒卜宅厥既得卜則經

營越三日庚戌大保乃以庶殷攻位於雒體
汭越五田甲寅位成正位謂此定宮廟

國經野

體猶分也經謂爲之里數鄭司農云營國方九里國中九經九緯左祖右

社面朝後市野則九夫爲井四井爲邑之屬是也

設官分職

鄭司農云置豕

宰司徒宗伯司馬司寇司空各有所職而百事舉

以爲民極

極中也令天下

之人各得其中不失其所

乃立天官冢宰使帥其屬而掌

邦治以佐王均邦國

掌主也邦治王所以治邦國也佐猶助也鄭司

農云邦治謂揔六官之職也故大宰職曰掌建邦之六典以佐王治邦國六官皆揔屬於冢宰故論語曰君薨百官揔己以聽於冢宰言冢宰於百官無所不主爾雅曰冢大也冢

宰大宰也

治官之屬大宰卿一人小宰中大夫二

人宰夫下大夫四人上士八人中士十有六

人旅下士三十有二人

變冢言大進退異名也百官揔焉則謂之

冢列職於王則稱大冢大之上也山頂曰冢旅衆也下士治衆事者自大宰至旅下士轉

相副貳皆王臣也王之卿六命其大夫四命士以三命而下爲差

府六人史

十有二人

府治藏史掌書者凡府史皆其官長所自辟除

胥十有二

人徒百有二十人

此民給徭役者若今衛士矣胥讀如謂謂其有才知

爲什長

宮正上士二人中士四人下士八人府二人

史四人胥四人徒四十人

正長也宮正主
宮中官之長

宮伯中士二人下士四人府一人史二人胥

二人徒二十人

伯長也

膳夫上士二人中士四人下士八人府二人

史四人胥十有二人徒百有二十人

膳之言
善也今

時美物曰珍膳膳夫食官之長也
鄭司農以詩說之曰仲允膳夫

庖人中士四人下士八人府二人史四人賈

八人胥四人徒四十人

庖之言苞也裹肉曰苞苴賈主市買知物

賈

內饗中士四人下士八人府二人史四人胥

十人徒百人

饗割烹煎和之稱內饗所主在內

外饗中士四人下士八人府二人史四人胥

十人徒百人

外饗所主在外

亨人下士四人府一人史二人胥五人徒五

十人

主爲外內饗煮肉者

甸師下士二人府一人史二人胥三十人徒

三百人

郊外曰甸師猶長也甸師主共野物官之長

獸人中士四人下士八人府二人史四人胥

四人徒四十人

廬人中士二人下士四人府二人史四人胥

三十人徒三百人

鼈人下士四人府二人史二人徒十有六人

腊人下士四人府二人史二人徒二十人之腊

言夕也

醫師上士二人下士四人府二人史二人徒

二十人

醫師衆醫之長

食醫中士二人

食有和齊藥之類

疾醫中士八人

瘍醫下士八人

瘍創癰也

獸醫下士四人

獸牛馬之屬

酒正中士四人下士八人府二人史八人胥

八人徒八十人

酒正酒官之長

酒人奄十人女酒三十人奚三百人

奄精氣閉藏者

今謂之宦人月令仲冬其器闕以奄女酒女奴曉酒者古者從坐男女没入縣官為奴其少才知以為奚今之侍史官婢或曰奚官女

漿人奄五人女漿十有五人奚百有五十人

女漿女奴

曉漿者

凌人下士二人府二人史二人胥八人徒八

十人

凌冰室也詩云二之日鑿冰沖沖三之日納于凌陰

籩人奄一人女籩十人奚二十人

竹曰籩女籩女奴之

者曉籩

醯人奄一人女醯二十人奚四十人

醯豆實也

之豆此主醯豆不盡于醯也女醯女奴曉醯者

醢人奄二人女醢二十人奚四十人

女醢女奴曉醢

者

鹽人奄二人女鹽二十人奚四十人

女鹽女奴曉鹽

者

幕人奄一人女幕十人奚二十人

以巾覆物曰幕女幕

女奴曉

幕者

宮人中士四人下士八人府二人史四人胥

八人徒八十人

掌舍下士四人府二人史四人徒四十人行舍

所解止之處

幕人下士一人府二人史二人徒四十人

幕帷

覆上者

掌次下士四人府四人史二人徒八十人自次

脩正之處

大府下大夫二人上士四人下士八人府四

人史八人賈十有六人胥八人徒八十人大府

爲王治藏之長
若今司農矣

玉府上士二人中士四人府二人史二人工

八人賈八人胥四人徒四十有八人工能攻
玉者

內府中士二人府一人史二人徒十人內府
主良

貨賄藏
在內者

外府中士二人府一人史二人徒十人
外府主泉

藏在
外者

司會中大夫二人下大夫四人上士八人中

士十有六人府四人史八人胥五人徒五十

人
會大計也司會主天下之大計計官之長若今尚書

司書上士二人中士四人府二人史四人徒

八人
司書主計會之簿書

職內上士二人中士四人府四人史四人徒

二十人

職內主入也若今之泉所入謂之少內

職歲上士四人中士八人府四人史八人徒

二十人

主歲計以歲斷

職幣上士二人中士四人府二人史四人賈

四人胥二人徒二十人

司裘中士二人下士四人府二人史四人徒

四十人

掌皮下士四人府二人史四人徒四十人

內宰下大夫二人上士四人中士八人府四

人史八人胥八人徒八十人

內宰宮中
官之長

內小臣奄上士四人史二人徒八人

奄稱士
者異其

賢

閹人王宮每門四人圍游亦如之

閹人司昏
晨以啓閉

者刑人墨者使守門
圍御苑也游離宮也

寺人王之正內五人

寺之言侍也詩云寺
人孟子正內路寢

內豎倍寺人之數

豎未冠者之官名

九嬪

嬪婦也昏義曰古者天子后立六宮三夫人九嬪二十七世婦八十一御妻以

聽天下之內治以明章婦順故天下內和而家理也不列夫人於此官者夫人之於后猶三公之於王坐而論婦禮無官職

世婦

不言數者君子不苟於色有婦德者充之無則闕

女御

昏義所謂御妻御猶進也侍也

女祝四人奚八人

女祝女奴曉祝事者

女史八人奚十有六人

女史女奴曉書者

典婦功中士二人下士四人府二人史四人

工四人賈四人徒二十人

典主也典婦功者主婦人絲枲功官

之長

典絲下士二人府二人史二人賈四人徒十

有二人

典枲下士二人府二人史二人徒二十人

內司服奄一人女御二人奚八人

內司服主宮中裁縫

官之長有女御者以衣服進或當於王廣其禮使無色過

縫人奄二人女御八人女工八十人奚三十

人

女工女奴
曉裁縫者

染人下士二人府二人史二人徒二十人

追師下士二人府一人史二人工二人徒四

人

追治玉
石之名

屨人下士二人府一人史一人工八人徒四

人

夏采下士四人史一人徒四人

夏采夏翟羽
色禹貢徐州

貢夏翟之羽有虞氏以爲綏後世或
無故染鳥羽象而用之謂之夏采

大宰之職掌建邦之六典以佐王治邦國一
曰治典以經邦國以治官府以紀萬民二曰
教典以安邦國以教官府以擾萬民三曰禮
典以和邦國以統百官以諧萬民四曰政典
以平邦國以正百官以均萬民五曰刑典以
詰邦國以刑百官以糾萬民六曰事典以富
邦國以任百官以生萬民

大曰邦小曰國邦
之所居亦曰國典

士禮居黃氏業齋

士豐舌黃刀世青齋

常也經也法也王謂之禮經常所秉以治天下也邦國官府謂之禮法常所守以爲法式也常者其上下通名擾猶馴也統猶合也詰猶禁也書曰度作詳刑以詰四方任猶俾也生猶養也鄭司農云治典冢宰之職故立其官曰使帥其屬而掌邦治以佐王均邦國教典司徒之職故立其官曰使帥其屬而掌邦教以佐王安擾邦國禮典宗伯之職故立其官曰使帥其屬而掌邦禮以佐王和邦國政典司馬之職故立其官曰使帥其屬而掌邦政以佐王平邦國刑典司寇之職故立其官曰使帥其屬而掌邦禁以佐王刑邦國此三時皆有官唯冬無官又無司空以三隅反之則事典司空之職也司空之篇亡小宰職曰六日冬官其屬以八灋治官府一曰官屬以六十掌邦事

舉邦治二曰官職以辨邦治三曰官聯以會

官治四曰官常以聽官治五曰官成以經邦

治六曰官灋以正邦治七曰官刑以糾邦治

八曰官計以弊邦治

百官所居曰府弊斷也鄭司農云官屬謂六官

其屬各六十若今博士大史大宰大祝大樂屬大常也小宰職曰以官府之六屬舉邦治

一曰天官其屬六十是也官職謂六官之職小宰職曰以官府之六職辨邦治一曰治職

二曰教職三曰禮職四曰政職五曰刑職六曰事職官聯謂國有大事一官不能獨共則

六官共舉之聯讀爲連古書連作聯聯謂連事通職相佐助也小宰職曰以官府之六聯

合邦治一曰祭祀之聯事二曰賓客之聯事
三曰喪荒之聯事四曰軍旅之聯事五曰田
役之聯事六曰斂弛之聯事官常謂各自領
其官之常職非連事通職所共也官成謂官
府之成事品式也小宰職曰以官府之八成
經邦治一曰聽政役以比居二曰聽師田以
簡稽三曰聽閭里以版圖四曰聽稱責以傳
別五曰聽祿位以禮命六曰聽取予以書契
七曰聽賣買以質劑八曰聽出入以要會官
法謂職所主之法度官職主祭祀朝覲會同
賓客者則皆自有其法度小宰職曰以法掌
祭祀朝覲會同賓客之戒具官刑謂司刑所
掌墨皐劓皐宮皐刖皐殺皐也官計謂三年
則大計羣吏之治而誅賞之玄謂官刑司寇
之職五刑其四曰官刑上能糾職官以八則
計謂小宰之六計所以斷羣吏之治以八則

治都鄙一曰祭祀以馭其神二曰灋則以馭
其官三曰廢置以馭其吏四曰祿位以馭其
士五曰賦貢以馭其用六曰禮俗以馭其民
七曰刑賞以馭其威八曰田役以馭其衆

之都

所居曰鄙則亦法也典法則所用異異其名
也都鄙公卿大夫之采邑王子弟所食邑周
召毛聃畢原之屬在畿內者祭祀其先君社
稷五祀法則其官之制度廢猶退也退其不
能者舉賢而置之祿若今月奉也位爵次也
賦口率出泉也貢功也九職之功所稅也禮
俗昏姻喪紀舊所行也
鄭司農云士謂學士以八柄詔王馭羣臣

一曰爵以馭其貴二曰祿以馭其富三曰子

以馭其幸四曰置以馭其行五曰生以馭其

福六曰奪以馭其貧七曰廢以馭其罪八曰

誅以馭其過

柄所秉執以起事者也詔告也助也爵謂公侯伯子男卿大夫

士也詩云誨爾序爵言教王以賢否之第次也班祿所以富臣下書曰凡厥正人既富方

穀幸謂言行偶合於善則有以賜予之以勸後也生猶養也賢臣之老者王有以養之成

王封伯禽於魯曰生以養周公死以爲周公後是也五福一曰壽奪謂臣有大罪沒入家

財者六極四曰貧廢猶放也舜殛鯀于羽山是也誅責讓也曲禮曰齒路馬有誅凡言馭

者所以歐之
內之於善
以八統詔王馭萬民
一曰親親

二曰敬故
三曰進賢
四曰使能
五曰保庸
六

曰尊貴
七曰達吏
八曰禮賓

統所以合率以等物也親親若

堯親九族也
敬故不慢舊也
晏平仲久而敬之
賢有善行也能多才藝者保庸安有功者

尊貴尊天下之貴者
孟子曰天下之達尊者
三曰爵也德也齒也祭義曰先王之所以治

天下者五貴有德貴貴
老敬長慈幼達吏
察舉勤勞之小吏也
禮賓賓客諸侯所以示

民親仁
善鄰
以九職任萬民
一曰三農生九穀二

曰園圃毓草木
三曰虞衡作山澤之材
四曰

數牧養蕃鳥獸五曰百工飭化八材六曰商
賈阜通貨賄七曰嬪婦化治絲枲八曰臣妾
聚斂疏材九曰閒民無常職轉移執事任猶傳也
鄭司農云三農平地山澤也九穀黍稷秬麻大小豆大小麥八材珠曰切象曰瑳玉曰琢石曰磨木曰刻金曰鏤革曰剝羽曰析閒民謂無事業者轉移爲人執事若今傭賃也
玄謂三農原隰及平地九穀無秣大麥而有梁苽樹果苽曰圃園其樊也虞衡掌山澤之官主山澤之民者澤無水曰藪牧牧田在遠郊皆畜牧之地行曰商處曰賈阜盛也金玉曰貨布帛曰賄嬪婦人之美稱也堯典曰釐降二女嬪于虞臣妾男女貧賤之稱晉惠公

卜懷公之生日將生一男一女男爲人臣女爲人妾生而名其男曰圉女曰妾及懷公質於秦妾爲宦女焉疏材百草以九賦斂財賄根實可食者疏不熟曰饟

一曰邦中之賦二曰四郊之賦三曰邦甸之

賦四曰家削之賦五曰邦縣之賦六曰邦都

之賦七曰關市之賦八曰山澤之賦九曰幣

餘之賦

財泉穀也鄭司農云邦中之賦二十而稅一各有差也幣餘百工之餘玄

謂賦口率出泉也今之筭泉民或謂之賦此其舊名與鄉大夫以歲時登其夫家之衆寡辨其可任者國中自七尺以及六十野自六尺以及六十有五皆征之遂師之職亦云以

徵其財征皆謂此賦也邦中在城郭者四郊去國百里邦甸二百里家削三百里邦縣四百里邦都五百里此平民也關市山澤謂占會百物幣餘謂占賣國中之斥幣皆末作當增賦者若今賈人倍筭矣自邦中以至幣餘各入其所有穀物以當賦泉之數每處爲一書所待異也以九式均節財用一曰祭祀之式二

曰賓客之式三曰喪荒之式四曰羞服之式

五曰工事之式六曰幣帛之式七曰芻秣之

式八曰匪頒之式九曰好用之式

式謂用財之節度荒

凶年也羞飲食之物也工作器物者幣帛所以贈勞賓客者芻秣養牛馬禾穀也鄭司農

云匪分也頒讀爲班布之班謂班賜也立以謂王所分賜羣臣也好用燕好所賜予

九貢致邦國之用一曰祀貢二曰嬪貢三曰

器貢四曰幣貢五曰材貢六曰貨貢七曰服

貢八曰旂貢九曰物貢

嬪故書作賓鄭司農云祀貢犧牲包茅之

屬賓貢皮帛之屬器貢宗廟之器幣貢繡帛材貢木材也貨貢珠貝自然之物也服貢祭服旂貢羽毛物貢九州之外各以其所貴爲摯肅慎氏貢楛矢之屬是也立謂嬪貢絲枲器貢銀鐵石磬丹漆也幣貢玉馬皮帛也材貢樵幹枯柏篠簜也貨貢金玉龜貝也服貢絺紵也旂讀如圉游之游游貢燕好以九兩珠璣琅玕也物貢雜物魚鹽橘柚

繫邦國之民一曰牧以地得民二曰長以貴
得民三曰師以賢得民四曰儒以道得民五
曰宗以族得民六曰主以利得民七曰吏以
治得民八曰友以任得民九曰藪以富得民
兩猶耦也所以協耦萬民繫連綴也牧州長
也九州各有封域以居民也長諸侯也一邦
之貴民所仰也師諸侯師氏有德行以教民
者儒諸侯保氏有六藝以教民者宗繼別爲
大宗收族者鄭司農云主謂公卿大夫世世
食采不絕民稅薄利之立謂利讀如上思利
民之利謂以政教利之吏小吏在鄉邑者友
謂同井相合耦耨作者孟子曰鄉田同井出

入相友守望相助疾病相扶則百姓親睦藪亦有虞掌其政令爲之厲禁使其地之民守其材物以時入于王府頒其
正月之吉始和
餘於萬民富謂藪中材物

布治于邦國都鄙乃縣治象之灋于象魏使

萬民觀治象挾日而斂之

正月周之正月吉謂朔日大宰以正

月朔日布王治之事於天下至正歲又書而縣於象魏振木鐸以徇之使萬民觀焉小宰亦帥其屬而往皆所以重治法新王事也凡治有故言始和者若改造云爾鄭司農云象魏闕也故魯災季桓子御公立于象魏之外命藏象魏曰舊章不可忘從甲至甲謂之挾日凡
乃施典于邦國而建其牧立其監設其

參傳其伍陳其殷置其輔

乃者更申勅之以侯伯有功德者加

命作州長謂之牧所謂八命作牧者監謂公侯伯子男各監一國書曰王啓監厥亂爲民

參謂卿三人伍謂大夫五人鄭司農云殷治律輔爲民之平也玄謂殷衆也謂衆士也王

制諸侯上士二十七人其中士下士各居其上之三分輔府史庶人在官者乃施

則于都鄙而建其長立其兩設其伍陳其殷

置其輔

長謂公卿大夫王子弟食采邑者兩謂兩卿不言三卿者不足于諸侯鄭

司農云兩謂兩丞

乃施灋于官府而建其正立其貳

設其攷陳其殷置其輔

正謂冢宰司徒宗伯司馬司寇司空也貳

謂小宰小司徒小宗伯小司馬小司寇小司空也考成也佐成事者謂宰夫鄉師肆師軍司馬士師也司凡治以典待邦國之治以則空亡未聞其考

待都鄙之治以灋待官府之治以官成待萬

民之治以禮待賓客之治成八成禮祀五帝

則掌百官之誓戒與其具脩祀五帝謂四郊及明堂誓戒要

之以刑重失禮也明堂位所謂各揚其職百官廢職服大刑是其辭之略也具所當共脩

埽除前期十日帥執事而十日遂戒前期前

日也十日容散齊七日致齊三日執事及執宗伯大十之屬既十又戒百官以始齊

事眡滌濯

執事初為祭事前祭日之夕及納滌濯謂漑祭器及甑甗之屬

及納

亨贊王牲事

納亨納牲將告殺謂鄉祭之晨既殺以授亨人凡大祭祀君親

牽牲大及祀之日贊玉幣爵之事

日旦明也玉幣所以

禮神玉與幣各如其方之色爵所以獻齊酒不用玉爵尚質也三者執以從王至而授之

祀大神示亦如之

大神祇謂天地

享先王亦如之贊

玉几玉爵

玉几所以依神天子左右玉几宗廟獻用玉爵

大朝覲會

同贊玉幣玉獻玉几玉爵

助王受此四者時見曰會殷見曰同

大會同或於春朝或於秋覲舉春秋則冬夏可知玉幣諸侯享幣也其合亦如小行人所

合六幣云玉獻獻國珍異亦執玉以致之玉
几王所依也立而設几優尊者玉爵王禮諸
侯之酢爵王朝諸侯立依
前南面其禮之於阼階上大喪贊贈玉含玉
助王爲之也贈玉既窆所以送先王含玉死
者口實天子以玉雜記日含者執璧將命曰
寡君使某含則諸侯含以
璧鄭司農云含玉璧琮
作大事則戒于百

官贊王命

助王爲教令春秋傳曰
國之大事在祀與戎

王眡治朝

則贊聽治

治朝在路門外羣臣治事
之朝王視之則助王平斷

眡四方

之聽朝亦如之

謂王巡守
在外時

凡邦之小治則冢

宰聽之待四方之賓客之小治

大事決於王
小事冢宰專

平歲終則令百官府各正其治受其會

正正處也

會大計也聽其致事而詔王廢置

平其事來至者之功狀而奏白

王

三歲則大計羣吏之治而誅賞之

事久則聽之大

無功不徒廢必罪之大有功不徒置必賞之鄭司農云三載考績

小宰之職掌建邦之宮刑以治王宮之政令

凡宮之糾禁

杜子春云宮皆當為官立謂宮刑在王宮中者之刑建明布告

之糾猶割也察也若今御史中丞

掌邦之六典八灋八則之

貳以逆邦國都鄙官府之治

逆迎受之鄭司農云貳副也

執邦之九貢九賦九式之貳以均財節邦用
以官府之六敘正羣吏一曰以敘正其位二
曰以敘進其治三曰以敘作其事四曰以敘
制其食五曰以敘受其會六曰以敘聽其情

敘秩次也謂先尊後卑也治功
狀也食祿之多少情爭訟之辭

以官府之六

屬舉邦治一曰天官其屬六十掌邦治大事
則從其長小事則專達二曰地官其屬六十
掌邦教大事則從其長小事則專達三曰春

官其屬六十掌邦禮大事則從其長小事則
專達四曰夏官其屬六十掌邦政大事則從
其長小事則專達五曰秋官其屬六十掌邦
刑大事則從其長小事則專達六曰冬官其
屬六十掌邦事大事則從其長小事則專達
大事從其長若庖人內外饗與膳夫共王之
食小事專達若宮人掌舍各爲一官六官之
屬三百六十象天地四時日月星辰之度數
天道備焉前此者成王作周官其志有述天
授位之義故周公以官府之六職辨邦治一
設官分職以法之

曰治職以平邦國以均萬民以節財用二曰
教職以安邦國以寧萬民以懷賓客三曰禮
職以和邦國以諧萬民以事鬼神四曰政職
以服邦國以正萬民以聚百物五曰刑職以
詰邦國以糾萬民以除盜賊六曰事職以富
邦國以養萬民以生百物懷亦安也賓客來
共其委積所以安
之聚百物者司馬主九畿
職方制其貢各以其所有以官府之六聯合
邦治一曰祭祀之聯事二曰賓客之聯事三

曰喪荒之聯事四曰軍旅之聯事五曰田役

之聯事六曰斂弛之聯事凡小事皆有聯鄭司

農云大祭祀大宰贊玉幣司徒奉牛牲宗伯視滌濯淝玉鬯省牲鑊奉玉盥司馬羞魚牲奉馬牲司寇奉明水火大喪大宰贊贈玉含玉司徒帥六鄉之衆庶屬其六引宗伯爲上相司馬平士大夫司寇前王此所謂官連杜子春弛讀爲施玄謂荒政弛力役及國中貴者賢者服公事者老者疾者皆舍不以官府以力役之事奉牲者其司空奉豕與

之八成經邦治一曰聽政役以比居二曰聽

師田以簡稽三曰聽閭里以版圖四曰聽稱

責以傳別五曰聽祿位以禮命六曰聽取予

以書契七曰聽賣買以質劑八曰聽出入以

要會

鄭司農云政謂軍政也役謂發兵起徒役也比居謂伍籍也比地爲伍因內政

寄軍令以伍籍發軍起役者平而無遺脫也簡稽士卒兵器簿書簡猶閱也稽猶計也合也合計其士之卒伍閱其兵器爲之要簿也故遂人職曰稽其人民簡其兵器國語曰黃池之會吳陳其兵皆官師擁鐸拱稽版戶籍圖地圖也聽人訟地者以版圖決之司書職曰邦中之版土地之圖稱責謂貸予傳別謂券書也聽訟責者以券書決之傳傳著約束於文書別別爲兩兩家各得一也禮命謂九賜也書契符書也質劑謂市中平賈今時月

平是也要會諸計最之簿書月計曰要歲計
曰會故宰夫職曰歲終則令羣吏正歲會月
終則令正月要傳別故書作傳辨鄭大夫讀
爲符別杜子春讀爲傳別玄謂政謂賦也凡
其字或作政或作正或作征以多言之宜從
征如孟子交征利云傳別謂爲大手書於一
札中字別之書契謂出予受入之凡要凡簿
書之最目獄訟之要辭皆曰契春秋傳曰王
叔氏不能舉其契質劑謂兩書一札同而別
之長曰質短曰劑傳別質劑皆今之券書也
事異其名耳禮命以聽官府之六計弊羣
禮之九命之差等

吏之治一曰廉善二曰廉能三曰廉敬四曰

廉正五曰廉灋六曰廉辨

聽平治也平治官
府之計有六事弊

斷也既斷以六事又以廉為本善善其事有辭譽也能政令行也敬不解于位也正行無傾邪也法守法不失也辨辨然不以灋掌祭疑惑也杜子春云廉辨或為廉端

祀朝覲會同賓客之戒具軍旅田役喪荒亦

如之

法謂其禮法也戒具戒官有事者所當共

七事者令百官府

共其財用治其施舍聽其治訟

七事謂先四如之者三也

施舍不給役者七事故書為小事杜子春云當為七事書亦為七事

凡祭祀贊

玉幣爵之事裸將之事

又從大宰助王也將送也裸送送裸謂贊

王酌鬱鬯以獻尸謂之裸裸之言灌也明不為飲主以祭祀唯人道宗廟有裸天地大神

至尊不裸莫稱焉凡鬱鬯受祭之啐之奠之凡賓客贊裸凡受爵

之事凡受幣之事

唯裸助宗伯其餘皆助大宰王不酌賓客而有受酢

大宗伯職曰大賓客則攝而載裸

喪荒受其含禭幣玉之事

春秋傳曰口實曰含衣服曰禭凶荒有幣玉者賓客所賙委之禮

月終則以

官府之敘受羣吏之要

主每月贊冢宰受歲之小計

會歲終則令羣吏致事

使齋歲盡文書來至若今上計正歲

帥治官之屬而觀治象之灋徇以木鐸曰不

用灋者國有常刑

正歲謂夏之正月得四時之正以出教令者審也古

者將有新令必奮木鐸以警衆使明聽也乃
木鐸木舌也文事奮木鐸武事奮金鐸

退以宮刑憲禁于王宮

憲謂表縣之若令于
今新有法令云

百官府曰各脩乃職攷乃灋待乃事以聽王

命其有不共則國有大刑

乃猶女也

宰夫之職掌治朝之灋以正王及三公六卿

大夫羣吏之位掌其禁令

治朝在路門之外其位司士掌焉宰

夫察其不如儀

敘羣吏之治以待賓客之令諸臣之

復萬民之逆

恒次敘諸吏之職事三者之來則應使辨理之鄭司農云復請

也逆迎受王命者宰夫主諸臣萬民之復逆
故詩人重之曰家伯維宰玄謂復之言報也
及也反報於王謂於朝廷奏掌百官府之徵
事自下而上曰逆逆謂上書

令辨其八職一曰正掌官灋以治要二曰師
掌官成以治凡三曰司掌官灋以治目四曰
旅掌官常以治數五曰府掌官契以治藏六
曰史掌官書以贊治七曰胥掌官敘以治敘

八曰徒掌官令以徵令

別異諸官之八職以備王之徵召所爲正

辟於治官則冢宰也治要若歲計也師辟小
宰宰夫也治凡若月計也司辟上士中士治

目若今日計也旅辟下士也治數每事多少異也治藏藏文書及器物贊治若今起文書草也治敘次序官中如今侍曹伍伯傳吏朝也徵令趨走給招呼

掌治灋以

攷百官府羣都縣鄙之治乘其財用之出入

凡失財用物辟名者以官刑詔冢宰而誅之

其足用長財善物者賞之

羣都諸采邑也六遂五百家爲鄙五

鄙爲縣言縣鄙而六鄉州黨亦存焉乘猶計也財泉穀也用貨賄也物畜獸也辟名詐爲書以空作見文書與實不相應也官刑在司寇五刑第四者以式灋掌祭

祀之戒具與其薦羞從大宰而眡滌濯

薦脯醢也

羞庶羞
內羞

凡禮事贊小宰比官府之具

比校
次之凡

朝覲會同賓客以牢禮之灋掌其牢禮委積

膳獻飲食賓賜之飧牽與其陳數

牢禮之法
多少之差

及其時也三牲牛羊豕具為一牢委積謂牢

米薪芻給賓客道用也膳獻禽羞俶獻也飲

食燕饗也鄭司農云飧夕食也春秋傳曰飧

有陪鼎牽牲牢可牽而行者春秋傳曰餼牽

竭矣立謂飧客始至所致禮凡此禮陳數存

可見者唯有行人掌客及聘禮公食大夫

凡邦之弔事掌其戒令與其幣器財用凡所

共者

弔事弔諸侯諸臣幣所用賻也器所致
明器也凡喪始死弔而含殮葬而贈贈

其間加恩厚則有賻焉春秋譏武氏子來求賻大喪小喪掌小官之

戒令帥執事而治之大喪王后世子也小喪夫人以下小官士也其

大官則冢宰掌其戒令治謂共辨三公六卿之喪與職喪帥

官有司而治之凡諸大夫之喪使其旅帥有

司而治之旅冢宰下士歲終則令羣吏正歲會月

終則令正月要旬終則令正日成而以致其

治治不以時舉者以告而誅之歲終目周季冬正猶定也

旬十日也治不時舉者謂違時令失期會正歲則以灋警戒羣吏

令脩宮中之職事

警勅戒之言鄭司農云正歲之正月以法戒勅羣吏

書其能者與其良者而以告于上

良猶善也上謂小宰

大宰也鄭司農云若今時舉孝廉賢良方正茂才異等

宮正掌王宮之戒令糾禁

糾猶割也察也

以時比宮

中之官府次舍之衆寡

時四時比校次其人

中者若膳夫王府內宰內史之屬次諸吏直宿若今部署諸廬者舍其所居寺爲之

版以待

鄭司農云爲官府次舍之版圖也待待比也玄謂版其人之名籍待待戒

令及

夕擊柝而比之

夕莫也莫行夜以比直宿者爲其有解情離部

署鄭司農云析戒守者所擊也易曰重門擊柝以待暴客春秋傳曰魯擊柝聞於邾國

有故則令宿其比亦如之

鄭司農云故謂禍災令宿宿衛王宮

春秋傳曰忘守必危況有災乎玄謂故凡非常也文王世子曰公有出疆之政庶子以公

族之無事者守於公宮正室守大廟諸父守貴宮貴室諸子諸孫守下宮下室此謂諸侯

也王之庶子職掌國子之倅國有大事則帥國子而致於大子唯所用之者令宿之事蓋

亦存焉辨外內而時禁鄭司農云分別外人稽內人禁其非時出入稽

其功緒糾其德行

稽猶考也計也功緒其志業

幾其出

入均其稍食

鄭司農云幾其出入若今時宮中有罪禁止不得出入

及無引籍不得入宮司馬殿門也玄謂去其

幾荷其衣服持操及疏數者稍食祿稟

淫怠與其奇表之民民宮中吏之家人也淫放濫也怠解慢也奇邪

譎觚會其什伍而教之道藝五人為伍二伍為什會之者使

非常之輩作輩學相勸帥且寄宿衛之令鄭司農云道謂先王所以教道民者藝謂禮樂射御

書數月終則會其稍食歲終則會其行事行事吏職

也凡邦之大事令于王宮之官府次舍無去

守而聽政令使居其處待所為春秋以木鐸脩火禁

火星以春出以秋入因天時而以戒凡邦之事蹕宮中廟中則

執燭

鄭司農讀火絕之云禁凡國之事蹕國有事王當出則宮正主禁絕行者若今

時衛士

填街蹕也宮中廟中則執燭宮正主

為王於

宮中廟中則執燭玄謂事祭事也邦

之祭社

稷七祀於宮中祭先公先王於廟中

隸僕掌

蹕止行者宮正則執燭以為明春秋

傳曰有

大事於大廟大喪則授廬舍辨其親

又曰有

事於武宮

疏貴賤之居

廬倚廬也舍堊室也親者貴者居倚廬疏者賤者居堊室雜記

曰大夫居廬

士居堊室

宮伯掌王宮之士庶子凡在版者

鄭司農云庶子宿衛

之官版名籍也以版為之今時鄉戶籍謂之戶版玄謂王宮之士謂王宮中諸吏之適子

也庶子其掌其政令行其秩敘作其徒役之

事秩祿稟也敘才等也作徒役之事天子所用授八次八舍之職

事衛王宮者必居四角四中於徽候便也鄭司農云庶子衛王宮在內爲次在外爲舍

玄謂次其宿衛所在舍其休沐之處若邦有大事作宮衆則令

之謂王宮之士庶子於邦有大事或選當行月終則均秩歲終則

均敘以時頒其衣裘掌其誅賞頒讀爲班班布也衣裘若

今賦冬夏衣

膳夫掌王之食飲膳羞以養王及后世子飯食

也飲酒漿也膳牲肉也羞有凡王之饋食用滋味者凡養之具大略有四

六穀膳用六牲飲用六清羞用百有二十品

珍用八物醬用百有二十饔

進物於尊者曰饋此饋之盛者

王舉之饌也六牲馬牛羊豕犬雞也羞出於牲及禽獸以備滋味謂之庶羞公食大夫禮內則下大夫十六上大夫二十其物數備焉天子諸侯有其數而物未得盡聞珍謂淳熬淳母炮豚炮牂擣珍漬熬肝膋也醬謂醢醢也王舉則醢人共醢六十饔以五醢七醢七菹三醢實之醢人共醢菹醢物六十饔鄭司農云羞進也六穀稌黍稷粱麥苽苽彫胡也六清水漿王日一舉鼎十有二物皆有俎

醴醢醫醢

王日一舉鼎十有二物皆有俎

殺牲

盛饌曰舉王日一舉以朝食也后與王同庖
鼎十有二牢鼎九陪鼎三物謂牢鼎之實亦

九以樂侑食膳夫授祭品嘗食王乃食勸也

祭謂剗肺脊也禮飲食必祭示有卒食以樂

徹于造造作也鄭司農云造謂食之王齊日

三舉鄭司農云大喪則不舉大荒則不舉大

札則不舉天地有裁則不舉邦有大故則不

舉大荒凶年大札疫癘也天裁日月晦食地

刑殺也春秋傳日司王燕食則奉膳贊祭燕

寇行戮君為之不舉

王燕食則奉膳贊祭燕

謂日中與夕食奉膳奉凡王祭祀賓客食則

徹王之胾俎膳夫親徹胾俎胾俎最尊也其餘則其屬徹之賓客食而王有

胾俎王與賓客禮食主人飲凡王之稍事設

薦脯醢鄭司農云稍事謂非日中大舉時而

謂稍事有小王燕飲酒則為獻主鄭司農云主人當獻

賓則膳夫代王為主君不敵臣也燕義掌后

及世子之膳羞亦主其饌之凡肉脩之頒賜

皆掌之鄭司農云脩脯也凡祭祀之致福者受而膳

之致福謂諸臣祭祀進其餘肉歸胙于王鄭司農云膳夫受之以給王膳以摯

見者亦如之鄭司農云以羔鴈雉為歲終則摯見者亦受以給王膳歲終則

會唯王及后世子之膳不會不會計多少優尊者其頒賜諸

臣則計之

庖人掌共六畜六獸六禽辨其名物六畜六牲也始

養之曰畜將用之曰牲春秋傳曰卜曰牲鄭司農云六獸麋鹿熊麇野豕兔六禽鴈鶉

鷄雉鳩鵲玄謂獸人冬獻狼夏獻麋又內則無熊則六獸當有狼而熊不屬六禽於禽獸

及六摯宜為羔豚犢麇雉鴈凡鳥獸未孕曰禽司馬職曰大獸公之小禽私之凡其

死生魚鱉薨之物以共王之膳與其薦羞之物

及后世子之膳羞

凡計數之薦亦進也備品物曰薦致滋味乃為羞王

言薦者味以不褻為尊鄭司農云鮮謂生肉薨謂乾肉

共祭祀之好羞

謂四時所為膳食若荊州之鯪魚青州之蟹胥雖非常物進之孝也

共喪紀之

庶羞賓客之禽獻

喪紀喪事之祭謂虞祔也禽獻獻禽於賓客獻古文

為獸杜子春云當為獻

凡令禽獻以灋授之其出入亦

如之

令令獸人也禽獸不可久處賓客至將獻之庖人乃令獸人取之必書所當獻

之數與之及其來致禽亦以此書校數之至于獻賓客又以此書付使者展而行之掌客

乘禽於諸侯各如其命之數聘禮乘禽凡用於客日如其饗餼之數士中日則二雙

禽獻春行羔豚膳膏香夏行腍鱠膳膏臊秋

行犢麋膳膏腥冬行鱣羽膳膏羶用禽獻謂煎和之以

獻王鄭司農云膏香牛脂也以牛脂和之腍

乾雉鱣乾魚膏臊豕膏也以豕膏和之杜子

春云膏臊犬膏腥豕膏也鮮魚也羽鴈也

膏羶羊脂也立謂膏腥雞膏也羔豚物生而

肥犢與麋物成而充腍鱣嘆熱而乾魚鴈水

涸而性定此八物者得四時之氣尤盛為人

食之弗勝是以用休廢之脂膏煎和膳之牛

屬司徒土也雞屬宗伯木也犬屬司寇金也

羊屬司歲終則會唯王及后之膳禽不會

馬火也禽膳

四時所膳禽獻加世子可以會之

內饔掌王及后世子膳羞之割亨煎和之事

辨體名肉物辨百品味之物

割肆解肉也亨煮也煎和齊以

五味體名脊脅肩臂臠之屬肉物裁燔之屬百品味庶羞之屬言百舉成數

王舉

則陳其鼎俎以牲體實之

取於鑊以實鼎取於鼎以實俎實鼎

曰胥實俎曰載

選百羞醬物珍物以俟饋

先進食之時恒選擇

其中御者

共后及世子之膳羞

膳夫掌之是乃共之

辨腥臊

羶香之不可食者牛夜鳴則廋羊泠毛而毳

羶犬赤股而躁臊鳥醵色而沙鳴豕盲眊

而交睫腥馬黑脊而般臂螻

腥臊羶香可食者是別其不可

食者則所謂者皆臭味也冷毛毛長總結也醵失色不澤美也沙澌也交睫腥腥當為星

聲之誤也肉有如米者似星般臂臂毛有文

鄭司農云廋朽木臭也螻螻蛄臭也杜子春

云盲眊當

為望視

凡宗廟之祭祀掌割亨之事凡燕

飲食亦如之凡掌共羞脩刑膠胖骨鱠以待

共膳

掌共共當為具羞庶羞也脩鍛脯也胖如脯而腥者鄭司農云刑膠謂夾脊肉

或曰膠肉也骨鱠謂骨有肉者玄謂刑鉶羹也膠腠肉大臠所以祭者骨性體也鱠乾魚

凡王之好賜肉脩則饗人共之

好賜王所善而賜也

外饗掌外祭祀之割亨共其脯脩刑膠陳其

鼎俎實之牲體魚腊凡賓客之飧饗饗食之

事亦如之

飧客始至之禮饗既將幣之禮致禮於客莫盛於饗

邦饗者

老孤子則掌其割亨之事饗士庶子亦如之

孤子者死王事者之子也士庶子衛王宮者若今時之饗衛士矣王制曰周人養國老於

東膠養庶老於虞庠

師役則掌共其獻賜脯肉之事

獻謂

酌其長帥

凡小喪紀陳其鼎俎而實之

謂喪事之奠祭

亨人掌共鼎鑊以給水火之齊

鑊所以煮肉及魚腊之器

既孰乃胥于鼎齊多少之量

職外內饗之爨亨煮辨膳羞

之物

職主也爨今之竈主於其竈煮物

祭祀共大羹鉶羹賓

客亦如之

大羹肉清鄭司農云大羹不致五味也鉶羹加鹽菜矣

甸師掌帥其屬而耕耨王藉以時入之以共

盥盛

其屬府史胥徒也耨芸芋也王以孟春躬耕帝藉天子三推三公五推卿諸侯

九推庶人終於千畝庶人謂徒三百人藉之言借也王一耕之而使庶人芸芋終之盥盛

祭祀所用穀也粢稷也穀者稷為長是以名云在器曰盛祭祀共蕭茅鄭大

夫云蕭字或爲蒿蒿讀爲縮束茅立之祭前
沃酒其上酒滲下去若神飲之故謂之縮縮
浚也故齊桓公責楚不貢包茅王祭不共無
以縮酒杜子春讀爲蕭蕭香蒿也玄謂詩所
云取蕭祭脂郊特牲云蕭合黍稷臭陽達於
牆屋故旣薦然後炳蕭合馨香合馨香者是
蕭之謂也茅以共祭之苴亦以縮酒
苴以藉祭縮酒沛酒也醴齊縮酌共野果

苴之薦

甸在遠郊之外郊外日野
果桃李之屬苴瓜瓠之屬

喪事代王

受青裁

染盛者祭祀之主也今國遭大喪若
云此黍稷不馨使鬼神不逞于王旣

殯大祝作禱辭授甸人使以
禱藉田之神受青裁弭後殃

王之同姓有皐

則死刑焉

鄭司農云王同姓有罪當刑者斷
其獄於甸師之官也文王世子曰

公族有死罪則磬於甸人又曰公族無宮刑
獄成致刑于甸人又曰公族無宮刑不踐其
類也刑于隱者不帥其徒以薪蒸役外內饗

之事

役為給役也木大曰薪小曰蒸

獸人掌罟田獸辨其名物

罟罔也以罔搏所當田之獸

冬

獻狼夏獻麋春秋獻獸物

狼膏聚麋膏散聚則溫散則涼以救

時之苦也獸物凡獸皆可獻也及狐狸

時田則守罟

備獸觸攫及弊

田令禽注于虞中

弊什也什而田止鄭司農云弊田謂春火弊夏車弊

秋羅弊冬徒弊虞中謂虞人釐所田之野及弊田植虞旗於其中致禽而珥焉獸人主令

田衆得禽者置虞人所立虞旗之中當以給
四時社廟之祭故曰春獻禽以祭社夏獻禽
以享禴秋獻禽以祀祫冬獻禽以享烝又曰
大獸公之小禽私之公之謂輸之於虞中珥
焉者取左耳以致功若斬首
折馘故春秋傳曰以數軍實
凡祭祀喪紀賓

客共其死獸生獸

完共其

凡獸入于腊人

當乾

皮毛筋角入于王府

給作

凡田獸者掌其政

令

廌人掌以時廌爲梁

月令季冬命漁師爲梁
鄭司農云梁水偃也偃

水爲關空以筍承其
空詩曰敝筍在梁

春獻王鮪

王鮪鮪之大
者月令季春

薦鮪于辨魚物爲魚鱻薨以共王膳羞鮮生也薨乾也

凡祭祀賓客喪紀共其魚之魚鱻薨凡獻者掌

其政令凡獻征入于玉府鄭司農云漁征漁者之租稅漁人主

收之入于玉府

鼈人掌取互物鄭司農云互物謂有甲蒯胡龜鼈之屬以時簠

魚鼈龜蜃凡狸物蜃大蛤鄭司農云簠謂以叔刺泥中搏取之狸物龜

鼈之屬自狸藏伏於泥中者玄春獻鼈蜃秋

獻龜魚此其出在淺處可得祭祀共廬廬羸蝼

以授醢人

羸蟪蚩鄭司農云羸蛤也杜子春云羸蟪也蚩蚩子國語曰蟲舍蚩

蟪掌凡邦之籍事

腊人掌乾肉凡田獸之脯腊臠胖之事

大物解肆

乾之謂之乾肉若今涼州烏翅矣薄析曰凡脯捶之而施薑桂曰鍛脩腊小物全乾

凡

祭祀共豆脯薦脯臠胖凡腊物

脯非豆實豆當為羞聲之

誤也鄭司農云臠膾肉鄭大夫云胖讀為判杜子春讀胖為版又云臠胖皆謂夾脊肉又云禮家以胖為半體玄謂公食大夫禮曰庶羞皆有大司曰主人亦一魚加臠祭于其上內則曰麋鹿田豕麇皆有胖足相參正也大者裁之大臠臠者魚之反覆臠又詁曰大

二者同矣則是膾亦腍肉大臠胖宜爲脯而腥胖之言片也析肉意也禮固有腥臠燔雖其有爲孰之賓客喪紀共脯腊凡乾肉之事皆先制乃亨

周禮卷第一

經四千二百五十九字
注八千五百一十二字

周禮卷第二

天官冢宰下

周禮

鄭氏注

醫師掌醫之政令聚毒藥以共醫事

毒藥藥之辛苦

者藥之物恒多毒孟子曰藥不瞑眩厥疾無瘳

凡邦之有疾病者疔

瘍者造焉則使醫分而治之

疔頭瘍亦謂禿也身瘍曰瘍分

之者醫各有能

歲終則稽其醫事以制其食十全爲

上十失一次之十失二次之十失三次之十

失四爲下

食祿也全猶愈也以失四爲下者五則半矣或不治自愈

食醫掌和王之六食六飲六膳百羞百醬八

珍之齊

也和調也

凡食齊眡春時

飯宜溫

羹齊眡夏

時

羹宜熱

醬齊眡秋時

醬宜涼

飲齊眡冬時

飲宜寒

凡和春多酸夏多苦秋多辛冬多鹹調以滑

甘

各尚其時味而甘以成之猶水火金木之載於土內則曰棗栗飴蜜以甘之藟苴粉

榆婉槁滑

凡會膳食之宜牛宜稌羊宜黍豕

宜稷犬宜梁鴈宜麥魚宜苽

會成也謂其味相成鄭司農云

稌稷也爾雅曰稌稻苽彫胡也

凡君子之食恒放焉

放猶依也

疾醫掌養萬民之疾病四時皆有癘疾春時

有痛首疾夏時有痒疥疾秋時有瘧寒疾冬

時有嗽上氣疾

癘疾氣不和之疾痛酸削也首疾頭痛也嗽欬也上氣逆

喘也五行傳曰六癘作見

以五味五穀五藥養其病

養猶治也

病由氣勝負而生攻其羸養其不足者五味醯酒飴蜜薑鹽之屬五穀麻黍稷麥豆也五

藥草木蟲石穀也其治合之齊則存乎神農子儀之術云

以五氣五聲五

色眡其死生

三者劇易之徵見於外者五氣五藏所出氣也肺氣熱心氣次

之肝氣涼脾氣溫腎氣寒五聲言語宮商角徵羽也五色面貌青赤黃白黑也察其盈虛

休王吉凶可知審用
此者莫若扁鵲倉公
兩之以九竅之變參之

以九藏之動

兩參之者以觀其死生之驗竅之變謂開閉非常陽竅七陰竅

二藏之動謂脉至與不至正藏五又有胃旁
胱大腸小腸脉之大候要在陽明寸口能專
是者其唯秦和乎岐伯
榆柎則兼彼數術者
凡民之有疾病者分

而治之死終則各書其所以而入于醫師

者少

曰死老者曰終所以謂治之不愈之狀
也醫師得以制其祿且為後治之戒

瘍醫掌腫瘍潰瘍金瘍折瘍之祝藥刮殺之

齊

腫瘍癰而上生創者潰瘍癰而含膿血者
金瘍刃創也折瘍踣跌者祝當為注讀如

注病之注聲之誤也注謂附著藥凡療瘍以刮刮去膿血殺謂以藥食其惡肉

五毒攻之止病日療攻治也五毒五藥之有毒者今醫方有五毒之藥作之合

黃堊置石膽丹砂雄黃礬石慈石其中燒之三日三夜其煙上著以雞羽埽取之以注創

惡肉破骨以五氣養之以五藥療之以五味則盡出

節之既刮殺而攻盡其宿肉乃養之也五氣當為五穀字之誤也節節成其藥之力

凡藥以酸養骨以辛養筋以鹵養脉以苦養

氣以甘養肉以滑養竅以類相養也酸木味木根立地中似骨辛

金味金之纏合異物似筋鹹水味水之流行地中似脉苦火味火出入無形似氣甘土味

土含載四者似肉滑滑石也
凡諸滑物通利往來似竅

凡有瘍者受其

藥焉

獸醫掌療獸病療獸瘍

畜獸之疾病及瘍療同醫

凡療獸

病灌而行之以節之以動其氣觀其所發而

養之

療畜獸必灌行之者為其病狀難知灌以緩之且強其氣也節趨聚之節也氣

謂脉氣既行之乃以脉視之以知所病

凡療獸瘍灌而劑之以

發其惡然後藥之養之食之

亦先攻之而後養之凡獸

之有病者有瘍者使療之死則計其數以進

退之

酒正掌酒之政令以式灋授酒材

式法作酒之法式作

酒既有米麴之數又有功沽之巧月令曰乃命大酋秫稻必齊麴蘖必時湛餽必絜水泉必香陶器必良火齊必得鄭司農云授酒材授酒人以其材凡爲公酒者

亦如之

謂鄉射飲酒以公事作酒者亦辨五以式法及酒材授之使自釀之

齊之名一曰泛齊二曰醴齊三曰盎齊四曰

緹齊五曰沈齊

泛者成而滓浮泛泛然如今宜成醪矣醴猶體也成而汁

滓相將如今恬酒矣盎猶翁也成而翁翁然葱白色如今鬱白矣緹者成而紅赤如今下

酒矣沈者成而滓沈如今造清矣自醴以上
尤濁縮酌者盍以下差清其象類則然古之
法式未可盡聞杜子春讀齊皆為案又禮
器曰緹酒之用玄酒之尚玄謂齊者每有祭
祀以度量辨三酒之物一曰事酒二曰昔酒
節作之

三曰清酒

鄭司農云事酒有事而飲也昔酒無事而飲也清酒祭祀之酒玄謂

事酒酌有事者之酒其酒則今之醪酒也昔酒今之酉久白酒所謂舊醪者也清酒今中

山冬釀接夏而成

辨四飲之物一曰清二曰醫三曰

漿四曰醢

清謂醴之沛者醫內則所謂或以醢為醴凡醴濁釀醢為之則少清

矣醫之字從毆從酉省也漿今之載漿也醢今之粥內則有黍醢醢飲粥稀者之清也鄭

司農說以內則曰飲重醴稻醴清酒黍醴清酒梁醴清酒或以醴為醴漿水醴后致飲于賓客之禮有醫醴糟糟音聲與酒相似醫與醴亦相似文字不同記之者各異耳此皆一

物掌其厚薄之齊以共王之四飲三酒之饌

及后世子之飲與其酒后世子不言饌其饋食不必具設之五齊

正用醴為飲者取醴恬與酒味異也其餘四齊味皆似酒凡祭祀以灋共

五齊三酒以實八尊大祭三貳中祭再貳小

祭壹貳皆有酌數唯齊酒不貳皆有器量酌器

所用注尊中者數量之多少未聞鄭司農云三貳三益副之也大祭天地中祭宗廟小祭

五祀齊酒不貳爲尊者質不敢副益也杜子
春云齊酒不貳謂五齊以祭不益也其三酒
人所飲者益也弟子職曰周旋而貳唯嘽之
視玄謂大祭者王服大裘衮冕所祭也中祭
者王服鷩冕毳冕所祭也小祭者王服希冕
玄冕所祭也三貳再貳一貳者謂就三酒之
尊而益之也禮運曰玄酒在室醴醎在戶粢
醍在堂澄酒在下澄酒是三酒也益之者以
飲諸臣若今常滿尊也祭祀必用
五齊者至敬不尚味而貴多品
共賓客之

禮酒共后之致飲于賓客之禮醫酺糟皆使

其士奉之

禮酒王所致酒也王致酒后致飲
夫婦之義糟醫酺不沛者沛曰清

不沛曰糟后致飲無醴醫酺不清者與王同
體屈也亦因以少爲貴士謂酒人漿人奄士

凡王之燕飲酒共其計酒正奉之

共其計者獻酬多少

度當足也故書酒正無酒字鄭司農云正奉之酒正奉之也

凡饗士庶子

饗耆老孤子皆共其酒無酌數

要以醉為度

掌酒

之賜頒皆有灋以行之

法尊卑之差

凡有秩酒者

以書契授之

鄭司農云有秩酒者給事中予之酒秩常也常受酒者國語曰

至于今秩之玄謂所秩者謂老臣王制曰七十不俟朝八十月告存九十日有秩

酒

正之出日入其成月入其要小宰聽之

出謂授酒

材及用酒之多少也受用酒者日言其計於酒正酒正月盡言於小宰

歲終則

會唯王及后之飲酒不會以酒式誅賞

誅賞作酒

之善惡者

酒人掌爲五齊三酒祭祀則共奉之以役世

婦

世婦謂宮卿之官掌女宮之宿戒及祭祀比其具酒人共酒因留與其奚爲世婦役

亦官

共賓客之禮酒飲酒而奉之

酒正使之也禮酒饗

燕之酒飲酒食之酒此謂給賓客之稍王不親饗燕不親食而使人各以其爵以酬幣侑

幣致之則從而以酒往

凡事共酒而入于酒府

入于酒正之府

者是王燕飲之酒酒正當奉之

凡祭祀共酒以往

不言奉賓

客之陳酒亦如之

謂若歸饗餼之酒亦自有奉之者以酒從往

漿人掌共王之六飲水漿醴涼醫酏入于酒

府

王之六飲亦酒正當奉之醴醴清也鄭司農云涼以水和酒也玄謂涼今寒粥若糗

飯雜水也酒正不辨水涼者無厚薄之齊

共賓客之稍禮

稍禮非殮饗之

禮留間王稍所給賓客者漿人所給亦六飲而已

共夫人致飲于賓

客之禮清醴醫酏糟而奉之

亦酒正使之三物有清有糟夫

人不體王得備之禮飲醴用

凡飲共之

謂非食時

凌人掌冰正歲十有二月令斬冰三其凌

正歲

季冬火星中大寒冰方盛之時春秋傳曰火星中而寒暑退凌冰室也三之者為消釋度也故書正為政鄭司農云掌冰政主藏冰之政也杜子春讀掌冰為主冰也政當為正正謂夏正三其春始治鑑鑑如甄大口以盛冰凌三倍其冰春始治鑑鑑如甄大口以盛冰氣春而始治之為二月將獻羔而啓冰凡外內饗之膳羞鑑焉

凡酒漿之酒醴亦如之

酒醴見溫氣亦失味酒漿酒人漿人也

祭祀共冰鑑賓客共冰

不以鑑往嫌使停膳羞

大喪共

夷槃冰

夷之言尸也實冰於夷槃中置之尸牀之下所以寒尸尸之槃曰夷槃牀

曰夷牀衾曰夷衾移尸曰夷於堂皆依尸而為言者也漢禮器制度大槃廣八尺長丈二

尺深三尺漆赤中

夏頒冰掌事

暑氣盛王以冰頒賜則主為之春秋傳曰

古者日在北陸而藏冰西陸朝覲而出之

秋刷

刷清也鄭司農云刷除冰室當更內

新冰玄謂秋涼冰不用可以清除其室

籩人掌四籩之實

籩竹器如豆者其容實皆四升朝事之籩

其實粢黃白黑形鹽膾鮑魚鱠

黃臬實也鄭司農云朝事

謂清朝未食先進寒具口實之籩熬麥曰粢麻曰黃稻曰白黍曰黑稌鹽以為虎形謂之形鹽故春秋傳曰鹽虎形玄謂以司尊彝之職參之朝事謂祭宗廟薦血腥之事形鹽鹽之似虎者膾膾生魚為大鱠鮑者於稻室中糗乾之出於江淮也鱠者析乾之出東海王

者備物近者腥之遠者乾之因其宜也今河
間以北煮種麥賣之名曰逢燕人膾魚方寸
切其腴以饋食之邊其實棗栗桃乾榛榛實
啗所貴也

饋食薦孰也今吉禮存者特牲少牢諸侯之
大夫士祭禮也不裸不薦血腥而自薦孰始
是以皆云饋食之禮乾榛乾梅也有加籩之
桃諸梅諸是其乾者榛似栗而小

實菱芡栗脯菱芡栗脯
加籩謂尸既食后亞獻尸所加之籩重言

之者以四物為八籩菱芡也芡雞頭
也栗與饋食同鄭司農云菱芡脯脩羞籩之

實糗餌粉飧
羞籩謂若少牢主人酬尸宰夫羞房中之羞于尸侑主人主婦

皆右之者故書飧作茨鄭司農云糗熬大豆
與米也粉豆屑也茨字或作飧謂乾餌餅之

也立謂此二物皆粉稻米黍米所爲也合蒸
日餌餅之曰資糗者擣粉熬大豆爲餌資之

黏著以粉之耳餌言
糗資言粉互相足

凡祭祀共其簋薦羞之

實

共其薦籩羞籩

其内羞

醯人掌四豆之實朝事之豆其實非菹醢醢醢醢

昌本麋難肉菁菹鹿難肉茆菹鹿難肉

之四寸爲菹三𪔐肉亦醢也作醢及𪔐者必先膊乾其肉乃後莖之雜以粱麴及鹽漬以美

酒塗置甄中百日則成矣鄭司農云麋麇麋
肝髓醢或曰麋麇醬也有骨為麇無骨為醢
菁菹韭菹鄭大夫讀茆為茅茅菹茅初生或
曰茆水草杜子春讀茆為卯玄謂菁蔓菁也
茆鳧葵也凡菹醢皆以饋食之豆其實葵菹
氣味相成其狀未聞

羸醢脾析麤醢蜃蚶醢豚拍魚醢羸羸蜃蚶蜃
蜃蚶大蛤蚶蜃

子鄭司農云脾析牛百葉也麤蛤也鄭大夫
杜子春皆以拍為膊謂脅也或曰豚拍肩也

今河間名豚加豆之實芹菹兔醢深蒲醢醢
脅聲如鍛鑄

涪菹鴈醢筍菹魚醢芹楚葵也鄭司農云深
蒲蒲菹弱入水深故曰深

蒲或曰深蒲桑耳醢醢肉醬也涪水中魚衣
故書鴈或為鶉杜子春云當為鴈玄謂深蒲

蒲始生水
中子羞豆之實
酏食糝食
鄭司農云酏食

以酒酏為餅糝食菜餽蒸玄謂酏餐也內則日取稻米舉糝漉之小切狼臠膏以與稻米為餐又曰糝取牛羊豕之肉三如一小切之與稻米稻米二肉一合以為餌煎之凡

祭祀共薦羞之豆實賓客喪紀亦如之為王

及后世子共其內羞王舉則共醢六十甕以

五齊七醢七菹三醢實之
齊當為壘五壘昌本脾析蜃豚拍深

蒲也七醢醢羸蠃蚘魚兔鴈醢七菹韭菁茆葵芹菹筍菹三醢麋鹿麋醢也凡醢醬所和細切為壘全物若腍為菹少儀曰麋鹿為菹野豕為軒皆腍而不切麋為辟雞兔為宛脾

皆腠而切之切葱若薤實之醯以柔之由此言之則齏菹菹之稱菜肉通

賓客之

禮共醯五十蠶

致饗餼時

凡事共醯

醯人掌共五齊七菹凡醯物以共祭祀之齊

菹凡醯醬之物賓客亦如之

齊菹醬屬醯人者皆須醯成味

王舉則共齊菹醯物六十蠶共后及世子之

醬齊菹賓客之禮共醯五十蠶凡事共醯

鹽人掌鹽之政令以共百事之鹽

政令謂受入教所處

置求者祭祀共其苦鹽散鹽

杜子春讀苦為鹽謂出鹽直用

不凍治鄭司農云散鹽凍治者立謂散鹽鬻水為鹽賓客共其形鹽散

鹽形鹽鹽之似虎形王之膳羞共飴鹽后及世子亦

如之飴鹽鹽之恬者今戎鹽有焉凡齊事鬻鹽以待戒令

齊事和五味之事鬻鹽凍治之

幕人掌共巾幕共巾可祭祀以疏布巾幕八

尊以疏布者天地之神尚質以畫布巾幕六彝宗廟可以文畫者畫

其雲凡王巾皆黼四飲三酒皆畫黼周尚武其用文德則黻可

宮人掌王之六寢之脩六寢者路寢一小寢五玉藻曰朝辨色始

入君日出而視朝退適路寢聽政使人視大
夫大夫退然後適小寢釋服是路寢以治事
小寢以時燕息焉春秋書魯莊公薨于路為
寢僖公薨于小寢是則人君非一寢明矣為
其井匱除其不蠲去其惡臭

井漏井所以受
水潦蠲猶絜也

詩云吉蠲為饔鄭司農云匱路廁也玄
謂匱豬謂雷留下之池受畜水而流之者共王

之沐浴

沐浴所以
自絜清

凡寢中之事埽除執燭共

鑪炭凡勞事

勞事勞
褻之事

四方之舍事亦如之

從王

適四方及
會同所舍

掌舍掌王之會同之舍設桎梏再重

故書桎
為梏鄭

司農云桎榱也柜受居溜水凍橐者也杜

子春讀爲桎榱榱謂行馬立謂行馬再重

者以周衛設車宮轅門謂王行止宿阻險之

有外內列藩則仰車以爲壇壝宮棘門謂王行止宿平

其轅表門土起壘埒以爲宮鄭司農云棘門以爲帷宮

戟爲門杜子春云棘門或爲材門爲帷宮

設旌門謂王行晝止有所展肆若食無宮則

息張帷爲宮則樹旌以表門共人門凡舍

謂王行有所逢遇若住遊觀陳

事則掌之

王行所舍止

幕人掌帷幕幄帟綬之事

王出宮則有是事在旁曰帷在上曰

幕幕或在地展陳于上帷幕皆以布爲之四合象宮室曰幄王所居之帳也鄭司農云帟平帳也綬組綬所以繫帷也玄謂帟王在幕若幄中坐上承塵幄帟皆以繒爲之凡四物者以綬連繫焉凡朝覲會同軍旅田役祭祀共其帷

幕幄帟綬

共之者掌次當以張

大喪共帷幕帟綬

爲賓客飾

也帷以帷堂或與幕張之於庭帟在樞上

三公及卿大夫之喪共

其帟

唯士無帟王有惠則賜之檀弓曰君於士有賜帟

掌次掌王次之灋以待張事

法大小丈尺

王大旅

上帝則張氎案設皇邸

大旅上帝祭天於圓丘國有故而祭亦曰

旅此以旅見祀也張氈案以氈為牀於幄中
鄭司農云皇羽覆上邸後板也玄謂後板屏
風與染羽象鳳朝日祀五帝則張大次小次
皇羽色以為之

設重帟重案合諸侯亦如之

朝日春分拜日於東門之外祀

五帝於四郊次謂幄也大幄

初往所止居也

小幄既接祭退俟之處祭義曰周人祭日以

朝及闇雖有強力孰能支之是以退俟與諸

臣代有事焉合諸侯於壇王亦以時休息重

帟複帟重案牀重席也鄭

師田則張幕設重

司農云五帝五色之帝

帟重案

不張幄者於是臨誓

諸侯朝覲會同

則張大次小次

大次亦初往所止居師田則小次即宮待事之處

張幕設案

鄭司農云師田謂諸侯相與師田
玄謂此掌次張之諸侯從王而師

田者孤卿有邦事則張幕設案

有邦事謂以事
從王若以王命

出也孤王之孤三人副三公論道者不言公
公如諸侯禮從王祭祀合諸侯張大次小次

師田亦張幕設案

凡喪王則張帟三重諸侯再重孤

卿大夫不重

張帟樞
上承塵

凡祭祀張其旅幕張尸

次旅衆也公卿以下即位所祭祀之門外以
待事爲之張大幕尸則有幄鄭司農云尸

次祭祀之尸射則張耦次

耦俱升射者次在
洗東大射日遂命

三耦取弓
矢于次

掌凡邦之張事

大府掌九貢九賦九功之貳以受其貨賄之
入頒其貨于受藏之府頒其賄于受用之府
九功謂九職也受藏之府若內府也受用之
府若職內也凡貨賄皆藏以給用耳良者以
給王之用其餘以給國之用或言受
藏或言受用又雜言貨賄皆互文凡官府

都鄙之吏及執事者受財用焉凡頒財以式
灋授之關市之賦以待王之膳服邦中之賦
以待賓客四郊之賦以待稍秣家削之賦以
待匪頒邦甸之賦以待工事邦縣之賦以待

幣帛邦都之賦以待祭祀山澤之賦以待喪

紀幣餘之賦以待賜予

待猶給也此九賦之財給九式者膳服即

羞服也稍秣即芻秣也謂之稍稍用之物也喪紀即喪荒也賜予即好用也鄭司農云幣

餘使者有餘來還也玄凡邦國之貢以待帛

謂幣餘占賣國之斥幣用此九貢之財所給也給

凡萬民之貢以充

府庫

此九職之財充猶足

凡式貢之餘財以共玩好之

用

謂先給九式及帛用足府庫而有餘財乃可以共玩好明玩好非治國之用言式言

貢互

凡邦之賦用取具焉

賦用

歲終則以貨

賄之入出會之

王府掌王之金玉玩好兵器凡良貨賄之藏

良善也此物皆式貢之餘財所作其不良又有受而藏之者

共王之服玉

佩玉珠玉

佩玉者王之所帶者玉藻曰君子於玉比德焉天子佩白玉而玄組

綬詩傳曰佩玉上有葱衡下有雙璜衝牙蠙珠以納其間鄭司農云服玉冠飾十二玉

王齊則共食玉

玉是陽精之純者食之以禦水氣鄭司農云王齊當食玉

屑

大喪共含玉復衣裳角枕角

尸鄭司農

云復招魂也衣裳生時服招魂復魄于大廟至四郊角柩角七也以楔齒士喪禮曰楔齒

用角栖楔齒者令可飯含玄謂復于四郊以綏掌王之燕衣服衽席

牀第凡褻器

燕衣服者巾絮寢衣袍襍之屬皆良貨賄所成第簣也鄭司農

云衽席單席也褻器清器虎子之屬

若合諸侯則共珠槃玉敦

敦槃類珠玉以為飾古者以槃盛血以敦盛食合諸侯者必割牛耳取其血歃之以盟珠

槃以盛牛耳尸盟者執之故書珠為夷鄭司農云夷槃或為珠槃玉敦歃血玉器凡

王之獻金玉兵器文織良貨賄之物受而藏

之

謂百工為王所作可以獻遺諸侯古者致物於人尊之則曰獻通行曰饋春秋曰齊

侯來獻戎捷尊魯也文織畫及繡錦

凡王之好賜共其貨賄

內府掌受九貢九賦九功之貨賄良兵良器

以待邦之大用

大用朝覲之班賜

凡四方之幣獻之

金玉齒革兵器凡良貨賄入焉

諸侯朝聘所獻國珍

凡

適四方使者共其所受之物而奉之

王所以遺諸侯

者

凡王及冢宰之好賜予則共之

冢宰待四方賓客之

小治或有所善亦賜予之

外府掌邦布之入出以共百物而待邦之用

凡有灋者

布泉也布讀爲宣布之布其藏曰泉其行曰布取名於水泉其流行

無不徧入出謂受之復出之共百物者或作之或買之待猶給也有法百官之公用也泉始蓋一品周景王鑄大泉而有二品後數變易不復識本制至漢唯有五銖久行王莽改貨而異作泉布多至十品今存於民間多者有貨布大泉貨泉貨布長二寸五分廣一寸首長八分有奇廣八分其圜好徑二分半足枝長八分其右文曰貨左文曰布重二十五銖直貨泉二十五大泉徑一寸二分重十二銖文曰大泉直十五貨泉貨泉徑一寸重五銖右文曰貨左文曰泉直一也

共王及后世子之衣服之用凡

祭祀賓客喪紀會同軍旅共其財用之幣齋

賜予之財用

齋行道之財用也聘禮曰問幾月之齋鄭司農云齋或爲資今

禮家定齎作資玄謂齎資同耳其字以齊次爲聲從貝變易古字亦多或凡邦之

小用皆受焉皆來受歲終則會唯王及后之服

不會

司會掌邦之六典八灋八則之貳以逆邦國

都鄙官府之治逆受而以九貢之灋致邦國

之財用以九賦之灋令田野之財用以九功

之灋令民職之財用以九式之灋均節邦之

財用掌國之官府郊野縣都之百物財用凡

在書契版圖者之貳以逆羣吏之治而聽其

會計

郊四郊去國百里野甸稍也甸去國二百里稍三百里縣四百里都五百里書謂

簿書契其最凡也版戶籍也圖土地形象田地廣狹以參互攷日成以

月要攷月成以歲會攷歲成

參互謂司書之要貳與職內之

入職歲之出故書互為巨杜子春讀為參互

以周知四國之治以

詔王及冢宰廢置

周猶徧也言四國者本逆邦國之治亦鉤考以告

司書掌邦之六典八灋八則九職九正九事

邦中之版土地之圖以周知入出百物以敘

其財受其幣使入于職幣

九正謂九賦九貢正稅也九事謂九

式變言之者重其職明本而掌之非徒相副貳也叙猶比次也謂鉤考其財幣所給及其

餘見爲之簿書故書受爲授鄭司農云授當爲受謂受財幣之簿書也玄謂亦受錄其餘

幣而爲之簿書使之入於職幣凡上之用財幣物當以時用之久藏將朽蠹

用必攷于司會

上謂王與冢宰王雖不會亦當知多少而闕之司會以九

式均節邦之財用

三歲則大計羣吏之治以知民之

財器械之數以知田野夫家六畜之數以知

山林川澤之數以逆羣吏之徵令

械猶兵也逆受而鉤

考之山林川澤
童枯則不稅

凡稅斂掌事者受灋焉及事

成則入要貳焉

法猶數也應當稅者之數成猶畢也

凡邦治攷

焉

考其法於司書

職內掌邦之賦入辨其財用之物而執其總

以貳官府都鄙之財入之數以逆邦國之賦

用

辨財用之物處之使種類相從總謂簿書之種別與大凡官府之有財入若關市之

屬

凡受財者受其貳令而書之

受財受於職內以給公用

者貳令者謂若今御史所寫下本奏王所可者書之若言某月某日某甲詔書出某物若

干給某官某事及會以逆職歲與官府財用之出亦

互鉤而叙其財以待邦之移用亦鉤考今藏

簿移用謂轉運給他

職歲掌邦之賦出以貳官府都鄙之財出賜

之數以待會計而攷之以貳者亦如職內書其貳令而編存之

凡官府都鄙羣吏之出財用受式灋于職歲

百官之公用式法多少職凡上之賜予以叙

與職幣授之叙受賜者及會以式灋贊逆會

助司會鉤考
羣吏之計

職幣掌式灋以斂官府都鄙與凡用邦財者

之幣

幣謂給公用之餘凡用邦財者謂軍旅

振掌事者之餘財

振猶拊也檢也掌事謂以王命有所作為先言斂幣後言振財互文皆辨其物

而奠其錄以書楬之以詔上之小用賜予

奠定

也故書錄為祿杜子春云祿當為錄定其錄籍鄭司農云楬之若今時為書以著其幣

歲終則會其出凡邦之會事以式灋贊之

司裘掌為大裘以共王祀天之服

鄭司農云大裘黑羔

裘服以祀
天示質

中秋獻良裘王乃行羽物

良善也
中秋鳥

獸毼毼因其良時而用之鄭司農云良裘王所服也行羽物以羽物飛鳥賜羣吏玄謂良

裘玉藻所謂黼裘與此羽物小鳥鵪雀之屬鷹所擊者中秋鳩化為鷹中春鷹化為鳩順

其始殺與其將季秋獻功裘以待頒賜

功裘人功

止而大班羽物
微麤謂狐青麤裘之屬鄭司農云功裘卿大夫所服

王大射則共虎侯

熊侯豹侯設其鹄諸侯則共熊侯豹侯卿大

夫則共麋侯皆設其鹄

大射者為祭祀射王將有郊廟之事以射

擇諸侯及羣臣與邦國所貢之士可以與祭者射者可以觀德行其容體比於禮其節比

於樂而中多者得與於祭諸侯謂三公及王
子弟封於畿內者卿大夫亦皆有采地焉其
將祀其先祖亦與羣臣射以擇之凡大射各
於其射宮侯者其所射也以虎熊豹麋之皮
飾其側又方制之以爲韋謂之鵠著於侯中
所謂皮侯王之射虎侯王所自射也熊侯
諸侯所射豹侯卿大夫以下所射諸侯之大
射熊侯諸侯所自射豹侯羣臣所射卿大夫
之大射麋侯君臣共射焉凡此侯道虎九十
弓熊七十弓豹麋五十弓列國之諸侯大射
大侯亦九十參七十干五十遠尊得伸可同
耳所射正謂之侯者天子中之則能服諸侯
諸侯以下中之則得爲諸侯鄭司農云鵠鵠
毛也方十尺曰侯四尺曰鵠二尺曰正四寸
曰質玄謂侯中之大小取數於侯道鄉射記
曰弓二寸以爲侯中則九十弓者侯中廣丈

八尺七十弓者侯中廣丈四尺五十弓者侯
中廣一丈尊卑異等此數明矣考工記曰梓
人爲侯廣與崇方參分其廣而鵠居一焉然
則侯中丈八尺者鵠方六尺侯中丈四尺者
鵠方四尺六寸大半寸侯中一丈者鵠方三
尺三寸少半寸謂之鵠者取名於鵠鵠之言較
小鳥而難中是以中之爲雋亦取鵠之言較
較者直也射所以直己志用虎熊豹麋之皮
示服猛討迷惑者射者大禮故取義衆也士
不大射士無臣祭無所擇故書諸侯則共熊
侯虎侯杜子春
大喪歛裘飾皮車
皮車遣車
云虎當爲豹
之革路故
書廡爲淫鄭司農云淫裘陳裘也玄謂廡興
也若詩之興謂象似而作之凡爲神之偶衣
物必沽凡邦之皮事掌之歲終則會唯王之
而小耳

裘與其皮事不會

掌皮掌秋斂皮冬斂革春獻之

皮革踰歲乾久乃可用獻

之獻其良者於王以入司裘給王用

遂以式灋頒皮革于百工

式法作物所用多少故事

共其毳毛爲氈以待邦事

當用氈則

共之毳毛毛細縹者

歲終則會其財齎

財斂財本數及餘見者齎所給

予人以物曰齎今時詔書或曰齎計吏鄭司農云齎或爲資

內宰掌書版圖之灋以治王內之政令均其

稍食分其人民以居之

版謂宮中閭寺之屬及其子弟錄籍也圖

王及后世子之宮中吏官府之形象也政令
謂施閤寺者稍食吏祿稟也人民吏子弟分
之使眾者就寡均宿衛以陰禮教六宮鄭司農云陰禮婦人之禮六宮

後五前一王之妃百二十人后一人夫人三
人嬪九人世婦二十七人女御八十一人玄

謂六宮謂后也婦人稱寢曰宮宮隱蔽之言
后象王立六宮而居之亦正寢一燕寢五教

者不敢斥言之謂之六宮若今稱皇后為以
中宮矣昏禮母戒女曰夙夜毋違宮事

陰禮教九嬪教以婦人之禮不言教以婦職
夫人世婦者舉中省文

之灋教九御使各有屬以作二事正其服禁

其奇袞展其功緒婦職謂織紵組紃縫線之事九御女御也九九而御

於王因以號焉使之九九為屬同時御又同
事也正其服止踰侈奇邪若今媚道展猶錄
也緒業也故書二為三杜子春
云當為二二事謂絲枲之事
大祭祀后裸

獻則贊瑤爵亦如之

謂祭宗廟王既裸而出
迎牲后乃從後裸也祭

統曰君執圭瓚裸尸大宗執璋贊亞裸此大
宗亞裸謂夫人不與而攝耳獻謂王薦腥薦
孰后亦從後獻也瑤爵謂尸卒食王
既醕尸后亞獻之其爵以瑤為飾
正后之

服位而詔其禮樂之儀

薦徹之禮當與樂相
應位謂房中戶內及

阼所贊九嬪之禮事

助九嬪贊后之事九嬪
者贊后薦玉盥薦徹豆

箋

凡賓客之裸獻瑤爵皆贊

謂王同姓及二
王之後來朝覲

為賓客者裸之禮亞王而禮賓獻謂王饗燕

亞王獻賓也瑶爵所以亞王酬賓也坊記曰

陽侯殺穆侯而竊其夫禮致后之賓客之禮謂

人故大饗廢夫人之禮諸

侯來朝覲及凡喪事佐后使治外內命婦正

女賓之賓客其服位使使其屬之上士內命婦謂九嬪世

妻王命其夫后命其婦凡建國佐后立市設

玄謂士妻亦為命婦

其次置其叙正其肆陳其貨賄出其度量淳

制祭之以陰禮

市朝者君所以建國也建國者必面朝後市王立朝而后

立市陰陽相成之義次思次也叙介次也陳

猶處也度丈尺也量豆區之屬鄭司農云佐

后立市者始立市后立之也祭之以陰禮者
市中之社先后所立社也故書淳為敦杜子
春讀敦為純純謂幅廣也制謂匹長玄謂純
制天子巡守禮所云制幣丈八尺純四牝與
陰禮婦人
之祭禮
中春詔后帥外內命婦始蠶于北

郊以為祭服

蠶于北郊婦人以純陰為尊郊必有公桑蠶室焉

歲終

則會內人之稍食稽其功事

內人主謂九御

佐后而

受獻功者比其小大與其麤良而賞罰之功

者九御之屬鄭司農云烝而獻功玄謂典婦功曰及秋獻功

會內宮之財

用

計夫人以下所用財

正歲均其稍食施其功事憲禁

令于王之北宮而糾其守

均猶調度也施猶賦也北宮后之六

宮謂之北宮者繫于王言之明用王之禁令令之守宿衛者

上春詔王后

帥六宮之人而生種稑之種而獻之于王

六宮

之人夫人以下分居后之六宮者古者使后宮藏種以其有傳類蕃孳之祥必生而獻之示能育之使不傷敗且以佐王耕事共禘郊也鄭司農云先種後孰謂之種後種先孰謂之稑王當以耕種于藉田玄謂詩云黍稷種稑是也夫人以下分居后之六宮者每宮九嬪一人世婦三人女御九人其餘九嬪三人世婦九人女御二十七人從后唯其所燕息焉從后者五日而沐浴其次又上十五日而徧云夫人如三公從容論婦禮

內小臣掌王后之命正其服位

命謂使令所為或言王后

或言后通耳

后出入則前驅

道

若有祭祀賓客喪

紀則擯詔后之禮事相九嬪之禮事正內人

之禮事徹后之俎

擯為后傳辭有所求為詔相正者異尊卑也俎謂后

受尸之爵飲于房中之俎

后有好事于四方則使往有好

令於卿大夫則亦如之

后於其族親所善者使往問遺之

掌

王之陰事陰令

陰事羣妃御見之事若今掖庭令晝漏不盡八刻白錄所

記推當御見者陰令王所求為於北宮

閹人掌守王宮之中門之禁

中門於外內為中若今宮闕門

鄭司農云王有五門外曰臯門二曰雉門三曰庫門四曰應門五日路門路門一日畢門

玄謂雉門三門也春秋傳曰雉門災及兩觀

喪服凶器不入宮潛

服賊器不入宮奇服怪民不入宮

喪服衰經也凶器明

器也潛服若衷甲者賊器盜賊之任器兵物皆有刻識奇服衣非常春秋傳曰左奇無常

怪民凡內人公器賓客無帥則幾其出入

三

之出入當須使者符節乃行鄭司農云公器將持公家器出入者幾謂無將帥引之者則

苛其以時啓閉

時漏凡外內命夫命婦出入

則爲之闢

辟行人使無干也內命夫卿大夫士之在宮中者

掌埽門

庭

門庭門相當之地

大祭祀喪紀之事設門燎蹕宮

門廟門

燎地燭也蹕止行者廟在中門之外

凡賓客亦如之

寺人掌王之內人及女宮之戒令相道其出

入之事而糾之

內人女御也女宮刑女之在宮中者糾猶割察也

若

有喪紀賓客祭祀之事則帥女宮而致於有

司

有司謂宮卿世婦

佐世婦治禮事

世婦二十

掌內

人之禁令凡內人弔臨于外則帥而往立于

其前而詔相之

從世婦所弔若哭其族親立其前者賤也賤而必詔相之

者出入於王宮不可以闕於禮

內豎掌內外之通令凡小事

內后六宮外卿大夫也使童豎

通王內外之命給小事者以其無與為禮出入便疾內外以大事聞王則俟朝而自復

若有祭祀賓客喪紀之事則為內人蹕

內人從世

婦有事於廟者內豎為六宮蹕者以其掌內小事

王后之喪遷于宮

中則前蹕及葬執褻器以從遣車

喪遷者將葬朝于廟

褻器振飾類沐之器

九嬪掌婦學之灋以教九御婦德婦言婦容

婦功各帥其屬而以時御叙于王所婦德謂貞順婦

言謂辭令婦容謂婉婉婦功謂絲枲自九嬪以下九九而御于王所九嬪者既習於四事

又備於從人之道是以教女御也教各帥其屬者使亦九九相與從於王所息之燕寢御

猶進也勸也進勸王息亦相次叙凡羣妃御見之法月與后妃其象也卑者宜先尊者宜

後女御八十一人當九夕世婦二十七人當三夕九嬪九人當一夕三夫人當一夕后當

一夕亦十五日而徧云自望後反之孔子云日者天之明月者地之理陰契制故月上屬

爲天使婦從凡祭祀贊玉盥贊后薦徹豆籩

夫放月紀

玉盥玉敦受黍稷器后進之而不
徹故書玉為王杜子春讀為玉
若有賓客

則從后當贊后事大喪帥叙哭者亦如之亦從后帥猶道

也后哭眾之次序者乃哭

世婦掌祭祀賓客喪紀之事帥女宮而濯

為盥盛概拭也為猶差擇及祭之日涖陳女宮之具

凡內羞之物涖臨也內羞房中之羞掌弔臨于卿大夫

之喪王使往弔

女御掌御叙于王之燕寢言掌御叙防上之專妬者于王之燕

寢則王不
就后宮息

以歲時獻功事

絲枲成

凡祭祀贊

世婦

助其帥

大喪掌沐浴

王及后

后之喪持

翬

翬棺飾也持

從世婦而弔于卿大夫之喪

從之數蓋如

女祝掌王后之內祭祀凡內禱祠之事

內祭祀六

宮之中竈門戶禱疾

掌以時招梗禴禳之事

以除疾殃

鄭大夫讀梗為元謂招善而元惡

未至也除災害曰禴禴猶刮去也卻變

異曰禴禴禴也四禮唯禴其遺象今存

女史掌王后之禮職掌內治之貳以詔后治

內政

內治之法本在內宰書而貳之

逆內宮

鉤考六宮之計

書內令

后之

凡后之事以禮從

亦如大史之從於王

典婦功掌婦式之灋以授嬪婦及內人女功

之事齋

婦式婦人事之模範法其用財舊數嬪婦九嬪世婦言及以殊之者容國

中婦人賢善工於事者事齋謂以女功之事來取絲枲故書齋爲資杜子春讀爲資鄭司

農云內人謂女御女功凡授嬪婦功及秋獻

事資謂女功絲枲之事功辨其苦良比其小而賈之物書而揭之

授當為受聲之誤也國中嬪婦所作成即送之
之不須獻功時賈之者物不正齊當以泉計
通功鄭司農苦讀為監謂分別其縑帛與布
紵之麤細皆比方其大小書其賈數而著其
物若今時以共王及后之用頒之于內府
題署物

典絲掌絲入而辨其物以其賈楬之

絲入謂九職之

嬪婦所貢絲

掌其藏與其出以待興功之時

絲之貢少

藏之出之可同官也時者若溫煖宜縑帛清涼宜文繡

頒絲于外內工

皆以物授之

外工外嬪婦也內工女御

凡上之賜予亦如

之

王以絲物賜人

及獻功則受良功而藏之辨其物

而書其數以待有司之政令上之賜予良當為苦

字之誤受其麤鹽之功以給有司之公用其良功者典婦功受之以共王及后之用鄭司

農云良功凡祭祀共黼畫組就之物以給衣服冕旒

及依鹽巾之屬白與黑謂之黼采色一成曰就喪紀共其絲續組文

之物以給線縷著盱口綦握之屬青與赤謂之文凡飾邦器者受

文織絲組焉謂茵席屏風之屬歲終則各以其物會

之種別為計鄭司農云各以其所飾之物計會傳著之

典臬掌布總縷紵之麻草之物以待時頒功

而授齋

總十五升布抽其半者白而細疏曰紵雜言此數物者以著其類衆多草

葛蒨之屬故書齋作資

及獻功受苦功以其賈楬而藏

之以待時頒

其良功亦入於典婦功以共王及后之用鄭司農云苦功謂麻

功布

頒衣服授之賜予亦如之

授之授受班者帛言待有

司之政令布言班衣服互文

歲終則各以其物會之

內司服掌王后之六服褱衣揄狄闕狄鞠衣

展衣緣衣素沙

鄭司農云褱衣畫衣也祭統曰君卷冕立于阼夫人副褱

立于東房揄狄闕狄畫羽飾展衣白衣也喪大記曰復者朝服君以卷夫人以屈狄世婦

以褱衣屈者音聲與闕相似褱與展相似皆婦人之服鞠衣黃衣也素沙赤衣也玄謂狄當爲翟翟雉名伊雒而南素質五色皆備成章曰翟江淮而南青質五色皆備成章曰搖王后之服刻繒爲之形而采畫之綴於衣以爲文章褱衣畫翟者揄翟畫搖者闕翟刻而不畫此三者皆祭服從王祭先王則服褱衣祭先公則服揄翟祭羣小祀則服闕翟今世有圭衣者蓋三翟之遺俗鞠衣黃桑服也色如鞠塵象桑葉始生月令三月薦鞠衣于上帝告桑事展衣以禮見王及賓客之服字當爲褱褱之言亶亶誠也詩國風曰玼兮玼兮其之翟也下云胡然而天也胡然而帝也言其德當神明又曰嗟兮嗟兮其之展也下云展如之人兮邦之媛也言其行配君子二者之義與禮合矣雜記曰夫人復稅衣揄狄又

喪大記曰士妻以祿衣言祿者甚衆字或作稅此緣衣者實作祿衣也祿衣御于王之服亦以燕居男子之祿衣黑則是亦黑也六服備於此矣禕揄狄展聲相近緣字之誤也以

下推次其色則闕狄赤揄狄青禕衣玄婦人尚專一德無所兼連衣裳不異其色素沙者今之白縛也六服皆袍制以白縛爲裏

辨外

使之張顯今世有沙縠者名出于此

內命婦之服鞠衣展衣緣衣素沙

內命婦之服鞠衣九

嬪也展衣世婦也緣衣女御也外命婦者其夫孤也則服鞠衣其夫卿大夫也則服展衣其夫士也則服緣衣三夫人及公之妻其闕狄以下乎侯伯之夫人揄狄子男之夫人亦

闕狄唯二王後禕衣

凡祭祀賓客共后之衣服及九嬪

世婦凡命婦共其衣服共喪衰亦如之

凡者凡女

御與外命婦也言及言凡殊貴賤也春秋之義王人雖微者猶序乎諸侯之上所以尊尊也臣之命者再命以上受服則下士之妻不共也外命婦唯王祭祀賓客以禮佐后得服此上服自於其家則降焉后之喪共其衣服凡內具之物內具紛帨線纁鞶褰之屬

縫人掌王宮之縫線之事以役女御以縫王

及后之衣服

女御裁縫王及后之衣服則爲役助之宮中餘裁縫事則專爲

焉鄭司農云線縷

喪縫棺飾焉

孝子既啓見棺猶見親之身既載飾而以

行遂以葬若存時居于帷幕而加文繡喪大
記曰飾棺君龍帷三池振容黼荒火三列黻
三列素錦褚加僞荒纁紐六齊五采五貝黼
翬二黻翬二畫翬二皆戴圭魚躍拂池君纁
戴六纁披六此諸侯禮也禮器曰天子八翬
諸侯六翬大夫四翬漢禮器制度飾棺天子
龍火黼黻皆五列又有龍翬二其戴皆
加璧故書焉為馬杜子春云當為焉衣翬

柳之材

必先纏衣其木乃以張飾也柳之言
聚諸飾之所聚書曰分命和仲度西

曰柳穀故書翬柳作接櫨鄭司農云接讀為
翬櫨讀為柳皆棺飾檀弓曰周人牆置翬春

秋傳曰四
翬不蹕

掌凡內之縫事

染人掌染絲帛凡染春暴練夏纁玄秋染夏

冬獻功

暴練練其素而暴之故書纁作黼鄭司農云黼讀當爲纁纁謂絳也夏大

也秋乃大染玄謂纁玄者謂始可以染此色者玄纁者天地之色以爲祭服石染當及盛暑熱潤始湛研之三月而后可用考工記鍾氏則染纁術也染玄則史傳闕矣染夏者染五色謂之夏者其色以夏狄爲飾禹貢曰羽畎夏狄是其揔名其類有六曰翬曰搖曰鵲曰翟曰希曰蹲其毛羽五色皆備成章染者擬以爲深淺之度是以放而取名焉

掌

凡染事

追師掌王后之首服爲副編取追衡筭爲九嬪及外內命婦之首服以待祭祀賓客

鄭司農云

追冠名士冠禮記曰委貌周道也章甫殷道也牟追夏后氏之道也追師掌冠冕之官故并主王后之首服副者婦人之首服祭統曰君卷冕立于阼夫人副褱立于東房衡維持冠者春秋傳曰衡紕紕紕玄謂副之言覆所以覆首爲之飾其遺象若今步繇矣服之以從王祭祀編編列髮爲之其遺象若今假紒矣服之以桑也次次第髮長短爲之所謂髮髻服之以見王王后之燕居亦纚笄總而已追猶治也詩云追琢其璋王后之衡笄皆以玉爲之唯祭服有衡垂于副之兩旁當耳其下以紕縣瑱詩云玼兮玼兮其之翟也鬢髮如雲不屑髣也玉之瑱也是之謂也笄卷髮者外內命婦衣鞠衣褱衣者服編衣祿衣者服次外內命婦非王祭祀賓客佐后之禮自於其家則亦降焉少牢饋食禮曰主婦髮髣

衣移袂特牲饋食禮曰主婦纚笄宵衣是也
昏禮女次純衣攝盛服耳主人爵弁以迎移
袂祿衣之袂凡諸侯夫人
於其國衣服與王后同
喪紀共笄經亦如
之

屨人掌王及后之服屨爲赤舄黑舄赤纁黃

纁青舄素屨葛屨

屨自明矣必連言服者著服各有屨也復下曰舄禪

下曰屨古人言屨以通於複今世言屨以通於禪俗易語反與舄屨有舄有纁有純者飾也鄭司農云赤纁黃纁以赤黃之絲爲下緣士喪禮曰夏葛屨冬皮屨皆纁緇純禮家說纁亦謂以采絲礫其下玄謂凡屨舄各象其裳之色士冠禮曰玄端黑屨青舄纁純素積

白屨緇絢纁純爵弁纁屨黑絢纁純是也王
吉服有九鳥有三等赤鳥爲上冕服之鳥詩
云王賜韓侯玄衮赤鳥則諸侯與王同下有
白鳥黑鳥王后吉服六唯祭服有鳥玄鳥爲
上禕衣之鳥也下有青鳥赤鳥鞠衣以下皆
屨耳句當爲絢聲之誤也絢纁純者同色今
云赤纁黃纁青絢雜互言之明鳥屨衆多反
覆以見之凡鳥之飾如纁之次赤纁者王黑
鳥之飾黃纁者王后玄鳥之飾青絢者王白
鳥之飾言纁必有絢純言絢亦有纁純三者
相將王及后之赤鳥皆黑飾后之青鳥白飾
凡屨之飾如纁次也黃屨白飾白屨黑飾黑
屨青飾絢謂之拘著鳥屨之頭以爲行戒纁
縫中紉純緣也天子諸侯吉事皆鳥其餘唯
服冕衣翟著鳥耳士爵弁纁屨黑絢纁純尊
祭服之屨飾從纁也素屨者非純吉有凶去

飾者言葛屨明有用皮時辨外內命夫命婦之命屨功屨

散屨

命夫之命屨纁屨命婦之命屨黃屨以下功屨次命屨於孤卿大夫則白屨黑

屨九嬪內子亦然世婦命婦以黑屨為功屨女御士妻命屨而已士及士妻謂再命受服

者散屨亦謂去飾

凡四時之祭祀以宜服之

祭祀而有素屨

散屨者唯大祥時

夏采掌大喪以冕服復于大祖以乘車建綏

復于四郊

求之王平生常所有事之處乘車王路於大廟以冕服不出宮也四

郊以綏出國門此行道也鄭司農云復謂始死招魂復魄士喪禮曰士死于適室復者一

人以爵弁服升自東榮中屋北面招以衣曰
 臯某復三降衣于前受用篋升自阼階以衣
 尸喪大記曰復男子稱名婦人稱字唯哭先
 復言死而哭哭而復奠其復反故檀弓曰復
 盡愛之道也望反諸幽求諸鬼神之道也北
 面求諸幽之義也檀弓又曰君復於小寢大
 寢小祖大祖庫門四郊喪大記又曰復者朝
 服君以卷夫人以屈狄大夫以玄纁世婦以
 檀衣士以爵弁士妻以稅衣雜記曰諸侯行
 而死於館則其復如於其國如於道則升其
 乘車之左轂以其綏復大夫死於館則其復
 如於家死於道則升其乘車之左轂以其綏
 復喪大記又曰爲賓則公館復私館不復夏
 采天子之官故以冕服復于大祖以乘車建
 綏復于四郊天子之禮也大祖始祖廟也故
 書綏爲禮杜子春云當爲綏禮非是也玄謂

明堂位曰凡四代之服器魯兼用之有虞氏之旂夏后氏之綏則旌旂有是綏者當作綏字之誤也綏以旌牛尾爲之綴於幢上所謂注旌於干首者王祀四郊乘王路建大常今以之復去其旒異之於生亦因先王有徒綏者士冠禮及玉藻冠綏之字故書亦多作綏者今禮家定作綦

周禮卷第二

經三千六百八十八字
注一万三百五十七字

新嘉坡二


月禮


月禮

月禮


月禮

月禮









明倫彙編

家範典

卷二

新氏



江建興縣志卷二

新氏

新氏

新氏

新氏


新氏

周禮卷第三

地官司徒第二

周禮

鄭氏注



惟王建國辨方正位體國經野設官分職以

爲民極乃立地官司徒使帥其屬而掌邦教

以佐王安擾邦國

教所以親百姓訓五品有虞氏五而周十有二焉擾

亦安也言饒衍之

教官之屬大司徒卿一人小司徒

中大夫二人鄉師下大夫四人上士八人中

士十有六人旅下士三十有二人府六人史

十有二人胥十有二人徒百有二十人

師長也司

徒掌六鄉鄉師分而治之二人者共三鄉之事相左右也

鄉老二鄉則公一人鄉大夫每鄉卿一人州

長每州中大夫一人黨正每黨下大夫一人

族師每族上士一人閭胥每閭中士一人比

長五家下士一人

老尊稱也王置六鄉則公有三人也三公者內與王

論道中參六官之事外與六鄉之教其要爲民是以屬之鄉焉州黨族閭比鄉之屬別正師胥皆長也正之言政也師之言帥也胥有才知之稱載師職曰以官田牛田賞田牧田

任遠郊之地司勲職曰掌六鄉之賞地六鄉地在遠郊之內則居四同鄭司農云百里內

爲六鄉外
爲六遂

封人中士四人下士八人府二人史四人胥

六人徒六十人

聚土曰封謂墳壙埒及小封疆也

鼓人中士六人府二人史二人徒二十人

舞師下士二人胥四人舞徒四十人

舞徒給繇役能

舞者以爲之

牧人下士六人府一人史二人徒六十人牧

養牲於野田者詩云爾牧來思何蓂何筮或負其饌三十維物爾牲則具

牛人中士二人下士四人府二人史四人胥

二十人徒二百人

主牧公家之牛者詩云誰謂爾無牛九十其牉牉者

九十其餘多矣

充人下士二人史二人胥四人徒四十人

充猶

肥也養繫牲而肥之

載師上士二人中士四人府二人史四人胥

六人徒六十人

載之言事也事民而稅之禹貢曰冀州既載載師者閭師

士禮居黃氏業齋

士甄舌黃刀業青齋

縣師遺人均
人官之長

閭師中士二人史二人徒二十人

主徵六鄉
賦貢之稅

者鄉官有州黨族閭比正言閭者徵民之稅
宜督其親民者凡其賦貢入大府穀入倉人

縣師上士二人中士四人府二人史四人胥

八人徒八十人

主天下土地人民已下之數
徵野賦貢也名曰縣師者自

六鄉以至邦國縣居中焉
鄭司農云四百里曰縣

遺人中士二人下士四人府二人史四人胥

四人徒四十人

鄭司農云遺讀如詩曰棄予
如遺之遺玄謂以物有所饋

遺

均人中士二人下士四人府二人史四人胥

四人徒四十人

均猶平也主平土地之力政者

師氏中大夫一人上士二人府二人史二人

胥十有二人徒百有二十人

師教人以道者之稱也保氏司

諫司救官之長鄭司農云詩云橘維師氏

保氏下大夫一人中士二人府二人史二人

胥六人徒六十人

保安也以道安人者也書叙曰周公爲師召公爲保

相成王爲左右
聖賢兼此官也

司諫中士二人史二人徒二十人
諫猶正也以道正人

行

司救中士二人史二人徒二十人
救猶禁也以禮防禁

人之過者也

調人下士二人史二人徒十人
調猶和合也

媒氏下士二人史二人徒十人
媒之言謀也謀合異類使

和成者今齊人名麴麴曰媒

司市下大夫二人上士四人中士八人下士

十有六人府四人史八人胥十有二人徒百

有二十人

司市市官之長

質人中士二人下士四人府二人史四人胥

二人徒二十人

質平也主平定物賈者

廛人中士二人下士四人府二人史四人胥

二人徒二十人

故書廛爲壇杜子春讀壇爲廛說云市中空地玄謂廛民

居區域之稱

胥師二十肆則一人皆二史賈師二十肆則

一人皆二史司藪十肆則一人司稽五肆則

一人胥二肆則一人肆長每肆則一人自胥師以

及司稽皆司市所自辟除也胥及肆長市中給繇役者胥師領羣胥賈師定物賈司暴禁

暴亂司稽察留連不時去者

泉府上士四人中士八人下士十有六人府

四人史八人賈八人徒八十人鄭司農云故書泉或作錢

司門下大夫二人上士四人中士八人下士

十有六人府二人史四人胥四人徒四十人

每門下士二人府一人史二人徒四人司門若今

城門校尉主王城十二門

司關上士二人中士四人府二人史四人胥

八人徒八十人每關下士二人府一人史二

人徒四人關界上之門

掌節上士二人中士四人府二人史四人胥

二人徒二十人節猶信也行者所執之信

遂人中大夫二人

遂師下大夫四人上士八人中士十有六人

旅下士三十有二人府四人史十有二人胥

十有二人徒百有二十人

遂人主六遂若司徒之於六鄉也六

遂之地自遠郊以達于畿中有公邑家邑小都大都焉鄭司農云遂謂王國百里外

遂大夫每遂中大夫一人

縣正每縣下大夫一人

鄙師每鄙上士一人

鄼長每鄼中士一人

里宰每里下士一人

鄰長五家則一人

縣鄙鄼里鄰遂之屬別也

旅師中士四人下士八人府二人史四人胥

八人徒八十人

主斂縣師所徵野之賦穀者也旅猶處也六遂之官里宰

之師也正用里宰者亦斂民之稅宜督其親民

稍人下士四人史二人徒十有二人

主為縣師令都

鄙丘甸之政也距王城三百里曰稍家邑小都大都自稍以出焉

委人中士二人下士四人府二人史四人徒

四十人

主斂甸稍芻薪之
賦以共委積者也

土均上士二人中士四人下士八人府二人

史四人胥四人徒四十人

均猶平也主平土地之政令者也

草人下士四人史二人徒十有二人

草除

稻人上士二人中士四人下士八人府二人

史四人胥十人徒百人

土訓中士二人下士四人史二人徒八人

鄭司

農云訓讀爲馴謂以遠方土地所生異物告道王也爾雅云訓道也立謂能訓說土地善惡之勢

誦訓中士二人下士四人史二人徒八人能訓

說四方所誦習及人所作爲久時事

山虞每大山中士四人下士八人府二人史

四人胥八人徒八十人中山下士六人史二

人胥六人徒六十人小山下士二人史一人

徒二十人虞度也度知山之大小及所生者

林衡每大林麓下士十有二人史四人胥十

有二人徒百有二十人中林麓如中山之虞

小林麓如小山之虞

衡平也平林麓之大小及所生者竹木生平地

曰林山足曰麓

川衡每大川下士十有二人史四人胥十有

二人徒百有二十人中川下士六人史二人

胥六人徒六十人小川下士二人史一人徒

二十人

川流水也禹貢曰九川滌源

澤虞每大澤大藪中士四人下士八人府二

人史四人胥八人徒八十人中澤中藪如中

川之衡小澤小藪如小川之衡

澤水所鍾也水希曰藪禹

貢曰九澤既陂爾雅有八藪

迹人中士四人下士八人史二人徒四十人

迹之言跡知禽獸處

十人中士二人下士四人府二人史二人胥

四人徒四十人

升之言礦也金玉未成器曰礦

角人下士二人府一人徒八人

羽人下士二人府一人徒八人

掌葛下士二人府一人史一人胥二人徒二

十人

掌染草下士二人府一人史二人徒八人

草染

監蒨象
斗之屬

掌炭下士二人史二人徒二十人

掌荼下士二人府一人史一人徒二十人

茅荼

莠

掌蜃下士二人府一人史一人徒八人

蜃大蛤月

令孟冬雉入大水為蜃

圉人中士四人下士八人府二人胥八人徒

八十人

圉今之苑

場人每場下士二人府一人史一人徒二十

人

場築地為墠季秋除圃中為之詩云九月築場圃十月納禾稼

廩人下大夫二人上士四人中士八人下士

十有六人府八人史十有六人胥三十人徒

三百人

藏米曰廩廩人舍人
倉人司祿官之長

舍人上士二人中士四人府二人史四人胥

四人徒四十人

舍猶宮也主平
宮中用穀者也

倉人中士四人下士八人府二人史四人胥

四人徒四十人

司祿中士四人下士八人府二人史四人徒

四十人

主班
祿

司稼下士八人史四人徒四十人

種穀曰稼如嫁女以

有所生

舂人奄二人女舂枕二人奚五人

女舂枕女奴能舂與

枕者枕抒臼也詩云或舂或枕

饔人奄二人女饔八人奚四十人

鄭司農云饔人主炊

官也特牲饋食禮曰主婦視饔饔故書饔作饔

豪人奄八人女豪每奄二人奚五人

鄭司農云豪讀

為犒師之犒主冗食者故謂之犒

大司徒之職掌建邦之土地之圖與其人民

之數以佐王安擾邦國土地之圖若今司以

天下土地之圖周知九州之地域廣輪之數

辨其山林川澤丘陵墳衍原隰之名物周猶

九州揚荊豫青兗雍幽冀并也輪從也積石

曰山竹木曰林注瀆曰川水鍾曰澤土高曰

丘大阜曰陵水崖曰墳下平曰衍高平曰原

下濕曰隰名物者十等之名與所生之物

而辨其邦國都鄙之數制其畿疆而溝封之

設其社稷之壇而樹之田主各以其野之所

宜木遂以名其社與其野

千里曰畿疆猶界也春秋傳曰吾子

疆理天下溝穿地爲阻固也封起土界也社稷后土及田正之神壇壇與媚埒也田主田神后土田正之所依也詩人謂之田祖所宜木謂若松柏栗也若以松爲社者則名松社之野以

以上會之灋辨五地之物生一曰山

林其動物宜毛物其植物宜阜物其民毛而

方二曰川澤其動物宜鱗物其植物宜膏物

其民黑而津三曰丘陵其動物宜羽物其植

物宜穀物其民專而長四曰墳衍其動物宜

介物其植物宜莢物其民皙而瘠五曰原隰

其動物宜羸物其植物宜叢物其民豐肉而

庠

會計也以土計貢稅之法因別此五者也

之屬毛物貂狐獬貉之屬縠毛者也鱗物魚龍

之屬

津潤也

羽物

翟雉之屬

核物

梅李之屬

專園也

介物

龜鼈之屬

水居陸生者莢物薺

莢王棘之屬皙白也瘠臞也羸物虎豹貔獬

之屬淺毛者叢物萑葦之屬豐猶厚也庠猶

短也杜子春讀生為性鄭司農云植物根生

之屬

阜物

柞栗之屬

今世間謂

柞實為阜斗

膏物謂楊柳之屬

理致且白如膏玄謂

膏當為橐字之誤也蓮莢之實有橐韜

五物者民之常而施十有二教焉一曰以祀

禮教敬則民不苟二曰以陽禮教讓則民不
爭三曰以陰禮教親則民不怨四曰以樂禮
教和則民不乖五曰以儀辨等則民不越六
曰以俗教安則民不愉七曰以刑教中則民
不競八曰以誓教恤則民不怠九曰以度教
節則民知足十曰以世事教能則民不失職
十有一曰以賢制爵則民慎德十有二曰以
庸制祿則民興功

陽禮謂鄉射飲酒之禮也
陰禮謂男女之禮昏姻以

時則男不曠女不怨儀謂君南面臣北面父
坐子伏之屬俗謂土地所生習也愉謂朝不
謀夕恤謂災危相憂民有凶患憂之則民不
解怠度謂宮室車服之制世事謂士農工商
之事少而習焉其心安焉因教以能不易其
業慎德謂矜其善德勸為善也庸功也爵以
顯賢祿以賞功故書儀或為義杜子春讀為儀謂九儀以土宜之灋辨

十有二土之名物以相民宅而知其利害以

阜人民以蕃鳥獸以毓草木以任土事

十二土分

野十二邦上繫十二次各有所宜也相占視也阜猶盛也蕃蕃息也育生也任謂就地所生因民
辨十有二壤之物而知其種以教稼

穡樹藝

壤亦土也變言耳以萬物自生焉則言土土猶吐也以人所耕而樹藝焉

則言壤壤和緩之貌詩云樹之榛栗又曰我藝黍稷藝猶蒔也以土均之灋

辨五物九等制天下之地征以作民職以令

地貢以斂財賦以均齊天下之政

均平也五物五地之

物也九等駢剛赤緹之屬征稅也民職民九職也地貢貢地所生謂九穀財謂泉穀賦謂

九賦及以土圭之灋測土深正日景以求地

中日南則景短多暑日北則景長多寒日東

則景夕多風日西則景朝多陰

土圭所以致四時日月之

景也測猶度也不知廣深故曰測故書求爲
救杜子春云當爲求鄭司農云測土深謂南
北東西之深也日南謂立表處大南近日也
日北謂立表處大北遠日也景夕謂日跌景
乃中立表處大東近日也景朝謂日未中而
景中立表處大西遠日也立謂晝漏半而置
土圭表陰陽審其南北景短於土圭謂之日
南是地於日爲近南也景長於土圭謂之日
北是地於日爲近北也東於土圭謂之日東
是地於日爲近東也西於土圭謂之日西是
地於日爲近西也如是則寒暑陰風偏而不
和是未得其所求凡日景於地千里而差一
寸日至之景尺有五寸謂之地中天地之所
合也四時之所交也風雨之所會也陰陽之

所和也然則百物阜安乃建王國焉制其畿

方千里而封樹之

景尺有五寸者南戴日下萬五千里地與星辰四遊

升降於三萬里之中是以半之得地之中也

畿方千里取象於日一寸爲正樹樹木溝上

所以表助阻固也鄭司農云土圭之長尺有五寸以夏至之日立八尺之表其景適與土

圭等謂之地中今凡建邦國以土圭土其地

而制其域諸公之地封疆方五百里其食者

半諸侯之地封疆方四百里其食者參之一諸伯之地封疆方三百里其食者參之一諸

子之地封疆方二百里其食者四之一諸男

之地封疆方百里其食者四之一

言土其地猶度其地

鄭司農云土其地但爲正四方耳其食者半
公所食租稅得其半耳其半皆附庸小國也
屬天子參之一者亦然故魯頌曰錫之山川
土田附庸奄有龜蒙遂荒大東至于海邦論
語曰季氏將伐顓臾孔子曰先王以爲東蒙
主且在邦域之中是社稷之臣此非七十里
所能容然則方五百里四百里合於魯頌論
語之言諸男食者四之一適方五十里獨此
與今五經家說合耳玄謂其食者半參之一
四之一者土均均邦國地貢輕重之等其率
之也公之地以一易侯伯之地以再易子男
之地以三易必足其國禮俗喪紀祭祀之用

乃貢其餘若今度支經用餘爲司農穀矣大國貢重正之也小國貢輕字之也凡諸侯爲牧正帥長及有德者乃有附庸爲其有祿者當取焉公無附庸侯附庸九同伯附庸七同子附庸五同男附庸三同進則取焉退則歸焉魯於周法不得有附庸故言錫之也地方七百里者包附庸以大言之也凡造都鄙制附庸二十四言得兼此四等矣其地域而封溝之以其室數制之不易之地家百畝一易之地家二百畝再易之地家三百畝鄙都鄙王子弟公卿大夫采地其界曰都鄙所居也王制曰天子之縣內方百里之國九七十里之國二十有一五十里之國六十有三此蓋夏時采地之數周末聞矣春

曰青禮八曰殺哀九曰蕃樂十曰多昏十有

一曰索鬼神十有二曰除盜賊

荒凶年也鄭司農云救饑

之政十有二品散利貸種食也薄征輕租稅也弛力息繇役也去幾關市不幾也青禮掌

客職所謂凶荒殺禮者也多昏不備禮而娶昏者多也索鬼神求廢祀而修之雲漢之詩

所謂靡神不舉靡愛斯牲者也除盜賊急其刑以除之饑饉則盜賊多不可不除也杜子

春讀蕃樂爲藩樂謂閉藏樂器而不作玄謂去幾去其稅耳舍禁若公無禁利青禮謂殺

吉禮也殺哀謂省凶禮

以保息六養萬民一曰慈幼二

曰養老三曰振窮四曰恤貧五曰寬疾六曰

安富

保息謂安之使蕃息也慈幼謂愛幼少也產子三人與之母二人與之餽十四

以下不從征養老七十養於鄉五十異糧之屬振窮捫捄天民之窮者也窮者有四曰矜

曰寡曰孤曰獨恤貧貧無財業稟貸之寬疾

若今癘不可事不筭卒可事者半之也安富

平其繇役

以本俗六安萬民一曰媿宮室二

不專取

曰族墳墓三曰聯兄弟四曰聯師儒五曰聯

朋友六曰同衣服

本猶舊也美善也謂約極攻堅風雨攸除各有攸宇

族猶類也同宗者生相近死相迫連猶合也兄弟昏姻嫁娶也師儒鄉里教以道藝者同

師曰朋同志曰友同猶齊也正月之吉始和

民雖有富者衣服不得獨異

布教于邦國都鄙乃縣教象之灋于象魏使

萬民觀教象挾日而斂之乃施教灋于邦國

都鄙使之各以教其所治民

正月之吉周正月朔日也司徒

以布王教至正歲又書教法而縣焉

令五家爲比使之相保五

比爲閭使之相受四閭爲族使之相葬五族

爲黨使之相救五黨爲州使之相賙五州爲

鄉使之相賔

此所以勸民者也使之者皆謂立其長而教令使之保猶任也

救救凶災也賔賔客其賢者故書受爲授杜子春云當爲受謂民移徙所到則受之所去

則出之又云賙當爲糾謂糾其惡立謂受者
宅舍有故相受寄託也賙者謂禮物不備相
給足也閭二十五家族百家黨五百家
家州二千五百家鄉萬二千五百家
頌職事

十有二于邦國都鄙使以登萬民一曰稼穡

二曰樹藝三曰作材四曰阜藩五曰飭材六

曰通財七曰化材八曰斂材九曰生材十曰

學藝十有一曰世事十有二曰服事

鄭司農云稼穡

謂三農生九穀也樹藝謂園圃育草木作材
謂虞衡作山澤之材阜蕃謂藪牧養蕃鳥獸
飭材謂百工飭化八材通材謂商賈阜通貨
賄化材謂嬪婦化治絲枲斂材謂臣妾聚斂

疏材生材謂閒民無常職轉移執事學藝謂
學道藝世事謂以世事教能則民不失職服
事謂爲公家服事者以鄉三物教萬民而賓
立謂生材養竹木者
興之一曰六德知仁聖義忠和二曰六行孝
友睦婣任恤三曰六藝禮樂射御書數事物猶
興猶舉也民三事教成鄉大夫舉其賢者能
者以飲酒之禮賓客之既則獻其書於王矣
知明於事仁愛人以及物聖通而先識義能
斷時宜忠言以中心和剛不柔善於父母
爲孝善於兄弟爲友睦親於九族姻親於外
親任信於友道恤振憂貧者禮五禮之義樂
六樂之歌舞射五射之法御五御以鄉八刑
之節書六書之品數九數之計

糾萬民一曰不孝之刑二曰不睦之刑三曰

不嫺之刑四曰不弟之刑五曰不任之刑六

曰不恤之刑七曰造言之刑八曰亂民之刑

糾猶割察也不弟不敬師長造言訛言惑衆

亂民亂名改作執左道以亂政也鄭司農云

任謂朋友相以五禮防萬民之偽而教之中

任恤謂相憂以五禮防萬民之偽而教之中

禮所以節止民之侈偽使其行得以六樂防

萬民之情而教之和

樂所以蕩正民之情思

云六樂謂雲門咸池凡萬民之不服教而有

大韶大夏大濩大武

獄訟者與有地治者聽而斷之其附于刑者

歸于士

不服教不厭服於十二教貪冒者也爭罪曰獄爭財曰訟有地治者謂鄉

州及治都鄙者也附麗也士司寇士師之屬鄭司農云與有地治者聽而斷之與其地部

界所屬吏共聽斷之士謂主斷刑之官春秋傳曰士榮為大士或謂歸于園土園土謂獄

也獄祀五帝奉牛牲羞其肆
牛能任載地類也奉猶進也鄭

城園司農云羞進也肆陳骨體也立謂進所肆解骨體士喪禮曰肆解去蹄
享先王

亦如之大賓客令野脩道委積

令令遺人使為之也少曰

委多曰積皆大喪帥六鄉之眾庶屬其六引所以給賓客

而治其政令

衆庶所致役也鄭司農云六引謂引喪車索也六鄉主六引六

遂主六紼

大軍旅大田役以旗致萬民而治其徒

庶之政令

旗畫熊虎者也徵衆刻日樹旗期於其下

若國有大故

則致萬民於王門令無節者不行於天下

故大

謂王崩及寇兵也節六節有節乃得行防姦私

大荒大札則令邦國

移民通財舍禁弛力薄征緩刑

大荒大凶年也大札大疫

病也移民辟災就賤其有守不可移者則歲輸之穀春秋定五年夏歸粟於蔡是也

歲

終則令教官正治而致事

歲終自周季冬也教官其屬六十正

治明處其文書致事上其計簿正歲令于教官曰各共爾職

脩乃事以聽王命其有不正則國有常刑正歲

夏正月朔日

小司徒之職掌建邦之教灋以稽國中及四

郊都鄙之夫家九比之數以辨其貴賤老幼

廢疾凡征役之施舍與其祭祀飲食喪紀之

禁令稽猶考也夫家猶言男女也鄭司農云九比謂九夫為井玄謂九比者冢宰職

出九賦者之人數也貴謂為卿大夫賤謂乃占會販賣者廢疾謂癰病也施當為弛

頒比灋于六鄉之大夫使各登其鄉之衆寡

六畜車輦辨其物以歲時入其數以施政教

行徵令

登成也成猶定也衆寡民之多少物家中之財歲時入其數若今四時言

事

及三年則大比大比則受邦國之比要

大比

謂使天下更簡閱民數及其財物也受邦國之比要則亦受鄉遂矣鄭司農云五家爲比故以比爲名今時八月案比是也要謂其簿乃會萬民之卒伍而

用之五人爲伍五伍爲兩四兩爲卒五卒爲

旅五旅爲師五師爲軍以起軍旅以作田役

以比追胥以令貢賦

用謂使民事之伍兩卒旅師軍皆衆之名兩二

十五人卒百人旅五百人師二千五百人軍萬二千五百人此皆先王所因農事而定軍

令者也欲其恩足相恤義足相救服容相別音聲相識作爲也役功力之事追逐寇也春

秋莊十八年夏公追戎于濟西胥伺捕盜賊也貢嬪婦百工之物賦九賦也鄉之田制與

遂乃均土地以稽其人民而周知其數上地

家七人可任也者家三人中地家六人可任

也者二家五人下地家五人可任也者家二

人均平也周猶徧也一家男女七人以上則授之以地所養者衆也男女五人以下

則授之以下地所養者寡也正以七人六人
五人爲率者有夫有婦然後爲家自二人以
至於十爲九等七六五者爲其中可任謂丁
強任力役之事者出老者一人其餘男女強
弱相半凡起徒役毋過家一人以其餘爲羨
其大數

唯田與追胥竭作

鄭司農云羨饒也田謂獵也追追寇賊也竭作盡行

凡用衆庶則掌其政教與其戒禁聽其辭訟

施其賞罰誅其犯命者

命所以誓告之

凡國之大事

致民大故致餘子

大事謂戎事也大故謂災寇也鄭司農云國有大事

當徵召會聚百姓則小司徒召聚之餘子謂羨也玄謂餘子卿大夫之子當守於王宮者

也乃經土地而井牧其田野九夫爲井四井

爲邑四邑爲丘四丘爲甸四甸爲縣四縣爲

都以任地事而令貢賦凡稅斂之事

此謂造都鄙也

采地制井田異於鄉遂重立國小司徒爲經之立其五溝五塗之界其制似井之字因取名焉孟子曰夫仁政必自經界始經界不正井田不均貢祿不平是故暴君姦吏必慢其經界經界既正分田制祿可坐而定也鄭司農云井牧者春秋傳所謂井衍沃牧隰臯者也玄謂隰臯之地九夫爲牧二牧而當一井今造都鄙授民田有不易有一易有再易通率二而當一是之謂井牧昔夏少康在虞思有田一成有衆一旅一旅之衆而田一成則

井牧之法先古然矣九夫爲井者方一里九夫所治之田也此制小司徒經之匠人爲之溝洫相包乃成耳邑丘之屬相連比以出田稅溝洫爲除水害四井爲邑方二里四邑爲丘方四里四丘爲甸甸之言乘也讀如哀甸之甸甸方八里旁加一里則方十里爲一成積百井九百夫其中六十四井五百七十六夫出田稅三十六井三百二十四夫治洫四甸爲縣方二十里四縣爲都方四十里四都方八十里旁加十里乃得方百里爲一同也積萬井九萬夫其四千九十六井三萬六千八百六十四夫出田稅二千三百四井二萬七千三百六十六夫治洫三千六百井三萬二千四百夫治澮井田之法備於一同今止於都者采地食者皆四之一其制三等百里之國凡四都一都之田稅入於王五十里之國凡

四縣一縣之田稅入於王二十五里之國凡
四甸一甸之田稅入於王地事謂農牧衡虞
也貢謂九穀山澤之材也賦謂出車徒給繇
役也司馬法曰六尺爲步步百爲晦晦百爲
夫夫三爲屋屋三爲井井十爲通通爲匹馬
三十家士一人徒二人通十爲成成百井三
百家革車一乘士十人徒二十人十成爲終
終千井三千家革車十乘士百人徒二百人
十終爲同同方百里萬井三萬乃分地域而
家革車百乘士千人徒二千人

辨其守施其職而平其政

分地域謂建邦國造都鄙制鄉遂也

辨其守謂衡虞之屬職謂九職也政稅也凡

小祭祀奉牛牲羞其肆

小祭祀王小賓客令

野脩道委積

小賓客諸侯之使臣

大軍旅帥其衆庶

帥帥

而致於大司徒

小軍旅巡役治其政令

巡役小力役之事則巡行

之

大喪帥邦役治其政教

喪役正棺引窆復土

凡建邦

國立其社稷正其畿疆之封

畿畿九

凡民訟以

地比正之

鄭司農云以田畔所與比正斷其訟

地訟以圖正之

地訟爭疆界者圖謂邦國本圖

歲終則攷其屬官之治成而

誅賞

治成治事之計

令羣吏正要會而致事正歲則

帥其屬而觀教灋之象徇以木鐸曰不用灋

者國有常刑令羣吏憲禁令脩灋糾職以待

邦治憲表及大比六鄉四郊之吏平教治正

政事攷夫屋及其衆寡六畜兵器以待政令

四郊之吏吏在四郊之內主民事者夫三爲屋屋三爲井出地貢者三三相任

鄉師之職各掌其所治鄉之教而聽其治聽

平察以國比之灋以時稽其夫家衆寡辨其

老幼貴賤廢疾馬牛之物辨其可任者與其

施舍者掌其戒令糾禁聽其獄訟施舍謂應復免不給

繇役繇大役則帥民徒而至治其政令既役則受

州里之役要以攷司空之辟以逆其役事而

至至作部曲也既已也役要所遣民徒之數辟功作章程逆猶鉤考也鄭司農云辟法也

凡邦事令作秩叙事功力之事秩常也叙猶

大祭祀羞牛牲共茅菹杜子春云菹當為菹以茅為菹若葵菹也

鄭大夫讀菹為藉謂祭前藉也易曰藉用白茅无咎玄謂菹士虞禮所謂苴刈茅長五寸

束之者是也祝設于几東席上命佐食取黍稷祭于苴三取膚祭祭如初此所以承祭既

祭蓋束而去之守祧職大軍旅會同正治其云既祭藏其隋是與

徒役與其輦輦戮其犯命者

輦駕馬輦人輓行所以載任器

也止以為蕃營司馬法曰夏后氏謂輦曰余車殷曰胡奴車周曰輜輦輦一斧一斤一鑿

一裡一鋤周輦加二版二築又曰夏后氏二十人而輦殷十八人而輦周十五人而輦故

書輦作連鄭司大喪用役則帥其民而至遂農云連讀為輦

治之

治謂監督其事

及葬執纛以與匠師御匱而治

役

匠師事官之屬其於司空若鄉師之於司徒也鄉師主役匠師主眾匠共主葬引雜

記曰升正樞諸侯執紼五百人四紼皆銜枚司馬執鐸左八人右八人匠人執翽以御樞

天子六引禮依此云鄭司農云翽羽葆幢也爾雅曰纛翳也以指麾輓樞之役正其行列

進退及窆執斧以涖匠師匠師主豐碑之事執斧以涖之使戒其事

故書涖作立鄭司農云窆謂葬下棺也春秋傳曰日中而壙禮記所謂封者立讀為涖涖

謂臨視也凡四時之田前期出田灋于州里簡其

鼓鐸旗物兵器脩其卒伍田法人徒及所當有及期以

司徒之大旗致衆庶而陳之以旗物辨鄉邑

而治其政令刑禁巡其前後之屯而戮其犯

命者斷其爭禽之訟司徒致衆庶者以熊虎之旗此又以之明為司

徒致之大夫致衆當以鳥隼之旗陳之以旗物以表正其行列辨別異也故書巡作述屯

或爲醫鄭大夫讀屯爲課殿杜子春讀爲在
後曰殿謂前後屯兵也玄謂前後屯車徒異
部也今書多凡四時之徵令有常者以木鐸
爲屯從屯

徇於市朝

徵令有常者謂田狩及正月以歲
命脩封疆二月命雷且發聲

時巡國及野而賙萬民之羸阨以王命施惠

歲時者隨其事之時不必四時也艱阨
饑乏也鄭司農云賙讀爲周急之周歲終

則攷六鄉之治以詔廢置正歲稽其鄉器比

共吉凶二服間共祭器族共喪器黨共射器

州共賓器鄉共吉凶禮樂之器

吉服者祭服
也凶服者弔

服也比長主集爲之祭器者簠簋鼎俎之屬
問胥主集爲之喪器者夷槃素俎楬豆軋軸
之屬族師主集爲之此三者民所以相共也
射器者弓矢楅中之屬黨正主集爲之爲州
長或時射於此黨也賓器者尊俎笙瑟之屬
州長主集爲之爲鄉大夫或時賓賢能於此
州也吉器若間祭器者也凶器若族喪器者
也禮樂之器若州黨賓射之器者也鄉大夫
備集此四者爲州黨族間有故而不共也此
鄉器者旁使相共則民無廢事上下相補則
禮行而教成若國大比則攷教察辭稽器展事以

詔誅賞

攷教視賢能以知道藝與不察辭
視吏言事知其情實不展猶整具

鄉大夫之職各掌其鄉之政教禁令

鄭司農
云萬二

千五百家爲鄉正月之吉受教灋于司徒退而頒之

于其鄉吏使各以教其所治以攷其德行察

其道藝

其鄉吏州長以下

以歲時登其夫家之衆寡

辨其可任者國中自七尺以及六十野自六

尺以及六十有五皆征之其舍者國中貴者

賢者能者服公事者老者疾者皆舍以歲時

入其書

登成也定也國中城郭中也晚賦稅而早免之以其所居復多役少野早

賦稅而晚免之以其復少役多鄭司農云征之者給公上事也舍者謂有復除舍不收役

事也貴者謂若今宗室及關內侯皆復也服
公事者謂若今吏有復除也老者謂若今八
十九十復羨卒也疾者謂若今癰不可三年
事者復之玄謂入其書者言於大司徒
則大比攷其德行道藝而興賢者能者鄉老
及鄉大夫帥其吏與其衆寡以禮禮賓之
賢者
有德行者能者有道藝者衆寡謂鄉人之善
者無多少也鄭司農云興賢者謂若今舉孝
廉興能者謂若今舉茂才賓敬也賓所舉賢
者能者玄謂變舉言興者謂合衆而尊寵之
以鄉飲酒之
禮禮而賓之
厥明鄉老及鄉大夫羣吏獻賢
能之書于王王再拜受之登于天府內史貳

之厥其也其賓之明日也獻猶進也王拜受

廟之寶藏者內史副寫其書者當詔王爵祿之時退而以鄉射之禮

五物詢衆庶一曰和二曰容三曰主皮四曰

和容五曰興舞

物以用也行鄉射之禮而以五物詢於衆民鄭司農云詢謀

也問於衆庶寧復有賢能者和謂閨門之內行也容謂容貌也主皮謂善射射所以觀士

也故書舞爲無杜子春讀和容爲和頌謂能爲樂也無讀爲舞謂能爲六舞玄謂和載六

德容包六行也庶民無射禮因田獵分禽則有主皮主皮者張皮射之無侯也主皮和容

興舞則六藝之射與禮樂與當射之時民必觀焉因詢之也孔子射於矍相之圃蓋觀者

如堵牆射至於司馬使子路執弓矢出誓射者又使公罔之裘序點揚觶而語詢衆庶之儀若此謂使民興賢出使長之使民興能入

使治之

言是乃所謂使民自舉賢者因出之而使之長民教以德行道藝於外也

使民自舉能者因入之而使之治民之貢賦田役之事於內也言爲政以順民爲本也書曰天聰明自我民聰明天明威自我民明威老子曰聖人無常心以百姓心爲心如是則古今未有遺歲終則令六鄉之吏皆會政致民而可爲治

事

會計也致事言其歲盡文書

正歲令羣吏攷灋于司徒

以退各憲之於其所治國大詢于衆庶則各

帥其鄉之眾寡而致於朝

大詢者詢國危詢國遷詢立君鄭司

農云大詢于眾庶洪範所謂謀及庶民

國有大故則令民各守

其間以待政令

使民皆聚於閭胥所治處

以旌節輔令則

達之

民雖以徵令行其將之者無節則不得通

州長各掌其州之教治政令之灋

鄭司農云二千五百

家為州論語曰雖州里行乎哉春秋傳曰鄉取一人焉以歸謂之夏州

正月之

吉各屬其州之民而讀灋以攷其德行道藝

而勸之以糾其過惡而戒之

屬猶合也聚也因聚眾而勸戒

之者欲其善

若以歲時祭祀州社則屬其民而讀

灋亦如之春秋以禮會民而射于州序

序州黨之

學也會民而射所以正其志也射義

凡州之

大祭祀大喪皆涖其事

大祭祀謂州社稷也大喪鄉老鄉大夫於

是卒者也

若國作民而師田行役之事則帥

而致之掌其戒令與其賞罰

致之致之於司徒也掌其戒令

賞罰則是於

歲終則會其州之政令正歲則

讀教灋如初

雖以正月讀之至正歲猶復三

年大比則大攷州里以贊鄉大夫廢興廢興所廢

退所興進也鄭司農云贊助也

黨正各掌其黨之政令教治鄭司農云五百家為黨論語曰

孔子於鄉黨又及四時之孟月吉日則屬民

曰闕黨童子而讀邦灋以糾戒之以四孟之月朔日讀法者彌親民者於教亦彌

數春秋祭禘亦如之禘謂雩禘水旱之神蓋亦為壇位如祭社稷云

國索鬼神而祭祀則以禮屬民而飲酒于序

以正齒位壹命齒于鄉里再命齒于父族三

命而不齒

國索鬼神而祭祀謂歲十二月大蜡之時建亥之月也正齒位者鄉

飲酒義所謂六十者坐五十者立侍六十者三豆七十者四豆八十者五豆九十者六豆

是也必正之者為民三時務農將闕於禮至此農隙而教之尊長養老見孝弟之道也黨

正飲酒禮亡以此事屬於鄉飲酒之義微失少矣凡射飲酒此鄉民雖為鄉大夫必來觀

禮鄉飲酒鄉射記大夫樂作不入士既旅不入是也齒于鄉里者以年與眾賓相次也齒

于父族者父族有為賓者以年與之相次異姓雖有老者居於其上不齒者席于尊東所

謂凡其黨之祭祀喪紀婚冠飲酒教其禮事

掌其戒禁

其黨之民

凡作民而師田行役則以其

灋治其政事

亦於軍因為旅帥

歲終則會其黨政帥

其吏而致事正歲屬民讀灋而書其德行道

藝

書記

以歲時涖校比

涖臨也鄭司農云校比族師職所謂以時

屬民而校登其族之夫家衆寡辨其貴賤老幼癈疾可任者及其六畜車輦如今小案比

及大比亦如之

族師各掌其族之戒令政事

政事邦政之事鄭司農云百家

為族月吉則屬民而讀邦灋書其孝弟睦婣有

學者

月吉每月朔日也故書上句或無事字杜子春云當為正月吉書亦或為戒令

政事月吉則屬民而讀邦法

春秋祭酺亦如之

酺者為人
物裁害之

神也故書酺或為步杜子春云當為酺玄謂
校人職又有冬祭馬步則未知此世所云蜾

螟之酺與人鬼之步與蓋亦為壇位如雩祭
云族長無飲酒之禮因祭酺而與其民以長

幼相獻
酬焉

以邦比之灋帥四閭之吏以時屬民

而校登其族之夫家眾寡辨其貴賤老幼廢

疾可任者及其六畜車輦

登成也
定也

五家為比

十家為聯五人為伍十人為聯四閭為族八

閭為聯使之相保相受刑罰慶賞相及相共

以受邦職以役國事以相葬埋

相共猶相救相賙

若

作民而師田行役則合其卒伍簡其兵器以

鼓鐸旗物帥而至掌其治令戒禁刑罰

亦於軍因

為卒長

歲終則會政致事

閭胥各掌其閭之徵令

鄭司農云二十五家為閭

以歲時

各數其閭之眾寡辨其施舍凡春秋之祭祀

役政喪紀之數聚眾庶既比則讀灋書其敬

敏任恤者

祭祀謂州社黨禋族酺也役田役也政若州射黨飲酒也喪紀大喪

之事也四者及比皆會聚眾民因以讀法以勅戒之故書既為暨杜子春讀政為征暨為

既
凡事掌其比觶撻罰之事

觶撻者失禮之罰也觶用酒其

爵以兕角為之撻扑也故書或言觶撻之罰事杜子春云當言觶撻罰之事

比長各掌其比之治五家相受相和親有臯

奇衰則相及

邪猶惡也

徙于國中及郊則從而授

之

徙謂不便其居也或國中之民出徙郊或郊民入徙國中皆從而付所處之吏明無

罪

若徙于他則為之旌節而行之

徙於他謂出居異鄉

也授之者有節乃達

若無授無節則唯園土內之

鄉中無授

出鄉無節過所則呵問繫之圜土考辟之也
圜土者獄城也獄必圜者規主仁以仁心求
其情古之治獄閱於出之

封人掌設王之社壇爲畿封而樹之

壇謂壇及墁埒

也畿上有封若今時界矣不言稷者稷社之細也

凡封國設其社稷

之壇封其四疆

封國建諸侯立其國之封

造都邑之封域

者亦如之令社稷之職

將祭之時令諸有職事於社稷者也郊特

牲曰唯爲社事單出里唯爲社田國人畢凡作唯爲社丘乘共粢盛所以報本反始也

祭祀飾其牛牲設其楅衡置其綏共其水橐

飾謂刷治絜清之也鄭司農云福衡所以福
持牛也絜著牛鼻繩所以牽牛者今時謂之
雉與古者名同皆謂夕牲時也杜子春云福
衡所以持牛令不得抵觸人玄謂福設於角
衡設於鼻如椶狀也水橐給殺歌舞牲及毛
時洗薦牲也絜字當以豸為聲

炮之豚

謂君牽牲入時隨歌舞之言其肥香以歆神也毛炮豚者燂去其毛而炮

之以備八珍鄭司農云封人主歌舞其牲云博碩肥腍

凡喪紀賓客軍

旅大盟則飾其牛牲

大盟會同之盟

鼓人掌教六鼓四金之音聲以節聲樂以和

軍旅以正田役

音聲五聲合和者

教為鼓而辨其聲

用教為鼓教擊鼓者大小之以雷鼓鼓神祀

雷鼓八面鼓也以靈鼓鼓社祭靈鼓六面鼓也社祭祭地

神祀祀天神也以路鼓鼓鬼享路鼓四面鼓也鬼享享宗廟也以鼗鼓鼓

軍事大鼓謂之鼗鼗鼓長八尺以鼗鼓鼓役事鼗鼓長丈二尺以

晉鼓鼓金奏晉鼓長六尺六寸金奏謂樂作擊編鍾以金錞和

鼓錞錞于也圜如碓頭大上以金鐃節鼓鐃鐃

也形如小鍾軍行鳴之以為以金鐃止鼓鐃如

鼓節司馬職曰軍行鳴鐃鈴無舌有秉執而鳴之以止以金鐃通鼓鐃大

擊鼓司馬職曰鳴鐃且卻

鈴也振之以通鼓司
馬職曰司馬振鐸
凡祭祀百物之神鼓兵

舞帔舞者

兵謂于戚也帔列五采繒為之有秉皆舞者所執

凡軍旅

夜鼓鼙

鼙夜戒守鼓也司馬法曰昏鼓四通為大鼙夜半三通為晨戒旦明五通

為發

軍動則鼓其衆

行動旦

田役亦如之救日

月則詔王鼓

救日月食王必親擊鼓者聲大異春秋傳曰非日月之眚不鼓

大喪則詔大僕鼓

始崩及窆時也

舞師掌教兵舞帥而舞山川之祭祀教帔舞

帥而舞社稷之祭祀教羽舞帥而舞四方之

祭祀教皇舞帥而舞旱暵之事

羽析白羽為之形如帟也

四方之祭祀謂四望也旱暵之事謂雩也暵熱氣也鄭司農云皇舞蒙羽舞書或為望或

為義玄謂皇析五采羽為之亦如帟凡野舞則皆教之

野舞謂野人欲

者學舞凡小祭祀不興舞

小祭祀王玄冕所祭者興猶作也

牧人掌牧六牲而阜蕃其物以共祭祀之牲

牲

六牲謂牛馬羊豕犬雞鄭司農云牲純也玄謂牲體完具

凡陽祀用騂

牲毛之陰祀用黝牲毛之望祀各以其方之

色牲毛之

騂牲赤色毛之取純毛也陰祀祭地北郊及社稷也望祀五嶽四鎮

四瀆也鄭司農云陽祀春夏也黝讀為幽凡幽黑也玄謂陽祀祭天於南郊及宗廟

時祀之牲必用牲物時祀四時所常祀謂山川以下至四方百物

凡外祭毀事用龙可也外祭謂表貉及王行所過山川用事者故

書毀為瓢龙作龍杜子春云瓢當為毀龍當為龙龙謂雜色不純毀謂副辜侯禳毀除殃

咎之凡祭祀共其犧牲以授充人繫之犧牲屬毛羽

完具也授充人者當殊養之周景王時賓起見雄雞自斷其尾曰雞憚其為犧凡牲

不繫者共奉之謂非時而祭祀者

牛人掌養國之公牛以待國之政令公猶凡官也

祭祀共其享牛求牛以授職人而芻之鄭司農云

享牛前祭一日之牛也求牛禱於鬼神祈求福之牛也玄謂享獻也獻神之牛謂所以祭

者也求終也終事之牛謂所以繹者也宗廟有繹者孝子求神非一處職讀為櫟櫟謂之

棧可以繫牛櫟人者謂牧人充人與芻牲凡之芻牛人擇於公牛之中而以授養之

賓客之事共其牢禮積膳之牛牢禮殮養也積所以給賓

客之用若司儀職曰主國五積者也膳所以間禮賓客若掌客云殷膳大牢饗食

賓射共其膳羞之牛羞進也所進賓之膳燕禮小臣請執冪者與羞

膳者至獻賓而膳宰設折俎王之膳羞亦猶此軍事共其槁牛鄭司農云

犒師喪事共其奠牛謂殷奠遣奠也凡會同

軍旅行役共其兵車之牛與其牽徬以載公

任器牽徬在轅外輓牛也人御之居其前曰牽居其旁曰徬任猶用也凡祭

祀共其牛牲之互與其盆簋以待事鄭司農云互謂

楅衡之屬盆簋皆器名盆所以盛血簋受肉籠也互謂互若今屠家縣肉格

充人掌繫祭祀之牲拴祀五帝則繫于牢芻

之三月牢閑也必有閑者防禽獸觸齧享先

王亦如之凡散祭祀之牲繫于國門使養之

散祭祀謂司中司命山川之屬國門謂城門司門之官鄭司農云使養之使守門者養之

展牲則告牲

鄭司農云展具也具牲若今時選牲也充人主以牲牲告展牲

者也玄謂展牲若今夕牲也特牲饋食之禮曰宗人視牲告充舉獸尾告備近之碩

牲則贊

贊助也君牽牲入將致之助持之也春秋傳曰故奉牲以告曰博碩肥腍

周禮卷第三

經五千五百六十六字

注八千四百一十四字

周禮卷第四

地官司徒下

周禮

鄭氏注

載師掌任土之灋以物地事授地職而待其

政令

任土者任其力勢所能生育且以制貢賦也物物色之以知其所宜之事而授

農牧衡虞使職之

以廛里任國中之地以場圃任園

地以宅田士田賈田任近郊之地以官田牛

田賞田牧田任遠郊之地以公邑之田任甸

地以家邑之田任稍地以小都之田任縣地

以大都之田任量地

故書塵或作壇郊或爲蒿稍或作削鄭司農云

壇讀爲塵塵市中空地未有肆城中空地未
有宅者民宅曰宅宅田者以備益多也士田
者士大夫之子得而耕之田也賈田者吏爲
縣官賣財與之田官田者公家之所耕田牛
田者以養公家之牛賞田者賞賜之田牧田
者牧六畜之田司馬法曰王國百里爲郊二
百里爲州三百里爲野四百里爲縣五百里
爲都杜子春云蒿讀爲郊五十里爲近郊百
里爲遠郊玄謂塵里者若今云邑居里矣塵
民居之區域也里居也園樹果蓏之屬季秋
於中爲場樊圃謂之園宅田致仕者之家所
受田也士相見禮曰宅者在邦則曰市井之
臣在野則曰草莽之臣士讀爲仕仕者亦受
田所謂圭田也孟子曰自卿以下必有圭田

圭田五十畝賈田在市賈人其家所受田也
官田庶人在官者其家所受田也牛田牧田
畜牧者之家所受田也公邑謂六遂餘地天
子使大夫治之自此以外皆然二百里三百
里其大夫如州長四百里五百里其大夫如
縣正是以或謂二百里爲州四百里爲縣云
遂人亦監焉家邑大夫之采地小都卿之采
地大都公之采地王子弟所食邑也畱五百
里王畿界也皆言任者地之形實不方平如
圖受田邑者遠近不得盡如制其所生育賦
貢取正於是耳以廛里任國中而遂人職授
民田夫一廛田百畝是廛里不謂民之邑居
在都城者與凡王畿內方千里積百同九百
萬夫之地也有山陵林麓川澤溝瀆城郭宮
室涂巷三分去一餘六百萬夫又以田不易
一易再易上中下相通定受田者三百萬家

也遠郊之內地居四同三十六萬夫之地也
三分去一其餘二十四萬夫六鄉之民七萬
五千家通不易一易再易一家受二夫則十
五萬夫之地其餘九萬夫廛里也場圃也宅
田也士田也賈田也官田也牛田也賞田也
牧田也九者亦通受一夫焉則半農人也定
受田十二萬家也食貨志云農民戶一人已
受田其家衆男爲餘夫亦以口受田如此士
工商家受田五口乃當農夫一人今餘夫在
遂地之中如此則士工商以事入在官而餘
夫以力出耕公邑甸稍縣都合居九十六同
八百六十四萬夫之地城郭宮室差少涂巷
又狹於三分所去六而存一焉以十八分之
十三率之則其餘六百二十四萬夫之地通
上中下六家而受十三夫定受田二百八十
八萬家也其在甸七萬五千家爲六遂餘則

邑公凡任地國宅無征園廛二十而一近郊十

一遠郊二十而三甸稍縣都皆無過十二唯

其漆林之征二十而五征稅也言征者以共國政也鄭司農云任

地謂任土地以起稅賦也國宅城中宅也無征無稅也故書漆林爲漆林杜子春云當爲

漆林玄謂國宅凡官所有宮室吏所治者也周稅輕近而重遠近者多役也園廛亦輕之

者廛無穀園少利也古之宅必樹而置場有瓜凡宅不毛者有里布

凡田不耕者出屋粟凡民無職事者出夫家

之征鄭司農云宅不毛者謂不樹桑麻也里布者布參印書廣二寸長二尺以爲幣

貿易物詩云抱布買絲抱此布也或曰布泉也春秋傳曰買之百兩一布又廛人職掌斂市之次布僦布質布罰布廛布孟子曰廛無夫里之布則天下之民皆說而願爲其民矣故曰宅不毛者有里布民無職事出夫家之征欲令宅樹桑麻民就四業則無稅賦以勸之也故孟子曰五畝之宅樹之以桑則五十者可以衣帛不知言布參印書者何見舊時說也玄謂宅不毛者罰以一里二十五家之泉空田者罰以三家之稅粟以共吉凶二服及喪器也民雖有閒無職事者猶出夫稅家稅也夫稅者百畝之稅家稅者出土徒車輦給繇役以時徵其賦

閭師掌國中及四郊之人民六畜之數以任

其力以待其政令以時徵其賦

國中及四郊是所主數六

鄉之中自廛里至遠郊也掌六畜數者農事之本也賦謂九賦及九貢

凡任民

任農以耕事貢九穀任圃以樹事貢草木任

工以飭材事貢器物任商以市事貢貨賄任

牧以畜事貢鳥獸任嬪以女事貢布帛任衡

以山事貢其物任虞以澤事貢其物

貢草木謂葵韭

果蓏之屬

凡無職者出夫布

獨言無職者掌其九賦

凡庶民

不畜者祭無牲不耕者祭無盛不樹者無槀

不蠶者不帛不績者不衰

掌罰其家事也盛黍稷也槁周棺也

不帛不得衣帛也不衰喪不得衣衰也皆所以恥不勉

縣師掌邦國都鄙稍甸郊里之地域而辨其

夫家人民田萊之數及其六畜車輦之稽三

年大比則以攷羣吏而以詔廢置

郊里郊所居也自邦

國以及四郊之內是所主數周天下也萊休不耕者郊內謂之易郊外謂之萊善言近

若將有軍旅會同田役之戒則受灋于司馬


以作其衆庶及馬牛車輦會其車人之卒伍

类别 士礼居丛书

编号 01518

册数 30

售价 16元



使皆備旗鼓兵器以帥而至

受法於司馬者知所當徵衆寡

凡造都邑量其地辨其物而制其域

物謂地所有也

名山大澤不以封

以歲時徵野之賦貢

野謂甸稍縣都也所徵賦

貢與問師同

遺人掌邦之委積以待施惠鄉里之委積以

恤民之難阨門關之委積以養老孤郊里之

委積以待賓客野鄙之委積以待羈旅縣都

之委積以待凶荒

委積者廩人倉人計九穀之數足國用以其餘共之

所謂餘法用也職內邦之移用亦如此也皆以餘財共之少曰委多曰積鄉里鄉所居也艱阨猶困乏也門關以養老孤人所出入易以取餼廩也羈旅過行寄止者待凶荒謂邦國所當通給者也故書艱阨作擗阨羈作寄杜子春云擗阨當爲艱阨寄當爲羈凡

賓客會同師役掌其道路之委積凡國野之

道十里有廬廬有飲食三十里有宿宿有路

室路室有委五十里有市市有候館候館有

積

廬若今野候徒有序也宿可止宿若今亭有室矣候館樓可以觀望者也一市之間

有三廬一宿

凡委積之事巡而比之以時頒之

均人掌均地政均地守均地職均人民牛馬

車輦之力政

政讀為征地征謂地守地職之稅也地守衡虞之屬地職農圃

之屬力征人民則治城郭涂巷溝渠牛馬車輦則轉委積之屬凡均力政以

歲上下豐年則公旬用三日焉中年則公旬

用二日焉無年則公旬用一日焉

豐年人食四鬴之歲

也人食三鬴為中歲人食二鬴為無歲歲無贏儲也公事也旬均也讀如留留原隰之留

易坤為均今書

凶札則無力政無財賦

無力政恤

其勞也無財賦恤其不收地守地職不均地

乏困也財賦九賦也

政也不收山澤及地稅亦不平計地稅三年大

比則大均有年無年大平計之若久不修則數或闕

師氏掌以媿詔王告王以善道也文王世子曰師也者教之以事而諭

諸德也以三德教國子一曰至德以爲道本二

曰敏德以爲行本三曰孝德以知逆惡教三

行一曰孝行以親父母二曰友行以尊賢良

三曰順行以事師長德行內外之稱在心爲德施之爲行至德中和

之德覆燾持載含容者也孔子曰中庸之爲德其至矣乎敏德仁義順時者也說命曰敬

孫務時敏厥修乃來孝德尊祖愛親守其所
以生者也孔子曰武王周公其達孝矣乎夫
孝者善繼人之志善述人之事者也孝在三
德之下三行之上德有廣於孝而行莫尊焉
國子公卿大夫之子弟師氏教之而居虎門
世子亦齒焉學君臣父子長幼之道
之左司王朝虎門路寢門也王日視朝於路
寢門外畫虎焉以明勇猛於守
宜也司猶察也察王之視朝若掌國中失之
有善道可行者則當前以詔王
事以教國子弟教之者使識舊事也申申禮
者也失失禮者也故書申爲
得杜子春云當爲得記凡國之貴遊子弟學
君得失若春秋是也
焉貴遊子弟王公之子弟遊無官司者
杜子春云遊當爲猶言雖貴猶學凡祭

祀賓客會同喪紀軍旅王舉則從

舉猶行也故書舉為

與杜子春云當為與謂王與會同喪紀之事

聽治亦如之

謂王舉於野外

以聽朝

使其屬帥四夷之隸各以其兵服守王

之門外且蹕

兵服旃布弓劍不同也門外中門之外蹕止行人不得迫王宮

也故書隸或作肆鄭司農云讀為隸

朝在野外則守內列

內列蕃營

之在內者也其屬亦帥四夷之隸守之如守王宮

保氏掌諫王惡

諫者以禮義正之文王世子曰保也者慎其身以輔翼之

而歸諸道者也

而養國子以道乃教之六藝一曰五

禮二曰六樂三曰五射四曰五馭五曰六書

六曰九數乃教之六儀一曰祭祀之容二曰

賓客之容三曰朝廷之容四曰喪紀之容五

曰軍旅之容六曰車馬之容

養國子以道者以師氏之德行

審諭之而後教之以藝儀也五禮吉凶賓軍

嘉也六樂雲門大咸大韶大夏大濩大武也

鄭司農云五射白矢參連剡注襄尺并儀也

五馭鳴和鸞逐水曲過君表舞交衢逐禽左

六書象形會意轉注處事假借諧聲也九數

方田粟米差分少廣商功均輸方程贏不足

旁要今有重差夕桀句股也祭祀之容穆穆

皇皇賓客之容嚴恪矜莊朝廷之容濟濟蹌蹌

踰喪紀之容涕涕翔翔軍旅之容闕闕仰仰
車馬之容顛顛堂堂玄謂祭祀之容齊齊皇
皇賓客之容穆穆皇皇朝廷之容濟濟翔翔
喪紀之容纍纍顛顛軍旅之容暨暨諮諮車
馬之容匪
匪翼翼 凡祭祀賓客會同喪紀軍旅王舉

則從聽治亦如之使其屬守王闡

闡宮中之巷門

司諫掌糾萬民之德而勸之朋友正其行而

強之道藝巡問而觀察之以時書其德行道

藝辨其能而可任于國事者

朋友相切磋以善道也強猶勸

也學記曰強而弗抑則易巡問行以攷鄉里問民間也可任於國事任吏職

之治以詔廢置以行赦宥

因巡問勸強萬民而考鄉里吏民罪

過以告王所當罪不

司救掌萬民之衷惡過失而誅讓之以禮防

禁而救之

邪惡謂侮慢長老語言無忌而未麗於罪者過失亦由邪惡訕營好

訟若抽拔兵器誤以行傷害人麗於罪者凡誅誅責也古者重刑且責怒之未即罪也

民之有衷惡者三讓而罰三罰而士加明刑

恥諸嘉石役諸司空

罰謂撻擊之也加明刑者去其冠飾而書其邪

惡之狀著之背也嘉石朝士所掌在外朝之門左使坐焉以恥辱之既而役諸司空使事

官作之也坐役之數存於司寇其有過失者三讓而罰三罰

而歸于圜土

圜土獄城也過失近罪晝日任之以事而收之夜藏於獄亦加

明刑以恥之不使坐嘉石其罪已著未忍刑之凡歲時有天患民病

則以節巡國中及郊野而以王命施惠

天患謂裁

害也節旌節也施惠賙恤之

調人掌司萬民之難而諧和之

難相與為仇讎諧猶調也

凡過而殺傷人者以民成之

過無本意也成平也鄭司農云

以民成之謂立證佐成其罪也一說以鄉里之民共和解之春秋傳曰惠伯成之之屬

鳥獸亦如之

過失殺傷人之畜產者

凡和難父之讎辟

諸海外兄弟之讎辟諸千里之外從父兄弟

之讎不同國君之讎眡父師長之讎眡兄弟

主友之讎眡從父兄弟

和之使辟於此不得就而仇之九夷八蠻

六戎五狄謂之四海主大夫君也春秋傳曰晉荀偃卒而視不可含宣子盥而撫之曰事

吳敢不弗辟則與之瑞節而以執之

瑞節王節之剡

圭也和之而不肯辟者是不從王命也王以剡圭使調人執之治其罪

凡殺人

有反殺者使邦國交讎之

反復也復殺之者此欲除害弱敵也

邦國交讎之明不和諸侯得者即誅

凡殺人

而義者不同國令勿讎讎之則死

義宜也謂父母兄弟

師長嘗辱焉而殺之者如是為得其宜雖所殺者人之父兄不得讎也使之不同國而已

凡有鬪怒者成之不可成者則書之先動者

誅之

鬪怒辯訟者也不可成不可平也書之記其姓名辯本也鄭司農云成之謂和

之也和之猶今二千石以令解仇怨後復相報移徙之此其類也玄謂上言立證佐成其

非罪似

媒氏掌萬民之判

判半也得耦為合主合其半成夫婦也喪服傳曰夫

妻判合鄭司農云凡男女自成名以上皆書

年月日名焉鄭司農云成名謂令男三十而

娶女二十而嫁二三者天地相承覆之數也

凡娶判妻入子者皆書之書之者以別未成

入子者謂嫁女者也玄謂言中春之月令會

男女中春陰陽交以成於是時也奔者不禁

重天時權若無故而不用令者罰之無故謂

之變也有喪禍者娶得用非中春之月雜司

記曰已雖小功既卒哭可以冠子娶妻

男女之無夫家者而會之

司猶察也無夫家謂男女之鰥寡者

凡嫁子娶妻入幣純帛無過五兩

純實緇字也古緇以

才爲聲納幣用緇婦人陰也凡於娶禮必用其類五兩十端也必言兩者欲得其配合之

名十者象五行十日相成也士大夫乃以玄纁束帛天子加以穀圭諸侯加以大璋雜記

曰納幣一束束五兩兩五尋然則每端二丈

禁遷葬者與嫁殤者

遷葬謂生時非夫婦死既葬遷之使相從也殤十九以下未嫁而死者生不以禮相接死

而合之是亦亂人倫者也鄭司農云嫁殤者謂嫁死人也今時娶會是也

凡男女

之陰訟聽之于勝國之社其附于刑者歸之

于士

陰訟爭中冓之事以觸法者勝國亡國也亡國之社奄其上而棧其下使無所

通就

之以聽陰訟之情明不當宣露其罪不

在赦

宥者直歸士而刑之不復以聽士司寇

之屬

詩云牆有茨不可埽也中冓之言不可道也所可道也言之醜也

司市掌市之治教政刑量度禁令

量豆區斗斛之屬度

丈尺

以次叙分地而經市

次謂吏所治舍思次介次也若今市

亭然

叙肆行以陳肆辨物而平市

陳猶列也辨物物異

肆也

肆異以政令禁物靡而均市

物靡者易售而無用

則市

平以商賈阜貨而行布

通物

禁之

則市均鄭司

以商賈阜貨而行布

通物

農云

靡謂侈靡也

居賣物曰賈阜猶盛也
鄭司農云布謂泉也
以量度成賈而徵價

徵召也儻買也物有
定賈則買者來也
以質劑結信而止訟
質劑

謂兩書一札而別之也若今下手書
言保物要還矣鄭司農云質劑月平
以賈民

禁偽而除詐
賈民胥師賈師之屬必以賈民為之者知物之情偽與實詐

以刑罰禁競而去盜
刑罰憲徇扑
以泉府同貨而

斂賒
同共也同者謂民貨不售則為斂而買之民無貨則賒貫而予之
大市

日廼而市百族為主朝市朝時而市商賈為

主夕市夕時而市販夫販婦為主
日廼市中也市雜聚

之處言主者謂其多者也百族必容來去商賈家於市城販夫販婦朝資夕賣因其便而分爲三時之市所以了物極衆鄭司農云百族百姓也

凡市入則胥執

鞭度守門市之羣吏平肆展成奠賈上旌于

思次以令市市師涖焉而聽大治大訟胥師

賈師涖于介次而聽小治小訟

凡市入謂三時之市市者

入也胥守門察僞詐也必執鞭度以威正人衆也度謂及也因刻丈尺耳羣吏胥師以下也平肆平賣物者之行列使之正也展之言整也成平也會平成市物者也奠讀爲定整勅會者使定物賈防誑豫也上旌者以爲衆望也見旌則知當市也思次若今市亭也市

師司市也介次市亭之屬別小者也故書涖
作立杜子春云奠當爲定鄭司農云思辭也
次市中候樓也立當爲涖涖視也
也玄謂思當爲司字聲之誤也
凡萬民之期

于市者辟布者量度者刑戮者各于其地之

敘

期謂欲賣買期決於市也量度者若今處
斗斛及丈尺也故書辟爲辭鄭司農云辭

布辭訟泉物者也玄謂辟布市
之羣吏考實諸泉入及有遺忘
凡得貨賄六

畜者亦如之三日而舉之

得遺物者亦使置
其地貨於貨之肆

馬於馬之肆則主求之易也三
日而無識認者舉之沒入官

凡治市之貨

賄六畜珍異亡者使有利者使阜害者使亡

靡者使微

謂利利於民謂物實厚者害害於民

徵之也使亡使微抑其賈以卻之也侈靡細好使富民好奢微之而已鄭司農云亡者使

有無此物則開凡通貨賄以璽節出入之璽節

利其道使之有凡通貨賄以璽節出入之璽節

印章如今斗檢封矣使人執之以通商以出貨賄者王之司市也以內貨賄者邦國之司

也市國凶荒札喪則市無征而作布有災害物

為民乏困也金銅無凶年凡市偽飾之禁在

民者十有二在商者十有二在賈者十有二

在工者十有二

鄭司農云所以俱十有二者工不得作賈不得粥商不得

資民不得畜玄謂王制曰用器不中度不粥
於市兵車不中度不粥於市布帛精麤不中
數幅廣狹不中量不粥於市姦色亂正色不
粥於市五穀不時果實未孰不粥於市木不
中伐不粥於市禽獸魚鼈不中殺不粥於市
市亦其類也於四十八則未聞數十二焉市

刑小刑憲罰中刑徇罰大刑扑罰其附于刑

者歸于士

徇舉以示其地之衆也扑撻也鄭
司農云憲罰播其肆也故書附爲

柎杜子春
云當爲附

國君過市則刑人赦夫人過市罰

一幕世子過市罰一帑命夫過市罰一蓋命

婦過市罰一帷

謂諸侯及夫人世子過其國
之市大夫內子過其都之市

也市者人之所交利而行刑之處君子無故
不遊觀焉若遊觀則施惠以爲說也國君則
赦其刑人夫人世子命夫命婦則使之出罰
異尊卑也所罰謂憲徇扑也必罰幕帟蓋帷
市者衆也此四物者在衆之用也此王國之
市而說國君以下過市者諸侯之於其國與
王同以其足
以互明之
凡會同師役市司帥賈師而從

治其市政掌其賣僮之事

市司司市也僮買也會同師役必有

市者大衆所在來物以備之

質人掌成市之貨賄人民牛馬兵器珍異

成平

也會者平物賈而來主成其平也人民奴婢也珍異四時食物凡賣僮者質

劑焉大市以質小市以劑

鄭司農云質劑月平賈也質大賈劑

小賈玄謂質劑者為之券藏之也大市人民馬牛之屬用長券小市兵器珍異之物用短

券掌稽市之書契同其度量壹其淳制巡而

攷之犯禁者舉而罰之

稽猶考也治也書契取予市物之券也其

券之象書兩札刻其側杜子春云淳當為純純謂幅廣制謂匹長也皆當中度量玄謂淳讀如淳尸凡治質劑者國中一旬郊二旬野

鹽之淳

三旬都三月邦國朞期內聽期外不聽

謂齋券契

者來訟也以期內來則治之後期則不治所以絕民之好訟且息文書也郊遠郊也野甸

稍也都小
都大都

塵人掌斂市紵布總布質布罰布塵布而入

于泉府

布泉也鄭司農云紵布列肆之稅布杜子春云總當為儻謂無肆立持者

之稅也玄謂總讀如租穗之穗穗布謂守斗斛銓衡者之稅也質布者質人所罰犯質劑

者之泉也罰布者犯市令者之泉也塵布者貨賄諸物邸舍之稅凡屠者斂

其皮角筋骨入于王府

以當稅給作器物也其無皮角及筋骨不

中用亦凡珍異之有滯者斂而入于膳府故書

滯或作塵鄭司農云謂滯貨不售者官為居之貨物沈滯於塵中不決民待其直以給喪

疾而不可售賈賤者也廛謂市中之地未有肆而可居以畜藏貨物者也孟子曰市廛而不征法而不廛則天下之商皆說而願藏於其市矣謂貨物諸藏於市中而不租稅也故曰廛而不征其有貨物久滯於廛而不售者官以法爲居取之故曰法而不廛立謂滯讀如沈滯之滯珍異四時食物也不售而在廛久則將瘦臃腐敗爲買之入膳夫之府所以紓民事而官不失實

胥師各掌其次之政令而平其貨賄憲刑禁

焉

憲表縣之

察其詐僞飾行儂慝者而誅罰之

鄭司

農云儂賣也慝惡也謂行且賣姦僞惡物者立謂飾行儂慝謂使人行賣惡物於市巧飾

之令欺誑買者聽其小治小訟而斷之

賈師各掌其次之貨賄之治辨其物而均平

之展其成而奠其賈然後令市

辨別也

凡天患

禁貴儻者使有恒賈

恒常也謂若諸米穀棺木而睹久雨疫病者貴

賣之因天災害

四時之珍異亦如之

薦宗廟之物

凡國之賣儻各帥其屬而嗣掌其月

儻買也故書賣

為買鄭司農云謂官有所斥賣賈師帥其屬而更相代直月為官賣之均勞逸

凡師

役會同亦如之

司競掌憲市之禁令禁其鬪鬯者與其競亂

者出入相陵犯者以屬遊飲食于市者

鬯謹也鄭

司農云以屬遊飲食羣飲食者

若不可禁則搏而戮之

司稽掌巡市而察其犯禁者與其不物者而

搏之

不物衣服視占不與衆同及所操物不如品式

掌執市之盜賊

以徇且刑之胥各掌其所治之政執鞭度而

巡其前掌其坐作出入之禁令襲其不正者

作起也坐起禁令當市而不得空守之屬故書襲爲習杜子春云當爲襲謂掩捕其不正

者凡有罪者撻戮而罰之

罰之使出布

肆長各掌其肆之政令陳其貨賄名相近者

相遠也實相近者相爾也而平正之

爾亦近也俱是

物也使惡者遠善善自相近鄭司農云謂若珠玉之屬俱名爲珠俱名爲玉而賈或百萬或數萬恐農夫愚民見欺故別異令相遠使賈人不得雜亂以欺人

斂其總布

掌其戒禁

杜子春云總當爲儻

泉府掌以市之征布斂市之不售貨之滯于

民用者以其賈買之物楬而書之以待不時

而買者買者各從其抵都鄙從其主國人郊

人從其有司然後予之

故書滯為痺杜子春云痺當為滯鄭司農

云物楬而書之物物為楬書書其賈楬著其物也不時買者謂急求者也抵故賈也主者別治大夫也然後予之為封符信然後予之玄謂抵實抵字抵本也本謂所屬吏主有司是凡賒者祭祀無過旬日喪紀無過三月
鄭司

農云賒貫也以祭祀喪紀故從官貫買物

凡民之貸者與其有司

辨而授之以國服為之息

有司其所屬吏也與之別其貸民之

物定其賈以與之鄭司農云貸者謂從官借本賈也故有息使民弗利以其所賈之國所

幣

出爲息也假令其國出絲絮則以絲絮償其
國出絺葛則以絺葛償玄謂以國服爲之息
以其於國服事之稅爲息也於國事受園廛
之田而貸萬泉者則其出息五百王莽時民
貸以治產業者但計贏凡國事之財用取具
所得受息無過歲什一

焉歲終則會其出入而納其餘

會計也納入也入餘於職

司門掌授管鍵以啓閉國門

鄭司農云鍵讀爲蹇管謂籥也

鍵謂

幾出入不物者正其貨賄凡財物犯禁

者舉之

不物衣服視占不與衆同及所操物不如品式者正讀爲征征稅也犯禁

謂商所不資者以其財養死政之老與其孤

財所謂門關之委積也死政之祭祀之牛牲

繫焉監門養之門監門凡歲時之門受其餘鄭

農云受祭凡四方之賓客造焉則以告造猶

告告於王而止客以俟迎

司關掌國貨之節以聯門市貨節謂商本所

也自外來者則案其節而書其貨之多少通

之國閭國門通之司市自內出者司市為之壘節通之國門國門通之司貨賄之出入者

掌其治禁與其征廛

征廛者貨賄之稅與所止邸舍也關下亦有邸

客舍其出布如市之廛

凡貨不出於關者舉其貨罰其

人

不出於關謂從私道出辟稅者則沒其財而撻其人

凡所達貨賄者

則以節傳出之

商或取貨於民間無璽節者至關關爲之璽節及傳出之

其有璽節亦爲之傳

國凶札則無關門之征

猶幾

鄭司農云凶謂凶年饑荒也札謂疾疫死亡也越人謂死爲札春秋傳曰札瘥

天昏無關門之征者出入關門無租稅猶幾謂無租稅猶苛察不得令姦人出入孟子曰

關幾而不征則天下之行旅皆說而願出於其塗

凡四方之賓客斂

關則爲之告

謂朝聘者也。敎關猶謁關人也。鄭司農說以國語曰周之秩官

有之曰敵國賓至關尹以告行理以節逆之

有外內之送令則以

節傳出內之

有送令謂奉貢獻及文書以常事往來環人之職所送迎通賓

客來至關則爲之節與傳以通之

掌節掌守邦節而辨其用以輔王命

邦節者珍圭牙

璋穀圭琬圭琰圭也王有命則別其節守邦之用以授使者輔王命者執以行爲信

守邦

國者用玉節守都鄙者用角節

謂諸侯於其國中公卿大

夫王子弟於其采邑有命者亦自有節以輔之玉節之制如王爲之以命數爲小大角用

犀角其制未聞凡邦國之使節山國用虎節土國用

人節澤國用龍節皆金也以英蕩輔之使節使卿

大夫聘於天子諸侯行道所執之信也土平地也山多虎平地多人澤多龍以金為節鑄

象焉必自以其國所多者於以相別為信明也今漢有銅虎符杜子春云蕩當為幣謂以

函器盛此節或曰英蕩畫函門關用符節貨賄用璽節道

路用旌節皆有期以反節門關司門司關也貨賄者主通貨賄

之官謂司市也道路者主治五涂之官謂鄉遂大夫也凡民遠出至於邦國邦國之民若

來入由門者司門為之節由關者司關為之節其商則司市為之節其以徵令及家徙則

鄉遂大夫爲之節唯時事而行不出關不用
節也變司市言貨賄者璽節主以通貨賄貨
賄非必由市或資於民家焉變鄉遂言道路
者容公邑及小都大都之吏皆主治五涂亦
有民也符節者如今宮中諸官詔符也璽節
者今之印章也旌節今使者所擁節是也將
送者執此節以送行者皆以道里日時課如
今郵行有程矣以防容姦擅有所通也凡節
有法式藏於掌節凡通達於天下者必有節以傳輔

之必有節言遠行無有不得節而出者也輔
之以傳者節爲信耳傳說所齎操及所適

無節者有幾則不達

園土內之

遂人掌邦之野

郊外曰野此野謂甸稍縣都

以土地之圖

經田野造縣鄙形體之灋五家爲鄰五鄰爲里四里爲鄣五鄣爲鄙五鄙爲縣五縣爲遂皆有地域溝樹之使各掌其政令刑禁以歲時稽其人民而授之田野簡其兵器教之稼

穡

經形體皆謂制分界也鄰里鄣鄙縣遂猶郊內比閭族黨州鄉也鄭司農云田野之

居其比伍之名與國中異制故五家爲鄰立謂異其名者示相變耳遂之軍法追胥起徒役如凡治野以下劑致忙以田里安忙以樂

六鄉

昏擾忙以土宜教忙稼穡以興耜利忙以時

器勸田以彊予任田以土均平政

變民言田異外內也

田猶懵懵無知貌也致猶會也民雖受上田中田下田及會之以下劑為率謂可任者家

二人樂昏勸其昏姻如媒氏會男女也擾順也時器鑄作耒耜錢鑄之屬彊予謂民有餘

力復予之田若餘夫然政讀為征土均掌均平其稅鄭大夫讀耒耜為藉杜子春讀耒耜為助

謂起民人辨其野之土上地中地下地以頒令相佐助

田里上地夫一廛田百畹萊五十畹餘夫亦

如之中地夫一廛田百畹萊百畹餘夫亦如

之下地夫一廛田百畹萊二百畹餘夫亦如

之萊謂休不耕者鄭司農云戶計一夫一婦而賦之田其一户有數口者餘夫亦受此
田也廛居也楊子雲有田一廛謂百畝之居也玄謂廛城邑之居孟子所云五畝之宅樹之以桑麻者也六遂之民奇受一廛雖上地猶有萊皆所以饒遠也王莽時城郭中宅不樹者爲不毛
出三夫之布
凡治野夫間有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路以達于畿十夫二鄰之田百夫一鄰之田千夫二鄙之田萬夫四縣之田遂溝洫澮皆所以通水於川也遂廣深各二尺溝倍之洫倍溝澮廣二尋深二仞徑畛涂道路皆所以通車徒

於國都也徑容牛馬畛容大車涂容乘車一軌道容二軌路容三軌都之野涂與環涂同可也萬夫者方三十三里少半里九而方一同以南晦圖之則遂從溝橫洫從澮橫九澮而川周其外焉去山陵林麓川澤溝瀆城郭宮室涂巷三分之制其餘如此以至於畿則中雖有都鄙遂以歲時登其夫家之衆寡及人盡主其地

其六畜車輦辨其老幼廢疾與其施舍者以

頒職作事以令貢賦以令師田以起政役登成

也猶定也夫家猶言男女也施讀爲弛職謂民九職也分其農牧衡虞之職使民爲其事也載師職云以物地事授地職互言矣貢九貢也賦九賦也政役出土徒役若起

野役則令各帥其所治之民而至以遂之大

旗致之其不用命者誅之

役謂師田若有功作也遂之大旗熊

虎

凡國祭祀共野牲令野職

共野牲入於牧人以待事也野

職薪炭之屬

凡賓客令脩野道而委積

委積於廬宿市大

喪帥六遂之役而致之掌其政令及葬帥而

屬六綽及窆陳役

致役致於司徒給墓上事及窆也綽舉棺索也葬舉

棺者謂載與說時也用綽旁六執之者天子

其千人與陳役者主陳列之耳匠師帥監之

鄉師以斧涖焉大喪之正棺殯啓朝及引六

鄉役之載及窆六遂役之亦即遠相終始也

鄭司農云窆謂下棺時遂人主陳役也禮記謂之封春秋謂之塋皆葬下棺也聲相似

凡事致野役而師田作野民帥而至掌其政治禁令

遂師各掌其遂之政令戒禁以時登其夫家

之衆寡六畜車輦辨其施舍與其可任者經

牧其田野辨其可食者周知其數而任之以

徵財征作役事則聽其治訟

施讀亦弛也經牧制田界與井

也可食謂今年所當耕者也財征賦稅之事

巡其稼穡而移用其

民以救其時事

移用其民使轉相助救時急事也四時耕耨斂艾芟地之

宜晚早不同而有天期地澤風雨之急

凡國祭祀審其誓戒共

其野牲

審亦聽也

入野職野賦于王府

民所入貨賄以當九

職九賦中玉府之用者

賓客則巡其道脩庀其委積

巡其

道脩行治道路也故書庀為比鄭司農云比讀為庀庀具也

大喪使帥其

屬以幄帟先道野役及窆抱磨共丘籠及蜃

車之役

使以幄帟先者大宰也其餘司徒也幄帟先所以為葬窆之間先張神坐

也道野役帥以至墓也丘籠之役窆復土也其器曰籠蜃車柩路也柩路載柳四輪迫地

而行有似於蜃因取名焉行至壙乃說更復載以龍輶蜃禮記或作搏或作輶役謂執紼者鄭司農云抱磨磨下車也玄謂磨者適厯執紼者名也遂人主陳之而遂師以名行校之軍旅田獵平野民掌其禁令比敘其事而

賞罰

平謂正其行列部伍也鄭司農云比讀爲庀

遂大夫各掌其遂之政令以歲時稽其夫家之衆寡六畜田野辨其可任者與其可施舍者以教稼穡以稽功事掌其政令戒禁聽其治訟

施讀亦爲弛功事九職之事民所以爲功業

令爲邑者歲終

則會政致事

不言其遂之吏而言為邑者容公邑及卿大夫王子弟之采邑

政令戒禁遂大夫亦施焉

正歲簡稼器脩稼政

簡猶閱也稼器耒耜

茲其之屬稼政孟春之月令所云皆修封疆審端徑術善相丘陵阪險原隰土地所宜五

穀所殖以教道民必躬親之

三歲大比則帥其吏而興

明其有功者屬其地治者

興與興也舉民賢者能者如六鄉之為也

興猶舉也屬猶聚也又因舉吏治有功者而聚勅其餘以職事

凡為邑者以

四達戒其功事而誅賞廢興之

四達者治民之事大通者

有四夫家眾寡也六畜車輦也稼穡耕耨也旗鼓兵革也

縣正各掌其縣之政令徵比以頒田里以分

職事掌其治訟趨其稼事而賞罰之徵徵召也

比若將用野民師田行役移執事則帥而至

治其政令移執事移用其民鄭司農云謂轉相佐助既役則稽功

會事而誅賞

鄙師各掌其鄙之政令祭祀祭祀祭禁也凡作民

則掌其戒令作民謂起役也以時數其衆庶而察其

姦惡而誅賞時四時也歲終則會其鄙之政而致

事

鄮長各掌其鄮之政令以時校登其夫家比

其衆寡以治其喪紀祭祀之事

校猶數也

若作其

民而用之則以旗鼓兵革帥而至若歲時簡

器與有司數之

簡器簡稼器也兵器亦存焉有司遂大夫

凡歲時

之戒令皆聽之趨其耕耨稽其女功

聽之受而行之

也女功絲枲之事

里宰掌比其邑之衆寡與其六畜兵器治其

政令

邑猶里也

以歲時合耦于耜以治稼穡趨其

耕耨行其秩敘以待有司之政令而徵斂其

財賦

考工記曰耜廣五寸二耜為耦此言兩人相助耦而耕也鄭司農云耜讀為藉

杜子春云耜讀為助謂相佐助也玄謂耜者里宰治處也若今街彈之室於此合耦使相

佐助因放而為名季冬之月令命農師計耦耕事修耒耜具田器是其歲時與合人耦則

牛耦亦可知也秩敘受耦相佐助之次第

鄰長掌相糾相受

相糾相舉察

凡邑中之政相贊

長短使相補助

徙于他邑則從而授之

從猶隨也授猶付也

旅師掌聚野之勑粟屋粟間粟

野謂遠郊之外也勑粟民

相助作一井之中所出九夫之稅粟也屋粟民有田不耕所罰三夫之稅粟間粟民無

職事者所出而用之以質劑致民平頒其興

積施其惠散其利而均其政令

而讀爲若聲之誤也若用

之謂恤民之艱阨委積於野如遺人於鄉里也

以質劑致民案入稅者名會而貸之興積所興之積謂三者之粟也平頒之不得偏頗

有多少縣官徵聚物曰興今云軍興是也是粟縣師徵之旅師斂之而用之以賙衣食曰

惠以作事業曰利均其政令者皆以國服爲之凡用粟春頒而秋斂之困時施之凡新田

之治皆聽之使無征役以地之媿惡爲之等

新甿新徙來者也治謂有所求乞也使無政役復之也王制曰自諸侯來徙於家期不從政以地美惡爲之等七人以上授以上地六口授以中地五口以下授以下地與舊民同旅師掌斂地稅而又施惠散利是以屬用新民焉

稍人掌令丘乘之政令

丘乘四丘爲甸甸讀與惟禹陂之之陂同

其訓曰乘由是改云是掌令都鄙脩治井邑丘甸縣都之溝涂云丘甸者舉中言之溝涂之人名井別邑異則民之家數存焉若有會同師田行役之事

則以縣師之灋作其同徒輦輦帥而以至治

其政令以聽於司馬

有軍旅會同田役之戒縣師受法於司馬邦國

都鄙稍甸郊里唯司馬所調以其法作其衆庶及馬牛車輦會其車人之卒伍使皆備旗鼓兵器以帥而至是以書令之耳其所調若在家邑小都大都則稍人用縣師所受司馬之法作之帥之以致於司馬也同徒司馬所調之同凡用役者不必一時皆徧以人數調之使勞逸遞焉

大喪帥蜃車與其役以至掌其政令

以聽於司徒

蜃車及役遂人共之稍人者野監是以帥而致之既夕禮曰既

正柩賓出遂匠納車于階間則天子以至于士柩路皆從遂來

委人掌斂野之賦斂薪芻凡疏材木材凡畜

聚之物

野謂遠郊以外也所斂野之賦謂野之園圃山澤之賦也凡斂材草木有

實者也

凡畜聚之物瓜瓠葵芋禦冬之具也

野之農賦

旅師斂之工商嬪婦遂師以入玉

府其牧則

遂師

以稍聚待賓客以甸聚待羈

又以共野牲

旅

聚凡畜聚之物也故書羈作奇杜子春云當爲羈

凡其余聚以待

頒賜

余當爲餘聲之誤也餘謂縣都畜聚之物

以式灋共祭祀之

薪蒸木材賓客共其芻薪喪紀共其薪蒸木

材軍旅共其委積薪芻凡疏材共野委兵器

與其野囿財用

式法故事之多少也薪蒸給炊及燎麤者曰薪細者曰蒸

木材給張事委積薪芻者委積之薪芻也軍旅又有疏材以助禾粟野委謂廬宿止之薪芻也共兵器謂守衛陳兵之器也野囿之財用者苑囿藩羅之材凡軍旅之

賓客館焉

館舍也必舍此者就牛馬之用

土均掌平土地之政以均地守以均地事以

均地貢

政讀為征所平之稅邦國都鄙也地守虞衡之屬地事農圃之職地貢諸

侯之九貢

以和邦國都鄙之政令刑禁與其施舍

禮俗喪紀祭祀皆以地媿惡為輕重之灋而

行之掌其禁令

施讀亦為弛也禮俗邦國都鄙民之所行先王舊禮也君

子行禮不求變俗隨其土地厚薄爲之制豐省之節耳禮器曰禮也者合於天時設於地財順於鬼神合於人心理萬物

草人掌土化之澆以物地相其宜而爲之種

土化之法化之使美若汜勝之術也以物凡地占其形色爲之種黃白宜以種禾之屬

糞種駢剛用牛赤緹用羊墳壤用麋渴澤用

鹿鹵瀉用豸勃壤用狐埴壚用豕彊藥用蕢

輕煨用犬

凡所以糞種者皆謂煮取汁也赤緹縹色也渴澤故水處也瀉鹵也

豸豸也勃壤粉解者埴壚黏疏者彊藥強堅者輕煨輕肥者故書駢爲埴墳作畚杜子春

挈讀爲駢謂地色赤而土剛強也鄭司農云
用牛以牛骨汁漬其種也謂之糞種墳壤多
蚘鼠也壤白色蕢麻也玄謂墳壤潤解

稻人掌稼下地

以水澤之地種穀也謂以豬
之稼者有似嫁女相生

畜水以防止水以溝蕩水以遂均水以列舍

水以澮寫水以涉揚其芟作田

鄭司農說豬
防以春秋傳

曰町原防規偃豬以列舍水列者非一道以
去水也以涉揚其芟以其水寫故得行其田
中舉其芟鉤也杜子春讀蕩爲和蕩謂以溝
行水也玄謂偃豬者畜流水之陂也防豬旁
隄也遂田首受水小溝也列田之畦疇也澮
田尾去水大溝作猶治也開遂舍水於列中

因涉之揚去前年所凡稼澤夏以水殄草而

芟蕘之

殄病也絕也鄭司農說芟夷以春秋傳曰芟夷蕘崇之今時謂禾下麥爲

夷下麥言芟刈其禾於下種麥也玄謂將以澤地爲稼者必於夏六月之時大雨時行以

水病絕草之後生者至澤草所生種之芒種秋水涸芟之明年乃稼

鄭司農云澤草之所生其旱暵共其雩斂地可種芒種芒種稻麥也人

共雩斂稻急水者也鄭喪紀共其葦事葦以闡壙

司農云雩事所發斂禦濕之物

土訓掌道地圖以詔地事

道說也說地圖九州形勢山川所宜

吉王以施其事也若云荆道地慝以辨地物

而原其生以詔地求

地慝若障蠱然也辨其物者別其所有所無原

其生生有時也以此二者告王之求也地所無及物未生則不求也鄭司農云地慝地所

生惡物害人者王巡守則夾王車

巡守行視所守也天

子以四海為守

誦訓掌道方志以詔觀事

說四方所識久遠之事以告王觀博

古所識若魯有大庭氏之庫穀之二陵

掌道方慝以詔辟忌以

知地俗

方慝四方言語所惡也不辟其忌則其方以為苟於言語也知地俗博事

也鄭司農云以詔辟忌不違其俗
也曲禮曰君子行禮不求變俗
王巡守則

夾王車

山虞掌山林之政令物爲之厲而爲之守禁

物爲之厲每物有蕃界也爲之守禁爲守者
設禁令也守者謂其地之民占伐林木者也

鄭司農云厲
仲冬斬陽木仲夏斬陰木
鄭司農云

遮列守之

陽木春夏生者陰木秋冬生者若松柏之屬
玄謂陽木生山南者陰木生山北者冬斬陽

夏斬陰
凡服耜斬季材以時入之
季猶耜也

堅濡調
用耜材尚柔刃也
令萬民時斬材有期日
時

服牝服車之材
服與耜宜

材斬材之時也有期日凡邦工入山林而掄

材不禁掄猶擇也林國之有不拘日也春秋之斬木不

入禁非冬夏之時不得入所禁之凡竊木者

有刑罰也竊盜若祭山林則為主而脩除且蹕

為主主辨護之也若大田獵則萊山田之野

及弊田植虞旗于中致禽而珥焉萊除其草

田者止也植猶樹也田止樹旗令獲者皆致

其禽而校其耳以知獲數也山虞有旗以其

主山得畫熊虎其仞數則短也鄭司農云珥

左耳

林衡掌巡林麓之禁令而平其守

平其守者平其地之

民守林麓之部分

以時計林麓而賞罰之

計林麓者計其守之

功也林麓蕃茂民不盜竊則有賞不則罰之

若斬木材則受瀾于

山虞而掌其政令

法萬民入出時日之期

川衡掌巡川澤之禁令而平其守以時舍其

守犯禁者執而誅罰之

舍其守者時案視守者於其舍申戒之

祭祀賓客共川奠

川奠籩豆之實魚鱸蜃蛤之屬

澤虞掌國澤之政令爲之厲禁使其地之人

守其財物以時入之于玉府頒其餘于萬民

其地之人占取澤物者因以部分使守之以時入之于玉府謂皮角珠貝也入之以當邦

賦然後得取其餘以自爲凡祭祀賓客共澤也入出亦有時日之期

物之奠澤物之奠亦籩豆之實芹茆菱芡之屬喪紀共其葦蒲

之事葦以闔壙蒲以爲席若大田獵則萊澤野及弊田

植虞旌以屬禽屬禽猶致禽而珥焉澤虞有旌以其主澤澤鳥所集故得

羽注析

迹人掌邦田之地政爲之厲禁而守之

田之地若

今苑也

凡田獵者受令焉

令謂時與處也

禁麇卯者與

其毒矢射者

爲其天物且害心多也麇麋鹿子

卅人掌金玉錫石之地而爲之厲禁以守之

錫鉛也

若以時取之則物其地圖而授之

物地占其

形色知鹹淡也授之教取者之處

巡其禁令

行其禁明其令

角人掌以時徵齒角凡骨物於山澤之農以

當邦賦之政令

山澤出齒角骨物大者犀象其小者麋鹿

以度量

受之以共財用

骨入漆垸者受之以量其餘以度度所中

羽人掌以時徵羽羽之政于山澤之農以當

邦賦之政令

本羽

凡受羽十羽為審百羽為

搏十搏為縛

審搏縛羽數束名也爾雅曰一羽謂之箴十羽謂之縛百羽謂

之縛其名音相近也一羽則有名蓋失之矣

掌葛掌以時徵絺綌之材于山農凡葛征徵

草貢之材于澤農以當邦賦之政令

草貢出澤蒞紵

之屬可以緝績者

以權度受之

以知輕重長短也故書受或為授杜子春云當

為受

掌染草掌以春秋斂染草之物

染草茅蒐橐蘆豕首紫荊

之屬以權量受之以待時而頒之

權量以知輕重多少時染

夏之時

掌炭掌灰物炭物之徵令以時入之

灰炭皆山澤之

農所出也灰給澣練炭之所共多

以權量受之以共邦之用

凡炭灰之事

掌荼掌以時聚荼以共喪事

共喪事者以著物也既夕禮曰

茵著用茶徵野疏材之物以待邦事凡畜聚之物

茶茅莠疏材之類也因使掌焉徵者徵於山澤入於委人

掌蜃掌斂互物蜃物以共閭壙之蜃

互物蚌蛤之屬

閭猶塞也將井惇先塞下以蜃禦濕也鄭司農說以春秋傳曰始用蜃炭言僭天子也

祭祀共蜃器之蜃

凡飾祭器之屬也鬯人職曰凡四方山川用蜃器春秋

定十四年秋天王使石尚來歸蜃蜃之器以蜃飾因名焉鄭司農云蜃可以白器令色白

共白盛之蜃

盛猶成也謂飾牆使白之蜃也今東萊用蛤謂之義灰云

囿人掌囿游之獸禁

囿游囿之離宮小苑觀處也養獸以宴樂視之

禁者其蕃衛也鄭司農牧百獸備養衆物也

云囿游之獸游牧之獸今掖庭有鳥獸自熊虎孔雀至於狐狸鳧鶴備焉祭祀喪紀賓客共其生獸

死獸之物

場人掌國之場圃而樹之果蓏珍異之物以

時斂而藏之

果棗李之屬蓏瓜瓠之屬珍異蒲桃枇杷之屬

凡祭祀

賓客共其果蓏享亦如之

享納牲

廩人掌九穀之數以待國之匪頒賙賜稍食

匪讀爲分分頒謂委人之職諸委積也賙以賜謂王所賜予給好用之式也稍食祿稟

歲之上下數邦用以知足否以詔穀用以治

年之凶豐

數猶計也

凡萬民之食食者人四鬴上

也人三鬴中也人二鬴下也

此皆謂一月食米也六斗四升

曰鬴

若食不能人二鬴則令邦移民就穀詔王

殺邦用

就穀就都鄙之有者殺猶減也

凡邦有會同師役之

事則治其糧與其食

行道曰糧謂糒也止居曰食謂米也

大祭

祀則共其接盛

接讀為一極再祭之扱扱以授春人春之大祭祀之穀藉

田之收藏於神倉者也不以給小用

舍人掌平宮中之政分其財守以灋掌其出

入

政謂用穀之政也分其財守者計其用穀之數分送宮正內宰使守而頒之也而行

出於廩人其有空缺則計之還入

凡祭祀共簠簋簠實之陳之

方曰簠圓曰簋盛黍稷稻粱器

賓客亦如之共其禮車米管

米芻米

禮致饗餼之禮

喪紀共飯米熬穀

飯所以實口不忍虛

也君用梁大夫用稷士用梁皆四升實者唯盈熬穀者錯于棺旁所以惑蚍蜉也喪大記曰熬君四種八筐大夫三種以歲時縣種秬

六筐士二種四筐加魚腊焉

以歲時縣種秬

之種以共王后之春獻種

縣之者欲其風氣燥達也鄭司農云

春王當耕于藉則后獻其種也后獻其種見內宰職掌米粟之出入辨

其物

九穀六米別為書

歲終則會計其政

政用穀之多少

倉人掌粟入之藏

九穀盡藏焉以粟為主

辨九穀之物

以待邦用若穀不足則止餘灋用有餘則藏

之以待凶而頒之

止猶殺也殺餘法用謂道路之委積所以豐優賓客

之屬凡國之大事共道路之穀積食飲之具大事

謂喪戎

司祿闕

司稼掌巡邦野之稼而辨種稑之種周知其

名與其所宜地以爲灋而縣于邑閭周猶徧也徧知

種所宜之地縣以示民巡野觀稼以年之上

下出斂灋斂法者豐年從正凶荒則損掌均

萬民之食而調其急而平其興均謂度其多

阨興所徵賦少調稟其艱

春人掌共米物米物言祭祀共其齎盛之米

齎盛謂黍稷稻粱之賓客共其牢禮之米謂

屬可盛以爲簠簋實

以實筐筥凡饗食共其食米饗有食米則饗掌凡

米事

饔人掌凡祭祀共盛炊而共之王及后之六食

六食六穀之飯凡賓客共其簠簋之實謂致饗食亦

如之

豪人掌共外内朝外朝司寇斷獄弊公之朝宀食者之食

也今司徒府中有百官朝會之殿云天子與丞相舊決大事焉是外朝之存者與内朝路門外之朝也宀食者謂留治文書若今尚書之屬諸直上者若饗食者老孤

子士庶子共其食

士庶子卿大夫士之子弟宿衛王宮者


掌豢祭祀之犬


養大豕日豢不於鰾人言者共至尊雖其潘瀾爓餘不可


褻也

周禮卷第四

經四千五百一十八字
注一万二字







11

12

13

14

周禮卷第五

春官宗伯第三

周禮

鄭氏注



惟王建國辨方正位體國經野設官分職以

爲民極乃立春官宗伯使帥其屬而掌邦禮

以佐王和邦國

禮謂曲禮五吉凶賓軍嘉其別三十有六鄭司農二宗伯

主禮之官故書堯典曰帝曰咨四岳有能典朕三禮僉曰伯夷帝曰俞咨伯女作秩宗宗官又主鬼神故國語曰使名姓之後能知四時之生犧牲之物玉帛之類采服之宜彝器之量次主之度屏攝之位壇場之所上下之神祇氏姓之所出而率舊典者爲之宗春秋

禘于大廟躋僖公而傳曰夏父弗忌爲宗人又曰使宗人鬯夏獻其禮禮特牲曰宗人升自西階視壺濯及豆籩然則唐虞歷三代以宗官典國之禮與其祭祀漢之大常是也

禮官之屬大宗伯卿一人小宗伯中大夫二

人肆師下大夫四人上士八人中士十有六

人旅下士三十有二人府六人史十有二人

胥十有二人徒百有二十人

肆猶陳也肆師佐宗伯陳列祭

祀之位及牲器案盛

鬱人下士二人府二人史一人徒八人

鬱鬱金香

草宜以
和鬯

鬯人下士二人府一人史一人徒八人
鬯釀
秬爲

酒芬香條暢於上下也
秬如黑黍一稊二米

雞人下士一人史一人徒四人

司尊彝下士二人府四人史二人胥二人徒

二十人
彝亦尊也鬱鬯曰彝彝
法也言爲尊之法正

司几筵下士二人府二人史一人徒八人
筵亦

席也鋪陳曰筵藉之曰
席然其言之筵席通矣

天府上士一人中士二人府四人史二人胥

二人徒二十人

府物所藏言天者尊此所藏若天物然

典瑞中士二人府二人史二人胥一人徒十

人

瑞節信也典瑞若今符璽郎

典命中士二人府二人史二人胥一人徒十

人

命謂王遷秩羣臣之書

司服中士二人府二人史一人胥一人徒十

人

典祀中士二人下士四人府二人史二人胥

四人徒四十人

守祧奄八人女祧每廟二人奚四人

遠廟曰祧周為

文王武王廟遷主藏焉奄如今之宦者女祧女奴有才知者天子七廟三昭三穆奚女奴也

世婦每宮卿二人下大夫四人中士八人女

府二人女史二人奚十有六人

世婦后宮官也王后六宮

漢始大長秋詹事中少府大僕亦用士人女府女史女奴有才知者

內宗凡內女之有爵者

內女王同姓之女謂之內宗有爵其嫁於

大夫及士者凡無常數之言

外宗凡外女之有爵者

外女王諸始姊妹之女謂之外宗

冢人下大夫二人中士四人府二人史四人

胥十有二人徒百有二十人

冢封土為丘壠象冢而為之

墓大夫下大夫一人中士八人府二人史四

人胥二十人徒二百人

墓冢塋之地孝子所思慕之處

職喪上士二人中士四人下士八人府二人

史四人胥四人徒四十人

職主也

大司樂中大夫二人樂師下大夫四人上士

八人下士十有六人府四人史八人胥八人

徒八十人

大司樂樂官之長

大胥中士四人小胥下士八人府二人史四

人徒四十人

胥有才知之稱禮記文王世子曰小樂正學干大胥佐之

大師下大夫二人小師上士四人瞽矇上瞽

四十人中瞽百人下瞽百有六十人眡瞭三

百人府四人史八人胥十有二人徒百有二

十人

凡樂之歌必使瞽矇爲焉命其賢知者以爲大師小師晉杜蒯云曠也大師也

眡讀

爲虎眡之眡瞭目明者鄭司農云無目眡謂之瞽有目眡而無見謂之矇有目無眸

子謂之

典同中士二人府一人史一人胥二人徒二

十人

同陰律也不以陽律名官者因其先言耳書曰協時月正日同律度量衡大師

職曰執同律以聽軍聲

磬師中士四人下士八人府四人史二人胥

四人徒四十人

鍾師中士四人下士八人府二人史二人胥

六人徒六十人

笙師中士二人下士四人府二人史二人胥

一人徒十人

鑄師中士二人下士四人府二人史二人胥

二人徒二十人

鑄如鍾而大

韎師下士二人府一人史一人舞者十有六

人徒四十人

鄭司農說以明堂位曰昧東夷之樂讀如味食飲之味杜子春

讀昧為味莖著之昧
玄謂讀如昧韎韐之昧

旄人下士四人舞者衆寡無數府二人史二

人胥二人徒二十人

旄旄牛尾舞者所持以指麾

籥師中士四人府二人史二人胥二人徒二

十人

籥舞者所吹春秋宣八年壬午猶繹萬籥傳曰去其有聲者廢其無聲者

詩云左手執籥右手秉翟

籥章中士二人下士四人府一人史一人胥

二人徒二十人

籥章吹籥以爲詩章

鞀鞀氏下士四人府一人史一人胥二人徒

二十人

鞀讀如屨也鞀屨四夷舞者所屣也今時倡蹋鼓沓行者自有屣

典庸器下士四人府四人史二人胥八人徒

八十人

庸功也鄭司農云庸器有功者鑄器銘其功春秋傳曰以所得於齊之兵

作林鍾而銘魯功焉

司干下士二人府二人史二人徒二十人

舞干

者所持謂盾也春秋傳曰萬者何干舞也

大卜下大夫二人卜師上士四人卜人中士

八人下士十有六人府二人史二人胥四人

徒四十人

問龜曰卜大卜
筮官之長

龜人中士二人府二人史二人工四人胥四

人徒四十人

工取龜
攻龜

蕤氏下士二人史一人徒八人

燹煖用荆
蕤之類

占人下士八人府一人史二人徒八人

占著
龜之

卦兆
吉凶

簪人中士二人府一人史二人徒四人

問著曰筮

其占易

占夢中士二人史二人徒四人

眡祲中士二人史二人徒四人

祲陰陽氣相侵漸成祥者

魯史梓慎云吾見赤黑之祲

大祝下大夫二人上士四人

小祝中士八人下士十有六人府二人史四

人胥四人徒四十人

大祝祝官之長

喪祝上士二人中士四人下士八人府二人
史二人胥四人徒四十人

甸祝下士二人府一人史一人徒四人
甸之言田也

也田狩
之祝

詛祝下士二人府一人史一人徒四人
詛謂祝之

使沮
敗也

司巫中士二人府一人史一人胥一人徒十

人
司巫巫
官之長

男巫無數

女巫無數其師中士四人府二人史四人胥

四人徒四十人

巫能制神之
處位次主者

大史下大夫二人上士四人

小史中士八人下士十有六人府四人史八

人胥四人徒四十人

大史史
官之長

馮相氏中士二人下士四人府二人史四人

徒八人

馮乘也相視也世登高臺以視天文
之次序天文屬大史月令曰乃命大

史守典奉法司天日月
星辰之行宿離不貸

保章氏中士二人下士四人府二人史四人

徒八人

保守也世守天文之變

內史中大夫一人下大夫二人上士四人中

士八人下士十有六人府四人史八人胥四

人徒四十人

外史上士四人中士八人下士十有六人胥

二人徒二十人

御史中士八人下士十有六人其史百有二

十人府四人胥四人徒四十人

御猶侍也進也其史百有

二十人以掌贊書人多也

巾車下大夫二人上士四人中士八人下士

十有六人府四人史八人工百人胥五人徒

五十人

巾猶衣也巾車車官之長

典路中士二人下士四人府二人史二人胥

二人徒二十人

路王之乘車

車僕中士二人下士四人府二人史二人胥
二人徒二十人

司常中士二人下士四人府二人史二人胥

四人徒四十人司常主
王旌旗

都宗人上士二人中士四人府二人史四人

胥四人徒四十人都謂王子弟所封
及公卿所食邑

家宗人如都宗人之數家謂大夫
所食采地

凡以神士者無數以其藝爲之貴賤之等神以

士者男巫之俊有學問才知者藝謂禮樂射
御書數高者為上士次之為中士又次之為
下士

大宗伯之職掌建邦之天神人鬼地示之禮

以佐王建保邦國

之建立也立天神地祇人鬼之禮者謂祀之祭之享之

禮吉禮是也保安也所以佐王立安邦國者主謂凶禮賓禮軍禮嘉禮也目吉禮於上承

以立安邦國者互以相成明尊鬼神重人事

以吉禮事邦國之鬼

神示

子事謂祀之祭之享之故書吉或為告杜

亦多為吉禮吉以禋祀祀昊天上帝以實柴
禮之別十有二

祀日月星辰以禋燎祀司中司命覲師雨師

禋之言煙周人尚臭煙氣之臭聞者禋積也
詩曰芄芃棫樸薪之禋之三祀皆積柴實牲
體焉或有玉帛燔燎而升煙所以報陽也鄭
司農云昊天上帝玄天也昊天上帝樂
以雲門實柴實牛柴上也故書實柴或為賓
柴司中三能三階也司命文昌宮星風師箕
也雨師畢也玄謂昊天上帝冬至於圓丘所
祀天皇帝星謂五緯辰謂日月所會十二
次司中司命文昌第五第四星或曰中以血
能上能也祀五帝亦用實柴之禮云
祭祭社稷五祀五嶽以貍沈祭山林川澤以
鬯辜祭四方百物

不言祭地此皆地祇祭地
可知也陰祀自血起貴氣

臭也社稷土穀之神有德者配食焉共工氏之子曰句龍食於社有厲山氏之子曰柱食於稷湯遷之而祀棄故書祀作禋鬲爲罷鄭司農云禋當爲祀書亦或作祀五祀五色之帝於王者宮中曰五祀罷辜披磔牲以祭若今時磔狗祭以止風玄謂此五祀者五官之神在四郊四時迎五行之氣於四郊而祭五德之帝亦食此神焉少昊氏之子曰重爲句芒食於木該爲蓐收食於金脩及熙爲玄冥食於水顓頊氏之子曰黎爲祝融后土食於火土五嶽東曰岱宗南曰衡山西曰華山北曰恒山中曰嵩高山不見四竇者四竇五嶽之匹或省文祭山林曰埋川澤曰沈順其性之含藏鬲鬲牲胄也鬲而磔之謂磔禳及蜡祭郊特牲曰八蜡以記四方四年不順成八蜡不通以謹民財也又曰蜡之祭也主先

嗇而祭司嗇也祭百種以報嗇也饗農及郵表啜禽獸仁之至義之盡也以肆獻

裸享先王以饋食享先王以祠春享先王以

禴夏享先王以嘗秋享先王以烝冬享先王

宗廟之祭有此六享肆獻裸饋食在四時之上則是禘也肆者進所解牲體謂薦孰

時也獻獻醴謂薦血腥也裸之言灌灌以鬱鬯謂始獻尸求神時也郊特牲曰魂氣歸于

天形魄歸于地故祭所以求諸陰陽之義也殷人先求諸陽周人先求諸陰灌是也祭必

先灌乃後薦腥薦孰於禘逆言之者與下共文明六享俱然禘言肆獻裸禘言饋食者著

有黍稷互相備也魯禮三年喪畢而禘於大祖明年春禘於羣廟自爾以後五年而再殷

祭一禘一祫

以凶禮哀邦國之憂

哀謂救患分裁凶禮之別有五

以喪禮哀死亡

哀謂親者服焉疏者含祔

以荒禮哀凶札

荒人物有害也曲禮曰歲凶年穀不登君膳不祭肺馬不食穀馳道不除祭事不縣大夫

不食梁士飲酒不樂以弔禮哀禍哉

禍哉謂遭水火

宋大水魯莊公使人弔焉曰天作淫雨害於梁盛如何不弔廋焚孔子拜鄉人為火來者

拜之士一大夫以禴禮哀圍敗

同盟者合會財貨以更其

所喪春秋襄三十年冬會以恤禮哀寇亂

恤憂

也鄰國相憂兵作於外為寇作於內為亂以賓禮親邦國

親謂使之相親

附賓禮之別有八

春見曰朝夏見曰宗秋見曰覲冬

見曰遇時見曰會殷見曰同

此六禮者以諸侯見王爲文六

服之內四方以時分來或朝春或宗夏或覲秋或遇冬名殊禮異更遞而徧朝猶朝也欲其來之早宗尊也欲其尊王覲之言勤也欲其勤王之早宗尊也欲其尊王覲之言勤也欲見者言無常期諸侯有不順服者王將有征討之事則既朝覲王爲壇於國外合諸侯而命事焉春秋傳曰有事而會不協而盟是也殷猶衆也十二歲王如不巡守則六服盡朝朝禮既畢王亦爲壇合諸侯以命政焉所命之政如王巡守殷見四方四時分來終歲則徧

時聘曰問殷覲曰視

時聘者亦無常期天子有事乃聘之焉竟

外之臣既非朝歲不敢瀆為小禮殷覲謂一服朝之歲以朝者少諸侯乃使卿以大禮衆

聘焉一服朝在元以軍禮同邦國同謂威其年七年十一年

者軍禮之別有五大師之禮用衆也義勇大均之禮

恤衆也均其地政地守地大田之禮簡衆也職之賦所以憂民

古者因田習兵大役之禮任衆也築宮邑所閱其車徒之數

強大封之禮合衆也正封疆溝塗之固以嘉弱

禮親萬民嘉善也所以因人心中所善者以飲而為之制嘉禮之別有六

食之禮親宗族兄弟親者使之相親人君有食宗族飲酒之禮所以

親之也文王世子曰族食世降一等大傳曰繫之以姓而弗別綴之以食而弗殊百世而

昏姻不通者以昏冠之禮親成男女親其恩成其性周道然也

以賓射之禮親故舊朋友射禮雖王亦立賓主也王之故舊朋友

友為世子時共在學者天子亦有友諸侯之義武王誓曰我友邦冢君是也司寇職有議

故之辟議以饗燕之禮親四方之賓客賓客謂朝賓之辟

聘以脰膾之禮親兄弟之國脰膾社稷宗廟之肉以賜同姓

之國同福祿也兄弟有共先王者魯以賀慶定公十四年天王使石尚來歸脰

之禮親異姓之國異姓王昏姻甥舅以九儀之命正

邦國之位

每命異儀貴賤之位乃正春秋傳曰名位不同禮亦異數壹命

受職

始見命為正吏謂列國之士於子男為大夫王之下士亦一命鄭司農云受職

治職

再命受服

鄭司農云受服受祭衣服為上士玄謂此受玄冕之服列

國之大夫再命於子男為卿卿大夫自玄冕而下如孤之服王之中士亦再命則爵弁服

三命受位

鄭司農云受下大夫之位玄謂此列國之卿始有列位於王為王之

臣也王之

四命受器

鄭司農云受祭器為上大夫玄謂此公之

孤始得有祭器者也禮運曰大夫具官祭器不假聲樂皆具非禮也王之下大夫亦四命

五命賜則

鄭司農云則者法也出為子男玄謂則地未成國之名王之下大夫

四命出封加一等五命賜之以方百里二百里之地者方三百里以上為成國王葬時以

男之二十五成為則方五十里合今俗說子六命

賜官鄭司農云子男入為卿治一官也玄謂此王六命之卿賜官者使得自置其臣

治家邑如諸侯春秋襄十八年冬晉侯以諸侯圍齊荀偃為君禱河既陳齊侯之罪而曰

曾臣虺將率諸侯以討七命賜國王之卿六焉其官臣偃實先後之命出封加

一等者鄭司農云八命作牧謂侯伯有功德出就侯伯之國

伐於諸侯鄭司農云一州九命作伯上公有之牧王之三公亦八命

加命為二伯得征五侯九伯以王作六瑞以者鄭司農云長諸侯為方伯

等邦國

等猶齊也

王執鎮圭

鎮安也所以安四方鎮圭者蓋以四

鎮之山為瑑飾圭長尺有二寸

公執桓圭

公二王之後及王之上公雙植謂之

桓桓宮室之象所以安其上也桓圭蓋亦以桓為瑑飾圭長九寸

侯執信圭

伯執躬圭

信當為身聲之誤也身圭躬圭蓋皆象以人形為瑑飾文有麤縠耳

欲其慎行以保身圭皆長七寸

子執穀璧男執蒲璧

穀所以養人蒲

為席所以安人二玉蓋或以穀為飾或以蒲為瑑飾璧皆徑五寸不執圭者未成國也

以禽作六摯以等諸臣

摯之言至所執以自致

孤執皮

帛卿執羔大夫執鴈士執雉庶人執鶩工商

執雞

皮帛者束帛而表以皮爲之飾皮虎豹皮帛如今璧色繒也羔小羊取其羣而不失其類鴈取其候時而行雉取其守介而死不失其節鷩取其不飛遷雞取其守時而

動曲禮曰飾羔鴈者以績謂衣之以布而又畫之者自雉以下執之無飾士相見之禮卿

大夫執摯以布不言績此諸侯之臣與天子之臣異也然則天子之孤飾摯以虎皮公之

孤飾摯以豹皮與此孤卿大夫士之摯皆以爵不以命數凡摯無庭實

以玉作

六器以禮天地四方

禮謂始告神時薦於神坐書曰周公植璧秉圭

也是以以蒼璧禮天以黃琮禮地以青圭禮東方

以赤璋禮南方以白琥禮西方以玄璜禮北

方

此禮天以冬至謂天皇帝在崑崙者也禮東方以

立春謂蒼精之帝而大昊句芒食焉禮南方以立夏謂赤精之帝而炎帝祝融食焉禮西

方以立秋謂白精之帝而少昊蓐收食焉禮北方以立冬謂黑精之帝而顓頊玄冥食焉

禮神者必象其類璧園象天琮八方象地圭

象秋嚴半璧曰璜象冬閉皆有牲幣各放其

藏地上無物唯天半見器之色幣以從爵若人以天產作陰德以中

禮防之以地產作陽德以和樂防之鄭司農云陰德

謂男女之情天性生而自然者過時則奔隨先時則血氣未定聖人爲制其中令民三十

而娶女二十而嫁以防其淫泆令無失德情
性隱而不露故謂之陰德陽德謂分地利以
致富富者之失不驕奢則吝嗇故以和樂防
之樂所以滌蕩邪穢道人正性者也一說
地產謂土地之性各異若齊性舒緩楚性急
悍則以和樂防其失令無失德樂所以移風
易俗者也此皆露見於外故謂之陽德陽德
陰德不失其正則民和而物各得其理故曰
以諧萬民以致百物立謂天產者動物謂六
牲之屬地產者植物謂九穀之屬陰德陰氣
在人者陰氣虛純之則劣故食動物作之使
動過則傷性制中禮以節之陽德陽氣在人
者陽氣盈純之則躁故食植物作之使靜過
則傷性制和樂以節之如是然後陰陽平情
性而能
育其類
以禮樂合天地之化百物之產以

士禮居黃氏業齋

士豐民寶民壽壽

事鬼神以諧萬民以致百物

禮濟虛樂損盈並行則四者乃

得其和能生非類曰化生其種曰產

凡祀大神享大鬼祭大示

帥執事而十日宿眡滌濯涖玉鬯省牲鑊奉

玉盥詔大號治其大禮詔相王之禮

執事諸有

事於祭者宿申戒也滌濯既祭器也玉禮神之玉也始涖之祭又奉之鑊亨牲器也大號

六號之大者以詔大祝以為祝辭治猶簡習也豫簡習大禮至祭當以詔相王羣臣禮為

小禮故書涖作立鄭若王不與祭祀則攝位

司農讀為涖視也王有故代凡大祭祀王后不與則攝而薦豆

籩徹

薦徹豆籩王后之事

大賓客則攝而載果

載為也果讀為

裸代王裸賓客以鬯君無酌臣之禮言為者攝酌獻耳拜送則王也鄭司農云王不親為

主朝覲會同則為上相大喪亦如之王哭諸

侯亦如之

相詔王禮也出接賓曰擯入詔禮曰相相者五人卿為上擯大喪王

后及世子也哭諸侯者謂薨於國為位而哭之檀弓曰天子之哭諸侯也爵弁經紼衣

王命諸侯則儻

儻進之也王將出命假祖廟立依前南鄉儻者進當命者

延之命使登內史由王右以策命之降再拜稽首登受策以出此其略也諸侯爵祿其臣

則於祭焉國有大故則旅上帝及四望

故謂凶裁旅陳也陳

其祭事以祈焉禮不如祀之備也上帝五帝也鄭司農云四望日月星海立謂四望五嶽

四鎮王大封則先告后土后土土神也乃頒

祀于邦國都家鄉邑頒讀為班班其所當祀及其禮都家之鄉邑謂

王子弟及公卿大夫所食采地

小宗伯之職掌建國之神位右社稷左宗廟

庫門內雉門外之左右故書位作立鄭司農立讀為位古者立位同字古文春秋經公即

位為公兆五帝于四郊四望四類亦如之兆

即立壇之營域五帝蒼曰靈威仰大昊食焉赤曰赤燠怒炎帝食焉黃曰含樞紐黃帝食焉白

曰白招拒少昊食焉黑曰汁光紀顓頊食焉
黃帝亦於南郊鄭司農云四望道氣出入四
類三皇五帝九皇六十四民咸祀之玄謂四
望五嶽四鎮四竇四類日月星辰運行無常
以氣類爲之位兆日於東郊兆月與風師於
西郊兆司中司命於南郊兆雨師於北郊
兆山川丘陵墳衍各因其方順其所在掌五禮之

禁令與其用等用等牲器尊卑之差鄭司辨
農云五禮吉凶賓軍嘉辨

廟祧之昭穆祧遷主所藏之廟自始辨吉凶
祖之後父曰昭子曰穆

之五服車旗宮室之禁五服王及公卿掌三

族之別以辨親疏其正室皆謂之門子掌其

政令

三族謂父子孫人屬之正名喪服小記曰親親以三為五以五為九正室適子

也將代父當門者也

政令謂役守之事也 毛六牲辨其名物而頒

之于五官使共奉之

毛擇毛也鄭司農云司徒主牛宗伯主雞司馬

主馬及羊司寇主犬司空主豕

辨六齍之名物與其用使六

宮之人共奉之

齍讀為粢六粢謂六穀黍稷稻粱麥苽

辨六彝

之名物以待果將

六彝雞彝鳥彝斚彝黃彝彝虎彝蜚彝果讀為裸辨

六尊之名物以待祭祀賓客

待者有事則給之鄭司農云六

尊獻尊象尊壺尊著尊大尊山尊

掌衣服車旗宮室之賞賜

王以賞賜有功者掌四時祭祀之序事與其

書曰車服以庸禮序事十日省牲視滌濯

帛以詔號號神號幣號鄭司農云大祭祀省

牲眡滌濯祭之日逆盥省鑊告時于王告備

于玉腥逆盥受饔人之盛以入省鑊視亨凡祭

祀賓客以時將瓚果將送也猶奉也祭祀以

圭奉而授宗伯天子詔相祭祀之小禮凡大禮

佐大宗伯臣小禮羣賜卿大夫士爵則儋賜猶

儋之如命諸侯之儀春秋文元年天王使毛伯來錫公命傳曰錫者何賜也命者何加我

服也小祭祀掌事如大宗伯之禮大賓客受其

將幣之齋謂所齋來貢若大師則帥有司而

立軍社奉主車有司大祝也王出軍必先有

社主曰軍社遷主曰祖春秋傳曰軍行祓社

釁鼓祝奉以從曾子問曰天子巡守以遷廟

主行載于齊車言必有尊也書曰用命賞于

祖不用命戮于社社之主蓋用石爲之奉謂

將若軍將有事則與祭有司將事于四望

將軍

有事將與敵合戰也鄭司農云則與祭謂軍

祭表禡軍社之屬小宗伯與其祭事立謂與

祭有司謂大祝之屬若大甸則帥有司而饁

獸于郊遂頒禽甸讀曰田有司大司馬之屬

郊郊有羣神之兆頒禽謂以予羣臣詩傳曰禽雖多擇取三十焉其餘以予大夫士以習

射於澤宮大哉及執事禱祠于上下神示執事

而分之大祝及男巫女巫也求福曰禱得求曰祠謂

曰禱爾于上下神祇鄭司農云小宗伯與執

事共王崩大肆以秬鬯禱祠潁鄭司農云大肆大

為泯以秬鬯浴尸謂大肆始陳尸伸之及執事泣大斂小斂帥

異族而佐執事大祝之屬泣臨也親斂者蓋

十九稱君大夫士一也大斂君百稱大夫五

縣衰冠之式于路門之外制色宜及執事眡

葬獻器遂哭之

執事蓋梓匠之屬至將葬獻明器之材又獻素獻成皆於

殯門外王不親哭有官代之

卜葬兆甫窆亦如之

兆墓塋域甫始

也鄭大夫讀窆皆為穿杜子春讀窆為毳皆謂葬穿壙也今南陽名穿地為窆毳聲如腐脆

之既葬詔相喪祭之禮

喪祭虞祔也檀弓曰葬日虞弗忍一日離

也是日也以虞易奠卒哭曰成事是成葬而

祭墓為位

成葬丘已封也天子之冢蓋不一日而畢位壇位也先祖形體託於

此地祀其神以安之豕人職曰大凡王之會

喪既有日請度甫窆遂為之尸

同軍旅甸役之禱祠肆儀為位肆習也故書肆為肆儀為

義杜子春讀肆當為肆義為儀謂若國有禍

裁則亦如之謂有所凡天地之大裁類社稷

宗廟則為位禱祈禮輕類者依凡國之大禮

佐大宗伯凡小禮掌事如大宗伯之儀

肆師之職掌立國祀之禮以佐大宗伯佐助

立大祀用玉帛牲拴立次祀用牲幣立小祀

用牲

鄭司農云大祀天地次祀日月星辰小祀司命已下玄謂大祀又有宗廟次祀

又有社稷五祀五嶽小祀又以歲時序其祭

祀及其祈珥

序第次其先後大小故書祈為幾杜子春讀幾當為祈珥為餌

玄謂祈當為進機之機珥當為餌機餌者釁禮之事雜記曰成廟則釁之雍人舉羊升屋

自中中屋南面割羊血流于前乃降門夾室皆用雞其餌皆於屋下割雞門當門夾室中

室然則是機謂羊血也小子職曰掌珥于社稷祈于五祀是也亦謂其宮兆始成時也春

秋僖十九年夏邾人執郈子用之傳大祭祀曰用之者何蓋叩其鼻以餌社也

展犧牲繫于牢頒于職人

展省閱也職讀為犧犧可以繫牲者

此人及機人謂充凡祭祀之卜日宿為期詔相其

禮眡滌濯亦如之祭之夕宿先卜祭之日表齋盛告

絜展器陳告備及果築鬻相治小禮誅其慢

怠者者染六穀也在器曰盛陳陳列也果築鬻

謂徽識也鄭司農云築掌兆中廟中之禁令

兆壇凡祭祀禮成則告事畢大賓客涖筵几

築鬻此王所以贊果將酌鬱鬯授大大朝覲

佐儉為承共設匪壘之禮設於賓客之館公

親食使大夫以侑幣致之豆實實于簋簠實實于筐匪其筐字之誤與禮不親饗則以酬

幣致之或者饗食授祭祭肺與祝侯禳于鬯匪以致饗

及郊遠郊百里近郊五十里大喪大湣以

鬯則築鬻築香草煮以爲鬯令外內命婦序

哭次序使相禁外內命男女之衰不中灋者且

授之杖外命男六鄉以出也內命女朝廷卿大夫士也其妻爲外命女喪服爲夫

之君齊衰不杖內命女王之三夫人以下不中法違升數與裁制者鄭司農云三日授子

杖五日授大夫杖七日授士杖此舊說也喪大記曰君之喪三日子夫人杖五日既殯授

大夫世婦杖無七日授士杖文立謂授杖凡
日數王喪依諸侯與七日授士杖四制云

師甸用牲于社宗則為位社軍社也宗遷主也尚書傳曰王升

舟入水鼓鍾亞觀臺亞將舟亞宗廟亞故書
位為涖杜子春云涖當為位書亦或為位宗

謂宗廟類造上帝封于大神祭兵于山川亦如

之造猶即也為兆以類禮即祭上帝也類禮

依郊祀而為之者封謂壇也大神社及方

嶽也山川蓋軍之所依止大傳曰牧之野武
王之大事也既事而退柴於上帝祈于社設

奠於凡師不功則助牽主車助助大司馬也故書功為工鄭

牧室司農工讀為功古者工與功同字謂凡四時
師無功肆師助牽之恐為敵所得

之大甸獵祭表貉則爲位貉師祭也貉讀爲

表之處爲師祭造軍法者禱氣勢嘗之日涖

之增倍也其神蓋蚩蚩或曰黃帝嘗之日涖

卜來歲之芟芟芟草除田也古之始耕者除

也卜者問後歲宜芟不詩獮之日涖卜來歲

之戒秋田爲獮始習兵戒不虞社之日涖卜

來歲之稼社祭土爲取財焉卜若國有大故

則令國人祭大故謂水旱凶荒所歲時之祭

祀亦如之月令仲春命民凡卿大夫之喪相

其禮適相其子凡國之大事治其禮儀以佐宗伯

治謂如今每事者更奏白王禮也故書儀為義鄭司農義讀為儀古者書儀但為義今時

所謂義為誼凡國之小事治其禮儀而掌其事如

宗伯之禮

鬱人掌裸器裸器謂彝及舟與瓚凡祭祀賓客之裸事

和鬱鬯以實彝而陳之築鬱金煮之以和鬯酒鄭司農云鬱草名

十葉為貫百二十貫為築以煮凡裸玉濯之

陳之以贊裸事裸玉謂圭瓚璋瓚詔裸將之儀與其

節節謂王奉玉送凡裸事沃盥大喪之溲共

其肆器肆器陳尸之器喪大記曰君設大盤造冰焉大夫設夷盤造冰焉士併瓦

盤無冰設牀禮第有枕此及葬共其裸器逐

之謂肆器天子亦用夷盤狸之遣奠之彝與瓚也狸之於大祭祀與量

人受舉斚之卒爵而飲之斚受福之嘏聲之誤也王醕尸尸嘏

王此其卒爵也少牢饋食禮主人受嘏詩懷之卒爵執爵以興出宰夫以籩受嗇黍主人

嘗之乃還獻祝此鬱人受王之卒爵亦王出

房時也必與量人者鬱人贊裸尸量人制從

獻之脯膾事相成

鬯人掌共秬鬯而飾之

秬鬯不和鬱者凡祭

祀社壇用大罍

壇謂委土為墀壇所

祭門用

瓢齋

崇謂營鬱所祭門國門也春秋傳曰日月星辰之神則雪霜風雨之不時於是

乎崇之山川之神則水旱厲疫之不時於是乎崇之魯莊二十五年秋大水鼓用牲于門

故書瓢作剽鄭司農讀剽為瓢杜子春讀齋為柒瓢謂瓠也柒盛也玄謂齋讀為齊取

甘瓠割去柢廟用脩凡山川四方用蜃凡裸

事用概凡鬲事用散

裸當為埋字之誤也故

謨當為蜃書亦或為蜃蜃水中蜃也鄭司農云脩謨概散皆器名玄謂廟用脩者謂始禘

時自饋食始脩蜃概散皆漆尊也脩讀曰卣
卣中尊謂獻象之屬尊者彝爲上罍爲下蜃
畫爲蜃形蚌曰合漿尊之象
大喪之大湔設
概尊以朱帶者無飾曰散

斗共其鬯鬯
斗所以沃尸也鬯尸以鬯酒使
之香美者鄭司農云鬯讀爲徽

凡王之齊事共其秬鬯
給泔
凡王弔臨共介

鬯
以尊適卑曰臨春秋傳曰照臨弊邑鄭司
農云鬯香草王行弔喪被之故曰介玄謂

曲禮曰摯天子鬯王至尊以介爲執致之以
禮於鬼神與檀弓曰臨諸侯畛於鬼神曰有

天王某父此王適四方舍諸侯祖
廟祝告其神之辭介於是進鬯

雞人掌共雞牲辨其物
物謂毛色也辨之者
陽祀用騂陰祀用黝

大祭祀夜嘑旦以詔百官

夜夜漏未盡雞鳴時也呼旦以警起

百官使

凡國之大賓客會同軍旅喪紀亦如

之凡國事為期則告之時

象雞知時也告其有司主事者少牢

曰宗人朝服北面曰請祭期主人曰比於子宗人曰旦明行事告時者至此旦明而告之

凡祭祀面禳釁共其雞牲

釁釁廟之屬釁廟以羊門夾室皆用

雞鄭司農云面禳四面禳也釁讀為徽

司尊彝掌六尊六彝之位詔其酌辨其用與

其實

四位所陳之處酌沛之使可酌各異也用四時祭祀所用亦不同實鬱及醴齊之

屬

春祠夏禴裸用雞彝鳥彝皆有舟其朝踐
用兩獻尊其再獻用兩象尊皆有罍諸臣之
所昨也秋嘗冬烝裸用斚彝黃彝皆有舟其
朝獻用兩著尊其饋獻用兩壺尊皆有罍諸
臣之所昨也凡四時之間祀追享朝享裸用
虎彝彝皆有舟其朝踐用兩大尊其再獻
用兩山尊皆有罍諸臣之所昨也

裸謂以圭
瓚酌鬱鬯

始獻尸也后於是以璋瓚酌亞裸郊特牲曰
周人尚臭灌用鬯臭鬱合鬯臭陰達於淵泉

灌以圭璋用玉氣也既灌然後迎牲致陰氣也朝踐謂薦血腥酌醴始行祭事后於是薦朝事之豆籩既又酌獻其變朝踐為朝獻者尊相因也朝獻謂尸卒食王酌之再獻者王酌尸之後后酌亞獻諸臣為賓又次后酌盞齊備卒食三獻也於后亞獻內宗薦加豆籩其變再獻為饋獻者亦尊相因饋獻謂薦孰時后於是薦饋食之豆籩此凡九酌王及后各四諸臣一祭之正也以今祭禮特牲少牢言之二裸為奠而尸飲七矣王可以獻諸臣祭統曰尸飲五君洗玉爵獻卿是其差也明堂位曰灌用玉瓚大圭爵用玉琖加用璧角璧散又鬱人職曰受舉罍之卒爵而飲之則王酌尸以玉爵也王酌尸用玉爵而再獻者用璧角璧散可知也雞彝鳥彝謂刻而畫之為雞鳳皇之形皆有舟皆有壘言春夏秋冬

及追享朝享有之同昨讀爲酢字之誤也諸
臣獻者酌罍以自酢不敢與王之神靈共尊
鄭司農云舟尊下臺若今時承槃獻讀爲犧
犧尊飾以翡翠象尊以象鳳皇或曰以象骨
飾尊明堂位曰犧象周尊也春秋傳曰犧象
不出門尊以裸神罍臣之所飲也詩曰鉶之
罄矣維罍之恥罍讀爲稼稼彝畫禾稼也黃
彝黃目尊也明堂位曰夏后氏以雞彝殷以
罍周以黃目爾雅曰彝卣罍器也著尊者著
略尊也或曰著尊著地無足明堂位曰著殷
尊也壺者以壺爲尊春秋傳曰尊以魯壺追
享朝享謂禘祫也在四時之間故曰間祀雖
讀爲蛇虺之虺或讀爲公用射隼之隼大尊
大古之瓦尊山尊山罍也明堂位曰泰有虞
氏之尊也山罍夏后氏之尊故書踐作餞杜
子春云餞當爲踐玄謂黃目以黃金爲目郊

特牲曰黃目鬱氣之上尊也黃者中也目者氣之清明者也言酌於中而清明於外追享謂追祭遷廟之主以事有所請禱朝享謂朝受政於廟春秋傳曰閏月不告朔猶朝于廟雖禹屬印鼻而長尾山壘亦刻而畫之爲山雲之形凡六彝六尊之酌

鬱齊獻酌醴齊縮酌盎齊沚酌凡酒脩酌故

縮爲數齊爲盥鄭司農云獻讀爲儀儀酌有威儀多也沚酌者沚拭勻而酌也脩酌者以水洗勻而酌也盥讀皆爲齊和之齊杜子春云數當爲縮齊讀皆爲染玄謂禮運曰玄酒在室醴醢在戶粢醑在堂澄酒在下以五齊次之則醢酒盎齊也郊特牲曰縮酌用茅明酌也醢酒沚于清汁獻沚于醢酒猶明清與醢酒于舊澤之酒也此言轉相沛成也獻讀

爲摩莎之莎齊語聲之誤也荈鬱和秬鬯以
醖酒摩莎沛之出其香汁也醴齊尤濁和以
明酌沛之以茅縮去滓也盎齊差清和以清
酒沛之而已其餘三齊泛從醴醢醢醢醢
酒謂三酒也脩讀如滌濯之滌滌酌以水和
而沛之今齊人命浩酒曰滌明酌酌取事酒
之上也澤讀曰醴明酌清酒醖酒沛之皆以
舊醴之酒凡此四者裸用鬱齊朝用醴齊饋
用盎齊諸臣自酢用凡酒唯大喪存奠彝存
大事於大廟備五齊三酒
也謂大遣時奠大旅亦如之
者朝夕乃徹也
奠彝則陳
之不卽徹

司几筵掌五几五席之名物辨其用與其位

五几左右玉彫彤漆素五席莞藻
次蒲熊用位所設之席及其處
凡大朝覲

大饗射凡封國命諸侯王位設黼依依前南

鄉設莞筵紛純加繅席畫純加次席黼純左

右玉几

斧謂之黼其繡白黑采以絳帛爲質依其制如屏風然於依前爲王設席

左右有几優至尊也鄭司農云紛讀爲均服之均

讀爲和粉之粉謂白繡也

純緣也繅讀爲藻率之藻次席虎皮爲席書

顧命曰成王將崩命大保芮伯畢公等被冕

服馮玉几立謂紛如綬有文而狹者繅席削

蒲弱展之編以五采若今合歡矣畫謂雲氣

也次席桃枝席祀先王昨席亦如之鄭司農云昨席

有次列成文

於主階設席王所坐也立謂昨讀曰酢謂祭祀及王受酢之席尸卒食王醕之卒爵祝受之又酌授尸尸酢王於是席王諸侯祭祀席於戶內后諸臣致爵乃設席

蒲筵續純加莞席紛純右彫几

續畫文也不莞席加纁者

纁柔濡不如莞清堅又於鬼神宜

昨席莞筵紛純加纁席畫

純筵國賓于牖前亦如之左彫几

昨讀亦曰酢鄭司農

云禮記國賓老臣也為布筵席於牖前立謂國賓諸侯來朝孤卿大夫來聘後言几者使

不蒙如也朝者甸役則設熊席右漆几謂王

彫几聘者形几凡喪事設葦席右素几其柏席用司祭表貉所設席

荏蒲純諸侯則紛純每敦一几

喪事謂凡奠也荏如葦而

細者鄭司農云柏席迫地之席葦居其上或曰柏席載黍稷之席立謂柏椁字磨滅之餘椁席藏中神坐之席也敦讀曰燾燾覆也棺在殯則椁燾既窆則加見皆謂覆之周禮雖合葬及同時在殯皆異几體凡吉事變几凶實不同祭於廟同几精氣合

事仍几

故書仍爲乃鄭司農云變几變更其質謂有飾也乃讀爲仍仍因也因其

質謂無飾也爾雅曰僦仍因也書顧命曰翌日乙丑成王崩癸酉牖間南嚮西序東嚮東序西嚮皆仍几立謂吉事王祭宗廟裸於室饋食於堂繹於祊每事易几神事文示新之也凶事謂凡奠几

朝夕相因喪禮略

天府掌祖廟之守藏與其禁令

祖廟始祖后稷之廟其寶

物世傳守之若魯寶玉大弓者

凡國之玉鎮大寶器藏焉若

有大祭大喪則出而陳之既事藏之

玉鎮大寶器玉

瑞玉器之美者禘祫及大喪陳之以華國也故書鎮作瑱鄭司農云瑱讀爲鎮書顧命曰

翌日乙丑王崩丁卯命作冊度越七日癸酉

陳寶赤刀大訓弘璧琬琰在西序大玉夷玉

天球河圖在東序脗之舞衣大貝鼓鼓在西房兂之戈和之弓垂之竹矢在東房此其行

事見於經凡官府鄉州及都鄙之治中受而藏之

以詔王察羣吏之治

察察其當黜陟者鄭司農云治中謂其治職簿

書之

上春釁寶鎮及寶器

上春孟春也釁謂殺牲以血血之鄭

司農云釁讀為微或曰釁鼓之釁

凡吉凶之事祖廟之中沃

盥執燭

吉事四時祭也凶事后王喪朝于祖廟之奠

季冬陳玉以

貞來歲之媿惡

問事之正曰貞問歲之美惡謂問於龜大卜職大貞之屬

陳玉陳禮神之玉凡卜筮實問於鬼神龜筮能出其卦兆之占耳龜有天地四方則玉有

六器者與言陳者既事藏之不必貍之也鄭司農云貞問也易曰師貞丈人吉問於丈人

國語曰貞於陽卜

若遷寶則奉之

奉猶送也

若祭天之司

民司祿而獻民數穀數則受而藏之

司民軒轅角也

司祿文星第六星或曰下能也祿之言穀也
年穀登乃後制祿祭此二星者以孟冬既祭
之而上民穀
之數於天府

典瑞掌玉瑞玉器之藏辨其名物與其用事

設其服飾

人執以見曰瑞禮神曰器瑞符
信也服飾服玉之飾謂纁藉

王

晉大圭執鎮圭纁藉五采五就以朝日

纁有
五采

文所以薦玉木為中榦用韋衣而畫之就成
也王朝日者示有所尊訓民事君也天子常
春分朝日秋分夕月覲禮曰拜日於東門之
外故書鎮作瑱鄭司農云晉讀為搢紳之搢
謂插之於紳帶之間若帶劒也瑱讀為鎮玉
人職曰大圭長三尺杼上終葵首天子服之

鎮圭尺有二寸天子守之繅讀爲藻
率之藻五就五帀也一帀爲一就
公執桓

圭侯執信圭伯執躬圭繅皆三采三就子執

穀璧男執蒲璧繅皆二采再就以朝覲宗遇

會同于王
三采朱白蒼二采朱綠也鄭司農云以圭璧見于王覲禮曰侯氏入

門右坐奠圭再拜稽首侯氏見于天子春日朝夏曰宗秋曰覲冬曰遇時見曰會殷見曰

同諸侯相見亦如之
鄭司農云亦執圭璧以相見故邾隱公朝于魯

春秋傳曰邾子瑑圭璋璧琮繅皆二采一就

以覲聘
璋以聘后夫人以琮享之也大夫衆來日覲寡來日聘鄭司農云瑑有圻

鄂瑑

四圭有邸以祀天旅上帝

鄭司農云於中央為璧圭

著其四面一玉俱成爾雅曰邸本也圭本著於璧故四圭有邸圭末四出故也或說四圭

有邸有四角也邸讀為抵欺之抵上帝玄天玄謂祀天夏正郊天也上帝五帝所郊亦猶

五帝殊言天者尊異之也大宗伯兩圭有邸職曰國有大故則旅上帝及四望

以祀地旅四望

兩圭者以象地數二也儻而同邸祀地謂所祀於北郊神

州之神

裸圭有瓚以肆先王以裸賓客

鄭司農云於圭

頭為器可以挹鬯裸祭謂之瓚故詩曰卹彼玉瓚黃流在中國語謂之鬯圭以肆先王灌

先王祭也玄謂肆解牲體以祭因以為名爵行曰裸漢禮瓚槃大五升口徑八寸下有槃

口徑二尺

圭璧以祀日月星辰

圭其邸為璧璋邸取殺於上帝璋邸

射以祀山川以造贈賓客

璋有邸而射取殺於四望鄭司農云

射剡也

土圭以致四時日月封國則以土地

致以

四時日月者度其景至不至以知其行得失也冬夏以致日春秋以致月土地猶度地也

封諸侯以土圭度日景觀分寸長短以制其域所封也鄭司農說以玉人職曰土圭尺有

五寸以致日土地以求地中故謂之土圭

珍圭以徵守以恤凶

荒杜子春云珍當為鎮書亦或為鎮以徵守者以徵召守國諸侯若今時徵郡守以竹

使符也鎮者國之鎮諸侯亦一國之鎮故以鎮圭徵之也凶荒則民有遠志不安其土故

以鎮圭鎮安之玄謂珍圭王使之瑞節制大
小當與琬琰相依王使人徵諸侯憂凶荒之
國則授之執以往致王命焉如今時使者持
節矣恤者闔府庫振救之凡瑞節歸又執以
反命牙璋以起軍旅以治兵守鄭司農云牙璋
兵象故以牙璋發兵若今時以銅虎符發兵
玄謂牙璋亦王使之瑞節兵守用兵所守若
齊人戍遂璧羨以起度鄭司農云羨長也此
諸侯戍周璧羨以起度璧徑長尺以起度量
王人職曰璧羨度尺以爲度玄謂
羨不園之貌蓋廣徑八寸袤一尺
琮琥璜之渠眉疏璧琮以斂尸鄭司農云
外有捷盧也馭
馭讀爲馭疾之馭疏讀爲沙謂圭璋璧琮琥
璜皆爲開渠爲眉璆沙除以斂尸令汁得流

去也玄謂以斂尸者於大斂焉加之也駟讀
爲組與組馬同聲之誤也渠眉玉飾之溝瑑
也以組穿連六玉溝瑑之中以斂尸圭在左
璋在首琥在右璜在足璧在背琮在腹蓋取
象方明神之也疏穀圭以和難以聘女穀圭
璧琮者通於天地穀圭以和難以聘女穀圭
使之瑞節穀善也其飾若栗文然難仇讎和
之者若春秋宣公及齊侯平莒及邾晉侯使
瑕嘉平戎于王其琬圭以治德以結好琬圭
聘女則以納徵焉琬圭以治德以結好亦王
使之瑞節諸侯有德王命賜之及諸侯使大
夫來聘既而爲壇會之使大夫執以命事焉
大行人職曰時聘以結諸侯之好鄭琬圭以
司農云琬圭無鋒芒故治德以結好鄭琬圭以
易行以除慝琬圭亦王使之瑞節鄭司農云
琬圭有鋒芒傷害征伐誅討之

象故以易行除慝易惡行令為善者以此圭
責讓諭告之也玄謂除慝亦於諸侯使大夫
來覲既而使大夫執而命事於壇大祭祀大
行人職曰殷覲以除邦國之慝

旅凡賓客之事共其玉器而奉之

玉器謂四圭裸圭之

屬大喪共飯玉含玉贈玉

飯玉碎玉以雜米也含玉柱左右齟

及在口中者雜記曰含者執璧將命則是璧形而小耳贈玉蓋璧也贈有束帛六幣璧以帛

凡玉器出則共奉之

玉器出謂王所好賜也奉之送以往遠則

送於使者

典命掌諸侯之五儀諸臣之五等之命

五儀公侯

伯子男之儀五等謂孤以下四命三命再命一命不命也或言儀或言命互文也故書儀

作義鄭司農義讀爲儀

上公九命爲伯其國家宮室車

旗衣服禮儀皆以九爲節侯伯七命其國家

宮室車旗衣服禮儀皆以七爲節子男五命

其國家宮室車旗衣服禮儀皆以五爲節上

謂王之三公有德者加命爲二伯二王之後亦爲上公國家國之所居謂城方也公之城

蓋方九里宮方九百步侯伯之城蓋方七里宮方七百步子男之城蓋方五里宮方五百

步大行人職則有諸侯圭藉冕服建王之三常樊纓貳車介牢禮朝位之數焉

公八命其卿六命其大夫四命及其出封皆

加一等其國家宮室車旗衣服禮儀亦如之

四命中下大夫也出封出畿內封於八州之中加一等褒有德也大夫爲子男卿爲侯伯其在朝廷則亦如命數耳王之命凡諸侯之適上士三命中士再命下士一命

子誓於天子攝其君則下其君之禮一等未

誓則以皮帛繼子男

誓猶命也言誓者明天子既命以爲之嗣樹子

不易也春秋桓九年曹伯使其世子射姑來朝行國君之禮是也公之子如侯伯而執圭侯伯之子如子男而執璧子男之子與未誓者皆次小國之君執皮帛而朝會焉其賓之

皆以上卿之禮焉

公之孤四命以皮帛眡小國之君

其卿三命其大夫再命其士壹命其宮室車旗衣服禮儀各眡其命之數侯伯之卿大夫士亦如之子男之卿再命其大夫壹命其士不命其宮室車旗衣服禮儀各眡其命之數

視小國之君者列於卿大夫之位而禮如子男也鄭司農云九命上公得置孤卿一人春秋傳曰列國之卿當小國之君固周制也立謂王制曰大國三卿皆命於天子下大夫五人上士二十七人次國三卿二卿命於天子一卿命於其君下大夫五人上士二十七人

小國二卿皆命於其君下
大夫五人上士二十七人

司服掌王之吉凶衣服辨其名物與其用事

用事祭祀視朝甸凶弔
之事衣服各有所用
王之吉服祀昊天上帝

則服大裘而冕祀五帝亦如之享先王則

衮冕享先公饗射則鷩冕祀四望山川則毳

冕祭社稷五祀則希冕祭羣小祀則玄冕
服六

同冕者首飾尊也先公謂后稷之後大王之
前不窋至諸盥饗射饗食賓客與諸侯射也
羣小祀林澤墳衍四方百物之屬鄭司農云
大裘羔裘也衮卷龍衣也鷩禕衣也毳罽衣

也玄謂書曰予欲觀古人之象日月星辰山
龍華蟲作續宗彝藻火粉米黼黻希繡此古
天子冕服十二章舜欲觀焉華蟲五色之蟲
續人職曰鳥獸蛇雜四時五色以章之謂是
也希讀爲絺或作箭字之誤也王者相變至
周而以日月星辰畫於旌旗所謂三辰旂旗
昭其明也而冕服九章登龍於山登火於宗
彝尊其神明也九章初一日龍次二曰山次
三曰華蟲次四曰火次五曰宗彝皆畫以爲
續次六曰藻次七曰粉米次八曰黼次九曰
黻皆希以爲繡則袞之衣五章裳四章凡九
也驚畫以雉謂華蟲也其衣三章裳四章凡
七也毳畫虎雖謂宗彝也其衣三章裳二章
凡五也希刺粉米無畫也其衣一章裳二章
凡三也玄者衣無文裳刺黻而已
是以謂玄焉凡冕服皆玄衣纁裳
凡兵事韋

弁服

韋弁以韎韋為弁又以為衣裳春秋傳曰晉卻至衣韎韋之跗注是也今時伍

伯緹衣古兵服之遺色

眡朝則皮弁服

視朝視內外朝之事皮弁之服

十五升白布衣積素以為裳王受諸侯朝覲於廟則衮冕

凡甸冠弁服

甸田

獵也冠弁委貌其服緇布衣亦積素以為裳諸侯以為視朝之服詩國風曰緇衣之宜兮

謂王服此以田王卒食而居則玄端

凡凶事服弁服

服弁喪冠也其服斬

衰齊

凡弔事弁經服

弁經者如爵弁而素加環經論語曰羔裘玄冠

不以弔經大如緹之經其服錫衰總衰疑衰諸侯及卿大夫亦以錫衰為弔服喪服小記

曰諸侯弔必皮弁錫衰則變其冠耳喪服舊說以為士弔服素委貌冠朝服此近庶人弔

服而衣猶非也士當事弁經疑衰變其裳以素耳國君於其臣弁經他國之臣則皮弁大夫士有朋友之恩亦弁經故書弁作紼鄭司農紼讀爲弁弁而加環經環經即弁經服

凡喪爲天王斬衰爲王后齊衰

王后小君也諸侯爲之不

杖期

王爲三公六卿錫衰爲諸侯緦衰爲大夫

士疑衰其首服皆弁經

君爲臣服弔服也鄭司農云錫麻之滑易

者十五升去其半有事其布無事其縷緦亦十五升去其半有事其縷無事其布疑衰十四升衰玄謂無事其縷哀在內無事其布哀在外疑之言擬也擬於吉大札大

荒大裁素服

大札疫病也大荒饑饉也大裁水火爲害君臣素服縞冠若晉

伯宗哭梁山之崩

公之服自袞冕而下如王之服侯

伯之服自鷩冕而下如公之服子男之服自

毳冕而下如侯伯之服孤之服自希冕而下

如子男之服卿大夫之服自玄冕而下如孤

之服其凶服加以大功小功士之服自皮弁

而下如大夫之服其凶服亦如之其齊服有

玄端素端

自公之袞冕至卿大夫之玄冕皆其朝聘天子及助祭之服諸侯非

二王後其餘皆玄冕而祭於己雜記曰大夫冕而祭於公弁而祭於己士弁而祭於公冠

而祭於己大夫爵弁自祭家廟唯孤爾其餘
皆玄冠與士同玄冠自祭其廟者其服朝服
玄端諸侯之自相朝聘皆皮弁服此天子日
視朝之服喪服天子諸侯齊斬而已卿大夫
加以大功小功士亦如之又加緦焉士齊有
素端者亦為札荒有所禱請變素服言素端
者明異制鄭司農云衣有禱裳者為端玄謂
端者取其正也士之衣袂皆二尺二寸而屬
幅是廣袂等也其袂尺二寸大夫已上侈之
侈之者蓋半而益一焉半而益一則其袂三
尺三寸袂尺八寸凡大祭祀大賓客共其衣服而奉

之奉猶送也送大喪共其復衣服斂衣服奠

衣服廬衣服皆掌其陳序

奠衣服今坐上魂衣也故書廬為淫

鄭司農云淫讀爲廡廡陳也
玄謂廡衣服所藏於椁中

典祀掌外祀之兆守皆有域掌其禁令

外祀謂所

祀於四郊者域兆表之塋域

若以時祭祀則帥其屬而修

除徵役于司隸而役之

屬其屬胥徒也修除芟埽之徵召也役之

作使

及祭帥其屬而守其厲禁而蹕之

鄭司農云

遮列禁人不得令入

守祧掌守先王先公之廟祧其遺衣服藏焉

廟謂大祖之廟及三昭三穆遷主所藏曰祧先公之遷主藏于后稷之廟先王之遷主藏

于文武之廟遺衣服大斂之餘也故書祧作濯鄭司農濯讀為祧此王者之宮而有先公

謂大王以若將祭祀則各以其服授尸尸當前為諸侯

者之上服其廟則有司脩除之其祧則守祧以象生時

黝黝聖之廟祭此廟也祧祭遷主有司宗伯也脩除黝聖互言之有司恒主脩除守

祧恒主黝聖鄭司農云黝讀為幽幽黑既祭也聖白也爾雅曰地謂之黝牆謂之聖

則藏其隋與其服鄭司農云隋謂神前所沃灌器名玄謂隋尸所祭肺

脊黍稷之屬藏之以依神

世婦掌女宮之宿戒及祭祀比其具女宮刑女給宮

中事者宿戒當給事豫告之齊戒也比次也
具所濯概及染盛之饗鄭司農比讀為庇庇

也具詔王后之禮事薦徹帥六宮之人共齋盛

帥世婦女御相外內宗之禮事同姓異姓之女大

賓客之饗食亦如之比帥詔相其事同大喪比外內

命婦之朝莫哭不敬者而苛罰之苛譴也凡王

后有擻事於婦人則詔相鄭司農云謂爵婦人立謂拜拜謝之

也喪大記曰夫人亦拜寄公夫人於堂上凡內事有達於外官者

世婦掌之主通之使相共授

內宗掌宗廟之祭祀薦加豆籩

加爵之豆籩故書為籩豆

鄭司農云謂婦人所薦杜子春云當為豆籩

及以樂徹則佐傳豆

籩

佐傳佐外宗

賓客之饗食亦如之王后有事則

從大喪序哭者

次序外內宗及命婦哭位

哭諸侯亦如之

凡卿大夫之喪掌其弔臨

王后弔臨諸侯而已是以言掌卿大

夫云

外宗掌宗廟之祭祀佐王后薦玉豆眡豆籩

及以樂徹亦如之

視視其實

王后以樂羞盥則贊

贊猶佐也

凡王后之獻亦如之

獻獻酒於尸

王后不與

則贊宗伯

后有故不與祭宗伯攝其事

小祭祀掌事賓客

之事亦如之

小祭祀謂在宮中

大喪則敘外內朝莫

哭者哭諸侯亦如之

內內外外宗及外命婦

冢人掌公墓之地辨其兆域而爲之圖先王

之葬居中以昭穆爲左右

公君也圖謂畫其地形及丘壟所處

而藏之先王造塋者昭居左穆居右夾處東西

凡諸侯居左右以前

卿大夫士居後各以其族

子孫各就其所出王以尊卑處其前

後而亦凡死於兵者不入兆域戰敗無勇投諸塋外以罰

之凡有功者居前昭穆之中央以爵等為

丘封之度與其樹數臣別尊卑也王公曰丘諸

高四丈闕內侯以下至庶人各有差大喪既有日請度甫窆遂

為之尸甫始也請量度所始窆之處地為尸者成葬為祭墓地之尸也鄭司農云

既有日既有葬日也始窆時及窆以度為丘

隧共喪之窆器隧羨道也度丘與羨道廣袤所至窆器下棺豐碑之屬喪

大記曰凡封用綽去碑負及葬言鸞車象人

鸞車巾車所飾遣車也亦設鸞旗鄭司農云象人謂以芻爲人言言問其不如法度者玄謂言猶語也語之者告當行若於生存者於是巾車行之孔子謂爲芻靈者善謂爲俑者不仁非作象人者及窆執斧以涖臨下遂入棺也

藏凶器

凶器明器

正墓位蹕墓域守墓禁

位謂丘封所居

前後也禁所爲塋限

凡祭墓爲尸

祭墓爲尸或禱祈焉鄭司農云爲尸冢人

爲尸凡諸侯及諸臣葬於墓者授之兆爲之蹕

均其禁

墓大夫掌凡邦墓之地域爲之圖

凡邦中之墓地萬民

所葬地

令國民族葬而掌其禁令

族葬各從其親

正其

位掌其度數

位謂昭穆也度數爵等之大小

使皆有私地域

古者萬民墓地同處分其地使各有區域得以族葬後相容

凡爭墓地者

聽其獄訟

爭墓地相侵區域

帥其屬而巡墓厲居其

中之室而守之

厲塋限遮列處鄭司農云居其中之室有官寺在墓中

職喪掌諸侯之喪及卿大夫士凡有爵者之

喪以國之喪禮泣其禁令序其事

國之喪禮喪服士喪

既夕士虞今存者其餘則亡事謂小斂大斂葬也

凡國有司以王命

有事焉則詔贊主人

有事謂含隧贈賵之屬詔贊者以告主人佐其

受之鄭司農云凡國謂諸侯國有司謂王有司也以王命有事職喪主詔贊主人玄謂凡

國有司有司從王國以王命往凡其喪祭詔其號治其禮鄭司

農云號謂謚號玄謂告以牲號盥號之屬當以祝之凡公有司之所共

職喪令之趣其事

令令其當共物者給事之期也有司或言公或言國

言國者由其君所來居其官曰公謂王遣使奉命有贈之物各從其官出職喪當催督也

周禮卷第五

經四千七百七十九字
注一萬二千三百三十六字

周禮卷第六

春官宗伯下

周禮

鄭氏注

大司樂掌成均之灋以治建國之學政而合

國之子弟焉

鄭司農云均調也樂師主調其音大司樂主受此成事已調之

樂玄謂董仲舒云成均五帝之學成均之法者其遺禮可法者國之子弟公卿大夫之子

弟當學者謂之國子文王世子曰於成均以及取爵於上尊然則周人立此學之宮凡

有道者有德者使教焉死則以爲樂祖祭於

瞽宗

道多才藝者德能躬行者若舜命夔典樂教胄子是也死則以爲樂之祖神而

祭之鄭司農云瞽樂人樂人所共宗也或曰
祭於瞽宗祭於廟中明堂位曰瞽宗殷學也
泮宮周學也以此
觀之祭於學宮中以樂德教國子中和祗庸

孝友

中猶忠也和剛柔適也祗敬庸有

以樂

語教國子興道諷誦言語

興者以善物喻善事道讀曰導導者

言古以剴今也倍文曰諷以聲節之曰誦發端曰言答述曰語

以樂舞教國

子舞雲門大卷大咸大磬大夏大濩大武

此周

所存六代之樂黃帝曰雲門大卷黃帝能成名萬物以明民共財言其德如雲之所出民得以有族類大成咸池堯樂也堯能禪均刑法以儀民言其德無所不施大磬舜樂也言

其德能紹堯之道也大夏禹樂也禹治水傳
土言其德能大中國也大濩湯樂也湯以寬
治民而除其邪言其德能使天下得其所也
大武武王樂也武王伐紂以除其害言其德
能成以六律六同五聲八音六舞大合樂以
武功致鬼神示以和邦國以諧萬民以安賓客以
說遠人以作動物六律合陽聲者也六同合陰聲者也此十二者以銅
為管轉而相生黃鍾為首其長九寸各因而
三分之上生者益一分下生者去一焉國語
曰律所以立均出度也古之神瞽考中聲而
量之以制度律均鍾言以中聲定律以律立
鍾之均大合樂者謂徧作六代之樂以冬日
至作之致天神人鬼以夏日至作之致地祇

物彫動物羽羸之屬虞書云夔曰戛擊鳴球
搏拊琴瑟以詠祖考來格虞賓在位羣后德
讓下管鼗鼓合止祝敔笙鏞以閒鳥獸牂牁
簫韶九成鳳皇來儀夔又曰於予擊石拊石
百獸率舞庶尹允諧此乃分樂而序之以祭
其於宗廟九奏效應

以享以祀一分謂各用乃奏黃鍾歌大呂舞雲

門以祀天神以黃鍾之鍾大呂之聲為均者

之以祀天神尊之也天神謂五帝及日月星

辰也王者又各以夏正月祀其所受命之帝

祭於南郊尊之也孝經說曰乃奏大簇歌應鍾
舞咸池以祭地示大簇陽聲第二應鍾為之
合咸池大咸也地祇所祭

於北郊謂神州之神及社稷

乃奏姑洗歌南呂舞大磬以

祀四望

姑洗陽聲第三南呂為之合四望五嶽四鎮四竇此言祀者司中司命風

師雨師或亦用此樂與

乃奏蕤賓歌函鍾舞大夏以祭

山川

蕤賓陽聲第四函鍾為

乃奏夷則歌小

呂舞大濩以享先妣

夷則陽聲第五小呂為

妣姜嫄也姜嫄履大人跡感神靈而生后稷是周之先母也周立廟自后稷為始祖姜嫄

無所妃是以特立廟而祭之謂之閼宮閼神之

乃奏無射歌夾鍾舞

大武以享先祖

無射陽聲之下也夾鍾為之合夾鍾一名圜鍾先祖謂先

王先公凡六樂者文之以五聲播之以八音者六

言其均皆待五聲八音乃成也播之言被也故書播爲藩杜子春云藩當爲播讀如后稷

播百穀之播凡六樂者一變而致羽物及川澤之

示再變而致羸物及山林之示三變而致鱗

物及丘陵之示四變而致毛物及墳衍之示

五變而致介物及土示六變而致象物及天

神變猶更也樂成則更奏也此謂大蜡索鬼神而致百物六奏樂而禮畢東方之祭則

用大族姑洗南方之祭則用蕤賓西方之祭則用夷則無射北方之祭則用黃鍾爲均焉

每奏有所感致和以來之凡動物敏疾者地
祇高下之甚者易致羽物既飛又走川澤有
孔竅者蛤蟹走則遲墳衍孔竅則小矣是其
所以舒疾之分土祇原隰及平地之神也象
物有象在天所謂四靈者天地之神四靈之
知非德至和則不至禮運曰何謂四靈麟鳳
龜龍謂之四靈龍以為畜故魚鮪不忿鳳以
為畜故鳥不鬻麟以為畜故獸不狘龜以為
畜故人
情不失
凡樂圜鍾為宮黃鍾為角大簇為徵

姑洗為羽雷鼓雷鼗孤竹之管雲和之琴瑟
雲門之舞冬日至於地上之圜丘奏之若樂
六變則天神皆降可得而禮矣凡樂函鍾為

宮大簇爲角姑洗爲徵南呂爲羽靈鼓靈鼗
孫竹之管空桑之琴瑟咸池之舞夏至於
澤中之方丘奏之若樂八變則地示皆出可
得而禮矣凡樂黃鍾爲宮大呂爲角大簇爲
徵應鍾爲羽路鼓路鼗陰竹之管龍門之琴
瑟九德之歌九磬之舞於宗廟之中奏之若
樂九變則人鬼可得而禮矣

此三者皆禘大祭也天神則主

北辰地祇則主崑崙人鬼則主后稷先奏是樂以致其神禮之以玉而裸焉乃後合樂而

祭之大傳曰王者必禘其祖之所自出祭法
曰周人禘饗而郊稷謂此祭天圜丘以饗配
之圜鍾夾鍾也夾鍾生於房心之氣房心爲
大辰天帝之明堂凶鍾林鍾也林鍾生於未
之氣未坤之位或曰天社在東井輿鬼之外
天社地神也黃鍾生於虛危之氣虛危爲宗
廟以此三者爲宮用聲類求之天宮夾鍾陰
聲其相生從陽數其陽無射無射上生中呂
中呂與地宮同位不用也中呂上生黃鍾黃
鍾下生林鍾林鍾地宮又不用林鍾上生大
簇大簇下生南呂南呂與無射同位又不用
南呂上生姑洗地宮林鍾林鍾上生大簇大
簇下生南呂南呂上生姑洗人宮黃鍾黃鍾
下生林鍾林鍾地宮又辟之林鍾上生大簇
大簇下生南呂南呂與天宮之陽同位又辟
之南呂上生姑洗姑洗南呂之合又辟之姑

洗下生應鍾應鍾上生蕤賓蕤賓地宮林鍾
之陽也又辟之蕤賓上生大呂凡五聲宮之
所生濁者爲角清者爲徵羽此樂無商者祭
尚柔商堅剛也鄭司農云雷鼓雷鼗皆謂六
面有革可擊者也雲和地名也靈鼓靈鼗四
面路鼓路鼗兩面九德之歌春秋傳所謂水
火金木土穀謂之六府正德利用厚生謂之
三事六府三事謂之九功九功之德皆可歌
也謂之九歌也玄謂雷鼓雷鼗八面靈鼓靈
鼗六面路鼓路鼗四面孤竹竹特生者孫竹
竹枝根之未生者陰竹生於山北者雲和空
桑龍門皆山名九磬讀當爲大韶字之誤也
凡樂事大祭祀宿縣遂以聲展之
叩聽其聲具陳次之
以知王出入則令奏王夏尸出入則令奏肆
完不知

士禮居黃氏業齋

士豐舌黃刀業齋

夏牲出入則令奏昭夏三夏皆樂章名帥國子而舞

當用舞者大饗不入牲其他皆如祭祀大饗饗賓

帥以往客也不入牲牲不入亦不奏昭夏也其大射他謂主出入賓客出入亦奏王夏肆夏

王出入令奏王夏及射令奏騶虞騶虞樂章名在召南

之卒章王射詔諸侯以弓矢舞舞謂執弓挾矢揖讓進退

以騶虞為節王大食三宥皆令奏鍾鼓大食朔月月半以樂宥食時也

儀王師大獻則令奏愷樂大獻獻捷於祖愷樂獻功之樂

宥猶鄭司農說以春秋晉文公敗楚於城濮傳曰振旅愷以入於晉凡日月食四

鎮五嶽崩大傀異哉諸侯薨令去樂四鎮山之重大

者謂楊州之會稽青州之沂山幽州之醫無閭冀州之霍山五嶽岱在兗州衡在荊州華

在豫州嶽在雍州恒在并州傀猶怪也大怪異哉謂天地奇變若星辰奔竇及震裂為害

者去樂藏之也春秋傳曰壬午猶繹萬入去籥萬言入則去者不入藏之可知大札

大凶大哉大臣死凡國之大憂令弛縣札疫癘也

凶凶年也哉水火也弛釋下之若今休兵鼓之為凡建國禁其淫聲

過聲凶聲慢聲淫聲若鄭衛也過聲失哀樂之節凶聲亡國之聲若桑間

濮上慢聲大喪泣泣臨也廡樂器笙師鋪師之屬興

樂器也與及葬藏樂器亦如之

樂師掌國學之政以教國子小舞

謂以年幼少時教之

舞內則曰十三舞勺成童舞象二十舞大夏

凡舞有帔舞有羽舞

有皇舞有旄舞有干舞有人舞

故書皇作翬鄭司農云帔

舞者全羽羽舞者析羽皇舞者以羽冒覆頭上衣飾翡翠之羽旄舞者翬牛之尾干舞者

兵舞者舞者手舞社稷以帔宗廟以羽四方以皇辟廬以旄兵事以干星辰以人舞翬讀

爲皇書亦或爲皇玄謂帔析五采繒今靈星舞子持之是也皇雜五采羽如鳳皇色持以

舞人舞無所執以手袖爲威儀四方以羽宗廟以人山川以干旱暵以皇教樂儀

行以肆夏趨以采薺車亦如之環拜以鍾鼓

爲節

教樂儀教王以樂出入於大寢朝廷之儀故書趨作踰鄭司農云踰當爲趨書

亦或爲趨肆夏采薺皆樂名或曰皆逸詩謂人君行步以肆夏爲節趨疾於步則以采薺爲節若今時行禮於大學罷出以鼓陔爲節環謂旋也拜直拜也玄謂行者謂於大寢之中趨謂於朝廷爾雅曰堂上謂之行門外謂之趨然則王出旣服至堂而肆夏作出路門而采薺作其反入至應門路門亦如之此謂步迎賓客王如有車出之事登車於大寢西階之前反降於阼階之前尚書傳曰天子將出撞黃鍾之鍾右五鍾皆應入則撞蕤賓之鍾左五鍾皆應

大師於是奏樂

凡射王以騶虞爲節諸侯以

狸首爲節大夫以采蘋爲節士以采蘋爲節

騶虞采蘋采蘋皆樂章名在國風召南唯狸首在樂記射義曰騶虞者樂官備也狸首者

樂會時也采蘋者樂循法也采蘋者樂不失職也是故天子以備官爲節諸侯以時會爲

節卿大夫以循法爲節士以不失職爲節鄭司農說以大射禮曰樂正命大師曰奏狸首

閒若一大師不興許諾樂正凡樂掌其序事反位奏狸首以射狸首曾孫

治其樂政序事次序凡國之小事用樂者令

奏鍾鼓小事小祭凡樂成則告備成謂所奏一竟書曰

簫韶九成燕禮曰大師告于樂正曰正歌備詔來瞽皐舞鄭司農云瞽當

為鼓皐當為告呼擊鼓者又告當舞者持鼓與舞俱來也鼓字或作瞽詔來瞽或曰來勅也勅爾瞽率爾眾工奏爾悲誦肅肅雍雍毋怠毋凶玄謂詔來瞽詔視瞭扶瞽者來入也皐之言號告國及徹帥學士而歌徹學士國子當舞者舞

司農云謂將徹之時自有樂故帥學士而令歌徹玄謂徹者歌雍雍在周頌臣工之什

相令視瞭扶工鄭司農云告當相瞽師者言相當罷也瞽師盲者皆有相道之者故師冕

見及階曰階也及席曰席也皆坐饗食諸侯曰某在斯某在斯曰相師之道與

序其樂事令奏鍾鼓令相如祭之儀燕射帥

射夫以弓矢舞射夫眾耦也故書燕為舞帥為率射夫為射矢鄭司農云

舞當為燕率當為帥樂出入令奏鍾鼓樂出入謂

射矢書亦或為射夫笙歌舞者凡軍大獻教愷歌遂倡之故書倡

及其器司農云樂師主倡也昌凡喪陳樂器則帥樂當為倡書亦或為倡

官帥樂官及序哭亦如之哭此樂器凡樂官往陳之

掌其政令聽其治訟

大胥掌學士之版以待致諸子鄭司農云學士謂卿大夫

諸子學舞者版籍也今時鄉戶籍世謂之戶

版大胥主此籍以待當召聚學舞者卿大夫

之諸子則案此籍以召之漢大樂律曰卑者

之子不得舞宗廟之酌除吏二千石到六百

匠及闕二十作至五大夫子先取適子高七尺

者以爲舞人與古顏色和順身體脩治

用卿大夫子同義春入學舍采合舞春始以

學宮而學之合舞等其進退使應節奏鄭司

農云舍采謂舞者皆持芬香之采或曰古者

士見於君以雉爲摯見於師以菜爲摯菜直

謂疏食菜羹之菜或曰學者皆人君卿大夫

之子衣服采飾舍采者減損解釋盛服以下

其師也月令仲春之月上丁命樂正習舞釋

采仲丁又命樂正入學習樂立謂舍即釋也

采讀爲菜始入學必釋菜禮先師也菜蘋蘩

之秋頒學合聲春使之學秋頒其才藝所爲

屬秋頒學合聲合聲亦等其曲折使應節奏

以六樂之會正舞位位大同六樂之節奏正其

位位使相應也言爲大合

位位使相應也言爲大合

樂習以序出入舞者以長幼次之使比樂官

比猶校也杜子春云次比樂官也鄭展樂器

大夫讀比為庀庀具也錄具樂官展謂陳凡祭祀之用樂者以鼓徵學士擊鼓以召

數之之文王世子曰大序宮中之事

昕鼓徵所以警眾

小胥掌學士之徵令而比之比觶其不敬者猶比

校也不敬謂慢期不時至也巡舞列而撻其

觶罰爵也詩云兕觶其觶怠慢者撻猶扶也正樂縣之位王宮縣諸侯

軒縣卿大夫判縣士特縣辨其聲樂縣謂鍾磬之屬縣

於荀虞者鄭司農云宮縣四面縣軒縣去其
一面判縣又去其一面特縣又去其一面四
面象宮室四面有牆故謂之宮縣軒縣三面
其形曲故春秋傳曰請曲縣繁纓以朝諸侯
之禮也故曰唯器與名不可以假人玄謂軒
縣去南面辟王也判縣左右之合又空北面
特縣縣於東方凡縣鍾磬半爲堵全爲肆鍾
或於階間而已

者編縣之二八十六枚而在一虞謂之堵鍾
一堵磬一堵謂之肆半之者謂諸侯之卿大
夫士也諸侯之卿大夫半天子之卿大夫西
縣鍾東縣磬士亦半天子之士縣磬而已鄭
司農說以春秋
傳曰歌鍾二肆

大師掌六律六同以合陰陽之聲陽聲黃鍾

大簇姑洗蕤賓夷則無射陰聲大呂應鍾南
呂函鍾小呂夾鍾皆文之以五聲宮商角徵
羽皆播之以八音金石土革絲木匏竹以合陰陽
之聲者聲之陰陽各有合黃鍾子之氣也十
一月建焉而辰在星紀大呂丑之氣也十二
月建焉而辰在玄枵太簇寅之氣也正月建
焉而辰在娵訾應鍾亥之氣也十月建焉而
辰在析木姑洗辰之氣也三月建焉而辰在
大梁南呂酉之氣也八月建焉而辰在壽星
蕤賓午之氣也五月建焉而辰在鶉首林鍾
未之氣也六月建焉而辰在鶉火夷則申之
氣也七月建焉而辰在鶉尾中呂己之氣也
四月建焉而辰在實沈無射戌之氣也九月

建焉而辰在大火夾鍾卯之氣也二月建焉而辰在降婁辰與建交錯貿處如表裏然是其合也其相生則以陰陽六體爲之黃鍾初九也下生林鍾之初六林鍾又上生太簇之九二太簇又下生南呂之六二南呂又上生姑洗之九三姑洗又下生應鍾之六三應鍾又上生蕤賓之九四蕤賓又上生大呂之六四大呂又下生夷則之九五夷則又上生夾鍾之六五夾鍾又下生無射之上九無射又上生中呂之上六同位者象夫妻異位者象子母所謂律取妻而呂生子也黃鍾長九寸其實一籥下生者三分去一上生者三分益一五下六上乃一終矣大呂長八寸二四十三分寸之一百四太簇長八寸夾鍾長七寸二千一百八十七分寸之千七百五姑洗長七寸九分寸之一中呂長六寸萬九千六

百八十三分寸之萬二千九百七十四蕤賓
長六寸八十一分寸之二十六林鍾長六寸
夷則長五寸七百分寸之一無射長四寸五
一南呂長五寸三分寸之一黃鍾長四寸六
千五百六十一分寸之六千五百二十四應
鍾長四寸二十七分寸之二十文之者以調
五聲使之相次如錦繡之有文章播猶揚也
揚之以八音乃可得而觀之矣金鍾鎛也石
磬也土塤也革鼓鼗也絲琴瑟教六詩曰風
也木祝敔也匏笙也竹管簫也
曰賦曰比曰興曰雅曰頌
賢聖治道之遺化
也賦之言鋪直鋪陳今之政教善惡比見今
之失不敢斥言取比類以言之興見今之美
嫌於媚諛取善事以喻勸之雅正也言今之
正者以爲後世法頌之言誦也容也誦今之

德廣以美之鄭司農云古而自有風雅頌之名故延陵季子觀樂於魯時孔子尚幼未定詩書而曰爲之歌邶鄘衛曰是其衛風乎又爲之歌小雅大雅又爲之歌頌論語曰吾自衛反魯然後樂正雅頌各得其所時禮樂自諸侯出頗有謬亂不正孔子正之曰比曰興比者比方於物也以六德爲之本有所教詩必興者託事於物以六律爲之音義忠和之道乃以六律爲之音知其後可教以樂歌以六律爲之音以律視其人宜何歌子貢見師乙而問曰賜也聞樂歌各有宜若賜者宜何歌此問人性也本人之性莫善於律大祭祀帥瞽登歌令奏擊拊擊拊瞽乃拊爲付鄭司農云登歌歌者在堂也付字當爲拊書亦或爲拊樂或當擊或當拊登歌下

管貴人聲也玄謂拊形如下管播樂器令奏

鼓

鼓以韋爲之著之以稊司農云下管吹管者在堂下

先擊小鼓乃擊大鼓小鼓爲大鼓先引故曰

縣鼓

大饗亦如之大射帥瞽而歌射節

射節

王歌

大師執同律以聽軍聲而詔吉凶

大師

軍師兵書曰王者行師出軍之日授將弓矢士卒振旅將張弓大呼大師吹律合音商則戰勝軍士強角則軍擾多變失士心宮則軍和士卒同心徵則將急數怒軍士勞羽則兵弱少威明鄭司農說以師曠曰吾驟歌北風又歌南風南風不競多死聲楚必無功大

喪帥瞽而厥作匱謚

厥興也興言王之行謂諷誦其治功之詩故書

厥為淫鄭司農云淫陳也陳其生時行迹為作謚

凡國之瞽矇正焉

從大師之政教

小師掌教鼓鼗祝敔塤簫管弦歌

教教瞽矇也出音者

曰鼓鼗如鼓而小持其柄搖之旁耳還自擊塤燒土為之大如鴈卵簫編小竹管如今賣

飴餉所吹者弦謂琴瑟也歌依詠詩也鄭司農云祝如漆簫中有椎敔木虎也塤六孔管

如箎六孔立謂管如篴而小併兩而吹之今大子樂官有焉

大祭祀登歌

擊拊

亦自有拊擊之佐大師令

下管擊應鼓

應鼙也應與鞀及朔皆小鼓也其所用別未聞徹歌於有司徹大饗

亦如之大喪與廞師從大凡小祭祀小樂事鼓

鞀如大師鄭司農掌六樂聲音之節與其和

和錞于

瞽矇掌播鼗祝敔塤簫管弦歌播謂發諷誦

詩世奠繫鼓琴瑟諷誦詩謂闇讀之不依詠也故書奠或為帝鄭司農

云諷誦詩主誦詩以刺君過故國語曰瞽賦矇誦謂詩也杜子春云帝讀為定其字為奠

書亦或為奠世奠繫謂帝繫諸侯卿大夫世本之屬是也小史主次序先王之世昭穆之

繫述其德行瞽矇主誦詩并誦世繫以戒勸人君也故國語曰教之世而為之昭明德而廢幽昏焉以怵懼其動立謂諷誦詩主謂廢作樞謚時也諷誦王治功之詩以為謚世之而定其繫謂書於世本也雖不歌猶鼓琴瑟以播其音美之

掌九德六詩

之歌以役大師

之役為使

眡瞭掌凡樂事播鼗擊頌磬笙磬

又視瞭播鼗又擊磬磬

在東方曰笙笙生也在西方曰頌頌或作庸功也大射禮曰樂人宿縣于阼階東笙磬西

面其南笙鍾其南鍾皆南陳又曰西階掌大之西頌磬東面其南鍾其南鍾皆南陳

師之縣

則大師當縣

凡樂事相瞽

相謂扶工

大喪廞

樂器大旅亦如之

乃旅非常祭於時

賓射皆奏

其鍾鼓

擊輶以奏之其登

鼗愷獻亦如之

愷獻

獻功愷樂也杜子春讀鼗為憂戚之戚謂戒守鼓也擊鼓聲疾數故曰戚

典同掌六律六同之和以辨天地四方陰陽

之聲以為樂器

陽聲屬天陰聲屬地天地之聲布於四方為作也故書同

作銅鄭司農云陽律以竹為管陰律以銅為管竹陽也銅陰也各順其性凡十二律故大

師職曰執同律以聽軍聲立謂律述氣者也同助陽宣氣與之同皆以銅為

凡聲

高聲硯正聲緩下聲肆陂聲散險聲斂達聲

羸微聲齧回聲衍侈聲笱弇聲鬱薄聲甄厚

聲石

故書硯或作硯杜子春讀硯爲鏗鎗之鏗高謂鍾形容高也齧讀爲閭不明之

閭笱讀爲行扈喈喈之喈石如磬石之聲鄭大夫讀硯爲袞冕之袞陂讀爲人短罷之罷

齧讀爲鶉鶉之鶉鄭司農云鍾形下當蹕正者不高不下鍾形上下正備玄謂高鍾形大

上上大也高則聲上藏袞然旋如裏正謂上下直正則聲緩無所動下謂鍾形大下下大

也下則聲出去放肆陂讀爲險陂之陂陂謂偏侈陂則聲離散也險謂偏弇也險則聲斂

不越也達謂其形微小也達則聲有餘若大放也微謂其形微小也齧讀爲飛鋛涅齧之

齧齧聲小不成也回謂其形微圜也回則其聲淫衍無鴻殺也侈謂中央約也侈則聲迫

籥出去疾也弇謂中央寬也弇則聲鬱勃不出也甄讀爲甄濯之甄甄猶掉也鍾微薄則聲掉鍾大厚則凡爲樂器以十有二律爲之如石叩之無聲

數度以十有二聲爲之齊量

數度廣長也齊量侈弇之所容

凡和樂亦如之

和謂調其故器也

磬師掌教擊磬擊編鍾

教教視瞭也磬亦編於鍾言之者鍾有不

編不編者鍾師擊之杜子春讀編爲編書之編

教縵樂燕樂之鍾磬

杜子春讀縵爲怠慢之慢玄謂縵讀爲縵錦之縵謂雜聲之和樂者也學記曰不學操縵

不能安弦燕樂房中之樂所謂陰聲也二樂皆教其鍾磬

凡祭祀奏縵樂

鍾師掌金奏

金奏擊金以爲奏樂之節金謂鍾及鐃

凡樂事以

鍾鼓奏九夏王夏肆夏昭夏納夏章夏齊夏

族夏祫夏醵夏

以鍾鼓者先擊鍾次擊鼓以奏九夏夏大也樂之大歌有

九故書納作內杜子春云內當爲納祫讀爲祫鼓之祫王出入奏王夏尸出入奏肆夏牲

出入奏昭夏四方賓來奏納夏臣有功奏章

夏夫人祭奏齊夏族人侍奏族夏客醉而出

奏祫夏公出入奏醵夏肆夏詩也春秋傳曰

穆叔如晉晉侯享之金奏肆夏三不拜工歌

文王之三又不拜歌鹿鳴之三三拜曰三夏

天子所以享元侯也使臣不敢與聞肆夏與

文王鹿鳴俱稱三謂其三章也以此知肆夏

詩也國語曰金奏肆夏繁遏渠天子所以享

元侯肆夏繁遏渠所謂三夏矣呂叔玉云肆
夏繁遏渠皆周頌也肆夏時邁也繁遏執僇
也渠思文肆遂也夏大也言遂於大位謂王
位也故時邁曰肆于時夏允王保之繁多也
遏止也言福祿止於周之多也故執僇曰降
福穰穰降福簡簡福祿來反渠大也言以后
稷配天王道之大也故思文曰思文后稷克
配彼天故國語謂之曰皆昭令德以合好也
玄謂以文王鹿鳴言之則九夏皆詩篇名頌
之族類也此歌之大者載在樂章樂崩亦從
而亡是以凡祭祀饗食奏燕樂以鍾鼓凡射
頌不能具

王奏騶虞諸侯奏貍首卿大夫奏采蘋士奏

采蘋

鄭司農云騶虞聖獸

掌鼗鼓繚樂

鼓讀如莊王鼓之鼓玄謂作繚

樂擊鼗

以和之

笙師掌教竽笙塤箛簫簨簨管春牘應雅

以教祓樂

教教視瞭也鄭司農云竽三十六簧笙十三簧簨七空春牘以竹大

五六寸長七尺短者一二尺其端有兩空髹畫以兩手築地應長六尺五寸其中有椎雅

狀如漆筩而弇口大二圍長五尺六寸以羊韋鞞之有兩紐疏畫杜子春讀筩為蕩滌之

滌今時所吹五空竹筩立謂簨如筩三空祓樂祓夏之樂牘應雅教其春者謂以築地笙

師教之則三器在庭可知矣賓醉而出奏凡祓夏以此三器築地為之行節明不失禮

祭祀饗射共其鍾笙之樂

鍾笙與鍾聲燕樂相應之笙

亦如之大喪歛其樂器及葬奉而藏之歛與也

謂作之大旅則陳之陳於饌處而

鍾師掌金奏之鼓謂主擊晉鼓以奏其鍾

凡祭祀鼓其金奏之樂饗食賓射亦如之軍

大獻則鼓其愷樂凡軍之夜三鼙皆鼓之守

鼙亦如之守鼙備守鼓也鼓之以鼗鼓杜子春云一夜三擊備守鼙也春秋傳

所謂賓將趨大喪歛其樂器奉而藏之

韎師掌教韎樂祭祀則帥其屬而舞之舞之以東

夷之舞 大饗亦如之

旄人掌教舞散樂舞夷樂

散樂野人爲樂之善者若今黃門倡

矣自有舞夷樂四夷之樂亦皆有聲歌及舞

凡四方之以舞仕者

屬焉凡祭祀賓客舞其燕樂

籥師掌教國子舞羽敔籥

文舞有持羽吹籥者所謂籥舞也文

王世子曰秋冬學羽籥詩云左手執籥右手秉翟

祭祀則鼓羽籥之

舞 鼓之者恒爲之節

賓客饗食則亦如之大喪獻其

樂器奉而藏之

籥章掌土鼓函籥

杜子春云土鼓以瓦為匡以革為兩面可擊也鄭司

農云函籥函國之地竹函詩亦如之玄謂函籥函人吹籥之聲章明堂位曰土鼓蒯桴葦

籥伊耆氏之樂

中春晝擊土鼓皷函詩以逆暑

函詩風

七月也吹之者以籥為之聲七月言寒暑之事迎氣歌其類也此風也而言詩詩揔名也

迎暑以晝求諸陽

中秋夜迎寒亦如之

迎寒以夜求諸陰凡

國祈年于田祖皷函雅擊土鼓以樂田畯

祈年

祈豐年也田祖始耕田者謂神農也函雅亦七月也七月又有于耜舉趾饁彼南畝之事是亦歌其類謂之雅者以其言男女之正鄭司農云田畯古之先教田者爾雅曰畯農夫

也

國祭蜡則嚩豳頌擊土鼓以息老物

故書蜡爲

蠶

杜子春云蠶當爲蜡郊特牲曰天子大蜡

八伊耆氏始爲蜡歲十二月而合聚萬物而

索饗之也蜡之祭也主先嗇而祭司嗇也黃

衣黃冠而祭息田夫也既蜡而收民息已玄

謂十二月建亥之月也求萬物而祭之者萬

物助天成歲事至此爲其老而勞乃祀而老

息之於是國亦養老焉月令孟冬勞農以休

息之是也豳頌亦七月也七月又有穫稻作

酒躋彼公堂稱彼兕觥萬壽無疆之事是亦

歌其類也謂之頌者以其言歲終人功之成

鞀鞀氏掌四夷之樂與其聲歌

四夷之樂東方曰鞀南方

曰任西方曰株離北方曰禁詩云以雅以南

是也王者必作四夷之樂一天下也言與其

聲歌則云樂者主於舞

祭祀則歛而歌之燕亦如之吹

以管籥為之聲

典庸器掌藏樂器庸器

庸器伐國所獲之器若崇鼎貫鼎及其

兵物所鑄銘也

及祭祀帥其屬而設筭虞陳庸器

筭設

虞視瞭當以縣樂器焉陳功器以華國也杜子春云筭讀為博選之選橫者為筭從者為

鑄饗食賓射亦如之大喪歛筭虞

歛興也興謂作之

司干掌舞器

舞器羽籥之屬

祭祀舞者既陳則授舞

器既舞則受之

既已也受取藏之

賓饗亦如之大喪

獻舞器及葬奉而藏之

大卜掌三兆之灋一曰玉兆二曰瓦兆三曰

原兆

兆者灼龜發於火其形可占者其象似玉瓦原之聲罅是用名之焉上古以來

作其法可用者有三原原田也杜子春云玉兆帝顓頊之兆瓦兆帝堯之兆原兆有周之

兆其經兆之體皆百有二十其頌皆千有二

百

頌謂繇也三法體繇之數同其名占異耳百二十每體十繇體有五色又重之以墨

圻也五色者洪範所謂曰雨曰濟曰圉曰蠹曰剋

掌三易之灋一曰

連山二曰歸藏三曰周易

易者揲著變易之數可占者也名曰

連山似山出內氣也歸藏者萬物莫不歸而藏於其中杜子春云連山宓戲歸藏黃帝

其經卦皆八其別皆六十有四

三易卦別之數亦同其名

占異也每卦八別者重之數

掌三夢之灋一曰致夢二曰

觥夢三曰咸陟

夢者人精神所寤可占者致夢言夢之所至夏后氏作焉

咸皆也陟之言得也讀如王德翟人之德言夢之皆得周人作焉杜子春云觥讀為奇偉之奇其字直當為奇立謂觥讀如諸戎掎其之掎掎亦得也亦言夢之所得殷人作焉其

經運十其別九十

運或為緡當為輝是視祲所掌十輝也王者於天日

也夜有夢則晝視日旁之氣以占其吉以邦凶凡所占者十輝每輝九變此術今亡

事作龜之八命一曰征二曰象三曰與四曰

謀五曰果六曰至七曰雨八曰瘳

國之大事待著龜而

決者有八定作其辭於將卜以命龜也鄭司農云征謂征伐人也象謂災變雲物如衆赤

鳥之屬有所象似易曰天垂象見吉凶春秋傳曰天事恒象皆是也與謂予人物也謀謂

謀議也果謂事成與不也至謂至不也雨謂雨不也瘳謂疾瘳不也玄謂征亦云行巡守

也象謂有所造立也易曰以制器者尚其象與謂所與共事也果謂以勇決爲之若吳伐

楚楚司馬子魚卜戰令龜曰鮒也以其以八屬死之楚師繼之尚大克之吉是也

命者贊三兆三易三夢之占以觀國家之吉

凶以詔救政

鄭司農云以此八事命卜筮著龜參之以夢故曰以八命者贊

三兆三易三夢之占春秋傳曰筮襲於夢武王所用玄謂贊佐也詔告也非徒占其事吉則爲否則止又佐明其繇之占演其意以視國家餘事之吉凶則告王救其政凡

國大貞卜立君卜大封則眡高作龜

卜立君君無豕

適卜可立者卜大封謂竟界侵削卜以兵征之若魯昭元年秋叔弓帥師疆鄆田是也視高以龜骨高者可灼處示宗伯也大事宗伯泣卜卜用龜之腹骨骨近足者其部高鄭司農云貞問也國有大疑問於著龜作龜謂鑿龜令可爇也玄謂貞之爲問問於正者必先正之乃從問焉易曰師貞丈人吉作龜謂以火灼之以作其兆也春灼後左夏灼前左秋

灼前右冬灼後右士喪禮曰宗人受卜人大
龜示高涖卜受視反之又曰卜人坐作龜大

祭祀則眡高命龜命龜告龜以所卜之事不

貞也士喪禮曰宗人凡小事涖卜代宗國大
即席西面坐命龜

遷大師則貞龜正龜於卜位也士喪禮曰卜

又不親命龜亦大遷凡旅陳龜陳龜於饌處
大師輕於大祭祀也

卜人先奠龜于西塾上南首是也不親凡喪

貞龜亦以卜旅祭非常輕於大遷大師事命龜重喪禮次大祭祀也士喪禮則筮宅

其他以差降焉

十師掌開龜之四兆一曰方兆二曰功兆三

曰義兆四曰弓兆

開開出其占書也經兆百二十體此言四兆者分之

為四部若易之二篇書金縢曰開籥見書是謂與其云方功義弓之名未聞凡十

事眡高

示涖也

揚火以作龜致其墨

揚猶熾也致其墨者

孰灼之明其兆

凡十辨龜之上下左右陰陽以授命

龜者而詔相之

所十者當各用其龜也大祭祀喪事大十命龜則大貞小

宗伯命龜其他十師命龜十人作龜十人作龜則亦辨龜以授十師上仰者也下俯者也

左左倪也右右倪也陰後弇也陽前弇也詔相告以其辭及威儀

龜人掌六龜之屬各有名物天龜曰靈屬地

龜曰繹屬東龜曰果屬西龜曰雷屬南龜曰

獵屬北龜曰若屬各以其方之色與其體辨

之屬言非一也色謂天龜玄地龜黃東龜青西龜白南龜赤北龜黑龜俯者靈仰者繹

前弇果後弇獵左倪雷右倪若是其體也東

龜南龜長前後在陽象經也西龜北龜長左

右在陰象緯也天龜俯地龜仰東龜前南龜

卻西龜左北龜右各從其耦也杜子春讀果

為凡取龜用秋時攻龜用春時各以其物入

于龜室六龜各異室也秋取龜及萬物成也攻治也治龜骨以春是時乾解不發

傷也上春釁龜祭祀先卜

釁者殺牲以血之神之也鄭司農云祭祀

先卜者卜其日與其牲玄謂先卜始用卜筮者言祭言祀尊焉天地之也世本作曰巫咸作筮卜未聞其人也是上春者夏正建寅之月月月令孟冬云釁祠龜策相互矣秦以十月建亥為歲首則月令秦世之書亦或欲以歲首釁龜耳若有祭事則奉

龜以往

奉猶送也之所當於十

旅亦如之喪亦如之

華氏掌共燂契以待卜事

杜子春云燂讀為細目燂之燂或曰

如薪樵之樵謂所熟灼龜之木也故謂之樵契謂契龜之鑿也詩云爰始爰謀爰契我龜玄謂士喪禮曰楚燂置于燂在龜東楚凡卜燂即契所用灼龜也燂謂炬其存火

以明火藝焦遂餼其煖契以授卜師遂役之

杜子春云明火以陽燧取火於日煖讀爲英
俊之俊書亦或爲俊立謂煖讀如戈鑄之鑄
謂以契柱焦火而吹之也契既然
以授卜師用作龜也役之使助之

占人掌占龜以八簪占八頌以八卦占簪之

八故以眡吉凶

占人亦占筮言掌占龜者筮
短龜長主於長者以八筮占

八頌謂將卜八事先以筮筮之言頌者同於
龜占也以八卦占筮之八故謂八事不卜而
徒筮之也其非八事則
用九筮占人亦占焉
凡卜簪君占體大夫

占色史占墨卜人占坼

體兆象也色兆氣也
墨兆廣也坼兆豐也

體有吉凶色有善惡墨有大小圻有微明尊者視兆象而已卑者以次詳其餘也周公卜武王占之曰體王其無害凡卜凡卜筮既事象吉色善墨大圻明則逢吉

則繫幣以比其命歲終則計其占之中否

杜子

春云繫幣者以帛書其占繫之於龜也玄謂既卜筮史必書其命龜之事及兆於策繫其禮神之幣而合藏焉書曰王與大夫盡弁開金滕之書乃得周公所自以爲功代武王之說是命

龜書

筮人掌三易以辨九筮之名一曰連山二曰歸藏三曰周易九筮之名一曰巫更二曰巫

咸三日巫式四曰巫目五曰巫易六曰巫比

七曰巫祠八曰巫參九曰巫環以辨吉凶此九

巫讀皆當為筮字之誤也更謂筮遷都邑也咸猶僉也謂筮衆心歡不也式謂筮制作法

式也目謂事衆筮其要所當也易謂民衆不說筮所改易也比謂筮與民和比也祠謂筮

牲與日也參謂筮御與右也環謂筮可致師不也凡國之大事先筮

而後卜當用卜者先筮之即事有上春相筮漸也於筮之凶則止不卜

相謂更選擇其著也著龜歲易者與凡國事共筮

占夢掌其歲時觀天地之會辨陰陽之氣其歲

時今歲四時也天地之會建厭所以日月星處之日辰陰陽之氣休王前後

辰占六夢之吉凶

日月星辰謂日月之行及合辰所在春秋昭三十一

年十二月辛亥朔日有食之是夜也晉趙簡子夢童子裸而轉以歌旦而日食占諸史墨

對曰六年及此月也吳其入郢乎終亦弗克入郢必以庚辰日月在辰尾庚午之日日始

有適火勝金故弗克此以日月星辰占夢一者其術則今八會其遺象也用占夢則亡

曰正夢

無所感動

二曰噩夢

杜子春云噩當為驚愕之愕謂

驚愕

三曰思夢

覺時所思

四曰寤夢

覺時道

五曰喜夢

喜說

六曰懼夢

恐懼

季冬聘王夢

獻吉夢于王王拜而受之

聘問也夢者事之祥吉凶之占在日

月星辰季冬日窮于次月窮于紀星迴于天數將幾終於是發幣而問焉若休慶之云爾因獻羣臣之吉夢於王歸美焉詩云牧人乃夢衆維魚矣旒維旗矣此所獻吉夢乃

舍萌于四方以贈惡夢

杜子春讀萌爲明明又云其字當爲明明謂

歐疫也謂歲竟逐疫置四方書亦或爲明玄謂舍讀爲釋舍萌猶釋采也古書釋采釋奠

多作舍字萌菜始生也贈送也欲以新善去故惡

遂令始難歐疫令

方相氏也難謂執兵以有難卻也方相氏蒙熊皮黃金四日玄衣朱裳執戈揚盾帥百隸爲之歐疫癘鬼也故書難或爲儺杜子春儺讀爲難問之難其字當作難月令季春之月

命國難九門磔襁以畢春氣仲秋之月天子
乃難以達秋氣季冬之月命有司大難旁磔
出土牛以
送寒氣

眡祲掌十輝之灋以觀妖祥辨吉凶

妖祥善惡之徵

鄭司農云輝謂日光炁也

一曰祲二曰象三曰鑄四曰監

五曰闇六曰瞢七曰彌八曰叙九曰濟十曰

想

故書彌作迷濟作資鄭司農云祲陰陽氣相侵也象者如赤鳥也鑄謂日旁氣四面

反鄉如輝狀也監雲氣臨日也闇日月食也瞢日月瞢瞢無光也彌者白虹彌天也叙者雲有次序如山在日上也濟者升氣也想者輝光也玄謂鑄讀如童子佩鑄之鑄謂日旁

氣刺日也監冠珥也彌氣貫日也隋虹掌安也詩云朝隋于西想雜氣有似可形想

宅叙降

宅居也降下也人見妖祥則不安主安其居處也次序其凶禍所下謂穰

移正歲則行事

占夢以季冬贈惡夢此正月而行安宅之事所以順民

歲終則弊其事

弊斷也謂計其吉凶然否多少

大祝掌六祝之辭以事鬼神示祈福祥求永

貞一曰順祝二曰年祝三曰吉祝四曰化祝

五曰瑞祝六曰筴祝

永長也貞正也求多福歷年得正命也鄭司農

云順祝順豐年也年祝求永貞也吉祝祈福祥也化祝弭災兵也瑞祝逆時雨寧風旱也

筴祝遠
罪疾

掌六祈以同鬼神示一曰類二曰造

三曰禴四曰禋五曰攻六曰說

祈嗥也謂為有災變號呼

告神以求福天神人鬼地祇不和則六癘作
見故以祈禮同之故書造作竈杜子春讀竈
為造次之造書亦或為造造祭於祖也鄭司
農云類造禴禴禁攻說皆祭名也類祭于上帝
詩曰是類是禡爾雅曰是類是禡師祭也又
曰乃立冢土戎醜攸行爾雅曰起大事動大
衆必先有事乎社而後出謂之宜故曰大師
宜于社造于祖設軍社類上帝司馬法曰將
用師乃告于皇天上帝日月星辰以禱于后
土四海神祇山川冢社乃造于先王然後冢
宰徵師于諸侯曰某國為不道征之以某年
某月某日師至某國禁日月星辰山川之祭

也春秋傳曰日月星辰之神則雪霜風雨之不時於是乎禋之山川之神則水旱癘疫之災於是乎禋之立謂類造加誠肅求如志禴禴告之以時有災變也攻說則以辭責之禴如日食以朱絲縈社攻如其鳴鼓然董仲舒救日食祝曰炤炤大明熾滅無光奈何以陰侵陽以卑侵尊是之謂說也禴未聞作六辭焉造類禴禴皆有所牲攻說用幣而已

以通上下親疏遠近一曰祠二曰命三曰誥

四曰會五曰禱六曰誅

鄭司農云祠當為辭謂辭令也命論語所

謂為命禋謀草創之誥謂康誥盤庚之誥之屬也盤庚將遷于殷誥其世臣卿大夫道其先祖之善功故曰以通上下親疏遠近會謂王官之伯命事於會胥命于蒲主為其命也

禱謂禱於天地社稷宗廟主爲其辭也春秋傳曰鐵之戰衛太子禱曰曾孫蒯瞶敢昭告皇祖文王烈祖康叔文祖襄公鄭勝亂從晉午在難不能治亂使鞅討之蒯瞶不敢自佚備持矛焉敢告無絕筋無破骨無面夷無作三祖羞大命不敢請佩玉不敢愛若此之屬誅謂積累生時德行以賜之命主爲其辭也春秋傳曰孔子卒哀公誄之曰閔天不淑不慙遺一老俾屏余一人以在位嫫嫫予在疚嗚呼哀哉尼父無自律此皆有文雅辭令難爲者也故大祝官主作六辭或曰誄論語所謂誄曰禱爾于上下神祇杜子春云誥當爲告書亦或爲告立謂一曰祠者交接之辭春秋傳曰古者諸侯相見號辭必稱先君以相接辭之辭也會謂會同盟誓之辭禱賀慶言福祚之辭晉趙文子成室晉大夫發焉張老

曰美哉輪焉美哉奐焉歌於斯哭於斯聚國
族於斯文子曰武也得歌於斯哭於斯聚國
族於斯是全要領以從先大夫於九京也北
面再拜稽首君子謂之善頌善禱禱是之辭

辨六號一曰神號二曰鬼號三曰示號四曰

牲號五曰齎號六曰幣號號謂尊其名更為美稱焉神號若云

皇天上帝鬼號若云皇祖伯其祇號若云后
土地祇幣號若玉云嘉玉幣云量幣鄭司農

云牲號謂犧牲皆有名號曲禮曰牛曰一元
大武豕曰剛鬣羊曰柔毛雞曰翰音粢號謂

黍稷皆有名號也曲禮曰黍曰香合梁曰香
其稻曰嘉疏少牢饋食禮曰敢用柔毛剛鬣

士虞禮曰敢用辨九祭一曰命祭二曰行祭
繫牲剛鬣香合辨九祭一曰命祭二曰行祭

三曰炮祭四曰周祭五曰振祭六曰擩祭七

曰絕祭八曰繚祭九曰共祭

杜子春云命祭祭有所主命也

振祭振讀為慎禮家讀振為振旅之振擩祭擩讀為虞芮之芮鄭司農云衍祭義之道中如今祭殤無所主命周祭四面為坐也炮祭燔柴也爾雅曰祭天曰燔柴擩祭以肝肺菹擩鹽醢中以祭也繚祭以手從肺本循之至于末乃絕以祭也絕祭不循其本直絕肺以祭也重肺賤肝故初祭絕肺以祭謂之絕祭至祭之末禮殺之後但擩肝鹽中振之擬之若祭狀弗祭謂之振祭特牲饋食禮曰取菹擩于醢祭于豆間鄉射禮曰取肺坐絕祭鄉飲酒禮曰右取肺左卻手執本坐弗繚右絕末以祭少牢曰取肝擩于鹽振祭立謂九祭

皆謂祭食者命祭者玉藻曰君若賜之食而
君客之則命之祭然後祭是也衍字當爲延
炮字當爲包聲之誤也延祭者曲禮曰客若
降等執食與辭主人興辭於客然後客坐主
人延客祭是也包猶兼也兼祭者有司曰宰
夫贊者取白黑以授尸尸受兼祭于豆祭是
也周猶徧也徧祭者曲禮曰殽之序徧祭之
是也振祭擣祭本同不食者擣則祭之將食
者既擣必振乃祭也絕祭繚祭亦本同禮多
者繚之禮略者絕則祭之共猶授也王祭食
宰夫授祭孝經辨九擣一曰稽首二曰頓首
說曰共綏執授

三曰空首四曰振動五曰吉擣六曰凶擣七

曰奇擣八曰褒擣九曰肅擣以享右祭祀

稽首

拜頭至地也頓首拜頭叩地也空首拜頭至手所謂拜手也吉拜拜而後稽顙謂齊衰不杖以下者言吉者此殷之凶拜周以其拜與頓首相近故謂之吉拜云凶拜稽顙而後拜謂三年服者杜子春云振讀爲振鐸之振動讀爲哀慟之慟奇讀爲奇偶之奇謂先屈一膝今雅拜是也或云奇讀曰倚倚拜謂持節持戟拜身倚之以拜鄭大夫云動讀爲董書亦或爲董振董以兩手相擊也奇拜謂一拜也衰讀爲報報拜再拜是也鄭司農云衰拜今時持節拜是也肅拜但俯下手今時擡是也介者不拜故曰爲事故敢肅使者玄謂振動戰栗變動之拜書曰王動色變一拜荅臣下拜再拜拜神與尸享獻也謂朝獻饋獻也右讀爲侑侑凡大禋祀肆享祭示則執明水勸尸食而拜

火而號祝

明水火司烜所共日月之氣以給烝享執之如以六號祝明此圭絜

也禮祀祭天神也肆享祭宗廟也故書祇為祫杜子春云祫當為祇隋釁逆牲

逆尸令鍾鼓右亦如之

隋釁謂薦血也凡血祭曰釁既隋釁後言

逆牲容逆鼎右讀亦當為侑

來瞽令皐舞

皐讀為卒嗥呼之嗥來嗥者皆

謂呼相尸禮

延其出入詔其坐作

既祭令徹大喪始崩

以肆鬯潏尸相飯贊斂徹奠

肆鬯所謂陳尸設鬯也鄭司農

云潏尸以鬯浴尸

言甸人讀禱付練祥掌國事

鄭司農云

甸人主設復梯大祝主言問其具梯物玄謂言猶語也禱六辭之屬禱也甸人喪事代王

受青災大祝為禱辭語之使以禱於藉田之神也付當為祔祭於先王以祔後死者掌國

事辨國有大故天裁彌祀社稷禱祠大故兵冠也天

裁疫癘水旱也彌猶徧也徧祀社稷及諸所禱既則祠之以報焉大師宜于

社造于祖設軍社類上帝國將有事于四望

及軍歸獻于社則前祝鄭司農說設軍社以春秋傳曰所謂君以

師行祓社釁鼓祝奉以從者也則前祝大祝自前祝也立謂前祝者王出也歸也將有事

於此神大祝居前大會同造于廟宜于社過

大山川則用事焉反行舍奠用事亦用祭事告行也玉人職

有宗祝以黃金勺前馬之禮是謂過大山建
川與曾子問曰凡告必用牲幣反亦如之

邦國先告后土用牲幣后土社神也禁督逆祀命

者督正也正王之所命諸侯之所祀有逆者則刑罰焉頒祭號于邦國

都鄙祭號六號

小祝掌小祭祀將事侯禳禱祠之祝號以祈

福祥順豐年逆時雨寧風旱彌裁兵遠臯疾

侯之言候也候嘉慶祈福祥之屬禳禱卻凶咎寧風旱之屬順豐年而順為之祝辭逆迎

也彌讀曰救救安也大祭祀逆盥盛送逆尸沃尸盥贊

隋贊徹贊奠

隋尸之祭也奠奠爵也祭祀奠先徹後反言之者明所佐大祝

一非凡事佐大祝

唯大祝所有事

大喪贊涇

故書涇為攝杜子春

云當為涇涇謂浴尸

設熬置銘

銘今書或作名鄭司農云銘書死者名於旌今

謂之柩士喪禮曰為銘各以其物亡則以緇長半幅頰末長終幅廣三寸書名于末曰某

氏某之柩竹杠長三尺置于西階上重木置于中庭參分庭一在南粥餘飯盛以二鬲縣

于重幕用葦席取銘置于重杜子春云熬謂重也檀弓曰銘明旌也以死者為不可別故

以旗識之愛之斯錄之矣敬之斯盡其道焉爾重主道也殷主綴重焉周主徹重焉奠以

素器以主人有哀素之心也立謂熬者棺既蓋設於其旁所以惑蚍蜉也喪大記曰熬君

四種八筐大夫三種六筐士二種四筐加魚
腊焉士喪禮曰熬黍稷各二筐有魚腊饌于

西坵南又曰設及葬設道齋之奠分禱五祀
熬旁一筐乃塗

杜子春云齋當為粢道中祭也漢儀每街路
輒祭玄謂齋猶送也送道之奠謂遣奠也分

其牲體以祭五祀告王去此宮中不復反故
興祭祀也王七祀祀五者司命大厲平生出

入不告大師掌釁祈號祝也鄭司農云釁謂釁鼓
以告

行被社釁鼓有寇戎之事則保郊祀于社故
祝奉以從

祀或作禋鄭司農云謂保守郊祭諸祀及社
無令寇侵犯之杜子春讀禋為祀書亦或為

祀玄謂保祀互文郊社凡外內小祭祀小喪
皆守而祀之彌裁兵

紀小會同小軍旅掌事焉

喪祝掌大喪勸防之事

鄭司農云勸防引柩也杜子春云防當爲

披玄謂勸猶倡帥前引者防爲執披備傾戲

及辟令啓

鄭司農云辟謂除菽

塗椁也令啓謂喪祝主命役人開之也檀弓曰天子之殯也菽塗龍輴以椁加斧于椁上

畢塗屋天子之禮也

及朝御匱乃奠

鄭司農云朝謂將葬朝於祖考之廟

而後行則喪祝爲御柩也檀弓曰喪之朝也順死者之孝心也其哀離其室也故至於祖考之廟而後行殷朝而殯於祖周朝而遂葬故春秋傳曰凡夫人不殯于廟不祔于姑則弗致也晉文公卒將殯于曲沃就宗廟晉宗廟在曲沃故曰曲沃君之宗也又曰丙午入

于曲沃丁未朝于武宮玄謂乃奠朝廟奠及祖飾棺乃載遂御鄭司

農云祖謂將葬祖于庭象生時出則祖也故曰事死如事生禮也檀弓曰飯於牖下小斂

於戶內大斂於阼殯於客位祖於庭葬於墓所以即遠也祖時喪祝主飾棺乃載遂御之

喪祝為柩車御也或謂及祖至祖廟也玄謂祖為行始飾棺設柳池紐之屬其序載而後

飾既飾當還車鄉外喪祝御之及葬御匱出御之者執翣居前卻行為節度

宮乃代喪祝二人及壙說載除飾鄭司農云壙謂穿中

也說載下棺也除飾去棺飾也四跽之屬令可舉移安錯之玄謂除飾便其窆爾周人之

葬牆置跽小喪亦如之掌喪祭祝號喪祭虞也檀弓曰葬日虞

不忍一日離也是日也以虞易奠卒王弔則哭曰成事是日也以吉祭易喪祭

與巫前

鄭司農云喪祝與巫以桃厲執戈在王前檀弓曰君臨臣喪以巫祝桃茢

執戈惡之也所以異於生也春秋傳曰楚人使公親隧公使巫以桃茢先祓殯楚人弗禁

既而悔之君臨臣喪之禮故悔之

掌勝國邑之社稷之祝號

以祭祀禱祠焉

勝國邑所誅討者社稷者若亳社是矣存之者重神也蓋

奄其上而棧其下為北牖凡卿大夫之喪掌事而斂飾棺

焉

甸祝掌四時之田表貉之祝號

杜子春讀貉為百爾所思

之百書亦或為禡貉兵祭也甸以講武治兵故有兵祭詩曰是類是禡爾雅曰是類是禡

師祭也立謂田者習兵之禮故舍奠于祖廟亦禡祭禱氣執之十百而多獲

禡亦如之舍讀為釋釋奠者告將時田師甸若將征伐鄭司農云禡父廟

致禽于虞中乃屬禽及郊饁獸舍奠于祖禡

乃斂禽禡牲禡馬皆掌其祝號師田謂起大衆以田也致

禽於虞中使獲者各以其禽來致于所表之處屬禽別其種類饁饋也以所獲獸饋於郊

薦于四方羣兆入又以奠于祖禡薦且告反也斂禽謂取三十入腊人也杜子春云禡禱

也為馬禱無疾為田禱多獲禽牲詩云既伯既禱爾雅曰既伯既禱馬祭也立謂禡讀如

伏誅之誅今侏大字也為牲祭求肥充為馬祭求肥健

詛祝掌盟詛類造攻說禴禴之祝號

八者之辭皆所

以告神明也盟詛主於要誓大事曰盟小事曰詛

作盟詛之載辭以

叙國之信用以質邦國之劑信

載辭為辭而載之於策坎

用牲加書于其上也國謂王之國邦國諸侯國也質正也成也文王脩德而虞芮質厥成鄭司農說載辭以春秋傳曰使祝為載辭

司巫掌羣巫之政令若國大旱則帥巫而舞

雩雩旱祭也天子於上帝諸侯於上公之神鄭司農云魯僖公欲焚巫尪以其舞雩不

得國有大裁則帥巫而造巫恒

杜子春云司巫帥巫官之

屬會聚常處以待命也玄謂恒久也巫祭祀久者先巫之故事造之當案視所施為

則共匱主及道布及菹館

杜子春云菹讀為鉏匱器名主謂木

主也道布新布三尺也鉏藉也館神所館止也書或為菹館或為租飽或曰布者以為席

也租飽茅裹肉也玄謂道布者為神所設巾中霤禮曰以功布為道布屬于几也菹之言

藉也祭食有當藉者館所以承菹謂若今筐也主先匱菹後館互言之者明共主以匱共

菹以筐大祝取其主菹陳之器則退也士虞禮曰苴刈茅長五寸實于筐饌于西坵上又

日祝盥取苴降洗之升凡祭事守瘞

瘞謂若祭地祇

入設于几東席上東縮

有埋牲玉者也守之者以祭禮
未畢若有事然祭禮畢則去之
凡喪事掌巫

降之禮

降下也巫下神之禮今世或死既斂就巫下禳其遺禮

男巫掌望祀望衍授號旁招以茅

杜子春云望衍謂衍

祭也授號以所祭之名號授之旁招以茅招

四方之所望祭者立謂衍讀為延聲之誤也

望祀謂有牲粢盛者延進也謂但用幣致其

神二者詛祝所授類造攻說檜祭之神號男

巫為冬堂贈無方無筭故書贈為贈杜子春

之招云贈當為贈堂贈謂

逐疫也無方四方為可也無筭道里無數遠

益善也立謂冬歲終以禮送不祥及惡夢皆

是也其行必由堂始巫與神通言當東則春

東當西則西可近則近可遠則遠無常數

春

招弭以除疾病

招招福也杜子春讀弭如彌兵之彌玄謂弭讀為救字之

誤也救安也安凶禍也招救皆有祀衍之禮

王弔則與祝前

巫祝前王

也故書前為先鄭司農云為先非是也

女巫掌歲時祓除釁浴

歲時祓除如今三月上巳如水之類釁

浴謂以香薰草藥沐浴

旱暵則舞雩

使女巫舞旱祭崇陰也鄭司農云求

雨以女巫故檀弓曰歲旱繆公召縣子而問焉曰吾欲暴巫而奚若曰天則不雨而望之

愚婦人無乃已疏乎

若王后弔則與祝前

女巫與祝前

凡邦之大裁歌哭而請

有歌者有哭者冀以悲哀感神靈也

大史掌建邦之六典以逆邦國之治掌灋以

逆官府之治掌則以逆都鄙之治

典則亦法也逆迎也

六典八法八則冢宰所建以治百官大史又建焉以爲王迎受其治也大史日官也春秋傳曰天子有日官諸侯有日御日官居卿以底日禮也日御不失日以授百官于朝居猶處也言建六典凡辨灋者攷焉不信者刑之以處六卿之職

謂邦國官府都鄙以法爭訟來正之者

凡邦國都鄙及萬民之

有約劑者藏焉以貳六官六官之所登

約劑要盟

之載辭及券書也貳猶副也藏法與約劑之書以爲六官之副其有後事六官又登焉

若約齊亂則辟灋不信者刑之

謂抵冒盟誓者辟法者考

案讀其然不

正歲年以序事頒之于官府及都鄙

中數曰歲朔數曰年中朔大小不齊正之以
閏若今時作厯日矣定四時以次序授民時
之事春秋傳曰閏以正時時以作
事以厚生生民之本於是乎在頒告朔于

邦國

天子班朔于諸侯諸侯藏之祖廟至朔
朝于廟告而受行之鄭司農云頒讀爲

班班布也以十二月朔布告天下諸
侯故春秋傳曰不書日官失之也

閏月詔

王居門終月

門謂路寢門也鄭司農云月令
十二月分在青陽明堂總章立

堂左右之位唯閏月無所居居
于門故於文王在門謂之閏

大祭祀與執

事卜日

執事大卜之屬與之者當視墨

戒及宿之日與羣執

事讀禮書而協事

協合也合謂習錄所當共之事也故書協作叶杜子

春云叶協也書亦或為協或為叶

祭之日執書以次位常

謂校

呼之教其所當居之處

辨事者攷焉不信者誅之

謂抵冒其

職大會同朝覲以書協禮事

亦先習錄之也

及將幣

之日執書以詔王

將送也詔王告王以禮事

大師抱天時

與大師同車

鄭司農云大出師則大史主抱式以知天時處吉凶史官主知

天道故國語曰吾非瞽史焉知天道春秋傳曰楚有雲如衆赤鳥夾日以飛楚子使問諸

周大史大史主天道玄謂大遷國抱灋以前

瞽即大師大師瞽官之長
法司空營國之法也抱之大喪執灋以泣勸

防

鄭司農云勸防引六紼

遣之日讀誅

遣謂祖廟之庭大奠將行時也

人之道終於此累其行而讀之大師又帥瞽
人之道而作謚瞽史知天道使共其事言王之
誅謚成凡喪事攷焉為有小喪賜謚小喪鄉
於天道得失

凡射事飾中含筭執其禮事

舍讀曰釋鄭司農云中所以盛

筭也玄謂設筭於中以待射時而取之中則
釋之鄉射禮曰君國中射則皮豎中於郊則
間中於竟則虎中大夫兕
中士鹿中天子之中未聞

小史掌邦國之志奠繫世辨昭穆若有事則

詔王之忌諱

鄭司農云志謂記也春秋傳所謂周志國語所謂鄭書之屬是

也史官主書故韓宣子聘于魯觀書大史氏繫世謂帝繫世本之屬是也小史主定之瞽

矇諷誦之先王死日為忌名為諱故書奠為帝杜子春云帝當為奠奠讀為定書帝亦或

為奠立謂王有大祭祀讀禮灋史以書叙昭事祈祭於其廟

穆之俎簋

讀禮法者大史與羣執事史此小史也言讀禮法者小史叙俎簋以

為節故書簋或為几鄭司農云几讀為軌書亦或為簋古文也大祭祀小史主叙其昭穆以其主定繫世祭祀史主叙其昭穆次其俎簋故齊景公疾欲誅於祝史立謂俎簋牲與

黍稷以書次
之校比之
大喪大賓客大會同大軍旅佐

大史凡國事之用禮灋者掌其小事卿大夫

之喪賜謚讀誄

其讀誄亦以大史
賜謚為節事相成

馮相氏掌十有二歲十有二月十有二辰十

日二十有八星之位辨其叙事以會天位
歲謂

大歲歲星與日同次之月斗所建之辰樂說
說歲星與日常應大歲月建以見然則今麻
大歲非此也歲日月辰星宿之位謂方面所
在辨其叙事謂若仲春辨秩東作仲夏辨秩
南譌仲秋辨秩西成仲冬辨在朔易會天位
者合此歲月日辰星宿五者以為時事之候

若今麻日太歲在某月某日某甲朔日直某也國語曰王合位于三五孝經說曰故勅以天期四時節有晚早趣勉趣冬夏致日春秋時無失天位皆由此術云

致月以辨四時之叙

冬至日在牽牛景丈三尺夏至日在東井景尺

五寸此長短之極極則氣至冬無憊陽夏無伏陰春分日在婁秋分日在角而月弦於牽牛東井亦以其景知氣至不春秋冬夏氣皆至則是四時之叙正矣

保章氏掌天星以志星辰日月之變動以觀

天下之遷辨其吉凶

志古文識識記也星謂五星辰日月所會五星

有羸縮圜角日有薄食暈珥月有虧盈眇側匿之變七者右行列舍天下禍福變移所在

皆見焉以星土辨九州之地所封封域皆有分

星以觀妖祥

星土星所主土也封猶界也鄭司農說星土以春秋傳曰參爲

晉星商主大火國語曰歲之所在則我有周之分野之屬是也玄謂大界則曰九州州中諸國中之封域於星亦有分焉其書亡矣堪輿雖有郡國所入度非古數也今其存可言者十二次之分也星紀吳越也玄枵齊也娵訾衛也降婁魯也大梁趙也實沈晉也鶉首秦也鶉火周也鶉尾楚也壽星鄭也大火宋也析木燕也此分野之妖祥主用客星彗孛之氣以十有二歲之相觀天下之妖祥
歲謂

爲象
歲星與日同次之月斗所建之辰也歲星爲陽右行於天大歲爲陰左行於地十二歲而

小周其妖祥之占甘氏歲星經其遺象也鄭
司農云大歲所在歲星所居春秋傳曰越得
歲而吳伐之必受以五雲之物辨吉凶水旱
其凶之屬是也

降豐荒之祲象

物色也視日旁雲氣之色降下也知水旱所下之國鄭司

農云以二至二分觀雲色青為蟲白為喪赤為兵荒黑為水黃為豐故春秋傳曰凡分至

啓閉必書雲物為備故也以十有二風察天

地之和命乖別之妖祥

十有二辰皆有風吹其律以知和不其道

亡矣春秋襄十八年楚師伐鄭師曠曰吾驟歌北風又歌南風南風不競多死聲楚必無功是時楚師多凍其命乖別審矣凡此五物者以詔救政訪

序事

訪謀也見其象則當豫爲之備以詔王救其政且謀今歲天時占相所宜次序

其事

內史掌王之八枋之灋以詔王治一曰爵二

曰祿三曰廢四曰置五曰殺六曰生七曰予

八曰奪

大宰既以詔王內史又居中貳之

執國灋及國令之

貳以攷政事以逆會計

國法六典八法八則

掌叙事之

灋受納訪以詔王聽治

叙六叙也納訪納謀於王也六叙六日以

叙聽其情

凡命諸侯及孤卿大夫則策命之

鄭司農說

以春秋傳曰王命內史興父策命晉侯為侯伯策謂以簡策書王命其文曰王謂叔父敬服王命以綏四國糾逖王慝凡四方之事書晉侯三辭從命受策以出

內史讀之若今尚書王制祿則贊為之以方

出之贊為之為之辭也鄭司農云以方出之以方版書而出之上農夫食九人其次

食八人其次食七人其次食六人下農夫食五人庶人在官者其祿以是為差諸侯之下士視上農夫祿足以代其耕也中士倍下士上士倍中士下大夫倍上士卿四大夫祿君十卿祿杜子春云方直謂今時牘也玄謂王制曰王之三公視公侯卿視伯大夫視子男元士視附庸賞賜亦如之內史掌書王命遂貳之

副寫藏之

外史掌書外令

王令下

掌四方之志

志記也謂若魯

之春秋晉之乘楚之檇杙

掌三皇五帝之書

楚靈王所謂三墳五典

掌達書名于四方

謂若堯典禹貢達此名使知之或曰古曰名今日字

使四方知書之文字得能讀之

若以書使于四方則書其令

書王令以授使者

御史掌邦國都鄙及萬民之治令以贊冢宰

王所以治之令

凡治者受灋令焉

為書寫其治之法令

冢宰掌王治

來受則授之掌贊書王有命當以書致之則贊凡

數從政者自公卿以下至胥徒凡數及其見

書數者經禮三百曲禮三千法度皆在立以為不辭故改之云

巾車掌公車之政令辨其用與其旗物而等

叙之以治其出入公猶官也用謂祀賓之屬

封同姓異王之五路王路錫樊纓十有

再就建大常十有二旂以祀王在焉曰路王

錫馬面當盧刻金為之所謂鏤錫也樊讀如

冑士喪禮下篇曰馬纓三就禮家說曰纓當
冑以削革爲之三就三重三匝也玄謂纓今
馬鞅玉路之樊及纓皆以五采罽飾之十二
就就成也大常九旗之畫日月者正幅爲繆
旂則金路鉤樊纓九就建大旂以賓同姓以
屬焉
封金路以金飾諸末鉤婁頷之鉤也金路無
錫有鉤亦以金爲之其樊及纓以五采罽
飾之而九成大旂九旗之畫交龍者以賓以
會賓客同姓以封謂王子母弟率以功德出
封雖爲侯伯其畫服猶如上公若魯衛之屬
其無功德各以親疏食采畿內而已故書鉤
爲拘杜子象路朱樊纓七就建大赤以朝異
春讀爲鉤
姓以封象路以象飾諸末象路無鉤以朱飾
勒而已其樊及纓以五采罽飾之而

七成大赤九旗之通帛以革路龍勒條纓五

就建大白以即戎以封四衛革路鞞之以革

龍駟也以白黑飾韋雜色為勒條讀為條其

樊及纓以條絲飾之而五成不言樊字蓋脫

爾以此言條知玉路金路象路飾樊纓皆不

用金玉象矣大白殷之旗猶周大赤蓋象正

色也即戎謂兵事四衛四木路前樊鵠纓建

方諸侯守衛者蠻服以內

大麾以田以封蕃國

木路不鞞以革漆之而

淺黑也木路無龍勒以淺黑飾韋為樊鵠色

飾韋為纓不言就數飾與革路同大麾不在

九旗中以正色言之則黑夏后氏所建田四

時田獵蕃國謂九州之外夷服鎮服蕃服杜

子春云鵠或為結

王后之五路重翟錫面朱總厭翟

勒面績總安車彫面鷩總皆有容蓋

重翟重翟雉之

羽也厭翟次其羽使相迫也勒面謂以如玉龍勒之韋為當面飾也彫者畫之不龍其韋安車坐乘車凡婦人車皆坐乘故書朱總為緦鷩或作緊鄭司農云錫馬面錫緦當為總書亦或為總鷩讀為鳧鷩之鷩鷩總者青黑色以緦為之總著馬勒直兩耳與兩鑣容謂檐車山東謂之裳幃或曰潼容玄謂朱總績總其施之如鷩總車衡轡亦宜有焉績畫文也蓋如今小車蓋也皆有容有蓋則重翟厭翟謂蔽也重翟后從王祭祀所乘厭翟后從王賓饗諸侯所乘安車無蔽后朝見於王所乘謂去飾也詩國風碩人曰翟蔽以朝謂諸

侯夫人始來乘翟蔽之車以朝見於君盛之也此翟蔽蓋厭翟也然則王后始來乘重翟

乎翟車貝面組總有握翟車不重不厭以翟飾車之側爾貝面貝

飾勒之當面也有握則此無蓋矣輦車組輓如今輶車是也后所乘以出桑

有翟羽蓋輦車不言飾后居宮中從容所乘但漆之而已為輶輪人輓之以行

有翟所以禦風塵以羽作小蓋為翳日也故書翟為駟杜子春云當為翟書亦或為翳

王之喪車五乘木車蒲蔽犬禭尾橐疏飾小

服皆疏木車不漆者鄭司農云蒲蔽謂羸蘭車以蒲為蔽天子喪服之車漢儀亦

然犬禭以犬皮為覆苓故書疏為楮杜子春讀楮為沙玄謂蔽車旁禦風塵者犬白犬皮

既以皮爲覆苓又以其尾爲戈戟之弣麤布
飾二物之側爲之緣若攝服云服讀爲菹小
菹刀劍短兵之衣此始遭喪所乘爲君之道
尚微備姦臣也書曰以虎賁百人逆子釗亦
爲備素車焚蔽犬禊素飾小服皆素素車以
焉

車也焚讀爲菹菹麻以爲蔽其禊服以素繒
爲緣此卒哭所乘爲君之道益著在車可以

去戈藻車藻蔽鹿淺禊革飾故書藻作輶杜
戟

藻之藻直謂華藻也立謂藻水草蒼色以蒼
土堊車以蒼繒爲蔽也鹿淺禊以鹿夏皮爲

覆苓又以所治去毛駝車翟蔽然禊髮飾故
者緣之此既練所乘

駝作龍髮爲軟杜子春云龍讀爲駝軟讀爲
漆琬之漆直謂髮漆也立謂駝車邊側有漆

飾也翟細葦席也以爲蔽者漆則成藩即吉也然果然也髮赤多黑少之色韋也此大祥所漆車藩蔽犴禊雀飾漆車黑車也藩今時小車藩漆席以爲之乘漆車藩蔽犴禊雀飾犴胡犬雀黑多赤少服車五乘孤乘夏篆卿之色韋也此禫所乘

乘夏縵大夫乘墨車士乘棧車庶人乘役車

服車服事者之車故書夏篆爲夏緣鄭司農云夏赤也緣緣色或曰夏篆篆讀爲圭瑑之瑑夏篆轂有約也玄謂夏篆五采畫轂約也夏縵亦五采畫無瑑爾墨車不畫也棧車不革鞅而漆之役車方箱可載任器以共役凡良車散車不在等者

其用無常給遊燕及恩惠之賜不在等者謂若今輜車後戶之屬作之有功有

沽凡車之出入歲終則會之

計其完敗多少

凡賜闕

之

不完敗不計

毀折入齋于職幣

計所傷敗入其直杜子春云齋讀爲

資資謂財也乘官車毀折者入財以償繕治之直

大喪飾遣車遂廡

之行之

廡興也謂陳駕之行之使人以次舉之以如墓也遣車一日鸞車

及

葬執蓋從車持旌

從車隨柩路持蓋與旌者王平生時車建旌兩則有

蓋今蜃車無蓋執而隨之象生時有也所執者銘旌

及墓嘑啓關陳車

關墓門也車貳車也士喪禮下篇曰車至道左北面立東上

小喪共匱路

與其飾

柩路載柩車也飾棺飾也

歲時更續共其弊車

故書

更續為受讀杜子春云受當為更讀當為續
更續更受新共其弊車歸其故弊車也玄謂
俱受新耳更易其舊續續其不任用共其弊
車巾車既更續之取其弊車共於車人材或
有中大祭祀鳴鈴以應雞人雞人主呼旦鳴
用之警眾必使鳴鈴者車有和鸞相應和之
象故書鈴或作軫杜子春云當為鈴

典路掌王及后之五路辨其名物與其用說

用謂將有朝祀之事而駕之鄭司農云說謂
舍車也春秋傳曰雞鳴而駕日中而說用謂

所宜若有大祭祀則出路贊駕說出路王當
用乘之贊駕

說贊僕與大喪大賓客亦如之亦出路當陳
趣馬也之鄭司農說

以書顧命曰成王崩康王既陳先王寶器又
曰大路在賓階面贅路在阼階面先路在左
塾之前次路在右塾之前漢朝上計律凡會
陳屬車於庭故曰大喪大賓客亦如之
同軍旅弔于四方以路從王出於事無常王
乘一路典路以其
餘路從行
亦以華國

車僕掌戎路之萃廣車之萃闕車之萃萃車

之萃輕車之萃

萃猶副也此五者皆兵車所
謂五戎也戎路王在軍所乘

也廣車橫陳之車也闕車所用補闕之車也
萃猶屏也所用對敵自蔽隱之車也輕車所
用馳敵致師之車也春秋傳曰公喪戎路又
曰其君之戎分爲二廣則諸侯戎路廣車也

又曰帥旂闕四十乘孫子八陳有革車之陳
又曰馳車千乘五者之制及萃數未盡聞也
書曰武王戎車三百兩故書萃作平杜子春
云萃車當為駟車其字當為萃書亦或為萃

凡師共革車各以其萃

五戎者共其一以為王優尊者所乘也而

萃各從其元焉會同亦如之

巡守及兵車之會則王乘戎路乘車之會王雖

乘金路猶共以從不失備也大喪廋革車

言興革車則遣車不徒戎路廣

闕萃輕皆有焉大射共三乏

鄭司農云乏讀為匱乏之乏

司常掌九旗之物名各有屬以待國事日月

為常交龍為旂通帛為旛雜帛為物熊虎為

旗鳥隼爲旗龜蛇爲旐全羽爲旂析羽爲旌

物名者所畫異物則異名也屬謂徽識也大傳謂之徽號今城門僕射所被及亭長著絳衣皆其舊象通帛謂大赤從周正色無飾雜帛者以帛素飾其側白殷之正色全羽析羽皆五采繫之於旂旌之上所謂注及國之大旌於干首也凡九旗之帛皆用絳

閱贊司馬頒旗物王建大常諸侯建旂孤卿

建旌大夫士建物師都建旗州里建旗縣鄙

建旒道車載旒旒車載旌

仲冬教大閱司馬主其禮自王以下

治民者旗畫成物之象王畫日月象天明也諸侯畫交龍一象其升朝一象其下復也孤

卿不畫言奉王之政教而已大夫士雜帛言以先王正道佐職也師都六鄉六遂大夫也謂之師都都民所聚也畫熊虎者鄉遂出軍賦象其守猛莫敢犯也州里縣鄙鄉遂之官互約言之鳥隼象其勇捷也龜蛇象其扞難辟害也道車象路也王以朝夕燕出入旂車木路也王以田以鄙全羽析羽五色象其文德也大閱王乘戎路建大常焉玉路金路不出皆畫其象焉官府各象其事州里各象其

名家各象其號

臣事名號者徽識所以題別衆臣樹之於位朝各就焉覲禮

曰公侯伯子男皆就其旂而立此其類也或謂之事或謂之名或謂之號異外內也三者旌旗之細也士喪禮曰爲銘各以其物亡則以緇長半幅纁末長終幅廣三寸書名於末

此蓋其制也徽識之書則云某某之事某某之名某某之號今大閱禮象而為之兵凶事若有死事者亦當以相別也杜子春云畫當為書玄謂畫畫雲氣也異於在國軍事之飾

凡祭祀各建其旗

王祭祀之車則王路

會同賓客亦如

之置旌門

賓客朝覲宗遇王乘金路巡守兵車之會王乘戎路皆建其大常掌

舍職曰為帷宮設旌門

大喪共銘旌

銘旌王則大常也士喪禮曰為銘各

以其物

建廡車之旌及葬亦如之

葬云建之則行廡車解說

之

凡軍事建旌旗及致民置旗弊之

始置旗以致民

民至什之誅後至者

甸亦如之凡射共獲旌

獲旌獲者所持旌

歲時共更旌

取舊予新

都宗人掌都祭祀之禮凡都祭祀致福于國

都或有山川及因國無主九皇六十四民之祀王子弟則立其祖王之廟其祭祀王皆賜

禽焉主其禮者警戒之糾其戒具其來致福則帥而以造祭僕正都禮與其

服禁督其違失者服謂衣服及宮室車旗若有寇戎之事則保

羣神之墳守山川丘陵墳衍之壇域國有大故則令禱祠

既祭反命于國令令都之有司也祭謂報塞也反命還白王

家宗人掌家祭祀之禮凡祭祀致福大夫采地之所

祀與都同若先王之子孫亦有祖廟

國有大故則令禱祠反命

祭亦如之

又以王命令禱祠歸白王於獲福掌

家禮與其衣服宮室車旗之禁令

掌亦正也

保羣神之墳則都家自保之都宗人所保者謂王所祀明矣

凡以神仕者掌三辰之灋以猶鬼神示之居

辨其名物

猶圖也居謂坐也天者羣神之精日月星辰其著位也以此圖天神

人鬼地祇之坐者謂布祭衆寡與其居句孝經說郊祀之禮曰燔燎埽地祭牲繭栗或象天酒旗坐星廚倉具黍稷布席極敬心也言郊之布席象五帝坐禮祭宗廟序昭穆亦又

有似虛危則祭天圜丘象北極祭地方澤象
后妃及社稷之席皆有明法焉國語曰古者
民之精爽不攜貳者而又能齊肅中正其知
能上下比義其聖能光遠宣朗其明能光照
之其聰能聽徹之如是則神明降之在男曰
覲在女曰巫是之使制神之處位次主而爲
之牲器時服巫既知神如此又能居以天法
是以聖人用之今之巫祝既闇其義何明之
見何法之行正神不降或於淫厲苟以冬日
貪貨食遂誣人神令此道滅痛矣

至致天神人鬼以夏日至致地示物魍以禴

國之凶荒民之札喪


天人陽也地物陰也陽氣升而祭鬼神陰氣升

而祭地祇物魍所以順其爲人與物也致人鬼於祖廟致物魍於墀壇蓋用祭天地之明


日百物之神曰魍魎春秋傳曰螭魍魎魎杜
子春云禴除也玄謂此禴讀如潰癰之潰

周禮卷第六

經四千五百五十四字
注一萬七千九百九十二字








周禮卷第七

夏官司馬第四

周禮

鄭氏



惟王建國辨方正位體國經野設官分職以
爲民極乃立夏官司馬使帥其屬而掌邦政
以佐王平邦國政正也政所以正不正者也
孝經說曰政者正也正德名
道以行政官之屬大司馬卿一人小司馬中大
夫二人軍司馬下大夫四人輿司馬上士八
人行司馬中士十有六人旅下士三十有二

人府六人史十有六人胥三十有二人徒三

百有二十人

輿衆也行謂軍行列晉作六軍而有三行取名於此

凡制

軍萬有二千五百人爲軍王六軍大國三軍

次國二軍小國一軍軍將皆命卿二千有五

百人爲師師帥皆中大夫五百人爲旅旅帥

皆下大夫百人爲卒卒長皆上士二十五人

爲兩兩司馬皆中士五人爲伍伍皆有長

軍師

旅卒兩伍皆衆名也伍一比兩一間卒一族旅一黨師一州軍一鄉家所出一人將帥長

司馬者其師吏也言軍將皆命卿則凡軍帥
不特置選於六官六鄉之吏自鄉以下德任
者使兼官焉鄭司農云王六軍大國三軍次
國二軍小國一軍故春秋傳有大國次國小
國又曰成國不過半天子之軍周爲六軍諸
侯之大者三軍可也詩大雅常武曰赫赫明
明王命卿士南仲大祖大師皇父整我六師
以修我戎旣傲旣戒惠此南國大雅文王曰
周王于邁六師及之此周爲六軍之見于經
也春秋傳曰王使虢公命曲沃伯以一軍爲
晉侯此小國一軍之見于傳也百人爲卒二
十五人爲兩故春秋傳曰廣有一卒卒偏之
兩一軍則二府六史胥十人徒百人

司勲上士二人下士四人府二人史四人胥

二人徒二十人

故書勲作勛鄭司農云勛讀爲勲勲功也比官主功賞故

曰掌六鄉賞地之法以等其功

馬質中士二人府一人史二人賈四人徒八

人

質平也主買馬平其大小之賈直

量人下士二人府一人史四人徒八人

量猶度也

謂以丈尺度地

小子下士二人史一人徒八人

小子主祭祀之小事

羊人下士二人史一人賈二人徒八人

司燿下士二人徒六人

故書燿爲燿杜子春云燿當爲燿書亦或

爲燿燿爲私火玄謂燿讀如予若觀火之觀今燕俗名湯熱爲觀則燿火謂熱火與

掌固上士二人下士八人府二人史四人胥

四人徒四十人

固國所依阻者也國曰固野曰險易曰王公設險以守其

國

司險中士二人下士四人史二人徒四十人

掌疆中士八人史四人胥十有六人徒百有

六十人

疆界也

候人上士六人下士十有二人史六人徒百

有二十人

候候迎賓客之來者

環人下士六人史二人徒十有二人

環猶卻也以勇

力卻敵

挈壺氏下士六人史二人徒十有二人

挈讀如絜

髮之絜壺盛水器也世主挈壺水以為漏

射人下大夫二人上士四人下士八人府二

人史四人胥二人徒二十人

服不氏下士一人徒四人

服不服不
服之獸者

射鳥氏下士一人徒四人

羅氏下士一人徒八人

能以羅罔捕鳥者郊
特牲曰大羅氏天子

之掌鳥
獸者

掌畜下士二人史二人胥二人徒二十人

畜
謂

斂而
養之

司士下大夫二人中士六人下士十有二人

府二人史四人胥四人徒四十人

諸子下大夫二人中士四人府二人史二人

胥二人徒二十人

諸子主公卿大夫士之子者或曰庶子

司右上士二人下士四人府四人史四人胥

八人徒八十人

右謂有勇力之士充王車右

虎賁氏下大夫二人中士十有二人府二人

史八人胥八十人虎士八百人

不言徒曰虎士則虎士徒

之選有勇力者

旅賁氏中士二人下士十有六人史二人徒

八人

節服氏下士八人徒四人

世爲王節所衣服

方相氏狂夫四人

方相猶言放想可畏怖之貌

大僕下大夫二人小臣上士四人

祭僕中士六人

御僕下士十有二人府二人史四人胥二人

徒二十人

僕侍御於尊者之名大僕其長也

隸僕下士二人府一人史二人胥四人徒四

十人

此吏而曰隸以其事褻

弁師下士二人工四人史二人徒四人

弁者古冠

之大稱委貌緇布曰冠

司甲下大夫二人中士八人府四人史八人

胥八人徒八十人

甲今之鎧也司甲兵戈盾官之長

司兵中士四人府二人史四人胥二人徒二

十人

司戈盾下士二人府一人史二人徒四人

今戈

時句
子戟

司弓矢下大夫二人中士八人府四人史八

人胥八人徒八十人

司弓矢弓弩矢箛官之長

繕人上士二人下士四人府一人史二人胥

二人徒二十人

繕之言勁也善也

橐人中士四人府二人史四人胥二人徒二

十人

鄭司農云橐讀爲芻橐之橐箭幹謂之橐此官主弓弩箭矢故謂之橐人

戎右中大夫二人上士二人

古者參乘此充戎路之右田獵

亦為之
右焉

齊右下大夫二人充玉路金

道右上士二人充象路

大馭中大夫二人馭之最尊

戎僕中大夫二人馭言僕者此亦侍御於車

齊僕下大夫二人古者王將朝覲會同必齊所以敬宗廟及神明

道僕上士十有二人王朝朝莫夕主御王以與諸臣行先王之道

田僕上士十有二人

馭夫中士二十人下士四十人

校人中大夫二人上士四人下士十有六人

府四人史八人胥八人徒八十人

校之爲言校也主馬

者必仍校視之校人馬官之長

趣馬下士皐一人徒四人

趣馬趣養馬者也鄭司農說以詩曰

蹶惟趣馬

巫馬下士二人醫四人府一人史二人賈二

人徒二十人

巫馬知馬祖先牧馬社馬步之神者馬疾若有犯焉則知之是

以使與
醫同職

牧師下士四人胥四人徒四十人主牧放馬而養之

廋人下士閑二人史二人徒二十人廋之言數

圉師乘一人徒二人圉人良馬匹一人駑馬

麗一人養馬曰圉四馬爲乘良善也麗耦也

職方氏中大夫四人下大夫八人中士十有

六人府四人史十有六人胥十有六人徒百

有六十人職主也主四方之職貢者職方氏主四方官之長

土方氏上士五人下士十人府二人史五人

胥五人徒五十人

土方氏主四方邦國之土地

懷方氏中士八人府四人史四人胥四人徒

四十人

懷來也主來四方之民及其物

合方氏中士八人府四人史四人胥四人徒

四十人

合方氏主合同四方之事

訓方氏中士四人府四人史四人胥四人徒

四十人

訓道也主教道四方之民

形方氏中士四人府四人史四人胥四人徒

四十人

形方氏主制四方邦國之形體

山師中士二人下士四人府二人史四人胥

四人徒四十人

川師中士二人下士四人府二人史四人胥

四人徒四十人

遼師中士四人下士八人府四人史八人胥

八人徒八十人

遼地之廣平者

匡人中士四人史四人徒八人

匡正也主正諸侯以法則

搏人中士四人史四人徒八人

搏人主搏序王意以語天

下

都司馬每都上士二人中士四人下士八人

府二人史八人胥八人徒八十人

都王子弟所封及三

公采地也司馬主其軍賦

家司馬各使其臣以正於公司馬

家鄉大夫采地正猶

聽也公司馬國司馬也卿大夫之采地王不特置司馬各自使其家臣為司馬主其地之

軍賦往聽政於王之司馬王之司馬其以王命來有事則曰國司馬

大司馬之職掌建邦國之九灋以佐王平邦

國

平成也正也

制畿封國以正邦國

封謂立封於疆為界設

儀辨位以等邦國

儀謂諸侯及諸臣之儀辨別也別尊卑之位

進

賢興功以作邦國

興猶舉也作起也起其勸善樂業之心使不惰廢

建牧立監以維邦國

牧州牧也監監一國制謂君也維猶連結也

軍詰禁以糾邦國

詰猶窮治也糾猶正也

施貢分職以

任邦國

職謂賦稅也任猶事簡稽鄉民以用也事以其力之所堪

簡稽鄉民以用

邦國

簡謂比數之稽猶計也

均守平則以安邦國

諸侯有土

地者均之尊者守大卑者守小則法也

比小事大以和邦國

猶比

親使大國親小國小國事大國相合和也易比象曰先王以建萬國親諸侯

以九

伐之灋正邦國

諸侯有違王命則出兵以征伐之所以正之也諸侯之於

國如樹木之有根本是以言伐云

馮弱犯寡則眚之

馮猶乘陵也言

不字小而侵侮之眚猶人眚賊賢害民則伐

之

春秋傳曰粗者曰侵精者曰伐又曰有鍾鼓曰伐則伐者兵入其竟鳴鍾鼓以往所

以聲暴內陵外則壇之

內謂其國外謂諸侯壇讀如同壇之壇王

霸記曰置之空墠之地鄭司農云壇讀從憚
之以威之憚書亦或爲憚玄謂置之空墠以
出其君更立野荒民散則削之荒蕪也田不
其次賢者野荒民散則削之治民不附削
其地明其負固不服則侵之負猶恃也固險
不能有負固不服則侵之可依以固者也
不服不事大也侵之者兵加其竟而已賊殺
用兵淺者詩曰密人不恭敢距大邦
其親則正之正之者執而治其罪王霸記曰
晉人執衛侯歸之于放弑其君則殘之放逐
京師坐殺其弟叔武
殺也王霸記曰犯令陵政則杜之令猶命也
殘滅其爲惡
犯令者違命也陵政者輕政法不循外內亂
也杜之者杜塞使不得與鄰國交通

鳥獸行則滅之

王霸記曰悖人倫外內無以異于禽獸不可親百姓則誅

滅去之也曲禮曰夫唯禽獸無禮故父子聚麀

正月之吉始和布政

于邦國都鄙乃縣政象之灋于象魏使萬民

觀政象挾日而斂之

以正月朔日布王政於天下至正歲又縣政法

之書挾日十日也

乃以九畿之籍施邦國之政職方

千里曰國畿其外方五百里曰侯畿又其外

方五百里曰甸畿又其外方五百里曰男畿

又其外方五百里曰采畿又其外方五百里

曰衛畿又其外方五百里曰蠻畿又其外方

五百里曰夷畿又其外方五百里曰鎮畿又

其外方五百里曰蕃畿

畿猶限也自王城以外五千里為界有分

限者九籍其禮差之書也政職所共王政之職謂賦稅也故書畿為近鄭司農云近當言畿春秋傳曰天子一畿列國一同凡令賦以

詩殷頌曰邦畿千里維民所止

凡令賦以

地與民制之上地食者參之二其民可用者

家三人中地食者半其民可用者二家五人

下地食者參之一其民可用者家二人

賦給軍用

者也令邦國之賦亦以地之美惡民之衆寡爲制如六遂矣鄭司農云上地謂肥美田也食者參之二假令一家有三頃歲種二頃休其一頃下地食者參之一田薄惡者所休多

中春敎振旅司馬以旗致民平列陳如戰之

陳

以旗者立旗期民於其下也兵者守國之備孔子曰以不敎民戰是謂棄之兵者凶

事不可空設因蒐狩而習之凡師出曰治兵入曰振旅皆習戰也四時各敎民以其一焉春習振旅兵入收衆專於農平猶正也辨鼓鐸鐃之用王執

路鼓諸侯執賁鼓軍將執晉鼓師帥執提旅帥執鼙卒長執鐃兩司馬執鐸公司馬執鐃

鼓人職曰以路鼓鼓鬼享以賁鼓鼓軍事以
晉鼓鼓金奏以金饒止鼓以金鐸通鼓以金
鐸節鼓鄭司農云辨鼓鐸鐸鐸之用謂鉦鐸
之屬鐸讀如濁其源之濁饒讀如謹曉之曉
提讀如攝提之提謂馬上鼓有曲木提持鼓
立馬髦上者故謂之提杜子春云公司馬謂
五人爲伍伍之司馬也玄謂王不執賁鼓尚
之於諸侯也伍長謂之公司馬者雖卑同其
號
以教坐作進退疾徐䟽數之節習戰法遂以

蒐田有司表貉誓民鼓遂圍禁火弊獻禽以

祭社

春田爲蒐有司大司徒也掌大田役治
徒庶之政令表貉立表而貉祭也誓民

誓以立旌

遂圍禁旌弊爭禽而不審者罰以假馬

禁者虞衡守禽之厲禁也既誓令鼓而圍之
遂蒐田火弊火止也春田主用火因焚萊除
陳草皆殺而火止獻猶致也屬也田止虞人
植旌衆皆獻其所獲禽焉詩云言私其縱獻
肩于公春田主祭社者土方施生也鄭司
農云貉讀爲禡禡謂師祭也書亦或爲禡中
夏教芟舍如振旅之陳羣吏撰車徒讀書契
辨號名之用帥以門名縣鄙各以其名家以
號名鄉以州名野以邑名百官各象其事以
辨軍之夜事其他皆如振旅
芟讀如萊沛之
沛芟舍草止之
也軍有草止之法撰讀曰算算車徒謂數擇
之也讀書契以簿書校錄軍實之凡要號名

者徽識所以相別也鄉遂之屬謂之名家之屬謂之號百官之屬謂之事在國以表朝位在軍又象其制而爲之被之以備死事帥謂軍將及師帥旅帥至伍長也以門名者所被徽識如其在門所樹者也凡此言以也象也皆謂其制同耳軍將皆命卿古者軍將蓋爲營治於國門魯有東門襄仲宋有桐門右師皆上卿爲軍將者也縣鄙謂縣正鄙師至鄰長也家謂食采地者之臣也鄉以州名亦謂州長至比長也野謂公邑大夫百官以其職從王者此六者皆書其官與名氏焉門則襄仲右師明矣鄉則南鄉甄東鄉爲人是也其他象此云某某之名某某之號某某之事而已未盡聞也鄉遂大夫文錯不見以其素信于民不爲軍將或爲諸帥是以闕焉夜事戒夜守之事草止者慎於夜於是主別其部職

遂以苗田如蒐之灋車弊獻禽以享祊

夏田爲苗

擇取不孕任者若治苗去不秀實者云車弊驅獸之車止也夏田主用車示所取物希皆殺而車止王制曰天子殺則下大綏諸侯殺則下小綏大夫殺則止佐車佐車止則百姓田獵祊宗廟之夏祭也冬夏田主于祭宗廟者陰陽始起象神之在內

中秋教

治兵如振旅之陳辨旗物之用王載大常諸

侯載旂軍吏載旗師都載旻鄉遂載物郊野

載旻百官載旗各書其事與其號焉其他皆

如振旅

軍吏諸軍帥也師都遂大夫也鄉遂鄉大夫也或載旻或載物衆屬軍吏

無所將也郊謂鄉遂之州長縣正以下也野
謂公邑大夫載旒者以其將羨卒也百官卿
大夫也載旗者以其屬衛王也凡旌旗有軍
衆者畫異物無者帛而已書當爲畫事也號
也皆畫遂以獮田如蒐田之灋羅弊致禽以
以雲氣

祀祊

秋田爲獮獮殺也羅弊罔止也秋田主
用罔中殺者多也皆殺而罔止祊當爲

方聲之誤也秋田主祭四方
報成萬物詩日以社以方

中冬教大閱

春辨

鼓鐸夏辨號名秋辨旗物至冬大閱簡軍實
凡頒旗物以出軍之旗則如秋以尊卑之常
則如冬司常佐司馬時也大閱備軍
禮而旌旗不如出軍之時空辟實
前期羣

吏戒衆庶修戰灋

羣吏鄉師以下

虞人萊所田之野

爲表百步則一爲三表又五十步爲一表田之日司馬建旗于後表之中羣吏以旗物鼓鐸鐳鐳各帥其民而致質明弊旗誅後至者

乃陳車徒如戰之陳皆坐

鄭司農云虞人萊所田之野芟除其

草萊令車得驅馳詩曰田卒污萊立謂萊芟除可陳之處後表之中五十步表之中央表所以識正行列也四表積二百五十步左右之廣當容三軍步數未聞致致之司馬質正也弊什也皆羣吏聽誓于陳前斬牲以左右

坐當聽誓

徇陳曰不用命者斬之

羣吏諸軍帥也陳前南面鄉表也月令季

秋天子教于田獵以習五戎司徒摯扑北面以誓之此大閱禮實正歲之中冬而說季秋之政於周爲中冬爲月令者失之矣斬牲者小子也凡誓之大略甘誓湯誓之屬是也

中軍以鼙令鼓鼓人皆三鼓司馬振鐸羣吏作旗車徒皆作鼓行鳴鐻車徒皆行及表乃

止三鼓撾鐸羣吏弊旗車徒皆坐

中軍中軍之將也天

子六軍三三而居一偏羣吏既聽誓各復其部曲中軍之將令鼓鼓以作其士衆之氣也鼓人者中軍之將帥旅帥也司馬兩司馬也振鐸以作衆作起也既起鼓人擊鼓以行之伍長鳴鐸以節之伍長一曰公司馬及表自後表前至第二表也三鼓者鼓人也鄭司

農云攙讀如弄玄謂如涿鹿之鹿掩上振之
為攙攙者止行息氣也司馬法曰鼓聲不過
閭聲不過琅又三鼓振鐸作旗車徒皆作

鼓進鳴鐸車驟徒趨及表乃止坐作如初趨者

赴敵尚疾之漸也春秋傳曰先人有乃鼓車

馳徒走及表乃止及表自第三鼓戒三闕車

三發徒三刺鼓戒戒攻敵鼓一闕車一乃鼓

退鳴鐸且卻及表乃止坐作如初鐸所以止

長鳴鐸以和衆鼓人為止之也退自前表至

蜀而鳴鐃遂以狩田以旌爲左右和之門羣吏各

帥其車徒以敘和出左右陳車徒有司平之

旗居卒間以分地前後有屯百步有司巡其

前後險野人爲主易野車爲主

冬田爲狩言守取之無所

擇也軍門曰和今謂之壘門立兩旌以爲之敘和出用次第出和門也左右或出而左或出而右有司平之鄉師居門正其出入之行列也旗軍吏所載分地調其部曲疏數前後有屯百步車徒異羣相去之數也車徒畢出和門鄉師又巡其行陳鄭司農云險野人爲主人居前易野旣陳乃設驅逆之車有司表車爲主車居前旣陳乃設驅逆之車有司表

貉于陳前

驅驅出禽獸使趨田者也逆逆中要不得令走設此車者田僕也

軍以鼙令鼓鼓人皆三鼓羣司馬振鐸車徒

皆作遂鼓行徒銜枚而進大獸公之小禽私

之獲者取左耳

羣司馬謂兩司馬也枚如箸銜之有繡結項中軍法止語

為相疑惑也進行也鄭司農云大獸公之輸之於公小禽私之以自畀也詩云言私其縱

獻肩于公一歲為縱二歲為羝三歲為特四歲為肩五歲為慎此明其獻犬者於公自取

其小者玄謂慎讀為麋爾雅曰豕生三曰縱豕牝曰羝麋牝曰麋獲得也得禽獸者取左

耳當以計功

及所弊鼓皆駢車徒皆譟

鄭司農云及所弊至

所弊之處玄謂至所弊之處田所當於止也
天子諸侯蒐狩有常至其常處吏士鼓譟象
攻敵剋勝而喜也疾雷擊鼓曰駘譟
謹也書曰前師乃鼓譟亦謂喜也徒乃弊

致禽饁獸于郊入獻禽以享烝

徒乃弊徒止也冬田主用

衆物多衆得取也致禽饁獸于郊聚所獲禽
因以祭四方神於郊月令季秋天子既田命
主祠祭禽四方是也及師大合軍以行禁令

入又以禽祭宗廟

以救無辜伐有罪

師所謂王巡守若會同司馬起師合軍以從所以威

天下行其政也不言
大者未有敵不尚武

若大師則掌其戒令泣

大卜帥執事泣鬯主及軍器

大師王出征伐也泣臨也臨大

卜卜出兵吉凶也司馬法曰上卜下謀是謂
參之主謂遷廟之主及社主在軍者也軍器
鼓鐸之屬凡師既受甲迎主于廟及社主
祝奉以從殺牲以血塗主及軍器皆神之及
致建大常比軍衆誅後至者比或作庀鄭司
農云致謂聚衆
也庀具也玄謂致鄉師致
民於司馬比校次之也及戰巡陳眡事而

賞罰事謂戰功也若師有功則左執律右秉鉞以

先愷樂獻于社功勝也律所以聽軍聲鉞所
以為將威也先猶道也兵樂

曰愷獻于社獻功于社也司馬法曰得意則
愷樂愷歌示喜也鄭司農云故城濮之戰春

秋傳曰振旅愷以入于晉若師不功則厭而奉主車鄭司
農云

厭謂厭冠喪服也軍敗則以喪禮故秦伯之
敗於殽也春秋傳曰秦伯素服郊次鄉師而
哭立謂厭伏冠也奉猶王弔勞士庶子則相
送也送主歸於廟與社王弔勞士庶子則相
師敗王親弔士庶子之死者勞其傷者則相
王之禮庶子卿大夫之子從軍者或謂之庶
士大役與慮事屬其植受其要以待攷而賞

誅大役築城邑也鄭司農云國有大役大司
馬與謀慮其事也植謂部曲將吏故宋城
春秋傳曰華元爲植巡功屬謂聚會之也要
者簿書也考謂考校其功立謂慮事者封人
也於有役司馬與之植築城大會同則帥士
植也屬賦丈尺與其用人數大會同則帥士
庶子而掌其政令帥帥以若大射則合諸侯
從王

之六耦

大射王將祭射于射宮以選賢也王射三侯以諸侯為六耦

大祭

祀饗食羞牲魚授其祭

牲魚魚牲也祭謂尸賓所以祭也鄭司農

云大司馬主進魚牲

大喪平士大夫

鄭司農云平一其服也玄謂平者正

其職與其位

喪祭奉詔馬牲

王喪之以馬祭者蓋遣奠也奉猶送也送

之至墓告而藏之

小司馬之職掌

此下字脫滅札爛又闕漢興求之不得遂無識其數者

凡小祭祀會同饗射師田喪紀掌其事如大

司馬之灋

軍司馬闕

輿司馬闕

行司馬闕

司勲掌六鄉賞地之灋以等其功賞地賞田也在遠郊

之內屬六鄉焉等猶差也以功大小為差王功曰勲輔成王業國

功曰功保全國家民功曰庸法施於民事功

曰勞以勞定國若禹治功曰力制法成治若咎繇戰功曰多

剋敵出奇若韓信陳平凡有功者銘書於王

之大常祭於大烝司勲詔之

銘之言名也生則書于王旌以

識其人與其功也死則於烝先王祭之詔謂告其神以辭也般庚告其卿大夫曰茲予大

享于先王爾祖其從與享之是也今漢祭功臣於廟庭

大功司勲藏其

貳

貳猶副也功書藏於天府又副於此者以其主賞

掌賞地之政令

政令謂役賦

凡賞無常輕重眡功

無常者功之大小不可豫凡

頒賞地參之一食

鄭司農云不以美田為采邑玄謂賞地之稅參分計

稅王食其一也

唯加田無國正

加田既賞之又加賜以田

所以厚恩也鄭司農云正謂稅也祿田亦有給公家之賦貢若今時侯國有司農少府錢

穀矣獨加賞之田無正耳

馬質掌質馬馬量三物一曰戎馬二曰田馬

三曰駑馬皆有物賈

此三馬買以給官府之使無種也鄭司農曰皆

有物賈皆有網惡馬

鄭司農云網讀為亢物色及賈直其讎之亢書亦或為亢

亢御也禁也禁去惡馬不畜也玄謂網以縻索維網狎習之

凡受馬於有

司者書其齒毛與其賈馬死則旬之內更旬

之外入馬耳以其物更其外否

鄭司農云更謂償也玄謂

旬之內死者償以齒毛與賈受之日淺養之惡也旬之外死入馬耳償以毛色不以齒賈

任之過其任也其外否者旬之外馬及行則踰二十日而死不用非用者罪

以任齊其行

識其所載輕重及道里齊其勞逸乃復用之

若有馬

訟則聽之

訟謂賣買之言相負

禁原蠶者

原再也天文辰為馬蠶書

蠶為龍精月直大火則浴其種是蠶與馬同氣物莫能兩大禁再蠶者為傷馬與

量人掌建國之灋以分國為九州營國城郭

營后宮量市朝道巷門渠造都邑亦如之

建立

也立國有舊法式若匠人職云分國定天下之國分也后君也言君容王與諸侯

營

軍之壘舍量其市朝州涂軍社之所里

軍壁曰壘

鄭司農云量其市朝州涂還市朝而為道也
玄謂州一州之眾二千五百人為師每師一
處市也朝也州也皆有道以相
之軍社社主在軍者里居也
邦國之地與

天下之涂數皆書而藏之

書地謂方園山川之廣狹書涂謂支

湊之遠近

凡祭祀饗賓制其從獻脯燔之數量

鄭司

農云從獻者肉殽從酒也玄謂燔從於

掌喪

祭奠竈之俎實

竈亦有俎實謂所包遣奠士喪禮下篇曰藏苞筭於旁

凡宰祭與鬱人受罍歷而皆飲之

言宰祭者豕宰佐王

祭亦容攝祭鄭司農云罍讀如嫁娶之嫁罍器名明堂位曰爵夏后氏以琖殷以罍周以

爵玄謂罕讀如嘏
尸之嘏宰豕宰

小子掌祭祀羞羊肆羊殽肉豆

鄭司農云羞進也羊肆體

薦全烝也羊殽體解節折也肉豆者切肉而
也玄謂肆讀為鬻羊鬻者所謂豚解也

掌珥于社稷祈于五祀

故書祀作禋鄭司農云禋讀為祀書亦或

為祀珥社稷以牲頭祭也玄謂珥讀為珥祈
或為剗剗珥者鬻禮之事也用毛牲曰剗羽

牲曰珥珥剗社稷五祀謂始成其宮兆時也
春官肆師職祈或作畿秋官士師職曰凡剗

珥則奉犬牲此凡沈辜侯禋飾其牲

鄭司農云沈謂

祭川爾雅曰祭川曰浮沈辜謂磔牲以祭也
月令曰九門磔禋以畢春氣侯禋者侯四時

惡氣禳去之也

釁邦器及軍器

邦器謂禮樂之器及祭器之屬雜記曰凡

宗廟之器其名者成則釁之以豶豚

凡師田斬牲以左右徇陳

示犯誓必殺之

祭祀贊羞受徹焉

羊人掌羊牲凡祭祀飾羔

羔小羊也詩曰四之日其蚤獻羔祭

非

祭祀割羊牲登其首

登升也升首報陽也升首于室

凡祈

珥共其羊牲

共猶給也

賓客共其灋羊

法羊飧饗積膳之羊

凡沈辜侯禳釁積共其羊牲

積故書為眡鄭司農云眡讀為

漬謂釁國寶漬軍器也玄謂積積柴裡祀樞燎實柴

若牧人無牲則受

布于司馬使其賈買牲而共之

布泉

司燿掌行火之政令四時變國火以救時疾

行猶用也變猶易也鄭司農說以鄴子曰春取榆柳之火夏取棗杏之火季夏取桑柘之

火秋取柞櫟之火冬取槐檀之火

季春出火民咸從之季秋

內火民亦如之

之火所以用陶冶民隨國而為之鄭人鑄刑書火星未出而

出火後有災鄭司農云以三月本時昏心星見于辰上使民出火九月本黃昏心星伏在

戌上使民內火故春秋傳曰以出內火

時則施火令

焚萊之時

凡祭

祀則祭燿

報其為明之功禮如祭饗

凡國失火野焚萊則

有刑罰焉

野焚萊民
擅放火

掌固掌脩城郭溝池樹渠之固頒其士庶子

及其衆庶之守

樹謂枳棘之屬有刺者也衆
庶民遞守固者也鄭司農說

樹以國語曰城守
之木於是乎用之

設其飾器

兵甲之屬今城
郭門之器亦然

分其財用均其稍食

財用國以財所給守
吏之用也稍食祿稟任

其萬民用其材器

任謂以其任使之也民之
材器其所用塹築及爲藩

落

凡守者受灋焉以通守政有移甲與其役

財用唯是得通與國有司帥之以贊其不足

者

凡守者士庶子及他要害之守吏通守政者兵甲役財難易多少轉移相給也其他

非是不得妄離部署國有司掌固也書三巡其移之者又與掌固帥致之贊佐也

之夜亦如之

巡行也行守者為衆庶之解惰夜三鼙以號戒

杜子春云讀鼙為造次之造謂擊鼓行夜戒守也春秋傳所謂賓將趣者與趣與造音相

近故曰終夕與燎立謂鼙擊鼙警守鼓也三巡之間又三擊鼙若造都邑則

治其固與其守灋

都邑亦為城郭凡國都之竟有溝

樹之固郊亦如之

竟界也民皆有職焉職謂守與任

若有山川則因之

山川若穀皋河漢

司險掌九州之圖以周知其山林川澤之阻

而達其道路

周猶徧也達道路者山林之阻則開鑿之川澤之阻則橋梁之

設國之五溝五涂而樹之林以爲阻固皆有

守禁而達其道路

五溝遂溝洫澮川也五涂徑畛涂道路也樹之林作

藩落也

國有故則藩塞阻路而止行者以其屬

守之唯有節者達之

有故喪災及兵也閉絕要害之道備姦寇也

掌疆

關

候人各掌其方之道治與其禁令以設候人

道治治道也國語曰候不在竟譏不居其方也禁令備姦寇也以設候人者選士卒以為之詩云彼候人若方治則帥而致于朝及今何戈與祲

歸送之于竟

方治其方來治國事者也春秋傳曰晉欒盈過周王使候人出

諸輶轅是其送之

環人掌致師

致師者致其必戰之志古者將戰先使勇力之士犯敵焉春秋

傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰吾聞致師者左射以蔽代御執轡御下捔馬掉鞅而還攝叔曰吾聞致師者右入壘折馘執俘而還皆行

察軍慝

慝陰姦也視軍中環其所聞而復之

四方之故

卻其以事謀來侵伐者所謂折衝禦侮

巡邦國搏諜

賊

諜賊反間

訟敵國

敵國兵來則往之與訟曲直若齊國佐如師

揚軍旅

為之威武以觀敵詩云惟師尚父時惟鷹揚

降圍邑

欲降圍邑

者受而降之春秋傳曰齊人降鄭

挈壺氏掌挈壺以令軍井挈轡以令舍挈畚

以令糧

鄭司農云挈壺以令軍井謂為軍穿井井成挈壺縣其上令軍中士眾皆

望見知此下有井壺所以盛飲故以壺表井挈轡以令舍亦縣轡於所當舍止之處使軍

望見知當舍止於此轡所以駕舍故以轡表舍挈畚以令糧亦縣畚于所當稟假之處令

軍望見知當稟假于此下也畚所以盛糧之器故以畚表稟軍中人多車騎雜會謹囂號令不能相聞故各以其物為表省煩趨疾于事便也

凡軍事縣壺以序

聚櫟凡喪縣壺以代哭者皆以水火守之分

以日夜

鄭司農云縣壺以為漏以序聚櫟以次更聚擊櫟備守也玄謂擊櫟兩木

相敲行夜時也代亦更也禮未大斂代哭以水守壺者為沃漏也以火守壺者夜則視刻數也分以日夜者異晝夜漏也漏之箭晝夜共百刻冬夏之間有長短焉大史立成法有四箭及冬則以火爨鼎水而沸之而沃之鄭司

農云冬水凍漏不下故以火炊水沸以沃之謂沃漏也

射人掌國之三公孤卿大夫之位三公北面
孤東面卿大夫西面其摯三公執璧孤執皮

帛卿執羔大夫鴈

位將射始入見君之位不言士者此與諸侯之賓射

士不與也燕禮曰公升卽位于席西鄉小臣
納卿大夫卿大夫皆入門右北面東上士立
於西方東面北上大射亦云則諸侯在朝則
凡朝燕及射臣見于君之禮同皆北面詔相其灋

謂諸侯來朝而未歸王與
之射於朝者皆北面從三

公位法
其禮儀

若有國事則掌其戒令詔相其事

王謂

有祭祀之事諸侯當助其薦
獻者也戒令告以齊與期

掌其治達

謂諸
侯因

與王射及助祭而有所治受而達之於王王有命又受而下之以射灋治射

儀王以六耦射三侯三獲三容樂以騶虞九

節五正諸侯以四耦射二侯二獲二容樂以

貍首七節三正孤卿大夫以三耦射一侯一

獲一容樂以采蘋五節二正士以三耦射豸

侯一獲一容樂以采蘋五節二正射法王射之禮治射

儀謂肆之也鄭司農云三侯虎熊豹也容者乏也待獲者所蔽也九節析羽九重設於長杠也正所射也詩云終日射侯不出正兮二侯熊豹也豸侯豸者獸名也獸有羆豸熊虎

玄謂三侯者五正三正二正之侯也二侯者
三正二正之侯也一侯者二正而已此皆與
賓射於朝之禮也考工梓人職曰張五采之
侯則遠國屬遠國謂諸侯來朝者也五采之
侯卽五正之侯也正之言正也射者內志正
則能中焉畫五正之侯中朱次白次蒼次黃
玄居外三正損玄黃二正去白蒼而畫以朱
綠其外之廣皆居侯中參分之一中二尺今
儒家云四尺曰正二尺曰鵠鵠乃用皮其大
如正此說失之矣大射禮豳作干讀如宜豳
宜獄之豳豳胡犬也士與士射則以豳皮飾
侯下大夫也大夫以上與賓射飾侯以雲氣
用采各如其正九節七節五節者奏樂以爲
射節之差言節者容侯道之數也樂記曰明
乎其節之志不失其若王大射則以貍步張
事則功成而德行立

三侯

鄭司農云狸步謂一舉足爲一步於今爲半步玄謂狸善搏者也行則止而擬

度焉其發必獲是以量侯道法之也侯道者各以弓爲度九節者九十弓七節者七十弓五節者五十弓弓之下制長六尺大射禮曰大侯九十參七十干五十是也三侯者司裘所共虎侯熊侯豹侯也列國之君大射亦張三侯數與天子同大侯熊侯也參讀爲糝糝雜也雜者豹鵠而麋飾下天子大夫

王射則令去侯立于後以

矢行告卒令取矢

鄭司農云射人主令人去侯所而立于後也以矢行

告射人主以矢行高下左右告于王也大射禮曰大射正立于公後以矢行告于公下曰留上曰揚左右曰方杜子春說以矢行告告白射事于王王則執矢也杜子春說不與禮

經合疑非是也卒令取矢謂射卒射人令當
取矢者使取矢也玄謂令去侯者命負侯者
去侯也鄉射曰司馬祭侯則爲位祭侯獻服
命獲者執旌以負侯祭侯則爲位祭侯獻服
祭侯爲位爲服不受獻之位也大射與大史
日服不侯西北三步北面拜受爵

數射中

射中數射者中侯之筭也大射曰司
射適階西釋弓去扑襲進由中東立

于中南北
面視筭

佐司馬治射正

射正射之
法儀也

祭祀則

贊射牲相孤卿大夫之灋儀

烝嘗之禮有射
豕者國語曰禘

郊之事天子必自射其
牲今立秋有羴劉云

會同朝覲作大夫介

凡有爵者

作讀如作止爵之作諸侯來至王
使公卿有事焉則作大夫使之介

也有爵者命士以上不使賤者大師令有爵者乘王之倅車

倅車戎車之副有大賓客則作卿大夫從作者選使從王見諸

侯戒大史及大夫介戒戒其當行者覲禮曰諸公奉篋服加命書于

其上升自西階東面大史氏右大喪與僕人遷尸作卿大夫

掌事比其廬不敬者苛罰之僕人大僕也僕人與射人俱掌

王之朝位也王崩小斂大斂遷尸于室堂朝之象也檀弓曰扶君卜人師扶右射人扶左

君薨以是舉苛謂詰問之

服不氏掌養猛獸而教擾之猛獸虎豹熊羆之屬擾馴也教

習使之馴服王者之教無不服凡祭祀共猛獸謂中膳羞者獸人冬獻狼

春秋傳曰熊蹯不孰賓客之事則抗皮鄭司農云謂賓客來朝聘布皮

帛者服不氏主舉藏之抗讀為亢其讎之亢玄謂抗者若聘禮曰有司二人舉皮以東

射則贊張侯以旌居乏而待獲贊佐也大射禮曰命量人

巾車張三侯杜子春云待當為持書亦或為持乏讀為匱乏之乏持獲者所蔽玄謂待獲

待射者中舉旌以獲

射鳥氏掌射鳥鳥謂中膳羞者祭祀以弓矢鳥鴈鵠鴉之屬

毆鳥鳶凡賓客會同軍旅亦如之鳥鳶善鈔盜便汗人

射則取矢矢在侯高則以并夾取之

鄭司農云王射

則射鳥氏主取其矢矢在侯高者矢著侯高人手不能及則以并夾取之并夾鉞箭具夾讀爲甲故司弓矢職曰大射燕射共弓矢并夾

羅氏掌羅烏鳥

鳥謂卑居鵲之屬

蜡則作羅襦

作猶用也

鄭司農云蜡謂十二月大祭萬物也郊特牲曰天子大蜡謂歲十二月合聚萬物而索饗之襦細密之羅襦讀爲縐有衣袷之縐玄謂蜡建亥之月此時火伏蟄者畢矣豺旣祭獸可以羅罔圍取禽也王制曰豺祭獸然後田又曰昆蟲已蟄可以火田今俗放火張羅其遺教中春羅春鳥獻鳩以養國老行羽物
春鳥蟄而

始出者若今南郡黃雀之屬是時鷹化為鳩
鳩與春鳥變舊為新宜以養老助生氣行謂
賜賦

掌畜掌養鳥而阜蕃教擾之

阜猶盛也蕃蕃息也鳥之可養

使盛大蕃息者謂鷺鷥之屬

祭祀共卵鳥

其卵可薦之鳥歲時貢

鳥物

鵠鴈之屬以四時來

共膳獻之鳥

雉及鶉鴛之屬

周禮卷第七

經三千六百一十五字
注七千四百三十二字

周禮卷第八

夏官司馬下

周禮

鄭氏注

司士掌羣臣之版以治其政令歲登下其損

益之數辨其年歲與其貴賤周知邦國都家

縣鄙之數卿大夫士庶子之數

損益謂用功過黜陟者縣

鄙鄉遂之屬故書版爲班鄭司農云班書或爲版版名籍

以詔王治

告王所當

進退以德詔爵以功詔祿以能詔事以久奠食

德謂賢者食稍食也賢者既爵乃祿之能者事成乃食之王制曰司馬辨論官材論進士

之賢者以告於王而定其論論定然後唯賜官之任官然後爵之位定然後祿之

無常

賜多少由王不正朝儀之位辨其貴賤如祿食有常品

之等王南鄉三公北面東上孤東面北上卿

大夫西面北上王族故士虎士在路門之右

南面東上大僕大右大僕從者在路門之左

南面西上

此王日視朝事於路門外之位王族故士故為士晚退留宿衛者未

嘗仕雖同族不得在王宮大右司右司士擯也大僕從者小臣祭僕御僕隸僕

詔王出揖公卿孤卿特揖大夫以其等旅揖大夫以下朝者

士旁三揖王還揖門左揖門右

特揖一一揖之旅衆也大

夫爵同者衆揖之公及孤卿大夫始入門右皆北面東上主揖之乃就位羣士及故士大僕之屬發在其位羣士位東面王西南鄉而揖之三揖者士有上中下王揖之皆逡遁既復位鄭司農云卿大夫士皆君之所揖禮春秋傳所謂三揖在下

大僕前

正前

王視朝之位

王入內朝皆退

王入入路門也王入路門內朝朝者皆退

反其官府治處也王之外朝則朝士掌焉王藻曰朝服以日視朝於內朝朝辨色始入君日出而視之退適路寢聽政使人視大夫大夫退然後適小寢謂諸侯也王日視朝皮弁服其禮

掌國中之士治凡其戒令

國中掌擯城中掌擯

士者膳其摯

擯士告見初為士者於王也鄭司農云膳其摯者王食其所執

羔鴈之摯立謂膳者入於王之膳人

凡祭祀掌士之戒令詔相

其灋事及賜爵呼昭穆而進之

賜爵神惠及下也此所賜

王之子姓兄弟祭統曰凡賜爵昭為一穆為一昭與昭齒穆與穆齒凡羣有司皆以齒此

之謂長幼有序帥其屬而割牲羞俎豆

割牲制體也羞進也凡

會同作士從賓客亦如之

作士從謂可作士使從於王者

適四方使為介

士使謂自以王命使也介大夫之介也春秋傳曰天王使

石尚來歸脹

大喪作士掌事

事謂奠斂之屬

作六軍之士

執披

作謂使之也披柩車行所以披持棺者有紐以結之謂之戴鄭司農云披者扶

持棺險者也天子旁十二諸侯旁八大夫六

士四立謂結披必當棺束於束繫紐天子諸

侯載柩三束大夫士二束喪大記曰君纁披

六大夫披四前纁後立士二披用纁人君禮

文欲其數多圍數兩凡士之有守者令哭無

旁言六耳其實旁三

去守

守官不可空也

國有故則致士而頒其守

故非喪則

兵災凡邦國三歲則稽士任而進退其爵祿

任其

治所掌

諸子掌國子之倅掌其戒令與其教治辨其

等正其位

故書倅為卒鄭司農云卒讀如物有副倅之倅國子謂諸侯卿大夫

士之子也

燕義曰古者周天子之官有庶子

官與周官

諸子職同文立謂四民之業而士

者亦世焉

國子者是公卿大夫士之副貳戒

令致於大

子之事教治脩德學道也位朝位

國有大事則帥國子而致於太子唯所用之

若有兵甲之事則授之車甲合其卒伍置其

有司以軍灋治之司馬弗正

軍法百人為卒五人為伍弗不

也國子屬大子司馬雖有軍事不賦之

凡國正弗及大祭祀正

六牲之體

正謂牝載之

凡樂事正舞位授舞器

位侑

處大喪正羣子之服位會同賓客作羣子從

從於王

凡國之政事國子存遊倅使之脩德學

道春合諸學秋合諸射以攷其藝而進退之

遊倅倅之未仕者學大學也射射宮也王制曰春秋教以禮樂冬夏教以詩書王大子王

子羣后之大子卿大夫元士之適子國之俊選皆造焉

司右掌羣右之政令

羣右戎右齊右道右

凡軍旅會同

合其車之卒伍而比其乘屬其右

合比屬謂次第相安

習也車亦有卒伍

凡國之勇力之士能用五兵者屬

焉掌其政令

勇力之士屬焉者選右當於中司馬法曰弓矢圍及矛守戈戟

助凡五兵長以衛短短以救長

虎賁氏掌先後王而趨以卒伍

王出將虎賁士居前後雖

羣行亦

有局分軍旅會同亦如之舍則守王閑

舍王出所

止宿處

王在國則守王宮

為周衛

國有大故則

守王門大喪亦如之

非常之難要在門

及葬從遣車

而哭

遣車王之魂魄所馮依

適四方使則從士大夫

虎士

從使

若道路不通有徵事則奉書以使於四

方不通逢兵寇若泥水奉書徵師役也春秋隱七年冬戎伐凡伯于楚丘以歸

旅賁氏掌執戈盾夾王車而趨左八人右八

人車止則持輪

夾王車者其下士也下士十有六人中士為之帥焉凡

祭祀會同賓客則服而趨

服而趨夾王車趨也會同賓客王亦

齊服服衮冕則此士之齊服服玄端

喪紀則衰葛執戈盾

葛葛經武

士尚輕

軍旅則介而趨

介被甲

節服氏掌祭祀朝覲衮冕六人維王之大常

服衮冕者從王服也維維之以縷王旌十二旒兩兩以縷綴連旁三人持之禮天子旌曳

地鄭司農云維持之諸侯則四人其服亦如之郊祀裘

冕二人執戈送逆尸從車

裘冕者亦從尸服也裘大裘也凡尸

服卒者之上服從車從尸車送逆之往來春秋傳曰晉祀夏郊董伯為尸

方相氏掌蒙熊皮黃金四目玄衣朱裳執戈

揚盾帥百隸而時難以索室毆疫

蒙冒也冒熊皮者以

驚毆疫癘之鬼如今魃頭也時難四時作方相氏以難卻凶惡也月令季冬命國難索瘞

也大喪先匱

葬使之道

及墓入壙以戈擊四隅毆

方良

壙穿地中也方良罔兩也天子之椁柏黃腸為裏而表以石焉國語曰木石之

怪夔
罔兩

大僕掌正王之服位出入王之大命

服王舉動所當

衣也位立處也出大命王之教也入大命羣臣所奏行

掌諸侯之復逆

鄭司農云復謂奏事也逆謂受下奏

王眡朝則前正位而退入

亦如之

前正位而退道王王既立退居路門左待朝畢

建路鼓于大

寢之門外而掌其政

大寢路寢也其門外則內朝之中如今宮殿端

門下矣政鼓節與早晏

以待達窮者與遽令聞鼓聲則

速逆御僕與御庶子

鄭司農云窮謂窮冤失職則來擊此鼓以達於

王若今時上變事擊鼓矣遽傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂達窮者謂司寇之屬朝士掌以肺石達窮民聽其辭以告於王遽令郵驛上下程品御僕庶子直事鼓所者大僕聞鼓聲則速逆此二祭祀賓客喪紀正王之服官當受其事以聞

位詔灋儀贊王牲事

詔告也牲事殺割七載之屬

王出入

則自左馭而前驅

前驅如今道引也道而居左自馭不參乘辟王也亦

有車凡軍旅田役贊王鼓

王通鼓佐救日月擊其餘面

亦如之

日月食時春秋傳曰非日月之青不鼓

大喪始崩戒鼓

傳達于四方窆亦如之

戒鼓擊鼓以警衆也故書戒爲駭鄭司農

云窆謂葬下棺也春秋傳所謂日中而崩禮記謂之封皆葬下棺也音相似窆讀如慶封

之汜祭縣喪首服之灋于宮門

首服之法謂免髻笄總廣狹長

短之數縣其書於宮門示四方

掌三公孤卿之弔勞

王使王往

燕飲則相其灋

相左右

王射則贊弓矢

贊謂授之受之

王眡燕朝則正位掌擯相

燕朝朝於路寢之庭王圖宗人之嘉

事則燕朝

王不眡朝則辭于三公及孤卿

辭謂以王不視

朝之意告之春秋傳曰公有疾不視朔

小臣掌王之小命詔相王之小灋儀

小命時事所勅

問也小法儀趨行拱揖之容

掌三公及孤卿之復逆正王

之燕服位

謂燕居時也玉藻曰王卒食立端而居

王之燕出入

則前驅

燕出入若今游於諸觀苑

大祭祀朝覲沃王盥小

祭祀賓客饗食賓射掌事如大僕之灋

賓射與諸

侯來朝者射

掌士大夫之弔勞凡大事佐大僕

祭僕掌受命于王以眡祭祀而警戒祭祀有

司糾百官之戒具

謂王有故不親祭也祭祀有司有事於祭祀者糾謂

校錄所當既祭帥羣有司而反命以王命勞

之誅其不敬者大喪復于小廟小廟高祖以下也始祖曰

大廟春秋僖八年凡祭祀王之所不與則賜

之禽都家亦如之鄭司農云王之所不與謂非郊廟尊祭祀則王不與

也則賜之禽公卿自祭其先祖則賜之凡祭

祀致福者展而受之臣有祭事必致祭肉於君所謂歸胙也展謂錄

視其牲體數體數者大牢則以牛左肩臂臠

折九个小牢則以羊左肩七个小特牲則以豕

御僕掌羣吏之逆及庶民之復與其弔勞羣吏

府史以下大祭祀相盥而登相盥者謂奉槃授巾與登謂為王登牲體

於俎特性饋食禮主人降盥出舉入乃七載大喪持翣翣棺飾也持之者夾

蜃車掌王之燕令燕居時以序守路鼓序更

隸僕掌五寢之埽除糞洒之事五寢五廟之寢也周天子

七廟唯祧無寢詩云寢廟繹繹相連貌也前日廟後曰寢汜埽曰埽埽席前日拚洒灑也

鄭司農云洒當為灑玄謂論語祭祀脩寢於廟

祭寢或有事焉月令王行洗乘石鄭司農云凡新物先薦寢廟

登上車之石也詩云有扁斯石
履之卑今謂上車所登之石
掌蹕宮中之

事

宮中有事則蹕鄭司農云蹕謂止行者清道若今時做蹕

大喪復于小

寢大寢

小寢高祖以下廟之寢也始祖曰大寢

弁師掌王之五冕皆玄冕朱裏延紐

冕服有六而言

五冕者大裘之冕蓋無旒不連數也延冕之
覆在上是以名焉紐小鼻在武上笄所貫也

今時冠卷當簪者廣
表以冠繼其舊象與

五采纁十有二就皆五

采玉十有二玉笄朱紘

纁雜文之名也合五采絲爲之繩垂於延

之前後各十二所謂邃延也就成也繩之每
一而貫五采玉十二旒則十二玉也每就

間蓋一寸朱紘以朱組爲紘也紘一條屬兩
端於武纁不言皆有不皆者此爲袞衣之冕
十二旒則用玉二百八十八鷩衣之冕纁九
旒用玉二百一十六毳衣之冕七旒用玉百
六十八希衣之冕五旒用玉百二
十玄衣之冕三旒用玉七十二
諸侯之纁

旒九就璿玉三采其餘如王之事纁旒皆就

玉璫玉笄

侯當爲公字之誤也三采朱白蒼也其餘謂延紐皆玄覆朱裏與王

同也出此則異纁旒皆就皆三采也每纁九
成則九旒也公之冕用玉百六十二玉璫塞
耳者故書璿作璫鄭司農云纁當爲藻纁
古字也藻今字也同物同音璫惡玉名王

之皮弁會五采玉璫象邸玉笄

故書會作體鄭司農云讀

如馬會之會謂以五采束髮也士喪禮曰櫨
用組乃笄櫨讀與體同書之異耳說曰以組
束髮乃著笄謂之櫨沛國人謂反紒爲體璫
讀如綦車轂之綦玄謂會讀如大會之會會
縫中也璫讀如薄借綦之綦綦結也皮弁之
縫中每貫結五采玉十二以爲飾謂之綦詩
云會弁如星又曰其弁伊綦王之弁經弁而
是也邸下柢也以象骨爲之

加環經

弁經王弔所服也其弁如爵弁而素
所謂素冠也而加環經環經者大如

總之麻經纏而不糾司諸侯及孤卿大夫之
服職曰凡弔事弁經服

冕韋弁皮弁弁經各以其等爲之而掌其禁

令

各以其等纁旂玉璫如其命數也冕則侯
伯纁七就用玉九十八子男纁五就用玉

五十纁玉皆三采孤纁四就用玉三十二三
命之卿纁三就用玉十八再命之大夫藻再
就用玉八藻玉皆朱綠韋弁皮弁則侯伯璫
飾七子男璫飾五玉亦三采孤則璫飾四三
命之卿璫飾三再命之大夫璫飾二玉亦二
采弁經之弁其辟積如冕纁之就然庶人弔
者素委貌一命之大夫冕而無旒士變冕爲
爵弁其韋弁皮弁之會無結飾弁經之弁不
辟積禁令者不得相僭踰也玉藻曰君未有
命不敢即乘服不言冠弁兼於韋弁皮
弁矣不言服弁服弁自
天子以下無飾無等

司甲

闕

司兵掌五兵五盾各辨其物與其等以待軍

事

五盾干櫓之屬其名未盡聞也等謂功沽上下鄭司農云五兵者戈殳戟酋矛夷矛

及授兵從司馬之灋以頒之及其受兵輸亦

如之及其用兵亦如之

從司馬之法令師旅卒兩人數所用多少

也兵輸謂師還有司還兵也用兵謂出給衛守

祭祀授舞者兵

授以朱干

玉戚之屬

大喪歛五兵

故書歛為淫鄭司農云淫陳也淫讀為歛玄謂歛興

也興作明器之役器五兵也士喪禮下篇有甲冑干笄

軍事建車之五

兵會同亦如之

車之五兵鄭司農所云者是也步卒之五兵則無夷矛而

有弓矢

司戈盾掌戈盾之物而頒之

分與受用

祭祀授旅

賁及故士戈盾授舞者兵亦如之

亦頒之也故士王族

故士也與旅賁當事則衛王也及如杖長尋有四尺

軍旅會同授貳車

戈盾建乘車之戈盾授旅賁及虎士戈盾

乘車

王所乘車也軍旅則革路會同則金路

及舍設藩盾行則斂之

舍止也藩盾盾可以藩衛者如今之扶蘇與

司弓矢掌六弓四弩八矢之灋辨其名物而

掌其守藏與其出入

法曲直長短之數

中春獻弓弩

中秋獻矢箛

弓弩成於和矢箛成於堅
箛盛矢器也以獸皮爲之

及其

頒之王弓弧弓以授射甲革楯質者夾弓庾

弓以授射豸侯鳥獸者唐弓大弓以授學射

者使者勞者

王弧夾庾唐大六者弓異體之名也往體寡來體多曰王弧往

體多來體寡曰夾庾往體來體若一曰唐大甲革革甲也春秋傳曰蹲甲而射之質正也

樹楯以爲射正射甲與楯試弓習武也豸侯五十步及射鳥獸皆近射也近射用弱弓則

射大侯者用王弧射參侯者用唐大矣學射者弓用中後習強弱則易也使者勞者弓亦

用中遠近可也勞者勤勞王事若晉文侯文公受王弓矢之賜者故書楯爲報鄭司農云

樞字或為報非是也圍師職曰射則充樞質又此司弓矢職曰澤共射樞質之弓矢言射

樞質自有弓謂王弧弓也其矢箛皆從其弓以此觀之言報質者非

從弓數也每弓者一箛百矢凡弩夾庾利攻守唐大利車

戰野戰攻城壘者與其自守者相迫近弱弩發矢也車戰野戰進退非強則不及

弩無王弧王弧恒服弦凡矢枉矢絜矢利火往體少者使矢不疾

射用諸守城車戰殺矢鏃矢用諸近射田獵

矰矢茀矢用諸弋射恒矢庠矢用諸散射此

矢者弓弩各有四焉枉矢殺矢矰矢恒矢弓所用也絜矢鏃矢茀矢弩所用也枉矢

者取名變星飛行有光今之飛矛是也或謂之兵矢繫矢象焉二者皆可結火以射敵守城車戰前於重後微輕行疾也殺矢言中則死鏃矢象焉鏃之言候也二者皆可以司候射敵之近者及禽獸前尤重中深而不可遠也結繳於矢謂之矰矰高也箠矢象焉箠之言刺也二者皆可以弋飛鳥刺羅之也前於重又微輕行不低也詩云弋鳬與鴈恒矢安居之矢也庠矢象焉二者皆可以散射也謂禮射及習射也前後訂其行平也凡矢之制枉矢之屬五分二在前三在後殺矢之屬參分一在前二在後矰矢之屬七分三在前四在後恒矢之屬軒輶中所謂志也鄭司農云庠矢讀爲人罷短之罷玄謂庠讀如痺病之痺痺之天子之弓合九而成規諸侯合七而言倫比

成規大夫合五而成規士合三而成規句者

謂之弊弓

體往來之衰也往體寡來體多則合多往體多來體寡則合少而圜

弊猶惡也句者惡則直者善矣

凡祭祀共射牲之弓矢

射牲示親

殺也殺牲非尊者所親唯射為可國語曰禘郊之事天子必自射其牲

澤共射

楹質之弓矢

鄭司農云澤澤宮也所以習射選士之處也射義曰天子將祭

必先習射於澤澤者所以擇士也已射於澤而后射於射宮射中者得與於祭大射

燕射共弓矢如數并夾

如數如當射者之數也每人一弓乘矢并

夾矢大喪共明弓矢

弓矢明器之用器也士喪禮下篇曰用器弓矢

凡師役會同頒弓弩各以其物從授兵甲之

儀

物弓弩矢
箛之屬

田弋充籠箛矢共矐矢

籠竹箛
也矐矢

不在箛者為其相
繞亂將用乃共之

凡亡矢者弗用則更

更償
也用

而棄之
則不償

繕人掌王之用弓弩矢箛矐弋挾拾

鄭司農
云挾者

所以縱弦也拾者所以引弦也詩云挾拾既
次詩家說或謂挾謂引弦彊也拾謂講扞也

玄謂挾挾矢時所以持弦飾也著右手巨指
士喪禮曰挾用正玉棘若擇棘則天子用象

骨與講扞著左
臂裏以韋為之

掌詔王射

告王當
射之節贊王弓矢

之事

授之受之

凡乘車充其籠箠載其弓弩

充籠箠者

以既射則斂之

斂藏之也詩云彤弓弘兮受言藏之

無會計

亡敗

多少不計

橐人掌受財于職金以齎其工

齎其工者給市財用之直

弓六物為三等弩四物亦如之

三等者上中下人各有所

宜弓人職曰弓長六尺六寸謂之上制上士服之弓長六尺三寸謂之中制中士服之弓長六尺謂之下制下士服之弩及矢箠長短之制未聞

矢八物皆三等

箠亦如之春獻素秋獻成

矢箠春作秋成

書其等以

饗工

鄭司農云書工功拙高下之等以制其饗食也玄謂饗酒肴勞之也上工作上

等其饗厚下工作下等其饗薄

乘其事試其弓弩以下上其

食而誅賞

鄭司農云乘計也計其事之成功也故書試為考玄謂考之而善則

上其食尤善又賞之否者反此

乃入功于司弓矢及繕人

成功

凡齎財與其出入皆在橐人以待會而攷之

亡者闕之

皆在橐人者所齎工之財及弓弩矢箛出入其簿書橐人藏之闕猶

除也弓弩矢箛棄亡者除之計今見在者

戎右掌戎車之兵革使

使謂王使以兵有所誅斬也春秋傳曰戰

於穀晉梁弘御戎萊駒為右戰之明
日襄公縛秦囚使萊駒以戈斬之
詔贊王

鼓

既告王當鼓之
節又助擊之

傳王命于陳中

為王大會
言之也

同充革車

會同王雖乘金路猶以革路從行
也充之者謂居左也曲禮曰乘君

之乘車不
敢曠左

盟則以玉敦辟盟遂役之

鄭司農
云敦器

名也辟法也玄謂將歃血者先執其器為眾
陳其載辭使心皆開辟也役之者傳敦血授

當歃
者

贊牛耳桃茆

鄭司農云贊牛耳者故書茆為
所謂執牛耳者

滅杜子春云滅當為厲玄謂尸盟者割牛耳
取血助為之及血在敦中以桃茆拂之又助

之也耳者盛以珠盤尸盟者執之
桃鬼所畏也茆苕所以埽不祥

齊右掌祭祀會同賓客前齊車王乘則持馬

行則陪乘

齊車金路王自整齊之車也前之者已駕王未乘之時陪乘參乘謂

車右也齊右與齊僕同車而有祭祀之凡有

事則兼玉路之右然則戎右兼田右與

王見牲則拱而式居馬前卻行備驚奔也曲禮曰國君下宗廟

牛式齊

道右掌前道車王出入則持馬陪乘如齊車

之儀

道車象路也王行道德之車

自車上諭命于從車

自由

詔王之車儀

顧式之屬

王式則下前馬王下則以

蓋從

以蓋從表尊

大馭掌馭玉路以祀及犯輶王自左馭馭下

祝登受轡犯輶遂驅之

行山曰輶犯之者封土為山象以菩芻棘

柏為神主既祭之以車轡之而去喻無險難也春秋傳曰跋涉山川自由也王由左馭禁

制馬使不行也故書輶作罰杜子春云罰當為輶輶讀為別異之別謂祖道轡輶磔犬也

詩云載謀載惟取蕭祭脂取羝以輶詩家說曰將出祖道犯輶之祭也聘禮曰乃舍輶飲

酒于其側禮家說亦謂道祭

及祭酌僕僕左執轡右祭兩

輶祭輶乃飲

故書輶為軒輶為範杜子春云文當如此左不當重重非是書

亦或如子春言又云軒當作軹軹謂兩轡也其或言輶亦非是又云軹當為軹軹謂車軹

前也或讀軒為簪笄之笄凡馭路行以肆夏趨以采齊凡馭

路謂五路也肆夏采齊樂章也行謂大寢至路門趨謂路門至應門凡馭路儀

以鸞和為節舒疾之法也鸞在衡和在軾皆以金為鈴

戎僕掌馭戎車戎車革路也師出王乘以自將掌王倅車之

政正其服倅副也服謂眾乘戎車者之衣服犯輶如玉路之

儀凡巡守及兵車之會亦如之如在掌凡戎

車之儀凡戎車眾之兵車也書序曰武王戎車三百兩

齊僕掌馭金路以賓

以待賓客

朝覲宗遇饗食皆

乘金路其灋儀各以其等為車送逆之節

謂節

王乘車迎賓客及送相去遠近之數上公九十步侯伯七十步子男五十步司儀職曰車

逆拜辱又曰及出車送

道僕掌馭象路以朝夕燕出入其灋儀如齊

車

朝夕朝朝莫夕

掌貳車之政令

貳亦副

田僕掌馭田路以田以鄙

田路木路也田田獵也鄙循行縣鄙

掌佐車之政

佐亦副設驅逆之車驅驅禽使前趨獲逆衙還

之使不

出圍令獲者植旌

以告獲也

及獻比禽

田弊

獲者各獻其禽比

種物相從次數之凡田王提馬而走諸侯晉

大夫馳

提猶舉也晉猶抑也使人和而

馭夫掌馭貳車從車使車

貳車象路之副也從車戎路田路之

副也使車

驅逆之車分公馬而駕治之

乘調六種之馬

校人掌王馬之政

政謂差擇養乘之數也月令曰班馬政

辨六

馬之屬種馬一物戎馬一物齊馬一物道馬

一物田馬一物駑馬一物

種謂上善似母者以次差之玉路駕

種馬戎路駕戎馬金路駕齊馬象路駕
道馬田路駕田馬駑馬給宮中之役
凡頒

良馬而養乘之乘馬一師四圉三乘爲皐皐

一趣馬三皐爲繫繫一馭夫六繫爲廐廐一

僕夫六廐成校校有左右駑馬三良馬之數

麗馬一圉八麗一師八師一趣馬八趣馬一

馭夫

良善也善馬五路之馬鄭司農云四匹爲乘養馬爲圉故春秋傳曰馬有圉牛

有牧玄謂二耦爲乘師趣馬馭夫僕夫帥之名也趣馬下士御夫中士則僕夫上士也自乘至廐其數二百一十六匹易乾爲馬此應乾之策也至校變爲言成者明六馬各一廐

而王馬小備也校有左右則良馬一種者四百三十二匹五種合二千一百六十匹駑馬三之則爲千二百九十六匹五良一駑凡三千四百五十六匹然後王馬大備詩云駉牝三千此謂王馬之大數與麗耦也駑馬自圉至馭夫凡馬千二十四匹與三良馬之數不相應八皆宜爲六字之誤也師十二匹趣馬七十二匹則馭夫四百三十二匹矣然後而三之既三之無僕夫者天子十有二閑馬六不駕於五路卑之也

種邦國六閑馬四種家四閑馬二種

降殺之差每廩

爲一閑諸侯有齊馬道馬田馬大夫有田馬各一閑其駑馬則皆分爲三焉

凡馬

特居四之一

欲其乘之性相似也物同氣則心一鄭司農云四之一者三牝

一春祭馬祖執駒

馬祖天駟也孝經說曰房為龍馬鄭司農云執駒無

令近母猶攻駒也二歲曰駒三歲曰駘玄謂執猶拘也春通淫之時駒弱血氣未定為其

乘匹夏祭先牧頒馬攻特

先牧始養馬者其傷之

後攻其特為其蹄齧不可乘

秋祭馬社臧僕

用鄭司農云攻特謂驟之

馬社始乘馬者世本作曰相土作乘馬鄭司農云臧僕謂簡練馭者令皆善也玄謂僕馭

五路冬祭馬步獻馬講馭夫

馬於王也馭夫馭貳車從車使車者講猶簡習

凡大祭祀朝覲會同

毛馬而頒之

毛馬齊其色也

飾幣馬執扑而

從之

鄭司農云校人主飾之也幣馬以馬遺人當幣處者也聘禮曰馬則北面奠幣

于其前士喪禮下篇曰薦馬纓三就入門北面交轡圉人夾牽之馭者執策立于馬後

凡賓客受其幣馬

賓客之幣馬來朝聘而享王者大喪飾遣

車之馬及葬埋之

言埋之則是馬塗車之芻靈

田獵則帥

驅逆之車

帥猶將也

凡將事于四海山川則飾黃

駒

四海猶四方也王巡守過大山川則有殺駒以祈沈禮與玉人職有宗祝以黃金勺

前馬之禮

凡國之使者共其幣馬

使者所用私覲

凡軍事

物馬而頒之

物馬齊其力

等馭夫之祿

馭夫於趣馬僕夫為

中舉中宮中之稍食師圉府史以下也鄭

趣馬掌贊正良馬而齊其飲食簡其六節贊

也佐正者謂校人臧僕講馭夫之時簡掌駕

說之頒用馬之第次辨四時之居治以聽馭夫居謂

牧序所處治謂執駒攻特之屬

巫馬掌養疾馬而乘治之相醫而藥攻馬疾

受財于校人乘謂驅步以發其疾知馬死則

使其賈粥之入其布于校人布泉也鄭司農云賈謂其屬官

小吏賈二人
粥賣也

牧師掌牧地皆有厲禁而頒之

頒馬授圉者所牧處孟

春焚牧

焚牧地以除陳生新草

中春通淫

中春陰陽交萬物生之時

可以合馬之牝牡也月令季春乃合累牛騰馬遊牝于牧秦時書也秦地寒涼萬物後動

掌其政令凡田事贊焚萊

焚萊者山澤之虞

廋人掌十有二閑之政教以阜馬佚特教駢

攻駒及祭馬祖祭閑之先牧及執駒散馬耳

圉馬

九者皆有政教焉阜盛壯也詩云四牡孔阜桂子春云佚當為逸鄭司農云馬

三歲曰駢二歲曰駒散讀爲中散大夫之散
謂聒馬耳毋令善驚也玄謂逸者用之不使
甚勞安其血氣也教駢始乘習之也攻駒驟
其蹄齧者閑之先牧先牧制閑者散馬耳以
竹括押其耳頭動搖則括
中物後遂串習不復驚
正校人員選
謂校人

圍也正員選者選
擇可備員者平之
馬八尺以上爲龍七尺以

上爲駉六尺以上爲馬
大小異名爾雅曰駉
牝驪牡玄駒裏驂鄭

司農說以月
令曰駕蒼龍

圉師掌教圉人養馬春除蓐釁廐始牧夏庠

馬冬獻馬射則充椹質茨牆則翦鬣
蓐馬茲
也馬既

出而除之新釁焉神之也春秋傳曰凡馬日
中而出日中而入故書序為訝鄭司農云當
為序玄謂序廡也廡所以庇馬涼也充猶居
也茨蓋也闔苦也榘質翦闔圉人所習也杜
子春讀榘為齊人言鈇榘
之榘榘質所射者習射處

圉人掌養馬芻牧之事以役圉師

役者圉師使令焉

凡賓客喪紀牽馬而入陳

賓客之馬王所以賜之者詩云雖無

予之路車乘馬喪紀之馬啓後所薦馬

歛馬亦如之

歛馬遣車之馬人捧

之亦牽而入陳

職方氏掌天下之圖以掌天下之地辨其邦

國都鄙四夷八蠻七閩九貉五狄之人
民與其財用九穀六畜之數要周知其利害

天下之圖如今司空輿地圖也鄭司農云東方曰夷南方曰蠻西方曰戎北方曰貉狄玄謂閩蠻之別也國語曰閩芋蠻矣四八七九五六周之所服國數也財用泉穀貨賄也利金錫竹箭之屬害神姦鑄鼎所象百物也爾雅曰九夷八蠻六戎五狄謂之四海乃

辨九州之國使同貫利貫事也東南曰揚州其

山鎮曰會稽其澤藪曰具區其川三江其浸五湖其利金錫竹箭其民二男五女其畜宜

鳥獸其穀宜稻

鎮名山安地德者也會稽在山陰大澤曰藪具區五湖在

吳南浸可以為陂灌漑者錫蠟也箭篠也鳥獸孔雀鸞鵠犀象之屬故書箭為晉杜子

春曰晉當為箭書亦或為箭

正南曰荊州其山鎮曰衡山

其澤藪曰雲夢其川江漢其浸潁湛其利丹

銀齒革其民一男二女其畜宜鳥獸其穀宜

稻

衡山在湘南雲夢在華容潁出陽城宜屬豫州在此非也湛未聞齒象齒也革犀兕

革也杜子春云湛讀當為人各湛之湛湛或為淮

河南曰豫州其山

鎮曰華山其澤藪曰圃田其川滎雒其浸波

澹其利林漆絲枲其民二男三女其畜宜六

擾其穀宜五種

華山在華陰圃田在中牟熒堙水也出東垣入于河汭爲

熒熒在熒陽波讀爲播禹貢曰熒播旣都春秋傳曰楚子除道梁澹營軍臨隨則澹宜屬荆州在此非也林竹木也六擾馬牛羊豕犬雞五種黍稷菽麥稻

正東曰青

州其山鎮曰沂山其澤藪曰望諸其川淮泗

其浸沂沭其利蒲魚其民二男二女其畜宜

雞狗其穀宜稻麥

沂山沂水所出也在蓋望諸明都也在睢陽沭出東

莞二男二女數等似誤也蓋當與兗州同二男三女鄭司農云淮或爲睢沭或爲沭河

東曰兗州其山鎮曰岱山其澤藪曰大野其

川河洿其浸盧維其利蒲魚其民二男三女

其畜宜六擾其穀宜四種

岱山在博大野在鉅野盧維當爲雷

雍字之誤也禹貢曰雷夏既澤雍沮會同雷夏在城陽四種黍稷稻麥

正西曰

雍州其山鎮曰嶽山其澤藪曰弦蒲其川涇

汭其浸渭洛其利玉石其民三男二女其畜

宜牛馬其穀宜黍稷

嶽吳嶽也及弦蒲在汭涇出涇陽汭在豳地詩

大雅公劉曰汭坻之卽洛出懷德鄭司農云弦或爲汭蒲或爲浦

東北曰幽

州其山鎮曰醫無閭其澤藪曰獫狁養其川河

沛其浸菑時其利魚鹽其民一男三女其畜

宜四擾其穀宜三種

醫無閭在遼東獫狁養在長廣菑出萊蕪時出般

陽四擾馬牛羊豕三種黍稷稻杜子春讀獫狁爲奚

河內曰翼州其山

鎮曰霍山其澤藪曰楊紆其川漳其浸汾潞

其利松柏其民五男三女其畜宜牛羊其穀

宜黍稷

霍山在燕楊紆所在未聞漳出長子汾出汾陽路出歸德

正北曰

并州其山鎮曰恒山其澤藪曰昭餘祁其川

虜池嘔夷其浸淶易其利布帛其民二男三

女其畜宜五擾其穀宜五種

恒山在上曲陽昭餘祁在鄆虜

池在鹵城嘔夷祁夷與出平舒淶出廣昌易出故安五擾馬牛羊犬豕五種黍稷菽麥稻

也凡九州及山鎮澤藪言曰者以其非一日其大者耳此州界楊荆豫兗雍冀與禹貢略

同青州則徐州地也幽并乃辨九服之邦國則青冀之北也無徐梁

方千里曰王畿其外方五百里曰侯服又其

外方五百里曰甸服又其外方五百里曰男

服又其外方五百里曰采服又其外方五百

里曰衛服又其外方五百里曰蠻服又其外

方五百里曰夷服又其外方五百里曰鎮服

又其外方五百里曰藩服

服服事天子也詩云侯服于周

凡

邦國千里封公以方五百里則四公方四百

里則六侯方三百里則七伯方二百里則二

十五子方百里則百男以周知天下

以此率編知四

海九州邦國多少之數也方千里者為方百里者百以方三百里之積以九約之得十一有奇云七伯者字之誤也周九州之界方七千里七七四十九方千里者四十九其一為

畿內餘四十八州各有方千里者六周公
變殷湯之制雖小國地皆方百里是每事言
則者設法也設法者以待有功而大其封一
州之中以其千里封公則可四又以其千里
封侯則可六又以其千里封伯則可十一又
以其千里封子則可二十五又以其千里封
男則可百公侯伯子男亦不是過也州二百
一十國以男備其數焉其餘以爲附庸四海
之封黜陟之功亦如之雖有大國爵稱子而
已鄭司農云此制亦見大司徒職曰諸公之
地方五百里諸侯之地方四百里諸伯之地
方三百里諸子之地方二百里諸男之地方
百里
凡邦國小大相維大國比小國小國事大國各有屬相維連也

王設其牧

選諸侯之賢者爲牧使牧理之

制其職各以其所

能

牧監參伍之屬用能所任秩次

制其貢各以其所有

國之地物

有所

王將巡守則戒于四方曰各脩平乃守攷

乃職事無敢不敬戒國有大刑

乃猶女也守謂國竟之內

職事所當共具

及王之所行先道帥其屬而巡戒令

先道先由王所從道居前

王殷國亦如之

殷猶衆也

十二歲王若不巡守則六服盡朝謂之殷國其戒四方諸侯與巡守同

土方氏掌土圭之法以致日景

致日景者夏至景尺有五

寸冬至景丈三尺其間則日有長短

以土地相宅而建邦國都

鄙土地猶度地知東西南北之深而相其可居者宅居也以辨土宜土

化之灋而授任地者土宜謂九穀植穉所宜也土化地之輕重糞種

所宜用也任地者載師之屬王巡守則樹王舍爲之藩羅

懷方氏掌來遠方之民致方貢致遠物而送

逆之達之以節遠方之民四夷之民也諭德延譽以來之遠物九州之外

無貢法而至者達民以旌節達貢物以璽節治其委積館舍飲食

續食其往來

合方氏掌達天下之道路津梁相湊不得陷絕通其財

利茂遷其

同其數器

權衡不得有輕重

壹其度量

丈尺

金鍾不得有大小

除其怨惡

怨惡邦國相侵虐

同其好善

好所

俗所高尚

訓方氏掌道四方之政事與其上下之志

猶道

言也為王說之四方諸侯也上下君臣也

誦四方之傳道

傳道世所傳

說往古之事也為王誦之若今論聖德堯舜之道矣故書傳為傳杜子春云傳當作傳書

亦或為傳

正歲則布而訓四方

布告以教天下使知世所善惡

而

觀新物

四時於新物出則觀之以知民志所好惡志淫行辟則當以政教化正之

形方氏掌制邦國之地域而正其封疆無有

華離之地

杜子春云離當爲雜書亦或爲雜
玄謂華讀爲低哨之低正之使不

低邪離絕

使小國事大國大國比小國

比猶親也
易比象曰

先王以建萬
國親諸侯

山師掌山林之名辨其物與其利害而頒之

于邦國使致其珍異之物

山林之名與物若
岱畎絲枲澤陽孤

桐矣利其中人用者害
毒物及螫噬之蟲獸

川師掌川澤之名辨其物與其利害而頒之

于邦國使致其珍異之物

川澤之名與物若泗濱浮磬淮夷蠙

珠暨魚澤

之萑蒲

遼師掌四方之地名辨其丘陵墳衍遼隰之

名

地名謂東原大陸之屬

物之可以封邑者

物之謂相其土地可

以居民立邑

匡人掌達灋則匡邦國而觀其慝使無敢反

側以聽王命

法則八法八則也邦國之官府都鄙亦用焉慝姦偽之惡也反

側猶背違法度也書曰無反無側王道正直

擇人掌誦王志道國之政事以巡天下之邦

國而語之

道猶言也以王之志與政事諭說諸侯使不迷惑

使萬民

和說而正王面

面猶鄉也使民之心曉而正鄉王

都司馬掌都之士庶子及其眾庶車馬兵甲

之戒令

庶子卿大夫士之子車馬兵甲備軍發卒

以國灋掌其政

學

政謂賦稅也學脩德學道

以聽國司馬

聽者受行其所徵為也國司馬

大司馬之

家司馬亦如之

大夫家臣為司馬者春秋傳曰叔孫

屬皆是

氏之司


馬駿戾


周禮卷第八

經三千五百二十八字
注七千三百八十三字










周禮卷第九

秋官司寇第五

周禮

鄭氏注



惟王建國辨方正位體國經野設官分職以

爲民極乃立秋官司寇使帥其屬而掌邦禁

以佐王刑邦國

禁所以防姦者也刑正人之法孝經說曰刑者例也過出

罪刑官之屬大司寇卿一人小司寇中大夫

二人士師下大夫四人鄉士上士八人中士

十有六人旅下士三十有二人

士察也主察獄訟之事者

鄭司農說以論語曰柳下惠為士師鄉士主六鄉之獄府六人史十有

二人胥十有二人徒百有二十人

遂士中士十有二人府六人史十有二人胥

十有二人徒百有二十人遂士主六遂之獄者

縣士中士三十有二人府八人史十有六人

胥十有六人徒百有六十人距王城三百里至四百里曰縣

縣士主縣之獄者

方士中士十有六人府八人史十有六人胥

十有六人徒百有六十人

方士主四方都家之獄者

訝士中士八人府四人史八人胥八人徒八

十人

訝迎也士官之迎四方賓客

朝士中士六人府三人史六人胥六人徒六

十人

朝士主外朝之法

司民中士六人府三人史六人胥三人徒三

十人

司民主民數

司刑中士二人府一人史二人胥二人徒二

十人

司刺下士二人府一人史二人徒四人刺殺也三

訊罪定則殺之

司約下士二人府一人史二人徒四人約言語之

約束

司盟下士二人府一人史二人徒四人盟以約辭

告神殺牲歃血明著其信也曲禮曰涖牲曰盟

職金上士二人下士四人府二人史四人胥

八人徒八十人

職主也

司厲下士二人史一人徒十有二人

犯政爲惡曰厲

厲士主盜賊之兵器及其奴者

犬人下士二人府一人史二人賈四人徒十

有六人

司圜中士六人下士十有二人府三人史六

人胥十有六人徒百有六十人

鄭司農云圜謂圜土也

土謂獄城也今獄城圜司圜職中言凡圜土之刑人也以此知圜謂圜土也又大司寇職

曰以圜土聚教罷民故
司圜職曰掌收教罷民

掌囚下士十有二人府六人史十有二人徒

百有二十人
囚拘也主拘繫
當刑殺之者

掌戮下士二人史一人徒十有二人
戮猶辱也既斬

殺又
辱之

司隸中士二人下士十有二人府五人史十

人胥二十人徒二百人
隸給勞辱之役者漢
始置司隸亦使將徒

治道溝渠之役後稍尊
之使主官府及近郡

罪隸百有二十人

盜賊之家
為奴者

蠻隸百有二十人

征南夷
所獲

閩隸百有二十人

閩南蠻
之別

夷隸百有二十人

征東夷
所獲

貉隸百有二十人

征東北夷所獲凡隸眾矣
此其選以為役員其餘謂

之隸
民

布憲中士二人下士四人府二人史四人胥

四人徒四十人

憲表也主
表刑禁者

禁殺戮下士二人史一人徒十有二人

禁殺戮者

禁民不得相殺戮

禁暴氏下士六人史三人胥六人徒六十人

野廬氏下士六人胥十有二人徒百有二十

人廬賓客行道所舍

蜡氏下士四人徒四十人

蜡骨肉腐臭蠅蟲所蜡也月令曰掩

骼埋𩚑此官之職也蜡讀如狙司之狙

雍氏下士二人徒八人

雍謂隄防止水者也

萍氏下士二人徒八人

鄭司農云萍讀爲蜚或爲萍號起雨之萍

玄謂今天問萍號作萍爾雅曰萍萍其大者蘋讀如小子言平之平萍氏主水禁萍之草無根而浮取名於其不沈溺

司寤氏下士二人徒八人

寤覺也主夜覺者

司烜氏下士六人徒十有二人

烜火也讀如衛侯燬之燬

故書燬爲烜鄭司農云當爲烜

條狼氏下士六人胥六人徒六十人

杜子春云條當

爲滌器之滌玄謂滌除也狼狼扈道上

脩問氏下士二人史一人徒十有二人問謂里門

冥氏下士二人徒八人鄭司農云冥讀為冥氏春秋之冥玄謂冥

方之冥以繩縻取禽獸之名

庶氏下士一人徒四人庶讀如藥煮之煮驅除毒蠱之言書不作

蠱者字從聲

冗氏下士一人徒四人冗搏蟄獸所藏者

翬氏下士二人徒八人翬鳥翮也鄭司農云翬讀為翹翼之翅

柞氏下士八人徒二十人柞除木之名除木者必先校剝之鄭

司農云柞讀爲音聲
𦵏𦵏之𦵏屋竿之竿

雜氏下士二人徒二十人

書雜或作夷鄭司農云掌殺草故春

秋傳曰如農夫之務去草芟夷蒞崇之又今俗間謂麥下爲夷下言芟夷其麥以其下種禾豆也玄謂雜讀如髻小兒頭之髻書或作夷此皆翦草也字從類耳月令曰燒雜行水非謂燒所芟草乃水之

砮族氏下士一人徒二人

鄭司農云砮讀爲擣族讀爲爵族之

族謂巢也玄謂砮古字從石折聲

翦氏下士一人徒二人

翦斷滅之言也主除蟲蠹者詩云實始翦

商

赤友氏下士一人徒二人

赤友猶言抹拔也主除蟲豸自埋者

蝮氏下士一人徒二人

鄭司農云蝮讀為蜮蝮蟊也月令曰螻

蝮鳴故曰掌去鼃黽鼃黽蝦蟇屬書或為掌去蝦蟇玄謂蝮今御所食蛙也字從虫國聲

也蜮乃短狐與

壺涿氏下士一人徒二人

壺謂瓦鼓涿擊之也故書涿為獨鄭

司農云獨讀為濁其源之濁音與涿相近書亦或為濁

庭氏下士一人徒二人

庭氏主射妖鳥令國中絜清如庭者也

銜枚氏下士二人徒八人

銜枚止言語蹏謹也枚狀如箸橫銜

之爲之繡結於項

伊耆氏下士一人徒二人

伊耆古王者號始爲蜡以息老物此

主王者之齒杖後王識伊耆氏之舊德而以名官與今姓有伊耆氏

大行人中大夫二人

小行人下大夫四人

司儀上士八人中士十有六人

行夫下士三十有二人府四人史八人胥八

人徒八十人

行夫主國使之禮

環人中士四人史四人胥四人徒四十人

猶環

圍也主圍賓客任器爲之守衛

象胥每翟上士一人中士二人下士八人徒

二十人

通夷狄之言者曰象胥其有才知者也此類之本名東方曰寄南方曰象

西方曰狄韞北方曰譯今揔名曰象者周之德先致南方也

掌客上士二人下士四人府一人史二人胥

二人徒二十人

掌訝中士八人府二人史四人胥四人徒四

十人

訝迎也賓客來主迎之鄭司農云訝讀爲跛者訝跛者之訝

掌交中士八人府二人史四人徒三十有二

人

主交通結諸侯之好

掌察四方中士八人史四人徒十有六人

掌貨賄下士十有六人史四人徒三十有二

人

朝大夫每國上士二人下士四人府一人史

二人庶子八人徒二十人

此王之士也使主都家之國治而命

之朝大

夫云

都則中士一人下士二人府一人史二人庶

子四人徒八十人

都則主都家之八則者也當言每都如朝大夫及都

司馬云

都士中士二人下士四人府二人史四人胥

四人徒四十人

家士亦如之

都家之士主治都家吏民之獄訟以告方士者也亦當言每都

大司寇之職掌建邦之三典以佐王刑邦國

詰四方

典法也詰謹也書曰王耄荒度作詳刑以詰四方

一曰刑新

國用輕典

新國者新辟地立君之國用輕法者為其民未習於教

二曰

刑平國用中典

平國承平守成之國也用中典者常行之法

三曰

刑亂國用重典

亂國篡弑叛逆之國用重典者以其化惡伐滅之

五刑糾萬民

刑亦法也糾猶察異之

一曰野刑上功糾

力

功農功力勤力

二曰軍刑上命糾守

命將命也守不失部伍

三曰鄉刑上德糾孝

德六德也善父母為孝

四曰官刑

上能糾職

能其事也

五曰國刑上愿糾暴

愿慤慎也暴當

以圜土聚教罷民

圜土獄城也聚罷民

爲恭字之誤也

其中困苦以教之爲善也

凡害人者寘之圜

土而施職事焉以明刑恥之

害人謂爲邪惡已有過失麗於

法者以其不故犯法寘之圜土繫教之庶其困悔而能改也寘置也施職事以所能役使

之明刑書其罪惡於大方版著其背

其能改者反于中國不齒

三年

反于中國謂舍之還於故鄉里也司圜職曰上罪三年而舍中罪二年而舍下

罪一年而舍不齒者不得以年次列於平民

其不能改而出圜土

者殺

出謂逃亡

以兩造禁民訟入束矢於朝然後

聽之

訟謂以財貨相告者造至也使訟者兩至既兩至使入束矢乃治之也不至不

入束矢則是自服不直者也必入矢者取其直也詩曰其直如矢古者一弓百矢束矢其

與百个以兩劑禁民獄入鈞金三日乃致于朝

然後聽之

獄謂相告以罪名者劑今券書也使獄者各齎券書既兩券書使入

鈞金又三日乃治之重刑也不券書不入金則是亦自服不直者也必入金者取其堅也

三十斤以嘉石平罷民

嘉石文石也樹之外朝門左平成也成之

使凡萬民之有罪過而未麗于灋而害於州

里者桎梏而坐諸嘉石役諸司空重罪旬有

三日坐暮役其次九日坐九月役其次七日

坐七月役其次五日坐五月役其下罪三日

坐三月役使州里任之則宥而舍之

有罪過謂邪惡

之人所罪過者也麗附也未附於法未著於法也木在足曰桎在手曰梏役諸司空坐日訖使給百工之役也役月訖使其州里之人任之乃赦之宥寬也以肺石達

窮民

肺石赤石也窮民天民之窮而無告者

凡遠近惇獨老幼

之欲有復於上而其長弗達者立於肺石三

日士聽其辭以告於上而罪其長

無兄弟曰惇無子孫

曰獨復猶報也上謂王與六卿也報之者若上書詣公府言事矣長謂諸侯若鄉遂大夫

正月之吉始和布刑于邦國都鄙乃縣刑象

之灋于象魏使萬民觀刑象挾日而斂之

正月

朔日布王刑於天下正歲又縣其書重之

凡邦之大盟約泣其盟

書而登之于天府

泣臨也天府祖廟之藏

大史內史司

會及六官皆受其貳而藏之

六官六卿之官也貳副也凡

諸侯之獄訟以邦典定之

邦典六典也以六典待邦國之治

凡卿大夫之獄訟以邦灋斷之

邦法八法也
以八法待官

府之治

凡庶民之獄訟以邦成弊之

邦成八成也
以官成

待萬民之治故書弊為愍鄭司農云愍當為
弊邦成謂若今時決事比也弊之斷其獄訟

也故春秋傳曰弊獄邢侯

大祭祀奉犬牲

奉猶進也

若禋祀五

帝則戒之日泣誓百官戒于百族

戒之日卜
之也百

族謂府史以下也郊特牲曰卜之日王立于
澤親聽誓命受教諫之義也獻命庫門之內

戒百官也大廟
之內戒百姓也

及納亨前王祭之日亦如之

納亨致牲

奉其明水火

明水火所取
於日月者

凡朝覲會同

前王大喪亦如之

大喪所前或嗣王

大軍旅涖戮于

社

社謂社主在軍者也鄭司農說以書曰用命賞于祖不用命戮于社

凡邦之

大事使其屬蹕

屬士師以下也故書蹕作避杜子春云避當為辟謂辟除

姦人也玄謂蹕止行也

小司寇之職掌外朝之政以致萬民而詢焉

一曰詢國危二曰詢國遷三曰詢立君

外朝朝在

雉門之外者也國危謂有兵寇之難國遷謂徙都改邑也立君謂無冢適選於庶也鄭司農云致萬民聚萬民也詢謀也其位王南鄉詩曰詢于芻蕘書曰謀及庶人

三公及州長百姓北面羣臣西面羣吏東面

羣臣卿大夫士也羣吏府史也其孤不見者孤從羣臣卿大夫在公後

小司寇

擯以叙進而問焉以衆輔志而弊謀

擯謂揖之使前

也叙更也輔志者尊王賢明也

以五刑聽萬民之獄訟附于

刑用情訊之至于旬乃弊之讀書則用灋

附猶

著也故書附作付訊言也用情理言之異有可以出之者十日乃斷之王制曰刑者例也

例者成也一成而不可變故君子盡心焉鄭

司農云讀書則用法如今時讀鞫已乃論之

凡命夫命婦不躬坐獄訟

爲治獄吏褻尊者也躬身也不

者必使其屬若子弟也喪服傳曰命夫者其男子之為大夫者命婦者其婦人之為大夫之妻者春秋傳曰衛侯與元咺訟甯武子為輔鍼嚴子為坐士榮為大理凡王之

同族有罪不即市

鄭司農云刑諸甸師氏禮記曰刑于隱者不與國人

慮兄

以五聲聽獄訟求民情一曰辭聽

觀其出言不直

則二曰色聽

觀其顏色不直則赧然

三曰氣聽

觀其氣息不直

則四曰耳聽

觀其聽聆不直則惑

五曰目聽

觀其眸子視不直則

眊然以八辟麗邦灋附刑罰

辟法也杜子春讀麗為羅玄謂麗附

也易曰日月麗于天故書附作付附猶著也

一曰議親之辟

鄭司農云

若今時宗室有二曰議故之辟故謂舊知也

舊不遺則三曰議賢之辟鄭司農云若今時

民不愉也立謂賢四曰議能之辟能謂有道藝者春

有德行者過惠訓不倦者叔向有焉社稷之固也猶將

十世宥之以勸能者今壹不免其身以棄社

稷不亦惑乎五曰議功之辟謂有大勲六曰議貴

之辟鄭司農云若今時吏七曰議勤之辟謂

悴以事國八曰議賓之辟謂所不臣者三以三刺

斷庶民獄訟之中

中謂罪

正所定一日訊羣臣二曰

訊羣吏三曰訊萬民

刺殺也三訊罪定則殺之訊言也

聽民

之所刺宥以施上服下服之刑

宥寬也民言殺殺之言寬

寬之上服劓墨也下服官刑也

及大比登民數自生齒以上

登于天府

大比三年大數民之衆寡也人生齒而體備男八月而生齒女七月

而生齒

內史司會冢宰貳之以制國用

人數定而九賦

可知國用乃可制耳

小祭祀奉犬牲

奉猶進也

凡禋祀五帝

實鑊水納亨亦如之

納亨致牲也其實鑊水當以洗解牲體肉

大

賓客前王而辟

鄭司農云小司寇爲王道辟除姦人也若今時執金吾下

至令尉奉引矣后世子之喪亦如之小師泣戮王不

自出凡國之大事使其屬蹕屬士師孟冬祀

司民獻民數於王王拜受之以圖國用而進

退之司民星名謂軒轅角也小司寇於祀司

也國用民衆則歲終則令羣士計獄弊訟登

中于天府上其所斷正歲帥其屬而觀刑象

令以木鐸曰不用灋者國有常刑令羣士羣

遂士乃宣布于四方憲刑禁宣徧也憲表也

士師之

乃命其屬入會乃致事

得其屬之計乃令致之於

王

士師之職掌國之五禁之灋以左右刑罰一

曰宮禁二曰官禁三曰國禁四曰野禁五曰

軍禁皆以木鐸徇之于朝書而縣于門閭

左右

助也助刑罰者助其禁民爲非也宮王宮也官官府也國城中也古之禁書亡矣今宮門有符籍官府有無故擅入城門有離載下帷野有田律軍有蹕謹夜行之禁其捕可言者以五戒先後刑罰毋使罪麗于民一曰誓用

之于軍旅二曰誥用之于會同三曰禁用諸

田役四曰糾用諸國中五曰憲用諸都鄙後先

猶左右也誓誥於書則甘誓湯誓大誥康誥之屬禁則軍禮曰無干車無自後射比其類

也糾憲未掌鄉合州黨族閭比之聯與其民

有聞焉人之什伍使之相安相受以比追胥之事以

施刑罰慶賞鄉合鄉所合也追追寇也胥讀如宿脩之脩脩謂司搏盜賊也

掌官中之政令大司寇之官府中也察獄訟之辭以詔

司寇斷獄弊訟致邦令詔司寇若今白聽正法解也致邦令者以

之法報

掌士之八成

鄭司農云八成者行事比

一

曰邦汭

鄭司農云汭讀如酌酒尊中之酌國

探尚書事

二曰邦賊

為逆亂者

三曰邦謀

為異國反間

四曰

犯邦令

干冒王教令者

五曰撓邦令

稱詐以有為者

六曰為

邦盜

竊取國之寶藏者

七曰為邦朋

朋黨相阿使政不平者故書朋

作備

鄭司農云備讀為朋友之朋

八曰為邦誣

誣罔君臣使事失實

若

邦凶荒則以荒辯之灋治之

鄭司農云辯讀為風別之別救

荒之政十有二而士師別受其數條是為荒別之法玄謂辯當為貶聲之誤也遭飢荒則

刑罰國事有所貶損作權時法也朝士職曰若邦凶荒札喪寇戎之故則令邦國都家縣

鄙慮刑貶令移民通財糾守緩刑移民就賤救困也通財補不足

也糾守備盜賊也凡以財獄訟者正之以傳

別約劑傳別中別手書也約劑各所持券也故書別為辯鄭司農云傳或為符辯

讀為風別之別若今時市買為券書以別之各得其一訟則案券以正之若祭勝

國之社稷則為之尸以刑官為尸略之也周謂亡殷之社為亳社

王燕出入則前驅而辟道王且祀五帝則沃

尸及王盥泊鑊水泊謂增其沃汁凡釁珥則奉犬牲

糾戒之

鄉士八人言各者聽其獄訟察其辭

也察審辨其獄訟異其死刑之罪而要之旬而

職聽于朝

辨異謂殊其文書也要之爲其罪法之要辭如今劾矣十日乃以職

事治之於外朝容其自反覆

司寇聽之斷其獄弊其訟于

朝羣士司刑皆在各麗其灋以議獄訟

麗附也各

附致其法以成議也

獄訟成士師受中協日刑殺肆之

三日

受中謂受獄訟之成也鄭司農云士師受中若今二千石受其獄也中者刑罰

之中也故論語曰刑罰不中則民無所措手足協日刑殺協合也和也和合支幹善日若

今時望後利日也肆之三日故春秋傳曰三日棄疾請尸論語曰肆諸市朝玄謂士師既受獄訟之成鄉士則擇可刑殺之日若欲免至其時而往泣之尸之三日乃反也

之則王會其期

免猶赦也期謂鄉士職聽于朝司寇聽之日王欲赦之則

用此時親往議之

大祭祀大喪紀大軍旅大賓客則

各掌其鄉之禁令帥其屬夾道而蹕

屬中士以下

三公若有邦事則爲之前驅而辟其喪亦如

之

鄭司農云鄉士爲三公道也若今時三公出城郡督郵盜賊道也

凡國有

大事則戮其犯命者

遂士掌四郊

鄭司農云謂百里外至三百里也玄謂其地則距王城百里以

外至二百里言掌四郊者此主四郊獄也六遂之獄在四郊

各掌其遂之

民數而糾其戒令

遂士十二人言各者二人而分主一遂

聽其

獄訟察其辭辨其獄訟異其死刑之罪而要

之二旬而職聽于朝司寇聽之斷其獄弊其

訟于朝羣士司刑皆在各麗其灋以議獄訟

獄訟成士師受中協曰就郊而刑殺各於其

遂肆之三日

就郊而刑殺者遂士也遂士擇刑殺日至其時往涖之如鄉士

爲之矣言各於其遂者
四郊六遂遂處不同
若欲免之則王令三

公會其期

令猶命也王欲赦之則用遂
士職聽之時命三公往議之
若邦

有大事聚衆庶則各掌其遂之禁令帥其屬

而蹕

大事王所親也

六卿若有邦事則爲之前驅而

辟其喪亦如之凡郊有大事則戮其犯命者

縣士掌野

鄭司農云掌三百里至四百里大
夫所食晉韓須爲公族大夫食縣

玄謂地距王城二百里以外至三百里曰野
三百里以外至四百里曰縣四百里以外至
五百里曰都都縣野之地其邑非王子弟公
卿大夫之采地則皆公邑也謂之縣縣士掌

其獄焉言掌野者郊外曰野大摠言之也獄居近野之縣獄在二百里上縣之縣獄在三

百理上都之縣獄在四百里上

各掌其縣之民數糾其戒令

而聽其獄訟察其辭辨其獄訟異其死刑之

罪而要之三旬而職聽于朝司寇聽之斷其

獄弊其訟于朝羣士司刑皆在各麗其灋以

議獄訟獄訟成士師受中協日刑殺各就其

縣肆之三日

刑殺各就其縣者亦謂縣士也

若欲免之則王

命六卿會其期

期亦謂縣士職聽之時

若邦有大役聚

衆庶則各掌其縣之禁令若大夫有邦事則

爲之前驅而辟其喪亦如之凡野有大事則

戮其犯命者

野距王城二百里以外及縣都

方士掌都家

鄭司農云掌四百里至五百里公所食魯季氏食於都玄謂都

王子弟及公卿之采地家大夫之采地大都在疆地小都在縣地家邑在稍地不言掌其

民數民不純屬王

聽其獄訟之辭辨其死刑之罪而

要之三月而上獄訟于國

三月乃上要者又變朝言國以其自

有君異之

司寇聽其成于朝羣士司刑皆在各麗

其灋以議獄訟

成平也鄭司農說以春秋傳曰晉邢侯與雍子爭鄆田久

而無

獄訟成士師受中書其刑殺之成與其

聽獄訟者

都家之吏自協日刑殺但書其成與治獄之吏姓名備反覆有失實

者

凡都家之大事聚衆庶則各掌其方之禁

令

方士十六人言各掌其方者四人而主一方也其方以王之事動衆則爲班禁令焉

以時修其縣灋若歲終則省之而誅賞焉

縣法

縣師之職也其職掌邦國都鄙稍甸郊野之地域而辨其夫家人民田萊之數及其六畜車輦之稽方士以四時修此法歲終又省之則與掌民數亦相近

凡都家之

士所上治則主之

都家之士都士家士也所上治者謂獄訟之小事不

附罪者也主之告於司寇聽平之

訝士掌四方之獄訟

鄭司農云四方諸侯之獄訟

諭罪刑

于邦國

告曉以麗罪及制刑之本意

凡四方之有治於士

者造焉

謂讞疑辨事先來詣乃通之於士也士主謂士師也如今郡國亦時遣主

者吏詣廷尉議者

四方有亂獄則往而成之

亂獄謂若君臣

宣淫上下相虐者也往而成之猶呂步舒使治淮南獄

邦有賓客則與

行人送逆之入於國則爲之前驅而辟野亦

如之居館則帥其屬而爲之蹕誅戮暴客者

客出入則道之有治則贊之

送逆謂始來及去也出入謂朝

覲於王時也春秋傳曰晉侯受策以出出入三覲入國入野自以時事

凡邦之

大事聚衆庶則讀其誓禁

朝士掌建邦外朝之灋左九棘孤卿大夫位

焉羣士在其後右九棘公侯伯子男位焉羣

吏在其後面三槐三公位焉州長衆庶在其

後左嘉石平罷民焉右肺石達窮民焉

樹棘以爲

位者取其赤心而外刺象以赤心三刺也槐之言懷也懷來人於此欲與之謀羣吏謂府史也州長鄉遂之官鄭司農云王有五門外曰臯門二曰雉門三曰庫門四曰應門五曰路門路門一曰畢門外朝在路門外內朝在路門內左九棘右九棘故易曰係用徽纆寘于叢棘玄謂明堂位說魯公宮曰庫門天子臯門雉門天子應門言魯用天子之禮所名曰庫門者如天子應門此名制二兼四則魯無臯門應門矣檀弓曰魯莊公之喪既葬而經不入庫門言其除喪而反由外來是庫門在雉門外必矣如是王五門雉門爲中門雉門設兩觀與今之宮門同閹人幾出入者窮民蓋不得入也郊特牲譏繹於庫門內言遠當於廟門廟在庫門之內見於此矣小宗伯職曰建國之神

位右社稷左宗廟然則外朝在庫門之外臯門之內與今司徒府有天子以下大會殿亦古之外朝哉周天子諸侯皆有三朝外朝一內朝二內朝之在路門內者或謂之燕朝

帥其屬而以鞭呼趨且辟趨朝辟行人禁慢

朝錯立族談者慢朝謂臨朝不肅敬也錯凡

得獲貨賄人民六畜者委于朝告于士旬而

舉之大者公之小者庶民私之俘而取之曰獲委於朝十

日待來識之者人民謂刑人奴隸逃亡者司隸職曰帥其民而搏盜賊鄭司農云若今時得遺物及放失六畜持詣鄉亭縣廷大者公之大物没入公家也小者私之小物自畀也

玄謂人民之小者
未亂七歲以下
凡士之治有期日國中一

旬郊二旬野三旬都三月邦國朞期內之治

聽期外不聽

鄭司農云謂在期內者聽期外者不聽若今時徒論決滿三月

不得

凡有責者有判書以治則聽

判半分而合者故書

判為辨鄭司農云謂若今時辭訟有券書者為治之辨讀為別謂別券也玄謂古者出責

之息亦如

凡民同貨財者令以國灋行之犯

令者刑罰之

鄭司農云同貨財者謂合錢共賈者也以國法行之司市為節

以遣之玄謂同貨財者富人畜積者多時收斂之乏時以國服之法出之雖有騰躍其贏

不得過此以利出者與取者過此則罰之若今時加責取息坐臧

凡屬責者

以其地傳而聽其辭

鄭司農云謂訟地畔界者田地町畔相比屬故

謂之屬責以地傳而聽其辭以其比畔為證也立謂屬責轉責使人歸之而本主死亡歸

受之數相抵冒者也以其地之人相比近能為證者來乃受其辭為治之凡盜賊

軍鄉邑及家人殺之無罪

鄭司農云謂盜賊羣輩若軍共攻盜

鄉邑及家人者殺之無罪若今時無故入人室宅廬舍上人車船牽引人欲犯法者其時

格殺之無罪

凡報仇讎者書於士殺之無罪

謂同國不

相辟者將報之必先言之於士

若邦凶荒札喪寇戎之故則

令邦國都家縣鄙慮刑貶

故書慮為憲貶為寔杜子春云寔當

為禁憲謂幡書以明之

也謂當圖謀緩刑且減國用為民困也所貶

視時為多少之法

司民掌登萬民之數自生齒以上皆書於版

辨其國中與其都鄙及其郊野異其男女歲

登下其死生

登上也男八月女七月而生齒版今戶籍也下猶去也每歲更

著生去死

及三年大比以萬民之數詔司寇司寇

及孟冬祀司民之日獻其數于王王拜受之

登于天府內史司會冢宰貳之以贊王治

鄭司

農云文昌宮三能屬軒轅角相與爲體近文昌爲司命次司中次司祿次司民玄謂司民軒轅角也天府主祖廟之藏者贊佐也三官以貳佐王治者當以民多少黜陟主民之吏司刑掌五刑之灋以麗萬民之罪墨罪五百

劓罪五百宮罪五百剕罪五百殺罪五百

墨黥

也先刻其面以墨室之劓截其鼻也今東西夷或以墨劓爲俗古刑人亡逃者之世類與宮者丈夫則割其勢女子閉於宮中若今宦男女也剕斷足也周改臚作剕殺死刑也書傳曰決關梁踰城郭而略盜者其刑臚男女不以義交者其刑宮觸易君命革輿服制度

姦軌盜攘傷人者其刑劓非事而事之出入
不以道義而誦不詳之辭者其刑墨降畔寇
賊劫略奪攘橋虔者其刑死此二千五百罪
之目略也其刑書則亡夏刑大辟二百臙辟
三百宮辟五百劓墨各千周則變焉所謂刑
罰世輕世重者也鄭司農云漢孝文帝十三
年除肉刑若司寇斷獄弊訟則以五刑之灋詔刑

罰而以辨罪之輕重

詔刑罰者處其所應不如今律家所署法矣

司刺掌三刺三宥三赦之灋以贊司寇聽獄

訟

刺殺也訊而有罪則殺之宥寬也赦舍也

壹刺曰訊羣臣再刺

曰訊羣吏三刺曰訊萬民

言訊

壹宥曰不識再

宥曰過失三宥曰遺忘

鄭司農云不識謂愚民無所識則宥之過

失若今律過失殺人不坐死玄謂識審也不審若今仇讎當報甲見乙誠以為甲而殺之者過失若舉刃欲斫伐而軼中人者遺忘若間帷薄忘有在焉而以兵矢投射之壹

赦曰幼弱再赦曰老旻三赦曰蠢愚

蠢愚生而癡騃

童昏者鄭司農云幼弱老旻若今律今年以未滿八歲八十以上非手殺人他皆不坐

此三灋者求民情斷民中而施上服下服之

罪然後刑殺

上服殺與墨劓下服宮剕也司約職曰其不信者服墨刑凡行

刑必先規識所刑之處乃後行之

司約掌邦國及萬民之約劑治神之約爲上

治民之約次之治地之約次之治功之約次

之治器之約次之治摯之約次之

此六約者諸侯以下

至於民皆有焉劑謂券書也治者理其相抵

冒上下之差也神約謂命祀郊社羣望及所

祖宗也夔子不祀祝融楚人伐之民約謂征

稅遷移仇讎既和若懷宗九姓在晉殷民六

族七族在魯衛皆是也地約謂經界所至田

萊之比也功約謂王功國功之屬賞爵所及

也器約謂禮樂吉凶車服所得用凡大約劑

也摯約謂玉帛禽鳥相與往來也

書於宗彝小約劑書於丹圖

大約劑邦國約也書於宗廟之

六彝欲神監焉小約劑萬民約也丹圖未聞
或有彫器簠簋之屬有圖象者與春秋傳曰
斐豹隸也著於丹書今俗語有
鐵券丹書豈此舊典之遺言
若有訟者則

珥而辟藏其不信者服墨刑
鄭司農云謂有爭訟罪罰刑書

謬誤不正者為之開藏取本刑書以正之當開時先祭之玄謂訟訟約若宋仲幾薛宰者

也辟藏開府視約書不信不如約也珥讀曰珥謂殺雞取血釁其尸若大亂則

六官辟藏其不信者殺之
大亂謂僭約若吳楚之君晉文公請隧以

葬者六官辟藏明罪大也六官初受盟約之貳

司盟掌盟載之灋
載盟辭也盟者書其辭於策殺牲取血坎其牲加書

於上而埋之謂之載書春秋傳曰宋寺人惠
牆伊戾坎用牲加書爲世子痤與楚客盟

凡邦國有疑會同則掌其盟約之載及其禮

儀北面詔明神既盟則貳之有疑不協也明神神之明察者

謂日月山川也覲禮加方明于壇上所以依之也詔之者讀其載書以告之也貳之者寫

副當以盟萬民之犯命者詛其不信者亦如

授六官之盟詛者欲相與共惡之也犯命犯君教令

也不信違約者也春秋傳曰臧紇犯門斬

關以出乃盟臧氏又曰鄭伯使卒凡民之有
出殺行出犬雞以詛射潁考叔者
約劑者其貳在司盟貳之者檢其有獄訟者

則使之盟詛

不信則不敢聽此盟詛所以省獄訟

凡盟詛各以

其地域之衆庶共其牲而致焉既盟則爲司

盟共祈酒脯

使其邑閭出牲而來盟已又使出酒脯司盟爲之祈明神使不

信者必凶

職金掌凡金玉錫石丹青之戒令

青空青也

受其

入征者辨其物之媺惡與其數量楬而璽之

入其金錫于爲兵器之府入其玉石丹青于

守藏之府

爲兵器者攻金之工六也守藏者玉府內府也鄭司農云受其入征

者謂主受采金玉錫石丹青者之租稅也。揭而璽之者，揭書其數量以著其物也。璽者，印也。既揭書，掄其數量，又以印封之。入其要，要

數也。入之掌受士之金罰貨，罰入于司兵。治給

於大府。兵及工直也。貨，泉貝也。罰，旅于上帝則共其

罰贖也。書曰：金作贖刑。金版饗諸侯亦如之。版，銚金謂之版。此凡國有

大故而用金石則掌其令。主其取之令也。用金石者，作槍雷椎

惇之屬

司厲掌盜賊之任，器貨賄辨其物皆有數量。

賈而揭之入于司兵

鄭司農云任器貨賄謂盜賊所用傷人兵器及

所盜財物也入于司兵若今時傷殺其奴男

子入于罪隸女子入于舂槁

鄭司農云謂坐為盜賊而為奴

者輸於罪隸舂人槁人之官也由是觀之今之為奴婢古之罪人也故書曰予則奴戮女

論語曰箕子為之奴罪隸之奴也故春秋傳曰斐豹隸也著於丹書請焚丹書我殺督戎

耻為奴欲焚其籍也玄謂奴從坐而没入縣官者男女同名

凡有爵者與

七十者與未齒者皆不為奴

有爵謂命士以上也齒毀齒也

男八歲女七歲而毀齒

犬人掌犬牲凡祭祀共犬牲用牲物伏瘞亦

如之鄭司農云牲純也物色也伏謂伏犬以王車轢之瘞謂埋祭也爾雅曰祭地曰

瘞凡幾珥沈辜用駢可也故書駢作龍鄭司農云幾讀為廢爾

雅曰祭山曰廢縣祭川曰浮沈大宗伯職曰以埋沈祭山川林澤以罷辜祭四方百物龍

讀為駢謂不純色也玄謂幾讀為凡相犬牽

犬者屬焉掌其政治相謂視擇知其善惡

司圜掌收教罷民凡害人者弗使冠飾而加

明刑焉任之以事而收教之能改者上罪三

年而舍中罪二年而舍下罪一年而舍其不

能改而出圜土者殺雖出三年不齒

弗使冠飾者著

黑幪若古之象刑與舍釋之也鄭司農云罷民謂惡人不從化為百姓所患苦而未入五刑者也故曰凡害人者不使冠飾任之以事若今時罰作矣

凡圜土之刑

人也不虧體其罰人也不虧財

言其刑人但加以明刑罰

人但任之以事耳鄭司農云以此知其為民所苦而未入刑者也故大司寇職曰凡萬民之有罪過而未麗於法而害於州里者桎梏而坐諸嘉石役諸司空又曰以嘉石平罷民國語曰罷士無伍罷女無家言為惡無所容入也玄謂圜土所收教者過失害人已麗於

法者

掌囚掌守盜賊凡囚者上罪桎拳而桎中罪

桎桎下罪桎王之同族拳有爵者桎以待弊

罪凡囚者謂非盜賊自以他罪拘者也鄭司農云拳者兩手共一木也桎桎者兩手各

一木也玄謂在手曰桎在足曰桎中罪不拳手足各一木耳下罪又去桎王同族及命士

以上雖有上罪或拳或桎而已弊猶斷也及刑殺告刑于王奉而

適朝士加明桎以適士而刑殺之

告刑于王告王以今

日當行刑及所刑姓名也其死罪則曰某之罪在大辟其刑罪則曰某之罪在小辟奉而

適朝者重刑爲王欲有所赦且當以付士士鄉士也鄉士加明梏者謂書其姓名及其罪於梏而著之也囚時雖有無梏者至於刑殺皆設之以適市就衆也庶姓無爵者皆刑殺於市凡有爵者與王之同族奉而適甸師氏以

待刑殺

適甸師氏亦由朝乃往也待刑殺者掌戮將自市來也文王世子曰雖親

不以犯有司正術也所以體異姓也刑于隱者不與國人慮兄弟也

掌戮掌斬殺賊謀而搏之

斬以鈇鉞若今要斬也殺以刀刃若

今棄市也謀謂姦寇反間者賊與謀罪大者斬之小者殺之搏當爲搏諸城上之搏字之誤也搏謂去衣磔之凡殺其親者焚之殺王之親者辜

之親總服以內也焚燒也易曰焚如死如棄如辜之言枯也謂磔之凡殺人

者踣諸市肆之三日刑盜于市

踣僵尸也肆猶申也陳也

凡言刑盜罪惡莫大焉

凡罪之麗於灋者亦如之唯王

之同族與有爵者殺之于甸師氏

罪二千五百條上附

下附刑五而已於刑同科者其刑殺之一也

凡軍旅田役斬殺刑

戮亦如之

戮謂膊焚辜肆

墨者使守門

黥者無妨於禁御劓

者使守關

截鼻亦無妨以貌醜遠之

宮者使守內

以其人道絕也

今世則者使守囿

斷足驅衛禽獸無急行

髡者使守積

鄭司農云髡當作完謂但居作三年不虧體者也玄謂此出五刑之中而髡者必王之同族不宮者宮之為翦其類髡頭而已守積積在隱者宜也

司隸掌五隸之灋辨其物而掌其政令

五隸謂罪

隸四翟之隸也物衣服兵器之屬

帥其民而搏盜賊役國中

之辱事為百官積任器凡囚執人之事

民五隸之

民也鄭司農云百官所當任持之器物此官主為積聚之也玄謂任猶用也

邦有

祭祀賓客喪紀之事則役其煩辱之事

煩猶劇也

士喪禮下篇曰隸人涅廁

掌帥四翟之隸使之皆服其邦

之服執其邦之兵守王宮與野舍之厲禁

野舍

王行所止舍也厲遮例也

罪隸掌役百官府與凡有守者掌使令之小

事

役給其小役

凡封國若家牛助爲牽徬

鄭司農云凡封

國若家謂建諸侯立大夫家也牛助爲牽徬此官主爲送致之也玄謂牛助國以牛助轉徙也罪隸牽徬之在前日牽在旁日徬

其守王宮與其厲禁者

如蠻隸之事

蠻隸掌役校人養馬其在王宮者執其國之

兵以守王宮在野外則守厲禁

閩隸掌役畜養鳥而阜蕃教擾之掌子則取

隸焉

杜子春云子當爲祀立謂掌子者王立世子置臣使掌其家事而以閩隸役之

夷隸掌役牧人養牛馬與鳥言

鄭司農云夷狄之人或曉

鳥獸之言故春秋傳曰介葛盧聞牛鳴曰其是生三犧皆用矣是以貉隸職掌與獸言其

守王宮者與其守厲禁者如蠻隸之事

貉隸掌役服不氏而養獸而教擾之掌與獸

言

不言阜蕃者猛獸不可服又不生乳於圈檻也

其守王宮者與其

守厲禁者如蠻隸之事

周禮卷第九

經四千二百六十二字
注七千五百二十字

周禮卷第十

秋官司寇下

周禮

鄭氏注

布憲掌憲邦之刑禁正月之吉執旌節以宣
布于四方而憲邦之刑禁以詰四方邦國及

其都鄙達于四海

憲表也謂縣之也刑禁者國之五禁所以左右刑罰

者司寇正月布刑于天下正歲又縣其書于象魏布憲于司寇布刑則以旌節出宣令之於司寇縣書則亦縣之于門閭及都鄙邦國刑者王政所重故屢丁寧焉詰謹也使四方謹行之爾雅曰九夷八蠻六戎五狄謂之四海凡邦之大事合衆庶

則以刑禁號令

禁殺戮掌司斬殺戮者凡傷人見血而不以

告者攘獄者遏訟者以告而誅之

司猶察也察此四者

告於司寇罪之也斬殺戮謂吏民相斬相殺相戮者傷人見血見血乃為傷人耳鄭司農

云攘獄者距當獄者也遏訟者遏止欲訟者也玄謂攘猶卻也卻獄者言不受也

禁暴氏掌禁庶民之亂暴力正者撝誣犯禁

者作言語而不信者以告而誅之

民之好為侵陵稱詐

謾誕此三者亦刑所禁也力正以力強得正也

凡國聚眾庶則戮其

犯禁者以徇凡奚隸聚而出入者則司牧之

戮其犯禁者

奚隸女奴男奴也其聚出入有所使

野廬氏掌達國道路至于四畿

達謂巡行通之使不陷絕

也去王城五百里曰畿

比國郊及野之道路宿息井樹

比猶校也宿息廬之屬賓客所宿及晝止者也井共飲食樹爲蕃蔽

若有賓客

則令守涂地之人聚橐之有相翔者誅之

守涂

地之人道所出廬宿旁民也相翔猶昌翔觀伺者也鄭司農云聚橐之聚擊橐以宿衛之也有姦人相翔於賓客之側則誅之不得令寇盜賓客凡道路之舟車

擊互者敘而行之

舟車擊互謂於迫隘處也車有輾轆坻閣舟有砥柱

之屬其過之者使以次敘之

凡有節者及有爵者至則為

之辟

辟辟行人亦使守涂地者

禁野之橫行徑踰者

皆為防姦

也橫行妄由田中徑踰射邪趨疾越隄渠也

凡國之大事比脩除

道路者

比校治道者名若今次金敘大功

掌凡道禁

禁謂若今絕蒙

大巾持兵杖之屬

邦之大師則令埽道路且以幾禁

行作不時者不物者

不時謂不夙則莫者也

常人也幾禁之者備姦人內賊及反間

蜡氏掌除𦵏

曲禮四足死者曰漬故書𦵏作脊鄭司農云脊讀爲漬謂死人

骨也月令曰掩骼埋胔骨之尚有肉者也及禽獸之骨皆是

凡國之大祭

祀令州里除不蠲禁刑者任人及凶服者以

及郊野大師大賓客亦如之

蠲讀如吉圭惟饒之圭圭絜也

刑者黥劓之屬任人司圜所收教罷民也凶服服衰經也此所禁除者皆爲不欲見人所
也歲惡若有死於道路者則令埋而置楬焉書

其日月焉縣其衣服任器于有地之官以待

其人

有地之官主此地之吏也其人其家人也鄭司農云楬欲令其識取之今時楬

獮是也。有地之官有部掌凡國之鼬禁
禁謂孟春

掩骼埋
胔之屬

雍氏掌溝瀆澮池之禁。凡害於國稼者，春令

爲阱，獲溝瀆之利於民者，秋令塞阱。杜獲溝瀆

澮田間通水者也。池謂陂障之水道也。害於國稼謂水潦及禽獸也。阱，穿地爲塹，所以禦

禽獸。其或超踰則陷焉。世謂之陷阱。獲，柞鄂也。堅地阱淺，則設柞鄂於其中。秋而杜塞阱

獲，收刈之時爲其陷害人也。書柴誓曰：「殷禁乃獲，斂乃阱。」時秋也。伯禽以出師征徐戎，禁

山之爲苑澤之沈者，爲其就禽獸魚鼈自然之居而害之。鄭司農云：

不得擅為苑囿於山也澤之
沈者謂毒魚及水蟲之屬

萍氏掌國之水禁

水禁謂水中害人之處及入水捕魚蟹不時幾

酒

苛察沽買過多及非時者

謹酒

使民節用酒也書酒誥曰有政有事無夷酒

禁川游者

備波洋卒至沈溺也

司寤氏掌夜時

夜時謂夜晚早若今甲乙至戊

以星分夜以

詔夜士夜禁

夜士主行夜徼候者如今都候之屬

禦晨行者禁

宵行者夜遊者

亦禁也備其遭寇害及謀非公事禦謂遏止之無刑法也

晨先明也宵定昏也書曰宵中星虛春秋傳曰夜中星隕如雨

司烜氏掌以夫遂取明火於日以鑒取明水

於月以共祭祀之明盥明燭共明水夫遂陽遂也鑒

鏡屬取水者世謂之方諸取日之火月之水欲得陰陽之絜氣也明燭以照饌陳明水以

為玄酒鄭司農云夫發聲明凡邦之大事共盥謂以明水滌滌染盛黍稷

墳燭庭燎故書墳為蕢鄭司農云蕢燭麻燭也玄謂墳大也樹於門外曰大燭

於門內曰庭燎皆所以照眾為明中春以木鐸修火禁于國

中為季春將出火也火禁謂用火之處及備風燥軍旅修火禁邦若

屋誅則為明窳焉鄭司農云屋誅謂夷三族無親屬收葬者故為葬之

也三夫爲屋一家田爲一夫以此知三家也
玄謂屋讀如其刑剭之剭剭誅謂所殺不於
市而以適甸師氏者也明竈若今揭頭明
書其罪法也司烜掌明竈則罪人夜葬與

條狼氏掌執鞭以趨辟王出入則八人夾道

公則六人侯伯則四人子男則二人

趨辟趨而辟行

人若今卒辟車之爲也孔子曰富而可求雖執鞭之士吾亦爲之言士之賤也

凡誓

執鞭以趨於前且命之誓僕右曰殺誓馭曰

車轅誓大夫曰敢不關鞭五百誓師曰三百

誓邦之大史曰殺誓小史曰墨

前謂所誓衆之行前也有

司讀誓辭則大言其刑以警所誓也誓者謂出軍及將祭祀時也出軍之誓誓左右及馭則書之甘誓備矣郊特牲說祭祀之誓曰卜之日王立于澤親聽誓命受教諫之義也車輶謂車裂也師樂師也大史小史主禮事者鄭司農云誓大夫曰敢不關謂不關於君也玄謂大夫自受命以出則其餘事莫不復請

脩閭氏掌比國中宿互櫟者與其國粥而比

其追胥者而賞罰之

國中城中也粥養也國所游養謂羨卒也追逐

寇也胥讀爲偁故書互爲巨鄭司農云宿謂宿衛也巨當爲互謂行馬所以障互禁止人

也櫟謂行夜擊櫟

禁徑踰者與以兵革趨行者與馳

騁於國中者皆為其惑眾邦有故則令守其閭互

唯執節者不幾令者令其閭內之閭胥里宰之屬

冥氏掌設弧張弧張罍罍之屬為阱獲以攻

猛獸以靈鼓毆之靈鼓六面鼓毆之使驚趨阱獲若得其獸

則獻其皮革齒須備鄭司農云須直謂願下須備謂搔也

庶氏掌除毒蠱以攻說毒蠱禮之嘉草攻之蟲物

而病害人者賊律曰敢蠱人及教令者弃市攻說祈名祈其神求去之也嘉草藥物其狀

未聞攻之謂燠之鄭司農云禮除也玄謂此禮讀如潰癰之潰凡毆蠱則令

之比之

使爲之又校次之

穴氏掌攻蟄獸各以其物火之

蟄獸熊羆之屬冬藏者也

將攻之必先燒其所食之物於穴外以誘出之乃可得之以時獻其珍異

皮革

翼氏掌攻猛鳥各以其物爲媒而掎之

猛鳥鷹隼

之屬置其所食之物於絹中鳥來下則掎其腳以時獻其羽翮

柞氏掌攻草木及林麓

林人所養者山足曰麓

夏日至

令刊陽木而火之冬日至今剥陰木而水之

刊剝互言耳皆謂斫去次地之皮生山南爲陽木生山北爲陰木火之水之則使其肄不

生若欲其化也則春秋變其水火化猶生也謂時以種

穀也變其水火者乃所火則水凡攻木者掌

其政令除木有時

薙氏掌殺草春始生而萌之夏日至而夷之

秋繩而芟之冬至而耜之故書萌作豐杜子春云薨當爲

萌謂耕反其萌牙書亦或爲萌立謂萌之者以茲其斫其生者夷之以鈎鑣迫地芟之也

若今取芟矣含實曰繩芟其繩則若欲其化實不成熟耜之以耜測凍土刻之

也則以水火變之

謂以火燒其所芟萌之草已而水之則其土亦和美

矣月令季夏燒薶行水利以殺草如以熱湯是其一時著之

掌凡殺草之

政令

砮蕡氏掌覆夭鳥之巢

覆猶毀也夭鳥惡以鳴之鳥若鴉鵬

方書十日之號十有二辰之號十有二月之

號十有二歲之號二十有八星之號縣其巢

上則去之

方版也日謂從甲至癸辰謂從子至亥月謂從姤至荼歲謂從攝提

格至赤奮若星謂從角至軫夭鳥見此五者而去其詳未聞

翦氏掌除蠹物以攻崇攻之以莽草熏之物蠹

穿食人器物者蟲魚亦是也攻崇祈名莽草藥物殺蟲者以熏之則死故書蠹為橐杜子

春云橐凡庶蠱之事庶除毒蠱者蠱蠹之類或熏以莽草則去

赤友氏掌除牆屋以蜃炭攻之以灰洒毒之

洒灑也除牆屋者除蟲豸藏逃其中者蜃大蛤也擣其炭以坩之則走淳之以灑之則死

故書蜃為蜃鄭司農云凡隙屋除其狸蟲狸蟲

晨當為蜃書亦或為蜃蜃肌蜉之屬

蝮氏掌去鼃黽焚牡鞠以灰洒之則死牡鞠不

華者齊魯之間謂鼃為蝮
蝮與耿鼃尤怒鳴為聒人耳去之
以其煙

被之則凡水蟲無聲
杜子春云假令風從東方來則於水東面為煙

令煙西行
被之水上

壺涿氏掌除水蟲以炮土之鼓
毆之以焚石

投之
水蟲狐蟻之屬故書炮作泡杜子春讀炮為苞有苦葉之苞玄謂燔之炮之炮

炮土之鼓瓦鼓也
若欲殺其神則以牡槀午
焚石投之使驚去

貫象齒而沈之則其神死
淵為陵
神謂水神龍罔象故

書槀為梓午為五杜子春云梓當為槀
槀讀為枯枯榆木名書或為槀又云五貫當為午

貫

庭氏掌躬國中之天鳥若不見其鳥獸則以

救日之弓與救月之矢夜射之

不見鳥獸謂夜來鳴呼爲

怪者獸狐狼之屬鄭司農云救日之弓救月之矢謂日月食所作弓矢立謂日月之食陰

陽相勝之變也於日食則射大陽與若神也則以大陰

之弓與枉矢射之

神謂非鳥獸之聲若或出于宋大廟譁譁出出者大

陰之弓救月之弓枉矢救日之矢與不言救月之弓與救日之矢者互言之救日用枉矢

則救月以恒矢可知也

銜枚氏掌司詔

察詔謹者為其聒亂在朝者之言語

國之大祭

祀令禁無詔

令令主祭祀者

軍旅田役令銜枚

為其言語

以相誤

禁詔呼歎鳴于國中者行歌哭于國中

之道者

為其惑眾相感動鳴吟也

伊耆氏掌國之大祭祀共其杖咸

咸讀為函老臣雖杖

於朝事鬼神尚敬去之有司以此函藏之既事乃授之

軍旅授有爵者

杖

別吏卒且以扶尊者將軍杖鉞

共王之齒杖

王之所以賜老者之杖鄭

司農云謂年七十當以王命授杖者今時亦命之為王杖立謂王制曰五十杖於家六十

杖於鄉七十杖於國八十杖於朝

大行人掌大賓之禮及大客之儀以親諸侯

大賓要服以內諸侯大客謂其孤卿春朝諸侯而圖天下之事

秋覲以比邦國之功夏宗以陳天下之謨冬

遇以協諸侯之慮時會以發四方之禁殷同

以施天下之政

此六事者以王見諸侯爲文圖比陳協皆考績之言王者

春見諸侯則圖其事之可否秋見諸侯則比其功之高下夏見諸侯則陳其謀之是非冬見諸侯則合其慮之異同六服以其朝歲四時分來更迭如此而徧時會卽時見也無常

期諸侯有不順服者王將有征討之事則既朝王命爲壇於國外合諸侯而發禁命事焉禁謂九伐之法殷同卽殷見也王十二歲一巡守若不巡守則殷同殷同者六服盡朝旣朝王亦命爲壇於國外合諸侯而命其政政謂邦國之九法殷同四方四時分來歲終則徧矣九伐九法皆在司馬職司馬法曰春以禮朝諸侯圖同事夏以禮宗諸侯陳同謀秋以禮覲諸侯比同功冬以禮遇諸侯圖同慮時以禮會諸侯施同政殷以禮宗諸侯發同禁時聘以結諸侯之好殷覲以除邦國之慝

此二事者亦以王見諸侯之臣使來者爲文也時聘者亦無常期天子有事諸侯使大夫來聘親以禮見之禮而遣之所以結其恩好也天子無事則已殷覲謂一服朝之歲也慝

猶惡也一服朝之歲五服諸侯皆使卿以聘禮來覲天子天子以禮見之命以政禁之事

所以除閒問以諭諸侯之志歸賑以交諸侯其惡行

之福賀慶以贊諸侯之喜致禮以補諸侯之

裁

此四者王使臣於諸侯之禮也閒問者閒歲一問諸侯謂存省之屬諭諸侯之志者

諭言語諭書名其類也交或來或往者也贊助也致禮凶禮之弔禮禮也補諸侯裁者

若春秋澶淵之會謀歸宋財以九儀辨諸侯之命等諸臣

之爵以同邦國之禮而待其賓客

九儀謂命者五公侯

伯子男也爵者四孤卿大夫士也上公之禮執桓圭九寸纁

藉九寸冕服九章建常九旒樊纓九就貳車
九乘介九人禮九牢其朝位賓主之間九十
步立當車軹擯者五人廟中將幣三享王禮
再裸而酢饗禮九獻食禮九舉出入五積三
問三勞諸侯之禮執信圭七寸縑藉七寸冕
服七章建常七旒樊纓七就貳車七乘介七
人禮七牢朝位賓主之間七十步立當前疾
擯者四人廟中將幣三享王禮壹裸而酢饗

禮七獻食禮七舉出入四積再問再勞諸伯
執躬圭其他皆如諸侯之禮諸子執穀璧五
寸纁藉五寸冕服五章建常五旒樊纓五就
貳車五乘介五人禮五牢朝位賓主之間五
十步立當車衡擯者三人廟中將幣三享王
禮壹裸不酢饗禮五獻食禮五舉出入三積
壹問壹勞諸男執蒲璧其他皆如諸子之禮
纁藉以五采韋衣板若奠玉則以藉之冕服
著冕所服之衣也九章者自山龍以下七章

者自華蟲以下五章者自宗彝以下也常旌旗也旂其屬慘垂者也樊纓馬飾也以罽飾之每一處五采備爲一就就成也貳副也介輔己行禮者也禮大禮饗餼也三牲備爲一牢朝位謂大門外賓下車及王車出迎所立處也王始立大門內交擯三辭乃乘車而迎之齊僕爲之節上公立當軹侯伯立當疾子男立當衡王立當軫與廟受命祖之廟也饗設盛禮以飲賓也問問不恙也勞謂苦倦之也皆有禮以幣致之故書裸作果鄭司農云車軹軹也三享三獻也裸讀爲灌再灌再飲公也而酢報飲王也舉舉樂也出入五積謂饋之芻米也前疾謂駟馬車轅前胡下垂柱地者立謂三享皆束帛加璧庭實惟國所有朝士儀曰奉國地所出重物而獻之明臣職也朝先享不言朝者朝正禮不嫌有等也王

禮王以鬱鬯禮賓也鬱人職曰凡祭祀賓客之裸事和鬱鬯以實彝而陳之禮者使宗伯攝酌圭瓚而裸王既拜送爵又攝酌璋瓚而裸后又拜送爵是謂再裸再裸賓乃酢王也禮侯伯一裸而酢者裸賓賓酢王而已后不裸也禮子男一裸不酢者裸賓而已不酢王也不酢之禮聘禮禮賓是與九舉舉牲體九飯也出入謂從來訖去也每積有牢禮米禾芻薪凡數不同者皆降殺凡大國之孤執皮帛以繼小國

之君出入三積不問壹勞朝位當車前不交

擯廟中無相以酒禮之其他皆眡小國之君

此以君命來聘者也孤尊既聘享更自以其贄見執束帛而已豹皮表之爲飾繼小國之

君言次之也朝聘之禮每一國畢乃前不交
擯者不使介傳辭交于王之擯親自對擯者
也廟中無相介皆入門西上而立不前相禮
者聘之介是與以酒禮之酒謂齊酒也和之
不用鬱鬯耳其他謂貳車及介牢禮
賓主之間擯者將幣裸酢饗食之數凡諸侯
之卿其禮各下其君二等以下及其大夫士

皆如之

此亦以君命來聘者也所下其君者介與朝位賓主之間也其餘則自以

其爵聘義曰上公七介侯伯五介子男三介是謂使卿之聘之數也朝位則上公七十步侯伯五十步子男三十步與邦畿方千里其外方五百里

謂之侯服歲壹見其貢祀物又其外方五百

里謂之甸服二歲壹見其貢嬪物又其外方
五百里謂之男服三歲壹見其貢器物又其
外方五百里謂之采服四歲壹見其貢服物
又其外方五百里謂之衛服五歲壹見其貢
材物又其外方五百里謂之要服六歲壹見
其貢貨物

要服蠻服也此六服去王城三千
五百里相距方七千里公侯伯子

男封焉其朝貢之歲四方各四分趨四時而
來或朝春或宗夏或覲秋或遇冬祀貢者犧
牲之屬故書嬪作頻鄭司農云嬪物婦人所
爲物也爾雅曰嬪婦也玄謂嬪物絲枲也器

物尊彝之屬服物玄纁絺纈九州之外謂之

蕃國世壹見各以其所貴寶爲摯

九州之外夷服鎮服

蕃服也曲禮曰其在東夷北狄西戎南蠻雖大天子春秋傳曰杞伯也以夷禮故曰子然則九州之外其君皆子男也無朝貢之歲父死子立及嗣王卽位乃一來耳各以其所貴寶爲摯則蕃國之君無執玉瑞者是以謂其君爲小賓臣爲小客所貴寶見傳者若犬戎獻白狼白鹿是也其王之所以撫邦國諸侯餘則周書王會備焉

者歲徧存三歲徧覲五歲徧省七歲屬象胥諭言語協辭命九歲屬瞽史諭書名聽聲音

十有一歲達瑞節同度量成牢禮同數器修

灋則十有二歲王巡守殷國

撫猶安也存觀省者王使臣於

諸侯之禮所謂問問也歲者巡守之明歲以爲始也屬猶聚也自五歲之後遂間歲徧省也七歲省而召其象胥九歲省而召其瞽史皆聚於天子之宮教習之也故書協辭命作叶詞命鄭司農云象胥譯官也叶當爲汁詞當爲辭書或爲叶辭命玄謂胥讀爲誥王制曰五方之民言語不通者欲不同達其志通其慾東方曰寄南方曰象西方曰狄鞮北方曰譯此官正爲象者周始有越重譯而來獻是因通言語之官爲象胥云謂謂象之有才知者也辭命六辭之命也瞽樂師也史大史小史也書名書之字也古曰名聘禮曰百名

以上至十一歲又徧省焉度丈尺也量豆區
釜也數器銓衡也法入法也則八則也達同
成修皆謂齋其法式行至則齊等之也成平
也平其僭踰者也王巡守諸侯會者各以其
時之方書曰遂觀東后是也其凡諸侯之王
殷國則四方四時分來如平時

事辨其位正其等協其禮賓而見之

王事以王之

來也詩云莫敢不來王孟子曰諸侯有王若有大喪則詔相諸侯

之禮

詔相左右教告之也

若有四方之大事則受其幣

聽其辭

四方之大事謂國有兵寇諸侯來告急者禮動不虛皆有贄幣以崇敬也

受之以其事入告王也聘禮凡諸侯之邦交
日若有言則以束帛如享禮

歲相問也殷相聘也世相朝也

小聘曰問殷中也久無事

又於殷朝者及而相聘也父死子立曰世凡君卽位大國朝焉小國聘焉此皆所以習禮考義正刑一德以尊天子也必擇有道之國而就修之鄭司農說殷聘以春秋傳曰孟僖子如齊殷聘禮也

小行人掌邦國賓客之禮籍以待四方之使

者

禮籍名位尊卑之書使者諸侯之臣使來者也

令諸侯春入貢秋

獻功王親受之各以其國之籍禮之

貢六服所貢也

功考績之功也秋獻之若今計文書斷於九月其舊法

凡諸侯入王則

逆勞于畿

鄭司農云入王朝於王也故春秋傳曰宋公不王又曰諸侯有王王

有巡

及郊勞胝館將幣爲承而擯

視館致館也承猶丞

也王使勞賓於郊致館於賓至將幣使宗伯爲上擯皆爲之丞而擯之

凡四方

之使者大客則擯小客則受其幣而聽其辭

擯者擯而見之王使得親言也受其幣者受之以入告其所爲來之事

使適四

方協九儀賓客之禮朝覲宗遇會同君之禮

也存覲省聘問臣之禮也

適之也

達天下之

六節山國用虎節土國用人節澤國用龍節

皆以金爲之道路用旌節門關用符節都鄙

用管節皆以竹爲之

此謂邦國之節也達之者使之四方亦皆齎法

式以齊等之也諸侯使臣行覲聘則以金節授之以爲行道之信也虎人龍者自其國象也道路謂鄉遂大夫也都鄙者公之子弟及卿大夫之采地之吏也凡邦國之民遠出至他邦他邦之民若來入由國門者門人爲之節由關者關人爲之節其以徵令及家徙鄉遂大夫及采地吏爲之節皆使人執節將之以達之亦有期以反節管節如今之竹使符也其有商者通之以符節如門關門關者與市連事節可同也亦所以異於畿內也凡節有天子法

成六瑞王用璚圭公用桓圭侯用

信圭伯用躬圭子用穀璧男用蒲璧

成平也瑞信也

皆朝見所執以爲信

合六幣圭以馬璋以皮璧以帛琮

以錦琥以繡璜以黼此六物者以和諸侯之

好故

合同也六幣所以享也五等諸侯享天子用璧享后用琮其大各如其瑞皆有

庭實以馬若皮皮虎豹皮也用圭璋者二王之後也二王後尊故享用圭璋而特之禮器

日圭璋特義亦通於此其於諸侯亦用璧琮耳子男於諸侯則享用琥璜下其瑞也凡二

王後諸侯相享之玉大小各降其瑞一等及使卿大夫覲聘亦如之若國札喪

則令賻補之若國凶荒則令賙委之若國師

役則令槁禴之若國有福事則令慶賀之若

國有禍裁則令哀弔之凡此五物者治其事

故

故書賻作傅槁爲槁鄭司農云賻補之謂賻喪家補助其不足也若今時一室二尸

則官與之棺也槁當爲槁謂槁師也玄謂師

役者國有兵寇以匱病者也使鄰國合會財

貨以與之春秋定五年夏歸粟於蔡是及其

也宗伯職日以禴禮哀圍敗禍裁水火

萬民之利害爲一書其禮俗政事教治刑禁

之逆順爲一書其悖逆暴亂作慝猶犯令者

爲一書其札喪凶荒厄貧爲一書其康樂和

親安平爲一書凡此五物者每國辨異之以

反命于王以周知天下之故

慝惡也猶圖也

司儀掌九儀之賓客擯相之禮以詔儀容辭

令揖讓之節

出接賓曰擯入贊禮曰相以詔者以禮告王

將合諸

侯則令爲壇三成宮旁一門

合諸侯謂有事而會也爲壇于

國外以命事宮謂壇土以爲牆處所謂爲壇壇宮也天子春帥諸侯拜日於東郊則爲壇

於國東夏禮日於南郊則爲壇於國西冬禮月四

山川丘陵於西郊則爲壇於國北既拜禮而還加方

明於壇上而祀焉所以教尊尊也覲禮日諸

侯觀於天子爲宮方三百步四門壇十有二尋深四尺是也王巡守殷國而同則其爲宮亦如此與鄭司農云三成三重也爾雅曰丘一成爲敦丘再成爲陶丘三成爲昆侖丘謂三重詔王儀南鄉見諸侯土揖庶姓時揖異姓天揖同姓謂王既祀方明諸侯上介皆奉其君之旂置于宮乃詔王升壇諸侯皆就其旂而立諸公中階之前北面東上諸侯東階之東西面北上諸伯西階之西東面北上諸子門東北面東上諸男門西北面東上王揖之者定其位也庶姓無親者也土揖推手小下之也異姓昏姻也時揖平推手也衛將軍文子曰獨居思仁公言言義其聞詩也一日三復白圭之玷是南宮縚之行也夫子信其仁以爲異姓謂妻之也天揖推手小

舉及其擯之各以其禮公于上等侯伯于中

等子男于下等

謂執玉而前見於王也擯之各以其禮者謂擯公者五人

侯伯四人子男三人也上等中等下等者謂所奠玉處也壇三成深四尺則一等等一尺也

壇十有二尋方九十六尺則堂上二丈四尺每等丈二尺與諸侯各於其等奠玉降拜升

成拜明臣禮也既乃升堂授王王其將幣亦如之其禮亦如

之將幣享也禮謂以鬱鬯裸之也皆於其等之上王燕則諸侯毛

須髮坐也朝事尊尊上爵燕則親親上齒鄭司農云謂老者在上也老者二毛故曰毛

凡諸公相為賓謂相朝也主國五積三問皆三辭

拜受皆旅擯再勞三辭三揖登拜受拜送所賓

停止則積問闊則問行道則勞其禮皆使卿大夫致之從來至去數如此也三辭辭其以禮來於外也積問不言登受之於庭也鄭司農云旅讀爲旅於大山之旅謂九人傳辭相授於上下竟問賓從末上行介還受上傳之玄謂旅讀爲鴻臚之臚臚陳之也賓之介九人使者七人皆陳擯位不傳辭也賓之上介出請使者則前對位皆當其末擯焉三揖謂庭中時也拜送送使者主君郊勞交擯三辭車逆拜辱

三揖三辭拜受車送三還再拜

主君郊勞備三勞而親之

也鄭司農云交擯三辭謂賓主之擯者俱三辭也車逆主人以車迎賓於館也拜辱賓拜

謝辱也玄謂交擯者各陳九介使傳辭也車
逆拜辱者賓以主君親來乘車出舍門而迎
之若欲遠就之然見之則下拜迎謝其自屈
辱來也至去又出車若欲遠送然主君三還
辭之乃再拜送之也車送迎之節各以其等
則諸公九十步立當車軹也三辭重者先辭
辭其以禮來於致館亦如之館舍也使大夫
外後辭辭升堂授之君又以禮
親致致飧如致積之禮俱使大夫禮同也飧
食也小禮曰飧大禮
日饗及將幣交擯三辭車逆拜辱賓車進荅

拜三揖三讓每門止一相及廟唯上相入賓
三揖三讓登再拜授幣賓拜送幣每事如初

賓亦如之及出車送三請三進再拜賓三還

三辭告辟

鄭司農云交擯擯者交也賓車進答拜賓上車進主人乃答其拜也

及出車送三請主人三請留賓也三進進隨
賓也賓三還三辭告辟賓三還辭謝言已辟
去也玄謂既三辭主君則乘車出大門而迎
賓見之而下拜其辱賓車乃前下答拜也三
揖者相去九十步揖之使前也至而三讓讓
入門也相謂主君擯者及賓之介也謂之相
者於外傳辭耳入門當以禮詔侑也介紹而
傳命者君子於其所尊不敢質敬之至也每
門止一相彌相親也君入門介拂闌大夫中
棖與闌之間士介拂棖此爲介鴈行相隨也
止之者絕行在後耳賓三揖三讓讓升也登
再拜授幣授當爲受主人拜至且受玉也每

事如初謂享及有言也賓當為儗謂以鬱鬯
禮賓也上於下曰禮敵者曰儗禮器曰諸侯
相朝灌用鬱鬯無籩豆之薦謂此朝禮畢儗
賓也三請三進請賓就車也主君每一請車
一進欲遠送之也三還三辭
主君一請者賓亦一還一辭
致饗餼還圭饗

食致贈郊送皆如將幣之儀

此六禮者惟饗
食速賓耳其餘

主君親往親往者賓為主人主人為賓君如
有故不親饗食則使大夫以酬幣侑幣致之
鄭司農云還圭歸其玉也故公子重耳受餐
反璧玄謂聘以圭璋禮也享以璧琮財也已
聘而還圭璋輕財而重禮贈
送以財既贈又送至于郊
賓之拜禮拜饗

餼拜饗食

鄭司農云賓之拜禮者因言賓所
當拜者之禮也所當拜者拜饗餼

拜饗食玄謂賓將去就朝拜謝此三禮三禮
禮之重者也賓既拜主君乃至館贈之去又

送之郊賓繼主君皆如主國之禮鄭司農云賓
于郊

人之禮費也故曰皆如主國之禮玄謂繼主
君者儗主君也儗之者主君郊勞致館饗餼

還主贈郊送之時也如其禮者謂玉帛皮馬
也有饌陳之積者不如也若饗食主君及燕

亦速焉諸侯諸伯諸子諸男之相為賓也各以

其禮相待也如諸公之儀賓主相待之儀與

食之禮則諸公之臣相為國客謂相則三積

有降殺侯伯之臣不致積及大夫郊勞

皆三辭拜受受者受之於庭也

侯伯之臣不致積

旅擯三辭拜辱三讓登聽命下拜登受賓使

者如初之儀及退拜送

登聽命賓登堂也賓當為僨勞用束帛僨

用束錦侯伯之臣受勞於庭

致館如初之儀

如郊勞也不僨耳侯伯之

臣致館于庭不言致餐者君於聘大夫不致餐也聘禮曰餐不致賓不拜

及將幣

旅擯三辭拜逆客辟三揖每門止一相及廟

唯君相入三讓客登拜客三辟授幣下出每

事如初之儀

客辟逡巡不荅拜也唯君相入客臣也相不入矣拜主君拜客

至也客三辟三退負序也每事享及有言及禮私面私獻皆再拜

稽首君荅拜

禮以醴禮客私面私覲也既覲則或有私獻者鄭司農說私面

以春秋傳曰楚公子弃疾見鄭伯以其良馬私面

出及中門之外問

君客再拜對君拜客辟而對君問大夫客對

君勞客客再拜稽首君荅拜客趨辟

中門之外即大

門之內也問君曰君不恙乎對曰使臣之來寡君命臣于庭問大夫曰二三子不恙乎對曰寡君命使臣于庭二三子皆在勞客曰道路悠遠客甚勞勞介則曰二三子甚勞問君客再拜對者為敬慎也致饗食餼如勞之禮饗食還圭如

將幣之儀

饗食亦謂君不親而使大夫以幣致之

君館客客辟

介受命遂送客從拜辱于朝

君館客者客將去就省之盡殷

勤也遂送君拜以送客

明日客拜禮賜遂行如入之積

禮賜謂乘禽君之加惠也如入之積則三積從來至去

凡侯伯子男之

臣以其國之爵相爲客而相禮其儀亦如之

爵卿也大

凡四方之賓客禮儀辭命餼牢賜

獻以二等從其爵而上下之

上下猶豐殺也

凡賓客

送逆同禮

謂郊勞郊送之屬

凡諸侯之交各稱其邦

而爲之幣以其幣爲之禮

幣享幣也於大國則豐於小國則殺

主國禮之如其豐殺謂賄用束紡禮用玉帛乘皮及贈之屬

凡行人之儀

不朝不夕不正其主面亦不背客

謂擯相傳辭時也不

正東鄉不正西鄉常視賓主之前卻得兩鄉之而已

行夫掌邦國傳遽之小事媿惡而無禮者凡

其使也必以旌節雖道有難而不時必達

傳遽

若今時乘傳騎驛而使者也美福慶也惡喪荒也此事之小者無禮行夫主使之道有難謂遭疾病他故不以時至也必達王命不可廢也其大者有禮大小行人使之有故則介傳命不達嫌不達居於其國則掌行人之勞辱事焉使

則介之

使謂大小行人也故書曰夷使鄭司農云夷使使於四夷則行夫主爲之

介玄謂

夷發聲

環人掌送逆邦國之通賓客以路節達諸四

方

通賓客以常事往來者也路節旌節也四方圻上

舍則授館令聚

橐有任器則令環之

令令野廬氏也鄭司農云四方人有任器者則

環人主令

凡門關無幾送逆及疆

鄭司農云門關不得

苛留環人也玄謂環人送逆之則賓客出入不見幾

象胥掌蠻夷閩貉戎狄之國使掌傳王之言

而諭說焉以和親之

謂蕃國之臣來覲聘者

若以時入

賓則協其禮與其辭言傳之

以時入賓謂其君以世一見來

朝為賓者

凡其出入送逆之禮節幣帛辭令而賓

相之

從來至去皆為擯而詔脩其禮儀

凡國之大喪詔相國

客之禮儀而正其位

客謂諸侯使臣來弔者

凡軍旅會

同受國客幣而賓禮之

謂諸侯以王有軍旅之事使臣奉幣來問

凡作事王之大事諸侯次事卿次事大夫次

事上士下事庶子

作使也鄭司農云王之大事諸侯使諸侯執大事也

次事卿使卿執其次事也次事使大夫次事使上士下事使庶子

掌客掌四方賓客之牢禮餼獻飲食之等數

與其政治

政治邦新殺禮之屬

王合諸侯而饗禮則具

十有二牢庶具百物備諸侯長十有再獻

饗諸

侯而用王禮之數者以公侯伯子男盡在是兼饗之莫敵用也諸侯長九命作伯者也獻

公侯以下如其命數

王巡守殷國則國君膳以牲犢令

百官百姓皆具從者三公眡上公之禮卿眡

侯伯之禮大夫眡子男之禮士眡諸侯之卿

禮庶子壹眡其大夫之禮

國君者王所過之國君也犢繭栗之

犢也以膳天子貴誠也牲孕天子不食也祭帝不用也凡賓客則皆角尺令者掌客令主

國也百牲皆具言無有不具備

凡諸侯之禮上公五積皆眡

飧牽三問皆脩羣介行人宰史皆有牢飧五

牢食四十簠十豆四十鉶四十有二壺四十

鼎簋十有二牲三十有六皆陳饗餼九牢其

死牢如飧之陳牽四牢米百有二十筥醯醢

百有二十甕車皆陳車米眡生牢牢十車車

秉有五簋車禾眡死牢牢十車車三秬芻薪
倍禾皆陳乘禽日九十雙殷膳大牢以及歸
三饗三食三燕若弗酌則以幣致之凡介行
人宰史皆有飧饗餼以其爵等爲之牢禮之
陳數唯上介有禽獻夫人致禮八壺八豆八
籩膳大牢致饗大牢食大牢卿皆見以羔膳
大牢侯伯四積皆眡飧牽再問皆脩飧四牢
食三十有二簠八豆三十有二鉶二十有八

壺三十有二鼎簋十有二腥二十有七皆陳
饔餼七牢其死牢如飧之陳牽三牢米百筥
醯醢百甕皆陳米三十車禾四十車芻薪倍
禾皆陳乘禽日七十雙殷膳大牢三饗再食
再燕凡介行人宰史皆有飧饔餼以其爵等
爲之禮唯上介有禽獻夫人致禮八壺八豆
八簋膳大牢致饗大牢卿皆見以羔膳特牛
子男三積皆胝飧牽壹問以脩飧三牢食二

十有四簠六豆二十有四鉶十有八壺二十
有四鼎簋十有二牲十有八皆陳饔餼五牢
其死牢如飧之陳牽二牢米八十筥醯醢八
十甕皆陳米二十車禾三十車芻薪倍禾皆
陳乘禽日五十雙壹饗壹食壹燕凡介行人
宰史皆有飧饔餼以其爵等爲之禮唯上介
有禽獻夫人致禮六壺六豆六簋膳眡致饗
親見卿皆膳特牛

積皆視飧牽謂所共如飧而牽牲以往不殺也不殺

則無鉶鼎簠簋之實其米實于筐豆實實于
甕其設筐陳于楹內甕陳于楹外牢陳于門
西車米禾芻薪陳于門外壺之有無未聞三
問皆脩脩脯也上公三問皆脩下句云羣介
行人宰史皆有牢君用脩而臣有牢非禮也
蓋著脫字失處且誤耳飧客始至致小禮也
公侯伯子男飧皆飧一牢其餘牢則腥食者
其庶羞美可食者也其設蓋陳于楹外東西
不過四列簠稻粱器也公十簠堂上六西夾
東夾各二也侯伯八簠堂上四西夾東夾各
二子男六簠堂上二西夾東夾各二豆菹醢
器也公四十豆堂上十六西夾東夾各十二
侯伯三十二豆堂上十二西夾東夾各十子
男二十四豆堂上十二西夾東夾各六禮器
曰天子之豆二十有六諸公十有六諸侯十
有二上大夫八下大夫六以聘禮差之則堂

上之數與此同鉶羹器也公鉶四十二侯伯
 二十八子男十八非衰差也二十八書或爲
 二十四亦非也其於衰公又當三十於言又
 爲無施禮之大數鉶少於豆推其衰公鉶四
 十二宜爲三十八蓋近之矣則公鉶堂上十
 八西夾東夾各十侯伯堂上十二西夾東夾
 各八子男堂上十西夾東夾各四壺酒器也
 其設於堂夾如豆之數鼎牲器也簋黍稷器
 也鼎十有二者鉶一牢正鼎九與陪鼎三皆
 設于西階前簋十二者堂上八西夾東夾各
 二合言鼎簋者牲與黍稷俱食之主也牲當
 爲腥聲之誤也腥謂腥鼎也於侯伯云腥二
 十有七其故腥字也諸侯禮盛腥鼎有鮮魚
 鮮腊每牢皆九爲列設于阼階前公腥鼎三
 十六腥四牢也侯伯腥鼎二十七腥三牢也
 子男腥鼎十八腥二牢也皆陳陳列也饗門

內之實備于是矣亦有車米禾芻薪公飧五
牢米二十車禾三十車侯伯四牢米禾皆二
十車子男三牢米十車禾二十車芻薪皆倍
其禾饗餼既相見致大禮也大者既兼食積
有生有腥有孰餘又多也死牢如飧之陳亦
飧一牢在西餘腥在東也牽生牢也陳于門
西如積也米橫陳于中庭十爲列每筥半斛
公侯伯子男黍梁稻皆二行公稷六行侯伯
稷四行子男二行醯醢夾碑從陳亦十爲列
醢在碑東醢在碑西皆陳于門內者於公門
內之陳也言車者衍字耳車米載米之車也
聘禮曰十斗曰斛十六斗曰簋十簋曰秉每
車秉有五簋則二十四斛也禾稾實并刈者
也聘禮曰四秉曰筥十筥曰稷十稷曰秬每
車三秬則三十稷也稷猶束也米禾之秉筥
字同數異禾之秉手把耳筥讀爲棟杞之杞

謂一齊也皆陳橫陳門外者也米在門東禾在門西芻薪雖取數于禾薪從米芻從禾也乘禽乘行羣處之禽謂雉鴈之屬於禮以雙爲數殷中也中又致膳示念賓也若弗酌謂君有故不親饗食燕也不饗則以酬幣致之不食則以侑幣致之凡介行人宰史衆臣從賓者也行人主禮宰主具史主書皆有飧饗餼尊其君以及其臣也以其爵等爲之牢禮之數陳爵卿也則飧二牢饗餼五牢大夫也則飧大牢饗餼三牢士也則飧少牢饗餼大牢也此降小禮豐大禮也以命數則參差難等略於臣用爵而已夫人致禮助君養賓也籩豆陳于戶東壺陳于東序凡夫人之禮皆使下大夫致之於子男云膳視致饗言夫人致膳於小國君以致饗之禮則是不復饗也饗有壺酒卿皆見者見于賓也既見之又膳

之亦所以助君養賓也卿見又膳此聘禮卿
大夫勞賓餼賓之類與於子男云親見卿皆
膳特牛見讀如卿皆見之見言卿於小國之
君有不故造館見者故造館見者乃致膳鄭
司農說牽云牲可牽行者也故春秋傳
日餼牽竭矣耗讀為耗秭麻荅之耗凡諸

侯之卿大夫士為國客則如其介之禮以待

之言其特來聘問待之禮如其為介時凡禮
也然則聘禮凡所以禮賓是亦禮介

賓客國新殺禮凶荒殺禮札喪殺禮禍裁殺

禮在野在外殺禮

皆為國省用愛費也國新
新建國也凶荒無年也禍

裁新有兵
寇水火也

凡賓客死致禮以喪用

死則主人
為之具而

殯矣喪用者饋奠之物

賓客有喪唯芻稍之受

不受饗食

加也喪謂父母死也客則又有君焉芻給牛馬稍人稟也其正禮飧饗餼主人致之則受

遭主國之喪不受饗食受牲禮

牲亦當為腥聲之誤也有

喪不忍煎亨正禮飧饗餼當孰者腥致之也

掌訝掌邦國之等籍以待賓客

等九儀之差數

若將

有國賓客至則戒官修委積與士逆賓于疆

為前驅而入

官謂牛人羊人舍人委人之屬士訝士也既戒乃出迎賓

及

宿則令聚櫟

令令野廬氏

及委則致積

以王命致于賓

至

于國賓入館次于舍門外待事于客

次如官府門

外更衣處待事于客通其所求索

及將幣為前驅

道之以至如朝

于朝詔其位入復及退亦如之

鄭司農云詔其位告客以

其位處也入復客入則掌訝出復其故位也客退復入迎為之前驅至于館也玄謂入復

者入告王以客至也退亦如之如其為前驅

凡賓客之治令訝訝

治之

賓客之治謂欲正其貢賦理國事也以告訝訝為如朝而理之

凡從者

出則使人道之

從者凡介以下也人其屬胥徒也使道賓客之從者營護

之及歸送亦如之

如之者送至於竟如其前驅聚櫟待事之屬凡

賓客諸侯有卿訝卿有大夫訝大夫有士訝

士皆有訝

此謂朝覲聘問之日王所使迎賓客于館之訝

凡訝者賓

客至而往詔相其事而掌其治令

掌交掌以節與幣巡邦國之諸侯及其萬民

之所聚者道王之德意志慮使咸知王之好

惡辟行之

節以爲行信幣以見諸侯也咸皆也辟讀如辟忌之辟使皆知王之

所好者而行之知王所惡者辟而不爲

使和諸侯之好

有欲相與修好

者則爲和合之達萬民之說

說所喜也達者達掌邦

國之通事而結其交好

通事謂朝覲聘問也

以諭九稅

之利九禮之親九牧之維九禁之難九戎之

威

諭告曉也九稅所稅民九職也九禮九儀之禮九牧九州之牧九禁九法之禁九戎

九伐之戎

掌察

闕

掌貨賄

闕

朝大夫掌都家之國治

都家王子弟公卿及大夫之采地也主其

國治者平理其來文書於朝者

日朝以聽國事故以告其君

長

國事故天子之事當施於都家者也告其君長使知而行之也君謂其國君長其卿

大夫也

國有政令則令其朝大夫

使以告其凡都家之吏

都家之治於國者必因其朝大夫然後聽之

唯大事弗因

謂以小事文書來者朝大夫先平理之乃以告有司也大事者

非朝大夫所能平理

凡都家之治有不及者則誅其朝

大夫

不及謂有稽殿之

在軍旅則誅其有司

有司都司馬家

司馬

都則


闕


都士闕

家士闕


周禮卷第十

經三千九百八十七字
注八千七百三十二字










周禮卷第十一

冬官考工記第六 周禮

鄭氏注



國有六職百工與居一焉

百工司空事官之屬於天地四時之

職亦處其一也司空掌營城郭建都邑立社稷宗廟造宮室車服器械監百工者唐虞已

上曰共工或坐而論道或作而行之或審曲面勢

以飭五材以辨民器或通四方之珍異以資

之或飭力以長地財或治絲麻以成之

言人德能

事業之不同者也論道謂謀慮治國之政令也作起也辨猶具也資取也操也鄭司農云

審曲面執審察五材曲直方面形執之宜以
治之及陰陽之面背是也春秋傳曰天生五
材民並用之謂金木水火土也故書資作齊
杜子春云齊當爲資讀如冬資絺之資玄謂
此五材金木皮王土坐而論道謂之王公天子諸侯作而

之謂之士大夫

親受其職居其官也

審曲面執以飭五

材以辨民器謂之百工

五材各有工言百衆言之也

通四

方之珍異以資之謂之商旅

商旅販賣之客也易曰至日商

旅不行

飭力以長地財謂之農夫

三農受治絲夫田也

麻以成之謂之婦功

布帛婦官之事

粵無錡燕無函

秦無廬胡無弓車

此四國者不置是工也鑄田器詩云待乃錢鑄又曰

其鑄斯掇鄭司農云函讀如國君含垢之含函鎧也孟子曰矢人豈不仁於函人哉矢人

唯恐不傷人函人唯恐傷人廬讀爲廬謂矛戟柄竹櫟秘或曰摩鋸之器胡今匈奴

之無鑄也非無鑄也夫人而能爲鑄也燕之

無函也非無函也夫人而能爲函也秦之無

廬也非無廬也夫人而能爲廬也胡之無弓

車也非無弓車也夫人而能爲弓車也

言其丈夫

人人皆能作是器不須國工粵地塗泥多草歲而山出金錫鑄冶之業田器尤多燕近強

胡習作甲冑秦多細木善作矜秘匈奴無知屋宅田獵畜牧逐水草而居皆知為弓車知

者創物

謂始闢端造器物若世本作者是也

巧者述之守之世

謂之工

父子世以相教

百工之事皆聖人之作也

無事

非聖人所為也

燠金以為刃凝土以為器作車以行

陸作舟以行水此皆聖人之所作也

凝堅也故書舟

作周鄭司農云周當為舟

天有時地有氣材有美工有巧

合此四者然後可以為良

時寒溫也氣剛柔也良善也

材

美工巧然而不良則不時不得地氣也

不時不得

時天橘踰淮而北爲枳鸚鵡鸚鵡鳥也春秋昭二十五年不踰濟貉踰汶則

死此地氣然也

有鸚鵡來巢傳曰書所無也

鄭司農云不踰濟無妨於中國有之貉鄭之

刀宋之斤魯之削吳粵之劍遷乎其地而弗

能爲良地氣然也

去此地而作之則不能使良也

燕之角荆

之幹妨胡之筭吳粵之金錫此材之美者也

荆荆州也幹柘也可以爲弓弩之幹妨胡胡子之國在楚旁筭矢幹也禹貢荆州貢樛幹枯柏及筭路枯故書筭爲筍杜子春云妨讀爲焚咸丘之焚書或爲邠妨胡地名也筍當

爲寄寄讀爲
豪謂箭豪

天有時以生有時以殺草木有

時以生有時以死石有時以泐水有時以凝

有時以澤此天時也

言百工之事當審其時也鄭司農云泐讀如再

勑而後卦之勑泐謂石解散也夏時盛暑大熱則然

凡攻木之工七攻

金之工六攻皮之工五設色之工五刮摩之

工五搏埴之工二

攻猶治也搏之言拍也埴黏土也故書七爲十刮作

掞鄭司農云十當爲七掞摩之工謂玉工也掞讀爲刮其事亦是也

攻木之工

輪輿弓廬匠車梓攻金之工築冶鳧桌段桃

攻皮之工函鮑鞞韋裘設色之工畫績鍾筐

慌刮摩之工玉柳雕矢磬搏埴之工陶斲官事

之屬六十此識其五材三十工略記其事耳其曰某人者以其事名官也其曰某氏者官

有世功若族有世業以氏名官者也廬矛戟矜秘也國語曰侏儒扶盧梓榎屬也故書雕

或爲舟鄭司農云輪輿弓廬匠車梓此七者攻木之工官別名也孟子曰梓匠輪輿鮑讀

爲鮑魚之鮑書或爲鞞蒼頡篇有鞞莞鞞讀爲歷運之運慌讀爲芒芒禹迹之芒柳讀如

巾櫛之櫛旃讀爲甫始之甫埴書或爲植杜子春云雕或爲舟者非也玄謂旃讀如放於

此乎有虞氏上陶夏后氏上匠殷人上梓周

人上輿

官各有所尊王者相變也舜至質貴陶器無大瓦棺是也禹治洪水民降

丘宅土卑宮室盡力乎溝洫而尊匠湯放桀疾禮樂之壞而尊梓武王誅紂疾上下失其

服飾而尊輿

故一器而工聚焉者車爲多

周所車

有六等之數

車有天地之象人在其中焉車六等之數法易之三材六畫

軫四尺謂之一等戈秘六尺有六寸旣建而

迪崇於軫四尺謂之二等人長八尺崇於戈

四尺謂之三等及長尋有四尺崇於人四尺

謂之四等車戟常崇於及四尺謂之五等酋

矛常有四尺崇於戟四尺謂之六等

此所謂兵車也

軫輿後橫木崇高也八尺曰尋倍尋曰常又長丈二戈及戟矛皆插車轡鄭司農云迪讀

為倚移從風之移謂著戈於車邪倚也酉發聲直謂矛

車謂之六等之

數

申言數也

凡察車之道必自載於地者始也是

故察車自輪始

先視輪也自從也

凡察車之道欲其

樸屬而微至不樸屬無以為完久也不微至

無以為戚速也

樸屬猶附著堅固貌也齊人有名疾為戚者春秋傳曰蓋

以操之為已戚矣速疾也書或作數鄭司農云樸讀如子南僕之僕微至謂輪至地者少

言其圜甚著地者微耳著地者微則易轉故不微至無以爲戚數輪已崇則

人不能登也輪已庳則於馬終古登阨也大已

也甚也崇高也齊人之言終古猶言常也阨阪也輪庳則難引故兵車之輪

六尺有六寸田車之輪六尺有三寸乘車之

輪六尺有六寸此以馬大小爲節也兵車革路也田車木路也乘車玉路

金路象路也兵車乘車六尺有六寸之輪軹駕國馬田車駕田馬

崇三尺有三寸也加軫與轡焉四尺也人長

八尺登下以爲節此車之高者也軫輿也鄭司農云軹車也轡讀爲旃

僕之僕謂伏兔也玄謂軹轂末也此軫與轆并七寸田車又宜減焉乘車之軌廣取數於此軌廣八尺旁出輿亦七寸也

輪人爲輪斬三材必以其時

三材所以爲轂輻牙也斬之以

時材在陽則中冬斬之在陰則中夏斬之今世轂用雜榆輻以檀牙以檀也三材

既具巧者和之

調其鑿內而合之

轂也者以爲利轉

也輻也者以爲直指也牙也者以爲固抱也

利轉者轂以無有爲用也鄭司農云牙讀如跛者訝跛者之訝謂輪輹也世間或謂之罔

書或輪敝三材不失職謂之完

敝盡而轂望輻牙不動

而眡其輪欲其幘爾而下也進而眡之欲

其微至也無所取之取諸圜也

輪謂牙也幘均致貌也進

猶行也微至至地者少也非有他也圜使之然也鄭司農云微至書或作危至故書圜或

作負當爲圜

望其輻欲其掣爾而纖也進而眡之

欲其肉稱也無所取之取諸易直也

掣纖殺小貌也

肉稱弘殺好也鄭司農云掣讀爲紛容掣參之掣立謂如桑螵蛸之蛸

望其轂

之取諸急也

眼出大貌也幘慢轂之革也革急則裏木廉隅見鄭司農云眼

讀如限切之限也眊其綆欲其蚤之正也蚤當為爪謂

也鄭司農云綆讀為關東言餅之餅察其菑

蚤不齟則輪雖敝不匡菑謂輻入轂中者也

輪敝盡不匡刺也鄭司農云菑讀如雜廁之

廁謂建輻也泰山平原所樹立物為菑聲如

戴博立梟基亦為菑匡枉也凡斬轂之道必矩其陰陽謂矩

刻識之也故書矩為距鄭陽也者稹理而堅

陰也者疏理而柔是故以火養其陰而齊諸

其陽則轂雖敝不欹稹致也火養其陰炙堅

奠祭之奠歆當作稊玄謂歆歆
暴陰柔後必撓減幬革暴起
穀小而長則

柞大而短則摯

鄭司農云柞讀為迫喈之喈謂輻間柞狹也摯讀為桀謂

輻危桀也玄謂小而長則是故六分其輪崇

以其一為之牙圍

六尺六寸之輪參分其牙

圍而漆其二

不漆其踐地者也漆者七寸三分寸之一不漆者三寸三分寸

之二令牙厚一寸三分寸之二攄其漆內而

中誦之以為之轂長以其長為之圍

六尺六寸之輪

漆內六尺四寸是為轂長三尺二寸圍徑一尺三分寸之二也鄭司農云攄者度兩漆之

內相距之尺寸也

以其圍之防捎其藪

捎除也防三分之一也鄭

司農云捎讀為桑螵蛸之蛸藪讀為蜂藪之藪謂藪空壺中也玄謂此藪徑三寸九分寸之五壺中當幅菑者也蜂藪者猶言趨也藪者衆輻之所趨也五分其藪之

長去一以為賢去三以為軹

鄭司農云賢大穿也軹小穿也

玄謂此大穿徑八寸十五分寸之八小穿徑四寸十五分寸之四大穿甚大似誤矣大穿實五分藪長去二也去二則得六寸五分寸之二凡大小穿皆謂金也今大小穿金厚一寸則大穿穿內徑四寸五分寸之二小穿穿內徑二寸十五分寸之四如是乃與藪相稱也
容藪必直陳篆必正施膠必厚施筋必數

帑必負幹

鄭司農云讀容上屬曰軹容玄謂容者治轂爲之形容也篆轂約也

帑負幹者革轂相應無贏不足既摩革色青白謂之轂之善

謂丸漆之乾而以石摩平參分其轂長二在

外一在內以置其輻

轂長三尺二寸者令輻廣三寸半則輻內九寸

半輻外一尺九寸

凡輻量其鑿深以爲輻廣

廣深相應則固

足相任也

輻廣而鑿淺則是以大抗雖有良工莫

之能固

抗搖動貌

鑿深而輻小則是固有餘而強

不足也

言輻弱不勝轂之所任也

故竝其輻廣以爲之弱

則雖有重任轂不折

言力相稱也弱菑也今人謂蒲本在水中者為

弱是其類也鄭司農云

讀如絃綖之絃謂度之參分其輻之長而

殺其一則雖有深泥亦弗之濂也

殺衰小之也鄭司農

云濂讀為黏謂泥不黏著輻也

參分其股圍去一以為骹圍

謂殺輻之數也鄭司農云股謂近轂者也骹謂近牙者也方言股以喻其豐故言骹以喻

其細人脰近足者細於股揉輻必齊平沈必

均揉謂以火槁之衆輻之直齊如一也平沈平漸也鄭司農云平沈謂浮之水上無輕

重直以指牙牙得則無槩而固

得謂倨句鑿內相應也鄭

司農云槩也蜀人言槩曰槩
玄謂槩讀如涅從木熱省聲
不得則有槩

必足見也
雖得猶有槩但小耳
六尺有六

寸之輪綆參分寸之二謂之輪之固
輪輦則車行不

掉也參分寸之二者
出於輻股鑿之數也
凡為輪行澤者欲杼行

山者欲侔
杼謂削薄其踐
杼以行澤則是刀

以割塗也是故塗不附
附著
侔以行山則是

搏以行石也是故輪雖敝不類於鑿
搏園厚也鄭司

農云不類於鑿謂不動於鑿中也
玄謂類亦敝也以輪之厚石雖齧之不能敝其鑿旁使

動之凡揉牙外不廉而內不挫旁不腫謂之用

火之善廉絕也挫折也是故規之以眡其圓也

輪中規則圓矣萬之以眡其匡也等為萬菱以運輪上輪中萬菱則不

匡刺也故書萬作禹鄭司農云讀為萬書或作矩縣之以眡其輻之

直也輪輻三十上下相直從旁以水之以眡繩縣之中繩則鑿正輻直矣

其平沈之均也平漸其輪無輕重則斲材均矣量其藪以黍

以眡其同也黍滑而齊以量兩權之以眡其壺無贏不足則同

輕重之侔也侔等也稱兩輪鈞石同則等矣輪有輕重則引之有難易故

可規可萬可水可縣可量可權也謂之國工

國之名工

輪人為蓋達常圍三寸

圍三寸徑一寸也鄭司農云達常蓋斗柄

下入中也

桎圍倍之六寸

圍六寸徑二寸足以舍達常鄭司農云桎

蓋杠也讀如丹桓宮楹之楹

信其桎圍以為部廣部廣六

寸

廣謂徑也鄭司農云部蓋斗也

部長二尺

謂斗柄達常也桎長倍

之四尺者二

杠長八尺謂達常以下也加達常二尺則蓋高一丈立乘也

十分寸之一謂之枚

為下起數也枚一分故書十與上二合為二十

字杜子春云當為四部尊一枚尊高也蓋斗尺者二十分寸之一

也分弓鑿廣四枚鑿上二枚鑿下四枚弓蓋橈也廣大

也是為部鑿深二寸有半下直二枚鑿端一厚一寸

枚鑿深對為五寸是以不傷達常也下直二枚者鑿空下正而上低二分也其弓菑則

橈之平剡其下二分而內之欲令弓長六尺蓋之尊終平不蒙橈也端內題也

謂之庇軹五尺謂之庇輪四尺謂之庇軫庇覆

也故書庇作秘杜子春云秘當為庇謂覆幹也玄謂軹轂末也輿廣六尺六寸兩轂并六

尺四寸旁減軌內七寸則兩軹之廣凡丈一尺六寸也六尺之弓倍之加部廣凡丈二尺

六寸有宇曲之減參分弓長而揉其一參分

可覆軹不及幹長橈短短者近部而平長者為宇曲參分其

也六尺之弓近部二尺四尺為宇曲股圍去一以為蚤圍蚤當為爪以弓鑿之廣

圍一寸十五參分弓長以其一為之尊尊高

分寸之一尺之弓上近部平者二尺爪末下於部二尺

二尺為句四尺為弦求其股股十二除之面三尺幾上欲尊而宇欲卑上近部平者上尊

半也而宇卑則吐水疾而雷遠蓋者主為雨設也

蓋車與蓋已崇則難為門也蓋已卑是蔽目

也是故蓋崇十尺

十尺其中正也蓋十尺宇二尺而人長八尺卑於此

蔽人目

良蓋弗冒弗紘殷畝而馳不隊謂之國

工

隊落也善蓋者以橫馳於壟上無衣若無紘而弓不落也

輿人爲車輪崇車廣衡長參如一謂之參稱

稱猶等也車輿也衡亦長容兩服

參分車廣去一以爲隧

兵車

之隧四尺四寸

鄭司農云隧謂車輿深也

參

分其隧一在前二在後以揉其式

兵車之式深尺四寸

三分寸之二

以其廣之半爲之式崇

兵車之式高三尺三寸

以其隧之半為之較崇

較兩轎上出式者兵車自較而下凡五尺

五寸故書較作摧杜子春云當為較

六分其廣以一為之軫圍

軫輿後橫者也兵車之軾圍尺一寸

參分軾圍去一以為式圍

兵車之式圍七寸三分寸之一

參分式圍去一以為較圍

兵車

之較圍四寸九分寸之八

參分較圍去一以為軾圍

兵車之軾

圍三寸二十七分寸之七軾轎之植者衡者也與轂末同名

參分軾圍去

一以為鞿圍

兵車之鞿圍二寸八十分寸之十四鞿式之植者衡者也鄭

司農云鞿讀如繫綴之綴謂車輿軾立者也立者為鞿橫者為軾書鞿或作軾玄謂鞿者

以其鄉人爲名園者中規方者中矩立者中縣衡者

中水直者如生焉繼者如附焉

治材居材如此乃善也如

生如木從地生如附如附枝之弘殺也

凡居材大與小無并大

倚小則摧引之則絕

并偏邪相就也用力之時其大并於小者小者

強不堪則摧也其小并於大者小者力不堪則絕也

棧車欲并

爲其無革鞅不

堅易圯壞也

飾車欲侈

飾車謂革鞅輿也大

侈作移杜子春云當爲侈

輈人爲輈

輈車轅也詩云五檠梁輈

輈有三度軸有三理

目下事度

深淺之數國馬之輶深四尺有七寸

種馬謂

馬齊馬道馬高八尺兵車乘車輶崇三尺有三寸加軫與輶七寸又并此輶深則衡高八

尺七寸也除馬之高則餘七寸為衡頸之間也鄭司農云深四尺七寸謂轅曲中田

馬之輶深四尺

田車輶崇三尺一寸半并此輶深而七尺一寸半今田馬

七尺衡頸之間亦七寸則軾與輶五寸半則衡高七尺七寸

駑馬之輶深

三尺有三寸

也則駑馬之車輶崇三尺加軾輪輶與軾輶大小之減率寸半

與輶四寸又并此輶深則衡高六尺七寸也今駑馬六尺除馬之高則衡頸之間亦七寸

軸有三理一者以為媿也

目無節也

二者以為久

也堅刃

三者以為利也

滑密軌前十尺而策半

之

謂軌以前之長也策御者之策也十或作七合七為弦四尺七寸為鉤以求其股

股

則短矣七非也鄭司農云軌謂式前也書

或

作軌玄謂軌是軌法也謂輿下三面之材

持

車式之所封

凡任木

目車持任之材

任正者十分其

輈之長以其一為之圍衡任者五分其長以

其一為之圍小於度謂之無任

任正者謂輿下三面材持

車正者也輈軌前十尺與隧四尺四寸凡丈

四尺四寸則任正之圍尺四寸五分寸之二

衡任者謂兩軌之間也兵車乘車衡圍一五

尺三寸五分寸之一無任言其不勝任

分其軫間以其一為之軸圍軸圍亦一尺三寸五分寸之一

與衡任十分其輈之長以其一為之當兔之

圍輈當伏兔者也亦圍尺四寸五分寸之二與任正者相應參分其兔圍

去一以為頸圍頭前持衡者圍九寸十五分寸之九五分其頸

圍去一以為踵圍踵後承軫者也圍七寸七十五分寸之五十一凡

揉輈欲其孫而無弧深孫順理也杜子春云弧讀為盡而不汙之

汙玄謂弧木弓也凡弓引之中參中參深之極也揉輈之倨句如二可也如三則深傷其

力今夫大車之輈摯其登又難既克其登其

覆車也必易此無故唯轅直且無橈也

大車牛車

也摯輶也登上阪也克能也

是故大車平地既節軒摯之

任及其登陲不伏其轅必縊其牛此無故唯

轅直且無橈也

陲阪也故書伏作偃杜子春云偃當作伏

故登陲

者倍任者也猶能以登及其下陲也不援其

邸必緬其牛後此無故唯轅直且無橈也

倍任

用力倍也故書緬作鯁鄭司農云鯁讀爲緬關東謂紂爲緬鯁魚字

是故輶欲

頎典

頎典堅刃貌鄭司農云頎讀爲懇典讀爲殄駟車之轅率尺所一縛懇典似謂

此輶深則折淺則負

揉之大深傷其力馬倚之則折也揉之淺則馬

善負

輶注則利準利準則久和則安

故書準作水鄭

司農云注則利水謂輶脊上兩注令水去利也玄謂利水重讀似非也注則利謂輶之揉

者形如注星則利也準則久謂輶之在輿下者平如準則能久也和則安注與準者和人

乘之輶欲弧而無折經而無絕

揉輶大深則折也經亦謂

順理

進則與馬謀退則與人謀

言進退之易與人馬之意

相應馬行主於進

終日馳騁左不捷

杜子春云捷讀

為蹇左面不便馬苦蹇輶調善則馬不蹇也書捷或作券玄謂券今倦字也輶和則久馳

騁載在左者不行數千里馬不契需鄭司農云契讀

為爰契我龜之契需讀為畏終歲御衣衽不

需之需謂不傷蹄不需道里和則安是以然也謂

敝衽謂此唯輶之和也進則與馬謀而下

勸登馬力登上也輶和馬力既竭輶猶能一

取焉馬止輶尚能一良輶環灑自伏兔不至

軌七寸軌中有灑謂之國輶伏兔至軌蓋如式深尺四寸三分寸之二灑不至軌七寸則

是半有灑也輶有筋膠之被用力均者則灑

遠鄭司農云灑讀為灑酒軫之方也以象地

之灑環灑謂漆沂鄂如環

也蓋之園也以象天也輪輻三十以象日月

也蓋弓二十有八以象星也

輪象日月者以其運行也日月

三十日龍旂九旂以象大火也

交龍為旂諸侯之所建也

大火蒼龍宿之心其屬有尾尾九星

鳥旟七旂以象鶉火也

鳥隼

為旗州里之所建鶉火朱鳥宿之柳其屬有星星七星

熊旗六旂以象

伐也

熊虎為旗師都之所建伐屬白虎宿與參連體而六星

龜蛇四旂

以象營室也

龜蛇為旂縣鄙之所建營室弧左武宿與東壁連體而四星

旌枉矢以象弧也

覲禮曰侯氏載龍旂弧韜則旌旗之屬皆有弧也弧

以張繆之幅有衣謂之韠又為設矢象弧星

有矢也妖星有枉矢者蛇行有毛目此云枉

矢蓋攻金之工築氏執下齊冶氏執上齊鳧

氏為聲卓氏為量段氏為鑄器桃氏為刃

為下齊大刀削殺矢鑒燧也少錫為上齊鍾

鼎斧斤戈戟也聲鍾錞于之屬量豆區鬴也

鑄器田器錢鑄之屬金有六齊

其金而錫居一謂之鍾鼎之齊五分其金而

錫居一謂之斧斤之齊四分其金而錫居一

謂之戈戟之齊參分其金而錫居一謂之大

刃之齊五分其金而錫居二謂之削殺矢之

齊金錫半謂之鑒燧之齊

鑒燧取水火於日月之器也鑒亦鏡

也凡金多錫則刃白且明也

築氏爲削長尺博寸合六而成規

今之書刀欲新

而無窮

謂其利也鄭司農云常如新無窮已

敝盡而無惡

鄭司農云

謂鋒鏑俱盡不偏索也玄謂刃也脊也其金如一雖至敝盡無瑕惡也

冶氏爲殺矢刃長寸圍寸鋌十之重三禬

殺矢

與戈戟異齊而同其工似補脫誤在此也殺矢用諸田獵之矢也鋌讀如麥秀鋌之鋌鄭

司農云鋌箭足入橐中者也
垓量名讀爲九

戈廣二寸內倍之胡

三之援四之

戈今句矛戟也或謂之雞鳴或謂之擁頸內謂胡以內接秘者

也長四寸胡六寸援八寸鄭司農云援直刃也胡其矛

已倨則不入已

句則不決長內則折前短內則不疾

戈句兵也主於

胡也已倨謂胡微直而邪多也以啄人則不入已句謂胡曲多也以啄人則創不決胡之

曲直鋒本必橫而取圓於磬折前謂援也內長則援短援短則曲於磬折曲於磬折則引

之與胡並鉤內短則援長援長則倨於磬折倨於磬折則引之不疾是故倨句

外博

博廣也倨之外胡之裏也句之外胡之表也廣其本以除四病而使用也俗謂

之曼胡鄭司農云重三錡量名也讀為刷

似此鄭司農云重三錡量名也讀為刷

援也今東萊稱或以大半兩為鈞十鈞為環重六兩大半兩援錡似同矣則三錡為一

斤四兩戟廣寸有半寸內三之胡四之援五之

倨句中矩與刺重三錡戟今三鋒戟也內長四寸半胡長六寸援

長七寸半三鋒者胡直中矩言正方也鄭司農云刺謂援也玄謂刺者著秘直前如鐔者

也戟胡橫貫之胡中矩則援之外句磬折與

桃氏為劒臘廣二寸有半寸臘謂兩刃兩從半之

鄭司農云謂劒脊兩面殺趨鐔

以其臘廣為之莖圍長倍之

鄭司農云莖謂劒夾人所握鐔以中也玄謂莖在夾中者莖長五寸中其莖設

其後

鄭司農云謂穿之也玄謂從中以

參分

其臘廣去一以爲首廣而圍之

首圍其徑一寸三分寸之

二身長五其莖長重九錡謂之上制上士服

之身長四其莖長重七錡謂之中制中士服

之身長三其莖長重五錡謂之下制下士服

之

上制長三尺重三斤十二兩中制長二尺五寸重二斤十四兩三分兩之二下制長

二尺重二斤一兩三分兩之一此今之七首也人各以其形貌大小帶之此士謂國勇力

之士能用五兵者也樂記曰武王克商裨冕摯笏而虎賁之士說劍

鳧氏爲鍾兩欒謂之鈇

故書欒作樂杜子春云當爲欒書亦或爲

欒鈇鍾口兩角

鈇間謂之于于上謂之鼓鼓上謂之

鈇鈇上謂之舞

此四名者鍾體也鄭司農云于鍾脣之上祛也鼓所擊處

舞上謂之甬甬上謂之衡

此二名鍾柄鍾縣謂之

旋旋蟲謂之幹

旋屬鍾柄所以縣之也鄭司農云旋蟲者旋以蟲爲飾也

玄謂今時旋有蹲熊盤龍辟邪

鍾帶謂之篆篆間謂之枚枚

謂之景

帶所以介其名也介在于鼓鈇舞甬衡之間凡四鄭司農云枚鍾乳也玄

謂今時鍾乳俠鼓與舞

每處有九面三十六

于上之攓謂之隧

擊之處攓弊也隧在鼓

中塞而生光有似夫隧

鈺以其鈺爲之銑間去二分以爲之鼓間以

其鼓間爲之舞脩去二分以爲舞廣

此言鈺之徑居

銑徑之八而銑間與鈺之徑相應鼓間又居

促以橫爲脩從爲廣舞廣四分今亦去徑之

二分以爲之間則舞間之方恒居銑之四也

舞間方四則鼓間六亦其方也鼓六鈺六舞

四此鍾口十者其長十六也鍾之大數以律

爲度廣長與圓徑假設之耳其鑄之則各隨

鍾之制爲長短大小也凡言間者亦爲從篆

以介之鉦間亦當六今時鍾或無鉦間以其鉦之長為之甬長

并衡數也以其甬長為之圍參分其圍去一以為

衡圍衡居甬上又小參分其甬長二在上一下在下以

設其旋今衡居一分則參分旋亦二在上薄

厚之所震動清濁之所由出侈弇之所由興

有說說猶意也故書侈作移鄭司農云當為侈鍾已厚則石大厚則聲

不發已薄則播大薄則聲散侈則柞柞讀為咋咋然

弇則鬱聲不舒揚長甬則震鍾掉則聲不正是故大鍾十

分其鼓間以其一爲之厚小鍾十分其鉦間

以其一爲之厚言若此則不石不播也鼓鉦

分之一猶大厚皆非也若言鼓外鉦外則近之鼓外二鉦外一鍾大而短則

其聲疾而短聞淺則躁躁鍾小而長則其聲

舒而遠聞深則安爲遂六分其厚以其一爲

之深而圓之厚鍾厚深謂室之也其室圓故

卓氏爲量改煎金錫則不耗消凍之精不復

作歷玄謂量當與鍾不耗然後權之權謂稱

雖異法用權之然後準之準故書或作水杜子春云當為水金

器有孔者水入孔中則當重也準之然後量

之鑄之於法中也量量之以為鬴深尺內方

尺而圓其外其實一鬴以其容為之名也四

區曰鬴鬴六斗四升也鬴十則鍾方尺積千

二其數必容鬴此言大其鬴一寸其實一豆

故書鬴作脣杜子春云當為其耳三寸其實

一升耳在旁重一鈞重三其聲中黃鍾之宮

應律槩而不稅鄭司農云令百姓得以量而不租稅其銘曰時

文思索允臻其極銘刻之也時是也允信也臻至也極中也言是文德

之君思求可以為民立法者而作此量信至於道之中嘉量既成以觀

四國以觀示四方永啓厥後茲器維則永長也厥

其也茲此也又長啓道其子孫使法則此器長用之凡鑄金之狀故書狀作

壯杜子春云當為金與錫黑濁之氣竭黃白狀謂鑄金之形狀

次之黃白之氣竭青白次之青白之氣竭青

氣次之然後可鑄也消涑金錫精麤之候

段氏闕

函人爲甲犀甲七屬兕甲六屬合甲五屬讀屬

如灌注之注謂上旅下旅札續之數也革堅者札長鄭司農云合甲削革裏肉但取其表

合以爲甲犀甲壽百年兕甲壽二百年合甲壽三

百年革堅者又支久凡爲甲必先爲容服者之形容也鄭司農云

容謂象式然後制革裁制札權其上旅與其下旅之廣袤

而重若一鄭司農云上旅謂要以下以其長爲之

圍圍謂札要廣厚凡甲鍛不摯則不堅已敝則撓鄭司

農云鍛鍛革也摯謂質也鍛革大孰則革敝無強曲撓也玄謂摯之言致凡察革

之道眡其鑕空欲其窓也鄭司農云窓小孔貌窓讀為宛彼北

林之宛眡其裏欲其易也無敗眡其朕欲其直蕤也

也鄭司農云橐之欲其約也鄭司農云謂卷

傳曰橐甲舉而眡之欲其豐也豐衣之欲其

無齟也鄭司農云眡其鑕空而窓則革堅謂如齒齟

也眡其裏而易則材更也眡其朕而直則制

善也橐之而約則周也舉之而豐則明也衣

之無齟則變也

周密致也明有光耀鄭司農云更善也變隨人身便利

鮑人之事

鮑故書或作鮑鄭司農云蒼頡篇有鮑莞望而眡之欲

其荼白也

韋革遠視之當如茅莠之色進而握之欲其柔

而滑也

謂親手卷而搏之欲其無也鄭司農云

卷讀為可卷而懷之之卷搏讀為縛一如瑱之縛謂卷縛韋革也也讀為既建而也之之

也無也謂

眡其著欲其淺也

鄭司農云謂郭韋革之札入韋

革淺緣其邊也立謂韋革調善者鋪著之雖厚如薄然

察其線欲其藏

也故書線或作綜杜子春云綜當革欲其荼為系旁泉讀為緬謂縫革之縷

白而疾澣之則堅

鄭司農云韋革欲其柔滑不欲久居水中

而腥脂之則需

故書需作剗鄭司農云腥讀如沾渥之渥剗讀爲柔需之

需謂厚脂之韋革柔需

引而信之欲其直也信之而直

則取材正也信之而枉則是一方緩一方急

也若苟一方緩一方急則及其用之也必自

其急者先裂若苟自急者先裂則是以博爲

棧也

鄭司農云棧讀爲翦謂以廣爲狹也玄謂翦者如棧淺之棧或者讀爲羊豬棧

之卷而搏之而不迪則厚薄序也

序舒也謂其革均也

眡其著而淺則革信也

信無縮緩

察其線而藏則

雖敝不粼

粼故書或作鄰鄭司農云鄰讀爲磨而不磷之磷謂韋革縫縷沒藏

於韋革中則雖敝縷不傷也

鞞人爲臯陶

鄭司農云鞞書或爲鞞臯陶鼓木也玄謂鞞者以臯陶名官也

鞞則陶字從革

長六尺有六寸左右端廣六寸中尺

厚三寸

版中廣頭狹爲穹隆也鄭司農云謂鼓木一判者其兩端廣六寸而其中

央廣尺也如

穹者三之一

鄭司農云穹讀爲志無空邪之空謂

鼓木腹穹隆者居鼓三之一也玄謂穹讀如穹蒼之穹穹隆者居鼓面三分之一則其鼓

四尺者版穹一尺三寸三分寸之一也倍之
爲二尺六寸三分寸之二加鼓四尺穹之徑
六尺六寸三分寸之上三正鄭司農云謂兩
二也此鼓合二十版頭一平中央一
平也玄謂三讀當爲參正直也參直者穹上
一直兩端又直各居二尺二寸不弧曲也此
鼓兩面以六鼓差之賈侍中云晉鼓鼓長八
大而短近晉鼓也以晉鼓鼓金奏鼓長八
尺鼓四尺中圍加三之一謂之鼗鼓中圍加
者加於面之圍以三分之一也面四尺其圍
十二尺加以三分一四尺則中圍十六尺徑
五尺三寸三分寸之一也今亦合二十版則
版穹六寸三分寸之二耳大鼓謂之鼗以鼗
鼓鼓軍事鄭司農云鼓四爲皐鼓長尋有四
尺謂革所蒙者廣四尺

尺鼓四尺倨句磬折

以臯鼓鼓役事磬折中曲之不參正也中圍與

鼗鼓同以磬折為異

凡冒鼓必以啓蟄之日

啓蟄孟春之中也蟄

蟲始聞雷聲而動鼓所取象也冒蒙鼓以革

良鼓瑕如積環

革調急也

鼓大而短則其聲疾而短聞鼓小而長則其聲舒而遠聞

韋氏

闕

裘氏

闕

畫績之事雜五色東方謂之青南方謂之赤

西方謂之白北方謂之黑天謂之玄地謂之

黃青與白相次也赤與黑相次也玄與黃相

次也

此言畫績六色所象及布采之第次績以為衣

青與赤謂之文

赤與白謂之章白與黑謂之黼黑與青謂之

黻五采備謂之繡

此言刺繡采所用繡以為裳

土以黃其

象方天時變

古人之象無天地也為此記者見時有之耳子家駒曰天子僭

天意亦是也

鄭司農云天

火以圜

鄭司農云為圜形似

時變謂畫天隨四時色

火也

玄謂形如

山以章

章讀為獐獐山物也在衣齊人謂麋為獐

水以龍

龍水物在衣

鳥獸蛇

所謂華蟲也在衣蟲之毛鱗有文采者

雜四時五色之位以章之謂之巧

章明也績繡皆用五

采鮮明之是為巧

凡畫績之事後素功

素白采也後布之為其易

漬汗也不言繡繡以絲也鄭司農說以論語曰績事後素

鍾氏染羽以朱湛丹秫三月而熾之

鄭司農云湛漬

也丹秫赤粟玄謂湛讀如漸車帷裳之漸熾炊也羽所以飾旌旗及王后之車

淳而

漬之

淳沃也以漬羽漬猶染也

三入為纁五

入為緌七入為緇

染纁者三入而成又再染以黑則為緌緌今禮俗文

作爵言如爵頭色也又復再染以黑乃成緇
矣鄭司農說以論語曰君子不以紺緌飾又
曰緇衣羔裘爾雅曰一染謂之緇再染謂之
緇三染謂之纁詩云緇衣之宜兮玄謂此同
色耳染布帛者染人掌之凡玄
色者在緇緇之間其六入者與

筐人
闕

慌氏凍絲以沚水漚其絲七日去地尺暴之

故書沚作湄鄭司農云湄水溫水也玄謂沚
水以灰所沚水也漚漸也楚人曰漚齊人曰

淩書暴諸日夜宿諸井七日七夜是謂水凍

宿諸井中凍帛以欄爲灰渥淳其帛實諸澤器

淫之以蜃

淫讀如繒人渥管之渥以欄木之灰漸釋其帛也杜子春云淫當為

涅書亦或為湛鄭司農云澤器謂滑澤之器蜃謂炭也士冠禮曰素積白屨以魁柎之說

曰魁蛤也周官亦有白盛之蜃蜃蛤也清其玄謂淫薄粉之令帛白蛤今海旁有焉

灰而盥之而揮之

清澄也於灰澄而出去盥而晞之晞而揮去其蜃

沃之而盥之而塗之而宿之

更渥之明日沃而

盥之

朝更沃至夕盥之又更沃至旦盥之亦七日如漚絲也

晝暴諸日

夜宿諸井七日七夜是謂水凍

周禮卷第十一

經三千五百六十二字
注七千六十三字

周禮卷第十二

冬官考工記下

周禮

鄭氏注

玉人之事鎮圭尺有二寸天子守之命圭九

寸謂之桓圭公守之命圭七寸謂之信圭侯

守之命圭七寸謂之躬圭伯守之

命圭者王所命之圭

也朝覲執焉居則守之子守穀璧男守蒲璧不言之者闕耳故書或云命圭五寸謂之躬

圭杜子春云當爲七寸玄謂五寸者璧文之闕亂存焉

天子執冒四寸

以朝諸侯

名玉曰冒者言德能覆蓋天下也四寸者方以尊接卑以小爲貴

天子用全上公用龍侯用瓚伯用將

鄭司農云全純

色也龍當為龙龙謂雜色玄謂全純玉也瓚讀為饗饗之饗龍瓚將皆雜名也卑者下尊

以輕重為差玉多則重石多則輕繼子男執

皮帛

謂公之孤也見禮次子男贊用束帛而以豹皮表之為飾天子之孤表帛以虎

皮此說玉及皮帛者遂言見天子之用贊

天子圭中必

必讀如鹿車繹之繹

謂以組約其中央為執之以備失隊

四圭尺有二寸以祀天

郊

所以禮其神也典瑞職曰四圭有邸以祀天旅上帝

大圭長三尺杼上

終葵首天子服之

王所搢大圭也或謂之珽終葵椎也為椎於其杼上

明無所屈也書曰琕玉六寸明自炤相玉土圭尺有五寸以

致日以土地致日度景至不夏日至之景尺有五寸冬至之景丈有三尺

土猶度也建邦國以裸圭尺有二寸有瓚以度其地而制其域

祀廟裸之言灌也或作裸或作果裸謂始獻酌奠也瓚如盤其柄用圭有流前注

琬圭九寸而縹以象德琬猶圜也王使之瑞節也諸侯有德王命

賜之使者執琬圭以致命焉縹藉也琰圭九寸判規以除慝以

易行凡圭琰上寸半琰圭琰半以上又半為瑑飾諸侯有為不義使者征之執以為

瑞節也除慝誅惡逆也易行去煩苛辟羨度尺好三寸以為度

鄭司農云羨徑也好辟孔也爾雅曰肉倍好謂之辟好倍肉謂之瑗肉好若一謂之環立

謂羨猶延其表圭璧五寸以祀日月星辰禮一尺而廣狹焉

神也圭其邸為璧琮九寸諸侯以享天子享璧取殺於上帝

也聘禮享君以琮穀圭七寸天子以聘女納徵璧享夫人以琮

束大璋中璋九寸邊璋七寸射四寸厚寸黃帛

金勺青金外朱中鼻寸衡四寸有縹天子以

巡守宗祝以前馬射琰出者也勺故書或作約杜子春云當為勺謂酒

尊中勺也鄭司農云鼻謂勺龍頭鼻也衡謂勺柄龍頭也立謂鼻勺流也凡流皆為龍口

也衡古文橫假借字也衡謂勺徑也三璋之

勺形如圭瓚天子巡守有事山川則用灌焉

於大山川則用大璋加文飾也於中山川用

中璋殺文飾也於小山川用邊璋半文飾也

其祈沈以馬宗祝亦執勺以先之禮王過大

山川則大祝用事焉將有事於四海山川則

校人飾黃駒大璋亦如之諸侯以聘女亦納徵加於束帛也

大璋者以大璋之文飾之也亦瑑圭璋八寸

如之者如邊璋七寸射四寸瑑圭璋八寸

璧琮八寸以覲聘

瑑文飾也覲視也聘問也衆來曰覲特來曰聘聘禮

曰凡四器者唯其所寶以聘可也

牙璋中璋七寸射二寸厚

寸以起軍旅以治兵守

二璋皆有鉏牙之飾於琰側先言牙璋有

文飾駟琮五寸宗后以爲權

駟讀爲組以組繫之因名焉鄭

司農云以爲稱錘以起量

大琮十有二寸射四寸厚寸是

謂內鎮宗后守之

如王之鎮圭也射其外鉏牙

駟琮七寸

鼻寸有半寸天子以爲權

鄭司農云以爲權故有鼻也

兩

圭五寸有邸以祀地以旅四望

邸謂之祗有邸僭共本也

瑑琮八寸諸侯以享夫人

獻於所朝聘君之夫人也

案十

有二寸棗桌十有二列諸侯純九大

夫純五

夫人以勞諸侯

純猶皆也鄭司農云案玉案也夫人天子夫人立謂案玉

飾案也夫人王后也記時諸侯僭稱王而夫
人之號不別是以同王后於夫人也玉案十
二以爲列王后勞朝諸侯皆九列聘大夫皆
五列則十有二列者勞二王之後也棗卓實
於器乃加於案聘禮曰夫人使下大夫勞以
二竹簋方玄被纁裏有蓋其實棗烝棗擇兼
執之以進璋邸射素功以祀山川以致稍餼
出也致稍餼造賓客納稟食也鄭司農云素
功無琢飾也餼或作氣杜子春云當爲餼

柳人闕

雕人闕

磬氏爲磬倨句一矩有半

必先度一矩爲句
一矩爲股而求其

弦既而以一矩有半觸其弦則磬之倨句也
磬之制有大小此假矩以定倨句非用其度

耳其博爲一

博謂股博也博廣也

股爲二鼓爲三參分

其股博去一以爲鼓博參分其鼓博以其一

爲之厚

鄭司農云股磬之上大者鼓其下小者所當擊者也玄謂股外面鼓內面

也假令磬股廣四寸半者股長九寸也鼓廣三寸長尺三寸半厚一寸

已上則

摩其旁

鄭司農云磬聲大上則摩鑢其旁玄謂大上聲清也薄而廣則濁

已

下則摩其端

大下聲濁也短而厚則清

矢人爲矢鏃矢參分第矢參分一在前二在

後參訂之而平者前有鐵重也司弓矢職第

居參分殺鄭司農云一在前謂箭橐中鐵莖

一以前兵矢田矢五分二在前三在後鐵

短小也兵矢謂枉矢繫矢也此殺矢七分三

二矢亦可以田田矢謂矰矢鐵又差短小也司參分其長而

在前四在後弓矢職殺當為第

殺其一矢橐長三尺殺其五分其長而羽其

一羽者以其筈厚為之羽深筈讀為橐謂矢

六寸者厚之數未聞水之以辨其陰陽辨猶正也陰夾其

陰陽以設其比夾其比以設其羽夾其陰陽

在橐兩旁弩矢比在上下設羽
於四角鄭司農云比謂括也
參分其羽以

設其刃
寸刃二
則雖有疾風亦弗之能憚矣
故書

憚或作但鄭司農云讀當為憚之以威之憚謂風不能驚憚箭也
刃長寸圍

寸鋌十之重三垸
字鋌一尺
前弱則俛後

弱則翔中弱則紆中強則揚羽豐則遲羽殺

則趨
言幹羽之病使矢行不正俛低也翔迴顧也紆曲也揚飛也豐大也趨旁掉也

是故夾而搖之以眡其豐殺之節也
今人以指夾矢

儻也
是也
儻之
其儻
凡相苛

欲生而搏同搏欲重同重節欲疏同疏欲桌

相猶擇也生謂無瑕蠹也搏讀如搏黍之搏謂園也鄭司農云欲桌欲其色如桌也

陶人爲甌實二鬴厚半寸脣寸盆實二鬴厚

半寸脣寸甑實二鬴厚半寸脣寸七穿量六斗四

升曰鬴鄭司農云甌無底甑鬲實五鬴厚半寸脣寸庾實

二鬴厚半寸脣寸鄭司農云鬴讀爲斛鬴實三斗聘禮記有斛玄謂豆

實三而成鬴則鬴受斗二升庾讀如請益與之庾之庾

旻人爲簋實一鬴崇尺厚半寸脣寸豆實三

而成穀崇尺

崇高也豆實四升

凡陶瓠之事髻豨薜

暴不入市

為其不任用也鄭司農云髻讀為刮薜讀為藥黃蘗之藥暴讀為剥

玄謂髻讀為眊豨頓傷也薜器中膊豆中縣破裂也暴墳起不堅致也

器中膊豆中縣

膊讀如車輪之輪既拊泥而轉其均封膊其側以擬度端其器也縣縣繩正豆之柄膊

崇四尺方四寸

凡器高於此則埒不能相勝厚於此則火氣不交因取式

梓人為筍虞

樂器所縣橫曰筍植曰虞鄭司農云筍讀為竹筍之筍天

下之大獸五脂者膏者羴者羽者鱗者

脂牛羊屬

膏豕屬羸者謂虎豹貔螭為獸淺
毛者之屬羽鳥屬鱗龍蛇之屬
宗廟之事

脂者膏者以為牲
致美味也
羸者羽者鱗者以為

筍虞
貴野聲也
外骨內骨卻行仄行連行紆行以

脰鳴者以注鳴者以旁鳴者以翼鳴者以股

鳴者以胷鳴者謂之小蟲之屬以為雕琢
刻畫

祭器博庶物也外骨龜屬內骨螯屬卻行蟪
行之屬仄行蟹屬連行魚屬紆行蛇屬脰鳴

鼃屬注鳴精列屬旁鳴蜩蜋屬翼鳴
發皇屬股鳴蚣蜺動股屬胷鳴榮原屬厚脣

弇口出目短耳大胷燿後大體短脰若是者

謂之羸屬恒有力而不能走其聲大而宏有力而不能走則於任重宜大聲而宏則於鍾宜若是者以爲鍾虞是故擊其所縣而由其

虞鳴

燿讀爲哨頃小也鄭司農云宏讀爲絃縱之絃謂聲音大也由若也

銳喙

決吻數目顧脰小體騫腹若是者謂之羽屬

恒無力而輕其聲清陽而遠聞無力而輕則

於任輕宜其聲清陽而遠聞於磬宜若是者

以爲磬虞故擊其所縣而由其虞鳴

也吻口脰也顧長

脰貌故書願或作𦓐鄭司農云𦓐讀爲鬣頭無髮之鬣

小首而長搏身

而鴻若是者謂之鱗屬以爲筍

搏圍也鴻傭也

凡攫

網援箬之類必深其爪出其目作其鱗之而

謂筍虞之獸也深猶藏也作猶起也之而頰頰也

深其爪出其目作

其鱗之而則於眊必撥爾而怒苟撥爾而怒

則於任重宜且其匪色必似鳴矣

匪采貌也故書撥作

廢匪作飛鄭司農云廢讀爲撥飛讀爲匪以似爲發

爪不深目不出鱗

之而不作則必積爾如委矣苟積爾如委則

加任焉則必如將廢措其匪色必似不鳴矣

措猶頓也故書措作厝杜子春云當為措

梓人為飲器勺一升爵一升觚三升獻以爵

而酬以觚一獻而三酬則一豆矣

勺尊升也觚豆字聲

之誤觚當為斗

食一豆肉飲一豆酒中人之食

也

一豆酒又聲

凡試梓飲器鄉衡而實不盡

梓師罪之

鄭司農云梓師罪也衡謂麋衡也曲禮執君器齊衡玄謂衡平也平

爵鄉口酒不盡則梓人之長罪於梓人焉

梓人爲侯廣與崇方參分其廣而鵠居一焉

崇高也方猶等也高廣等者謂侯中也天子射禮以九爲節侯道九十弓弓二寸以爲侯中亦然鵠所射也天子侯中丈八尺諸侯於其國中參分之一則此鵠方六尺唯大射以皮飾侯大射者將祭之射也其餘有賓射燕射

上兩個與其身三下兩個半之

鄭司農云兩個謂布可以

維持侯者也上方兩枚與身三設身廣一丈兩個各一丈凡爲三丈下兩個半之傳地故短也玄謂个讀若齊人擗幹之幹上个下个皆謂舌也身躬也鄉射禮記曰倍中以爲躬倍躬以爲左右舌下舌半上舌然則九節之侯身三丈六尺上个七丈二尺下个五丈四

尺其制身夾中个夾身在上下各一幅此侯
凡用布三十六丈言上个與其身三者明身
居一分上个倍之耳亦為下个半上个出也
个或謂之舌者取其出而左右也侯制上廣
下狹蓋取象於人也張臂八上綱與下綱出
尺張足六尺是取象率焉

舌尋緦寸焉

綱所以繫侯於植者也上下皆出舌一尋者亦人張手之節也

鄭司農云綱連侯繩也緦籠綱者張皮侯而

棲鵠則春以功

皮侯以皮所飾之侯司裘職曰王大射則共虎侯熊侯豹

侯設其鵠謂此侯也春讀為蠢蠢作也出也天子將祭必與諸侯羣臣射以作其容體出

其合於禮樂者張五采之侯則遠國屬五采與之事鬼神焉

謂以五采畫正之侯也射人職曰以射法治
射儀王以六耦射三侯三獲三容樂以騶虞
九節五正下曰若王大射則以狸步張三侯
明此五正之侯非大射之侯明矣其職又曰
諸侯在朝則皆北面遠國屬者若諸侯朝會
王張此侯與之射所謂賓射也正之方外如
鵠內二尺五采者內朱白次之蒼次之黃次
之黑次之其侯之飾又以五采畫雲氣焉

張獸侯則王以息燕

獸侯畫獸之侯也鄉射記曰凡侯天子熊侯白

質諸侯麋侯赤質大夫布侯畫以虎豹士布侯畫以鹿豕凡畫者丹質是獸侯之差也息
者休農息老物也燕謂勞祭侯之禮以酒脯
使臣若與羣臣飲酒而射
醢謂司馬實爵而獻獲者于侯其辭曰惟若
薦脯醢折俎獲者執以祭侯

寧侯

若猶女也寧安也謂先有功德其鬼有神

毋或若女不寧侯

不屬于王所故抗而射女

或有也若如也屬猶朝會也抗舉也

張也強飲強食詒女曾孫諸侯百福

詒遺也曾孫諸侯謂

女後世為諸侯者

廬人為廬器戈秘六尺有六寸受長尋有四

尺車戟常酋矛常有四尺夷矛三尋

秘猶柄也八尺

曰尋倍尋曰常酋夷長短名酋之言適也酋近夷長矣

凡兵無過三其

身過三其身弗能用也而無已又以害人

長人

八尺與尋齊進退之度三尋用兵力之極也而無已不徒止耳故攻國之兵

欲短守國之兵欲長攻國之人衆行地遠食

飲飢且涉山林之阻是故兵欲短守國之人

寡食飲飽行地不遠且不涉山林之阻是故

兵欲長

言罷羸宜短兵壯健宜長兵

凡兵句兵欲無彈刺

兵欲無蛭是故句兵裨刺兵搏

句兵戈戟屬刺兵矛屬故

書彈或作但蛭或作綃鄭司農云但讀爲彈

丸之彈彈謂掉也綃讀爲恂邑之恂恂謂撓

也裨讀爲鼓輦之輦玄謂蛭亦掉也謂若井

中蟲蛭之蛭齊人謂柯斧柄爲裨則裨隋園

也搏也舉圍欲細細則校刺兵同強

舉圍欲重重欲傳人傳人則密是故侵之改句

言鄭司農云校讀爲絞而婉之絞重欲傳人謂

矛柄之大者在人手中者侵之能敵也立謂

校疾也傳近也密審也正也人手操細以則疾操重以刺則正然則爲矜凡爲及五分

其長以其一爲之被而圍之參分其圍去一

以爲晉圍五分其晉圍去一以爲首圍凡爲

酉矛參分其長二在前一在後而圍之五分

其圍去一以爲晉圍參分其晉圍去一以爲

刺圍

被把中也圍之圜之也大小未聞凡矜八觚鄭司農云晉謂矛戟下銅鑄也刺

謂矛刃宵也玄謂晉讀如王搢大圭之搢矜所捷也首爰上鑄也爲戈戟之矜所圍如爰

夷矛如酉矛凡試廬事置而挫之以眡其蛭也灸

諸牆以眡其橈之均也橫而挫之以眡其勁

也

置猶討也灸猶柱也以柱兩牆之間輓六而內之本末勝負可知也正於牆牆翌

建旣備車不反覆謂之國工六建五兵與人

匠人建國

立王國若邦國者水地以縣於四角立植而縣以水望

其高下高下既定

置槷以縣眡以景

故書槷或作弋

乃為位而平地杜子春云槷當為弋讀為杙立謂槷古文杙假借字於所平之地中央樹八尺之杙以縣

正之眡之以其景將以正四方也爾為規識雅曰在牆者謂之杙在地者謂之杙

日出之景與日入之景

日出日入之景其端則東西正也又為規

以識之者為其難審也自日出而畫其景端以至日入既則為規測景兩端之內規之規

之交乃審也度兩交之間書參諸日中之景中屈之以指杙則南北正

夜考之極星以正朝夕

日中之景最短者也極星謂北辰

匠人營國方九里旁三門

營謂丈尺其大小天子十二門通十

二國中九經九緯經涂九軌國中城內也經緯謂涂也經緯

之涂皆容方九軌軌謂轍廣乘車六尺六寸旁加七寸凡八尺是為轍廣九軌積七十二

尺則此涂十二步也旁加七寸者輻內二寸半輻廣三寸半綆三分寸之二金轄之間三

分寸左祖右社面朝後市王宮所居也祖宗廟面猶鄉也王宮

當中經市朝一夫方各百步夏后氏世室堂修二

七廣四修一世室者宗廟也魯廟有世室牲有白牡此用先王之禮修南北

之深也夏度以步令堂修十四步其廣益以四分修之一則堂廣十七步半五室

三四步四三尺堂上為五室象五行也三四步室方也四三尺以益廣也

木室於東北火室於東南金室於西南水室
 於西北其方皆三步其廣益之以三尺土室
 於中央方四步其廣益之以四尺
 此五室居堂南北六丈東西七丈
 面各四旁兩夾窓
 窓助戶為明每
 室四戶八窓
 白盛
 也盛

之言成也以蜃灰堊
 門堂三之二
 門堂門側
 之堂取數

於正堂令堂如上制則門堂南北九步二尺
 東西十一
 步四尺爾雅曰門側之堂謂之塾

室三之一
 兩室與門
 各居一分
 殷人重屋堂脩七尋堂

崇三尺四阿重屋
 重屋者王宮正堂若大寢
 也其修七尋五丈六尺放

夏周則其廣九尋七丈二尺也五室各二
 尋崇高也四阿若今四注屋重屋復竿也周

人明堂度九尺之筵東西九筵南北七筵堂

崇一筵五室凡室二筵

明堂者明政教之堂周度以筵亦王者相

改周堂高九尺殷三尺則夏一尺矣相參之數禹卑宮室謂此一尺之堂與此三者或舉

宗廟或舉王寢或舉明室中度以几堂上度

堂互言之以明其同制以筵宮中度以尋野度以步涂度以軌

周文者各

因物宜為之數室中舉謂四壁之內廟門容大局七个

大局牛鼎之局

長三尺每局為一闡門容小局參个

廟中之門曰闡

个七个二丈一尺小局脚鼎之局長

路門不容乘車之五个

路門

者大寢之門乘車廣六尺六寸五個三丈三尺言不容者是兩門乃容之兩門乃容之則

此門半之丈六尺五寸

應門二徹參个

正朝謂之應門謂朝門也二徹

之內八尺三

內有九室九嬪居之外有九室

九卿朝焉

內路寢之裏也外路門之表也九室如今朝堂諸曹治事處九嬪掌

婦學之法以教九卿六卿三孤為九卿

九分其國以為九分九

卿治之

九分其國分國之職也三孤佐三公論道六卿治六官之屬

王宮

門阿之制五雉宮隅之制七雉城隅之制九

雉

阿棟也宮隅城隅謂角浮思也雉長三丈高一丈度高以高度廣以廣

經涂

九軌環涂七軌野涂五軌

廣狹之差也故書環或作輶杜子春

云當為環環涂謂環城之道

門阿之制以為都城之制

都四

百里外距五百里王子弟所封其城隅高五丈宮隅門阿皆三丈

宮隅之制

以為諸侯之城制

諸侯畿以外也其城隅制高七丈宮隅門阿皆五丈

禮器曰天子諸侯臺門

環涂以為諸侯經涂野涂以為

都經涂

經亦謂城中道諸侯環涂五軌其野涂及都環涂野涂皆三軌

匠人為溝洫

主通利田間之水道耜廣五寸二耜為耦

一耦之伐廣尺深尺謂之畎田首倍之廣二

尺深二尺謂之遂

古者耜一金兩人併發之其壟中曰畎畎上曰伐伐

之言發也畎畎也今之耜岐頭兩金象古之耦也田一夫之所佃百畝方百步地遂者夫

間小溝遂上亦有徑九夫爲井井間廣四尺深四尺謂

之溝方十里爲成成間廣八尺深八尺謂之

洫方百里爲同同間廣二尋深二仞謂之澮

此畿內采地之制九夫爲井井者方一里九夫所治之田也采地制井田異於鄉遂及公邑三夫爲屋屋具也一井之中三屋九夫三三相具以出賦稅共治溝也方十里爲成成中容一甸甸方八里出田稅緣邊一里治洫方百里爲同同中容四都六十四成方八十

里出田稅緣邊十里治澮采地者在三百里
四百里五百里之中載師職曰園廛二十而
一近郊什一遠郊二十而三甸稍縣都皆無
過十二謂田稅也皆就夫稅之輕近重遠耳
滕文公問爲國於孟子孟子曰夏后氏五十
而貢殷人七十而斂周人百畝而徹其實皆
什一徹者徹也斂者藉也龍子曰治地莫善
於斂莫不善於貢貢者校數歲之中以爲常
文公又問井田孟子曰請野九一而斂國中
什一使自賦卿以下必有圭田圭田五十畝
餘夫二十五畝死徙無出鄉鄉田同井出入
相友守望相助疾病相扶持則百姓親睦方
里而井九百畝其中爲公田八家皆私百畝
同養公田公事畢然後治私事所以別野人
也又曰詩云雨我公田遂及我私惟斂爲有
公田由此觀之雖周亦斂也魯哀公問於有

若曰年饑用不足如之何有若對曰盍徹與
曰二吾猶不足如之何其徹也春秋宣十五
年秋初稅畝傳曰非禮也穀出不過藉以豐
財也此數者世人謂之錯而疑焉以載師職
及司馬法論之周制畿內用夏之貢法稅夫
無公田以詩春秋論語孟子論之周制邦國
用殷之勑法制公田不稅夫貢者自治其所
受田貢其稅穀勑者借民之力以治公田又
使收斂焉畿內用貢法者鄉遂及公邑之吏
旦夕從民事爲其促之以公使不得恤其私
邦國用勑法者諸侯專一國之政爲其貪暴
稅民無藝周之畿內稅有輕重諸侯謂之徹
者通其率以什一爲正孟子云野九夫而稅
一國中什一是邦國亦異外內之法耳圭之
言珪絜也周謂之士田鄭司農說以專達於
春秋傳曰有田一成又曰列國一同專達於

川各載其名

達猶至也謂澮直至於川復無所注入載其名者識水所從出

凡天下之地勢兩山之間必有川焉大川之

上必有涂焉

通其壅塞

凡溝逆地防謂之不行水

屬不理孫謂之不行

溝謂造溝防謂脉理屬讀為注孫順也不行謂

決溢也禹鑿龍門播九河為此逆防與不理孫也

梢溝三十里而廣

倍

謂不墾地之溝也鄭司農云梢讀為桑螵蛸之蛸蛸謂水漱齧之溝故三十里而廣

倍

凡行奠水磬折以參伍

坎為弓輪水行欲紆曲也鄭司農云

奠讀為停謂行停水溝形當如磬直行三折行五以引水者疾焉

欲為淵則

句於矩

大曲則流轉流轉則其下成淵

凡溝必因水執防必

因地執善溝者水漱之善防者水淫之

漱猶齧也

鄭司農云淫讀為廞謂水淤泥土留著助之為厚玄謂淫讀為淫液之淫

凡為防

廣與崇方其綢參分去一

崇高也方猶等也綢者薄其上大

防外綢

又薄其上厚其下

凡溝防必一日先深之以

為式

程人功也溝防為溝為防也

里為式然後可以傳眾

力

里讀為已聲之誤也

凡任索約大汲其版謂之無任

故書汲作沒鄭子春云當為汲玄謂約縮也汲引也築防若牆者以繩縮其版大引之言

版橈也版橈築之則鼓土不堅矣詩云其繩則直縮版以載又曰約之格格椽之橐橐

葺屋參分瓦屋四分各分其修以困窳倉城

逆牆六分逆猶卻也築此四者六分其高卻

堂涂十有二分謂階前若今令辟穢也分其

雅曰堂涂竇其崇三尺宮中牆厚三尺崇三

之高厚以是為

車人之事半矩謂之宣矩法也所法者人也

頭也腹也脰也以三通率之則矩二尺六寸三分寸之二頭髮皓落曰宣半矩尺三寸三

分寸之一人頭之長也柯櫛一宣有半謂之

櫛

櫛斲斤柄長二尺爾雅曰句櫛謂之定

一櫛有半謂之柯

伐木

之柯柄長三尺詩云伐柯伐柯其一柯有半則不遠鄭司農云蒼頡篇有柯櫛

謂之磬折

人帶以下四尺五寸磬折立則上俛玉藻曰三分帶下紳居二焉紳

長三尺

車人爲耒庇長尺有一寸中直者三尺有三

寸上句者二尺有二寸

鄭司農云耒謂耒耒庇讀爲其賴有疵之

疵謂耒下歧玄謂庇讀爲棘刺之刺刺耒下前曲接耜

自其庇緣其外

以至於首以弦其內六尺有六寸與步相中

也

緣外六尺有六寸內弦六尺應一步之尺數耕者以田器爲度宜耜異材不在數中

堅地欲直庇柔地欲句庇直庇則利推句庇

則利發倨句磬折謂之中地

中地之耒其庇與直者如磬折

則調矣調則弦六尺

車人爲車柯長三尺博三寸厚一寸有半五

分其長以其一爲之首

首六寸謂今剛關頭斧柯其柄也鄭司農

云柯長三尺謂斧柯因以爲度

轂長半柯其圍一柯有半

大車

轂徑尺五寸

輻長一柯有半其博三寸厚三之一

輻厚一寸也故書博或作搏杜子春云當爲博

渠三柯者三

渠二丈七尺謂

罔也其徑九尺鄭司農云渠謂車輹所謂牙

行澤者欲短轂行山

者欲長轂短轂則利長轂則安

澤泥苦其大安山險苦其

大動行澤者反輹行山者仄輹反輹則易仄輹

則完

故書仄爲側鄭司農云反輹謂輪輹反其木裏需者在外澤地多泥柔也側當

爲仄山地剛多沙石玄謂反輹爲泥之黏欲得心在外滑仄輹爲沙石破碎之欲得表裏

相依

六分其輪崇以其一爲之牙圍

輪高輪徑也牙

堅刃

圍尺柏車轂長一柯其圍二柯其輻一柯其

渠二柯者三五分其輪崇以其一爲之牙圍

柏車山車輪高六尺牙圍尺二寸

大車崇三柯綆寸牝服二

柯有參分柯之二

大車平地載任之車轂長半柯者也綆輪筭牝服長

八尺謂較也鄭司農云牝服謂車箱服讀爲負

羊車二柯有參分柯

之一

鄭司農云羊車謂車羊門也玄謂羊善也善車若今定張車較長七尺

柏

車二柯

較六尺也柏車輪崇六尺其綆大半寸

凡爲轅三其輪

崇參分其長二在前一在後以鑿其鉤徹廣

六尺鬲長六尺

鄭司農云鉤鉤心鬲謂轅端厭牛領者

弓人爲弓取六材必以其時

取幹以冬取角以秋絲漆以夏

筋膠未聞

六材既聚巧者和之

聚猶具也

幹也者以爲

遠也角也者以爲疾也筋也者以爲深也膠

也者以爲和也絲也者以爲固也漆也者以

爲受霜露也

六材之力相得而足

凡取幹之道七柘爲

上櫪次之櫪桑次之橘次之木瓜次之荆次

之竹爲下

鄭司農云櫪讀爲億萬之億爾雅曰柘櫪又曰櫪桑山桑國語曰櫪

籥弧箕

凡相幹欲赤黑而陽聲赤黑則鄉心陽

聲則遠根

陽猶清也木之類近根者奴

凡析幹射遠者用

執射深者用直

鄭司農云執謂形執假令木性自曲則當反其曲以為弓

故曰審曲面執玄謂曲執則宜薄薄則力少直則可厚厚則力多

居幹之道

菑桌不迪則弓不發

鄭司農云菑讀為不菑而菑之菑桌讀為榛栗

之栗謂以鋸副析幹迪讀為倚移從風之移謂邪行絕理絕理者弓發之所從起玄謂栗

讀為裂

凡相角秋綢者厚春綢者薄穉牛之

角直而澤老牛之角紾而昔

鄭司農云紾讀為紾縛之紾昔

讀為交錯之錯謂牛角犄理痰疾險中牛有久病

錯也玄謂昔讀履錯然之錯則角瘠牛之角無澤少潤角欲青白而豐末

裏傷豐大也夫角之本蹙於剗而休於氣是故柔柔

故欲其執也白也者執之徵也蹙近也休讀為煦鄭司農

云欲其形之自曲反以夫角之中恒當弓之

畏畏也者必橈橈故欲其堅也青也者堅之

徵也故書畏或作威杜子春云當為威威謂弓淵角之中央與淵相當玄謂畏讀如

秦師入夫角之末遠於剗而不休於氣是故

隈之隈

肥肥故欲其柔也豐末也者柔之徵也

末之大者

剗氣及

角長二尺有五寸三色不失理謂之

牛戴牛

三色本白中青末豐鄭司

凡相膠欲

朱色而昔昔也者深瑕而澤紾而搏廉

搏園也廉

瑕嚴利也

鹿膠青白馬膠赤白牛膠火赤鼠膠黑

魚膠餌犀膠黃

皆謂煮用其皮或用角餌色如餌

凡昵之類

不能方

鄭司農云謂膠善戾故書昵或作檠杜子春云檠讀為不義不昵之昵或

為黏黏也玄謂檠脂膏肓敗之肓肓亦黏也

凡相筋欲小簡而長

大結而澤小簡而長大結而澤則其爲獸必

剽以爲弓則豈異於其獸

剽疾也鄭司農云簡讀爲擗然登俾

之擗玄謂讀如簡札之簡謂筋條也

筋欲敝之敝

鄭司農云漆嚼之當孰

欲測

鄭司農云測讀爲惻隱之惻玄謂測讀如測度之測測猶清也

絲欲沈

如在水

得此六材之全然後可以爲良

全無瑕病

良善也

凡爲弓冬析幹而春液角夏治筋秋合

三材

三材膠絲漆鄭司農云液讀爲醕

寒眞體

眞讀爲定至冬膠堅內之

檠中定

冰析灑

大寒中下於檠中復內之

冬析幹則易

理滑

致

春液角則合

合讀為洽

夏治筋則不煩

煩亂

秋合

三材則合

合堅密也

寒真體則張不流

流猶移也

冰析

灑則審環

審猶定也

春被弦則一年之事

暮歲乃可用

析幹必倫

順其理也

析角無邪

亦正之

斲目必茶

鄭司

農云茶讀為舒舒徐也目幹節目

斲目不茶則及其大脩也

筋代之受病

修猶久也

夫目也者必強強者在內

而摩其筋夫筋之所由檐恒由此作

摩猶隱也故書

筋或作薊鄭司農云當為筋檐讀為車檐之檐左謂檐絕起也

故角三液而

幹再液

重醪治之使相稱

厚其帑則木堅薄其帑則

需

需謂不充滿鄭司農云帑讀爲襦有衣絮之絮帑謂弓中裨

是故厚其

液而節其帑

厚猶多也節猶適也約之不皆約疏數必

侔

不皆約纏之繳不相次也皆約則弓帑侔猶均也

斲摯必中膠之

必均

摯之言致也中猶均也

斲摯不中膠之不均則及

其大脩也角代之受病夫懷膠於內而摩其

角夫角之所由挫恒由此作

幹不均則角蹴折也

凡居

角長者以次需

當弓之隈也長短各稱其幹短者居簫

恒角而

短是謂逆撓引之則縱釋之則不校

鄭司農云恒讀

為繫絙之絙玄謂恒讀為恒恒竟也竟其角而短于淵幹引之角縱不用力若欲反撓然

校疾也既不用力放之又不用疾恒角而達辟如終繼非弓之

利也

達謂長於淵幹若達於簫頭繼弓韞角過淵接則送矢不疾若見繼於韞矣弓

有韞者為發弦時備頓傷詩云竹韞緄滕

今夫芟解中有變焉故

校

鄭司農云芟讀為激發之激芟謂弓檠也校讀為絞而婉之絞玄謂芟讀如齊人名

手足擊為散之散芟解謂接中也變謂簫辭用力異校疾也

於挺辟中有

柎焉故剽

挺直也柎側骨剽亦疾也鄭恒角司農云剽讀為湖漂絮之漂

而達引如終繼非弓之利

重明達角之不利
變譬言引字之誤

橋幹欲孰於火而無羸橋角欲孰於火而無

燂引筋欲盡而無傷其力鬻膠欲孰而水火

相得然則居旱亦不動居濕亦不動

羸過孰也燂炙

爛也不動者謂弓也故書燂
或作朕鄭司農云字從燂

苟有賤工必因

角幹之濕以爲之柔善者在外動者在內雖

善於外必動於內雖善亦弗可以爲良矣

苟偷

也濕猶生也

凡爲弓方其峻而高其柎長其畏而

薄其敝宛之無已應

宛謂引之也引之不休止常應弦言不罷需也

峻謂簫也鄭司農云

敝讀為下柎之弓末應

蔽塞之蔽謂弓人所握持者

將與

末猶簫也與猶動也發也

為柎而發必

動於綢

綢接

弓而羽綢末應將發

羽讀為扈扈緩也接

中動則緩緩簫應弦則角幹將發

弓有六材焉維幹強之張

如流水

無難

維體防之引之中參

體謂肉之於檠中定

其體防深淺所止謂體定張

維角定之欲宛

而無負弦引之如環釋之無失體如環

負弦辟戾

也負弦則不如環如環亦謂無難易鄭材美
司農云定讀如掌距之掌車掌之掌

工巧爲之時謂之參均角不勝幹幹不勝筋

謂之參均量其力有三均均者三謂之九和

有三讀爲又參量其力又參均者謂若幹勝
一石加角而勝二石被筋而勝三石引之中
三尺假令弓力勝三石引之中三尺弛其弦
以繩緩擐之每加物一石則張一尺故書勝
或作稱鄭司農云當言稱謂九和之弓角與
之不參均玄謂不勝無負也

幹權筋三侔膠三錡絲三邸漆三舛上工以

有餘下工以不足

權平也侔猶等也角幹既
平筋三而又與角幹等也

鈔輕重未聞鍰也邸蚪

爲天子之弓合九而成規爲諸

侯之弓合七而成規大夫之弓合五而成規

士之弓合三而成規

材良則句少也

弓長六尺有六

寸謂之上制上士服之弓長六尺有三寸謂

之中制中士服之弓長六尺謂之下制下士

服之

人各以其形貌大小服此弓

凡爲弓各因其君之躬

志慮血氣

又隨其人情性

豐肉而短寬緩以荼若

是者爲之危弓危弓爲之安矢骨直以立忿

執以奔若是者爲之安弓安弓爲之危矢

言損

羸濟不足危奔猶疾也骨直謂強毅荼其人
古文舒假借字鄭司農云荼讀爲舒

安其弓安其矢安則莫能以速中且不深

故書

速或作數鄭司農云字從速速疾也三舒其
不能疾而中言矢行短也中又不能深

人危其弓危其矢危則莫能以愿中

愿慤也三疾不

能慤而中言矢行
長也長謂過去往體多來體寡謂之夾與

之屬利射侯與弋

射遠者用執夾庾之弓合
五而成規侯非必遠顧執

弓者材必薄薄則弱弱則矢不深中侯不落
大夫士射侯矢落不獲弋繳射也故書與作

其杜子春云當為與往體寡來體多謂之王弓之屬利

射革與質射深者用直此又直焉於射堅宜也王弓合九而成規弧弓亦然革

謂干盾質木椹天子射侯亦用此弓大射曰中離維綱揚觸梱復君則釋獲其餘則否

往體來體若一謂之唐弓之屬利射深射深

唐弓合七而成規大弓亦然春秋傳曰盜竊寶玉大弓大和無爵其次

筋角皆有爵而深其次有爵而疏其次角無

爵大和尤良者也深謂爵在中舍爵若背手

文弓表裏爵合處若人合手背文角環爵牛

筋蕢澣麋筋斥蠖澣蕢臬實也斥和弓澣摩

和猶調也澣拂也將用弓必先調之拂之摩之大射禮曰小射正授弓大射正以袂順左

右隈上一覆之而角至謂之句弓句於三體材

再下一弓也覆猶察也謂用射而察之至猶善也但角善則矢雖疾而不能遠覆之而

幹至謂之侯弓射侯之弓也幹又善則矢疾而遠覆之而筋

至謂之深弓射深之弓也筋又善則矢既疾而遠又深

周禮卷第十二

經三千五百七十四字
注七千二十四字

重雕嘉靖本按宋周禮札記序

鄭氏之學惟三禮爲取精三禮之注惟鄭氏爲取善向來三禮鄭注本合刻者以十六行十七字本爲佳相傳爲嘉靖本是也若宋時三禮合刻之本世鮮傳焉禮記有撫州本儀禮有嚴州本皆覆雕行世周禮獨缺如余竊病焉向聞萬卷堂余氏有單注本在余友顧抱沖家未及借按近於同郡故藏書家見有

紹興閒集古堂董氏雕本後爲壽松堂蔣氏
收得遂假歸校勘多所取正因思刻以傳世
奈字體細小兼多破體取爲家塾課本有所
未宜舊藏嘉靖本字大說目頗宜老眼未有
經注字數其出宋本無疑仿此開雕行款悉
遵而幅式稍狹於經注訛舛之字悉校宋刻
正之董本爲主此外參以家藏之岳本蜀大
字本又借諸家之小字本互注本校余氏本

集腋成裘以期美備至於嘉靖本之獨勝於
各本者其佳處不敢以他本易之存其舊也
此刻係校宋本非覆宋本故改字特多然必
注明以何本改定非妄作也若字之可疑者
仍之而於校語中標出守闕疑之義也刊成
之日附校語一卷以俟讀是書者取證焉嘉
慶戊寅孟冬吳郡黃丕烈識

天宮上

董本

互注本

序官庖人注裹肉曰苞

裹誤在曲禮注云苞苴裹魚肉今據正董

本裹

醯人注豆不盡于醯也

于於古今字經用古字當作于

注用今字當作於本書往往錯互今但更定經文而注中未及悉行訂正識其體例於此

大宰注六曰聽取予以書契

契契誤契董本契今訂正

注周召毛聃

聃誤聃釋文乃甘反字從耳董本聃今訂正

注繫連

綴也

連本作聯聯古字連今字注用今字當作連本書注中作聯甚多今悉訂正

注樛幹栝柏

幹誤幹冬官荆之幹注荆州貢樛幹栝柏此一條誤倒

注以

時入于王府

王誤王此舉澤虞經文今據正

注大神祗

祗誤祗本

書神祇字多誤作祇
敬字董本祇今訂正

小宰經贊玉幣爵之

事

注玉誤王案大宰職經文贊玉幣爵之事彼

色此注云從大宰助王下不更解玉幣者以

有解在前也此當作玉為是岳珂沿革例謂

當作王是惑於注中助王之文而

忘大宰經文矣董本作玉今訂正宰夫注

歲終目周季冬

此句又見大司徒注目皆誤
自案目者指目之辭按勘記

引浦鏜說非是
董本目今據正

宮正注官府之在宮中者

官誤宮今依
經文訂正

注奇邪譎觚非常

邪本作衰注
用今字多作

邪此錯出今訂
正後誤不悉著

膳夫注水漿醴醕醫酉酏
誤醫

醫案酒正注云從
醫從酉今訂正

庖人注犢與麋物成而

充麋誤麋今依經文
訂正互注本麋

甸師注然後炳蕭合

馨香炳誤炳今訂正

腊人注脯非豆實非誤芋董

本非互注同今訂正注主人亦一魚此下誤空三格董

天官下董本互注本

疾醫注五藏所出氣也藏誤臟俗字下注不
誤董本藏今訂正

瘍醫注癰而上生創者癰壞作癰獸醫

注灌以緩之緩誤緩形近董酒正注又禮

器曰

又下空一格董本不空互注本同

漿人注若糗飯雜

水也

飯誤飲董本飯今據正

邊人注鮑者於糗室中

糗乾之

鮑誤飽今依經文訂正

注未食未飲

下未誤末今訂正

醢人經茆菹麋麇

麋誤麇今訂正

注皆以拍為膊

拍誤柏董本拍今據正

注少儀曰麋鹿為菹

又麋為辟

雞

麋誤易今據少儀字作麇董本作麋

鹽人注不

凍治

凍誤凍董本凍今訂正下凍治者凍治之誤同

注鬻水為鹽

鬻誤

鬻互注本鬻今訂正

掌舍注故書桓為柜

柜誤柜互注本柜今

訂正下
誤同

掌次注祭天於圓丘

丘誤兵
今訂正
經朝

日祀五帝

祀誤祝
正注不誤
今訂

注樞上承塵

上誤小
案幕人

注帝坐上承塵又帝在樞
上今訂正董本上互注同

大府注占賣國

之斥幣

幣誤弊案大宰九賦
餘占賣國之斥幣
今據正

玉府注

敦槃類

槃誤盤下注仍作
槃董本槃今訂正

外府經凡祭祀

祀誤祝與掌次經
文誤同今訂正

注其字以齊次為聲

齊誤
齎董

本齊今

職幣注後言振財互文

文誤之本
書注屢言

互文今

經以書揭之

揭誤揭本書多作揭董
本揭今訂正注誤同

司裘注又方制之以爲辜

辜誤辜互注本辜今訂正

內宰注吏祿稟也

稟誤廩祿稟字從稟倉廩字從廩今訂正

注贊

后薦玉盥

盥誤盥今訂正

典絲注計會傳著之

傳誤

傳本書注多言傳著今訂正

縫人注故書嬰柳作接櫝

櫝誤損董本櫝今據正下注誤同

追師注爲之飾

飾誤飾今訂正

屨人注屨自明矣

自校勘記云當作目

夏采注夏

后氏之綏

綏誤綏明堂位注云綏當作綏字之誤是經文夏后氏之綏作綏明

矣今據正注故書亦多作綏者

綏誤綏今訂正

地官上

董本

岳本

互注本

序官牧人注何蓑何笠

蓑誤蓑岳本
今訂正

質人

注主平定物賈

賈誤價俗字胥師注定物賈
司市注物有定賈今據正岳

本賈

橐人女橐注橐讀為犒師之犒

橐皆誤
橐案此

枯橐字非禾橐字橐上聲司農讀犒去聲橐
犒古今字說詳漢讀考岳本作橐今訂正

大司徒注育生也

育本作毓此亦當注用
今字岳本育今訂正

經使之相葬

葬誤葬鄉師注謂葬下棺族
師經以相葬埋誤同今訂正注

賙當為糾

糾誤糾下經糾萬民脩
法糾糾職誤同今訂正

注防姦私

姦誤姦俗字岳本姦今訂正後誤不悉著注目周季冬誤同天官說見前

小司徒經以辨其貴賤老幼癆疾

此卷辨盡作辨

餘亦辨辨錯出案辨通作徧曲禮云辯殽是也又癆疾字與廢興字有別此癆字本作廢

岳本本作辨作經凡起徒役毋過家一人

毋誤今

訂正鄉師注艱阨饑乏也

艱本作難此亦當注用今字下遺人

注艱阨猶困乏仍作艱今據正州長注二千五百家為州

百誤伯本書千百字皆作百不作伯今訂正

黨正注以四孟之

月朔日讀法者

法誤灋此亦當注用今字岳本法今訂正後誤不悉著

經以歲時泣校比

漢讀考云校字當從手旁

族師注杜

子春

子誤于今訂正

鼓人注形如小鍾

鍾誤鐘上編鍾不誤

董本鍾今訂正

注鐸大鈴也

大誤夫董本大岳本同今據正

注帙列

五采繒為之

帙誤帙今依經文訂正

舞師注書或為

翬

翬誤翬說文從羽王聲今訂正漢讀考云此翬字當與上皇舞互易

牧人

注謂副辜候禳

辜誤辜今訂正

牛人經軍事共其

犒牛

犒誤犒今訂正說見序官橐人

地官下

董本

岳本

互注本

載師注亦以口受田如此此按勘記云此當作

疏云如正夫之比可證下注故書漆林為泰如此則士工商仍當作此

林泰誤黍岳本注而置場有瓜場誤場岳本

遺人注故書艱阨作謹阨校勘記云謹當作

同下注司救注園土土誤士岳本調人經

主友之讎眡從父兄弟主誤王董本司

市注百族族誤族經各于其地之敘敘誤叙

泉府注物楬而書之楬誤同天官注元謂

抵實抵字

抵誤抵今依經文訂正岳本抵

司門注造猶至

也

造誤告岳本造今訂正

司關注參相連

連誤聯說見前注

饑荒也

饑誤飢飢是飢餓字今訂正非饑饑字今訂正

注謂無租稅猶

苛察

猶誤循今訂正

注敏關

敏本作叩字岳本敏董本同今據正

掌

節注玉節之制如王爲之

王誤玉案如王亦如王用玉也賈疏

可證此涉上而誤今訂正

遂人注無知貌也

貌本作兒岳本貌今

訂正

遂師注禮記或作搏

搏誤搏岳本搏案搏樞車也今訂正

注抱磨

磨誤磨今訂正下注誤同

遂大夫注政令戒禁

政誤致岳本注皆脩封疆疆誤訂正鄙師經而察

其媼惡媼誤微今訂正鄰長經徙于他邑

徙誤徒岳本稻人經夏以水殄草而芟蕪

之蕪注作夷經山虞注而校其耳校字案

旁手迹人注且害心多也心誤必賈疏謂害

本心岳本角人注骨入漆垸者垸誤浣說

和灰丸而繫也從土完聲灰者謂骨灰也春官巾車注讀為泰垸之泰今據正掌

染草注豕首首誤目豕首見爾雅釋草廩

人注讀爲一扱再祭之扱

一誤壹注亦當用今字今訂正

橐人

橐誤橐說見序官

經掌豢祭祀之犬

此岳本連上誤提行

注不於饌人言者

者誤其岳本者今據正

春官上

董本

岳本

互注本

序官司尊彝注言爲尊之法正

董本正岳本也

大

師注無目眡謂之瞽

眡董本岳本俱作眡釋文眡又作眡或作眡玉

篇眡與瞽同眡瞽同字案眡字見公羊文七年傳眡晉大夫使與公盟疏云用目視之

占人經史二人

二誤一董本二岳本同校勘記云作一誤今訂正

凡以神士者

以士經作仕施人職凡四方之

云作士者從石經

大宗伯注目吉禮於上

目誤自案此目

字當與冬官輶人注目下事目車持任之材同今訂正

注親謂使之相

親附

謂誤者上注謂親者服焉下注謂威其不協是其例也董本謂岳本同今據正

注蓋以四鎮之山為瑑飾

瑑誤瑑案禮器郊特牲大圭不瑑注

瑑當為篆篆瑑同字是鄭君以瑑易瑑明不從瑑矣董本瑑岳本同今據正下注誤同

注出接賓曰擯

本書擯儼錯出

肆師注果築

鬻鬻誤

鬻今依經文訂正

鬱人注百二十貫為築

為字當衍築字

下屬

鬯人注故書瓢作剽

瓢誤剽董本瓢注

照臨弊邑

弊誤幣董本

注王至尊以介為執

致之

執誤摯董本執岳本同行

司尊彝注

加用璧角

璧誤辟岳本

天府注奉猶送也

奉誤秦注中此句屢見皆不誤岳本奉今訂正

典瑞注鎮圭尺有

二寸

圭誤王案冬官玉人鎮圭尺有二寸今據正董本圭岳本同

注瑑有

圻鄂瑑起

上瑑亦誤瑑董本瑑岳本圻今據正冬官輅

人注注口徑二尺

二董本一

注以求地中

誤

所今依大司徒經文訂注諭告之也諭誤喻

正岳本以董本誤同案道右

諭命于從車懷方氏諭德延譽譚人注諭說

諸侯大行人諭諸侯之志注諭言語皆作諭

不作喻今訂正內宗注及命婦哭位位誤王岳本

春宮下董本岳本互注本

大司樂注朔月月半上月誤日禮祭義朔月

樂師注盲者盲誤育小胥注鄭司農說

以春秋傳曰說誤云今訂正大師注而辰

在姬訾姬誤陬爾雅姬訾之注無射長四寸

六千五百

五誤王岳本

注嫌於媚諛

諛誤諛

正今訂

小師注今大予樂官

予誤子

典同

注讀爲甄濯之甄

濯岳本

注叩之無聲

叩誤扣董本

岳本同

鍾師注繁遏執僇也

僇誤僇

典

庸器注設筍虞

筍誤荀今依

箏氏注故謂

之樵

樵董本樵岳本同

眡祲注象者如赤

鳥也

鳥誤鳥大卜注引傳作鳥

大祝注無

絕筋

筋誤筋岳本

注謂犧牲皆有名號

謂誤岳

本謂今訂正 注雞曰翰音梁曰香其雞誤梁誤

小祝經侯禳禱祠之祝號祠誤祀本書禱

今訂正 注賴末長終幅賴誤賴岳本賴今注故

以旗識之案檀弓以下有其字董本岳本

甸祝注禱氣執之十百執誤執岳本巾車

經一曰玉路錫錫誤錫岳本錫今注以鹿夏

皮為覆筭筭誤筭上注作筭注鳴鈴以和之

鈴誤鈴今依經文訂正 岳本鈴 注聲旦驚衆旦誤且互注

典路注雞鳴而駕雞誤車僕注闕車所今訂正

用補闕之車也上闕誤注五者之制及本闕今訂正

萃數萃誤萃岳本萃今訂正此

夏官上董本岳本小字本互注本

序官掌固注王公設險設誤誤岳本設小

橐人注讀為芻橐之橐箭幹謂之橐橐皆誤

考云司農讀橐為橐蓋經作橐從木同地

校人注校之為言校也主馬者必仍校視之官橐人而司農易為橐從禾也今據正

漢讀考云言校校視二校
字皆當從手同地官黨正

譚人注主譚序

王意

王誤主岳本王小

大司馬注書亦或

為憚

憚誤憚漢讀考云司農讀壇為憚以書
有作憚者也案本書注云書亦或為者

不易讀為讀從之字前
後注文可證今訂正

注入曰振旅

旅誤振

小字本同

注治徒庶之政令

庶誤度今據地
官經文訂正岳

本度小注無干車

車誤軍秋官士師注無干
車今據正岳本車小字本

同注以簿書校錄

簿誤薄岳本簿小
字本同今訂正

注皆上

卿為軍將者也

上卿誤止鄉董本上小注鼓
字本同岳本卿今據正

一闕車一轉徒一刺一皆誤壹注枚如箸誤箸

著今司燿注陶冶治誤治注伏在戌上戌誤岳

本戌今訂正服不氏注舉皮以東東誤東岳本

正今訂

夏官下董本 岳本 小字本 互注本

大僕注窆讀如慶封汜祭之汜窆誤窆弁

師注而貫五采玉五誤玉今依經文訂司

弓矢注守城車戰戰誤載今依經文訂注庫

矢庫誤痺涉下而誤

豪人注皆在豪人又

豪人藏之

二豪字皆誤豪漢讀考云字從禾從其所易之字今據正

大

馭注軌為範

軌誤軌岳本軌小字本同今訂正

齊僕注車

逆拜辱

逆誤送今依司儀訂正岳本逆小字本互注本同

校人注

相土作乘馬

土誤士岳本土互注本同今訂正小字本土案古士土不別

圉師注故字

漢讀考云字當作書

職方氏經其川

熒雒

熒誤榮熒字從三火岳本熒小字本同今訂正注誤同

秋官上

董本蜀大字本

序官籀氏注非謂燒所芟草漢讀考云赤

友氏友誤友今訂正銜枚氏注為之繡結於項蜀本

無之字大司寇注王耄荒耄蜀本耗董本同漢讀考云當作旄

注取其堅也蜀本無注大廟之內大誤太蜀本大今訂

正小司寇注孤從羣臣卿大夫校勘記云卿當作鄉

賈疏有釋語注鄭司農云讀書則用法司誤可注

大數民之眾寡寡誤寡今訂正注奉猶進也猶誤酒

注其實鑊水實誤時此覆舉經文士師注今訂正校勘記有說

其桶可言者

桶壞作桶
今訂正

注比其類也

此比當是
之誤

蜀本董本
亦俱作比

注謂增其沃汁

汁壞作汁
今訂正

遂士

注二人而分主一遂

而誤其蜀本而董本同
今訂正鄉士注四人而

分主三鄉方士注四
人而主一方可證

縣士注亦謂縣士也

蜀本無
也字

朝士注五曰路門

曰誤門蜀本
日今訂正

注

然則外朝在庫門之外

朝朝誤廟蜀本
朝今訂正

注加責

取息坐臧

責誤貴案司厲注盜賊臧
加責沒入縣官今據正

司刑

注姦軌盜攘

軌誤軌
今訂正

注此二千五百罪之目

畧也

目字壞今據蜀本補

職金注作槍雷椎搏之屬

搏蜀本搏

司厲注盜賊臧

臧誤臧俗字朝士注取息坐臧今據正

掌戮經髡者使守積

說文髡髮也從髡俗字漢書刑法志作

完今訂正

秋官下

董本

蜀大字本

禁殺戮注攘猶卻也

卻誤卻今訂正下卻獄同

蜡氏注

曲禮

禮下當有曰字此脫

雍氏注穿地為塹

塹誤漸蜀本塹

今訂正

司寤注若今甲乙至戌

戌誤作戌說詳漢讀考

條狼氏注若今卒辟車之爲也

蜀本今下有時字董

本無冥氏經以靈鼓毆之

訂毆誤毆蜀本毆今

穴氏

今穴誤穴訂正

翼氏注則倚其腳

今腳誤脚訂正

柞氏經令刊陽木而火之

而誤以今訂正

赤友氏

誤同序官蜀本友今訂正

大行人注親以禮見之

蜀本親上

有王字

注又攝酌璋瓚而裸

璋誤主旁今訂正

注賓主

之間

主誤王今訂正

注者欲不同

蜀本作嗜慾

注是因通

言語之官爲象胥

蜀本無是字

注謂謂象之有才

知者也

蜀本無知字

注孟子曰諸侯有王

此左氏莊二十

三年傳文作孟子誤

小行人注視館致館

也

視本作眡注當用今字今訂正

注致館於賓

館誤館今訂正後誤不悉

著注告其所為來之事

其誤之蜀本其董注關鈔補同今訂正

橐當為犒

橐誤橐今訂正

經每國辨異之

辨誤辨蜀本辨今訂

正

司儀注冬禮月四瀆

蜀本月下有與字

注西面

北上

面誤南蜀本面今訂正

注推手小下之也

蜀本無之字

注是南宮縚之行也

是誤自今據大戴禮文訂正蜀本是董鈔補同

注推手小舉之

舉字漫滅今據蜀本補

注車逆拜辱者

逆誤迎今依經文訂正

注立當車軹也

蜀本無也字

經致飧

飧誤飧今訂正後誤不悉著

注私面私覲也

蜀本無下私字注鄭

司農說私面

說上本有云字衍文今訂刪

注賓主之前卻

卻誤却今訂正

掌客經再問皆脩

脩誤修岳本脩今訂正後誤不

悉著注稻梁器也

梁誤梁蜀本梁今訂正下黍梁誤同

注禾稾實

并刈者也

稾誤稾今訂正

注十筥曰稭

稭誤稭今訂正下誤同

掌訝經賓入館

館誤館今訂正

朝大夫注主其

國治

國治誤倒此覆
舉經文今訂正

冬官上

董本

宋單注本

余仁仲本

粵無鑄注其鑄斯掇

掇誤掇余本掇釋文注
出斯掇字今訂正

故書筭為筭

又

注筭當為筭

二筭字石經作
筭漢讀考云可

正筭字
之誤

注讀為橐謂箭橐

橐誤橐此禾橐字
引伸為矢幹字今

訂正經陶旃

旃誤旃說文從瓦
聲各本皆誤今訂正

注鄭司農云

輪輿弓廬匠車梓

宋單注本司農下有云字
岳本董闕鈔補本同此脫

今據
補

輪人注菑與爪不相侔

爪誤爪經而
今訂正

漆其二注漆者不漆者

漆誤漆今訂正

注鄭

司農云讀容上屬

云字當衍

注元謂容者

漢讀考云容下

當有

注謂殺輻之數也

董之誤內單注本之

輪

人為蓋經參分弓長而揉其一

本揉誤揉單注

輻揉牙同

輈人注伏兔至軌

軌誤軌今訂正下灋不至

軌誤

攻金之工

石經提行

築氏注鄭司農云

云誤大單注本云

冶氏注箭足入橐中

橐誤

橐今

桃氏注人所握鐔以上也

鐔誤鐔

鳧氏注今衡居一分校勘記云韞人注鞠

則陶字從草校勘記云賈疏述注則注今亦

合二十版二十下誤衍四字宋單注慌氏

經是謂水凍凍誤凍今訂正

冬官下董本宋單注本 余仁仲本

玉人注肉好若一謂之環環誤園今據爾雅

董本注而廣狹焉狹壞作俠余本狹注元謂

鼻勺流也鼻誤鼻注烝臬臬誤臬壞矢人

注謂箭橐中鐵莖

橐誤橐下注同今訂正

注今趣鏃也

今誤今單注本今今訂正

梓人經苟積爾如委

積誤顏今依上

文訂正單注本積董本同

匠人經經涂九軌

軌誤軌今訂正注誤

同下經誤亦同

匠人爲溝洫注畎上曰伐

漢讀考云上當

作土

注其實皆什一

什誤十董本什今訂正

注方里而井

九百畝

井字當重董本有

注年饑

饑誤飢今訂正

注則鼓土

不堅矣

土誤上今訂正

車人之事注櫛斲斤柄

斤董

本車人爲車注故書搏或作搏

搏誤搏釋文徒九反今訂

正

弓人經漆欲測

漆誤漆
今訂正

經鬻膠欲孰

鬻誤

鬻余本鬻
今訂正

經漆三料

漆誤漆
今訂正

重雕嘉靖本校宋周禮札記畢



